

曲

3



南  
西  
廂

目錄

第一齣 家門正傳

第二齣 金蘭判袂

第三齣 蕭寺停喪

第四齣 上國發軔

第五齣 佛殿奇逢

第六齣 禪關假館

第七齣 對謔琴紅

第八齣 燒香月夜

第九齣 唱和東牆

第十齣 目成清醮

第十一齣 亂侶綠林

第十二齣 警傳閨寓

第十三齣 許婚借援

第十四齣 潰圍請救

第十五齣 白馬起兵

第十六齣 飛虎授首

第十七齣 東閣邀賓

第十八齣 北堂負約

第十九齣 琴心寫恨

第二十齣 情傳錦字

第二十一齣 窺簡玉臺

第二十二齣 猜詩雪案

第二十三齣 乘夜踰垣

第二十四齣 回春束藥

第二十五齣 病客得方

第二十六齣 巫姬赴約

第二十七齣 月下佳期

第二十八齣 堂前巧辯

第二十九齣 秋暮離懷

第三十齣 草橋驚夢

第三十一齣 曲江得意

第三十二齣 泥金報捷

第三十三齣 尺素緘愁

第三十四齣 回音喜慰

第三十五齣 詭媒求配

第三十六齣

衣錦還鄉

# 西廂記

明 李日華 箸

## 第一齣 家門正傳

〔順水調歌〕〔末上〕大明一統國。皇帝萬年春。五星聚奎。偃武又修文。托賴一人有慶。坐見八方無事。四海盡歸仁。如此太平世。正是賞花辰。遇高人論心事。搜古今。移宮換調。萬象一回新。惟願賢才進用。禮樂詩文。一腔風月事。傳與世間聞。

〔沁園春〕西洛張生。博陵崔氏。一雙白璧兩南金。寄居蕭寺。無計達佳音。忽遇孫彪作耗。君瑞請兵退賊。當許下成親。豈料功成後。老母背前盟。托紅娘傳密意。遂初心。喜登黃甲。鄭恆何故更相尋。終藉蒲東太守。重諧伉儷。傳說到如今。

老夫人路阻兵圍。

小紅娘書傳簡遞。



崔鶯鶯月下聽琴。

張君瑞春闈及第。

第二齣 金蘭判袂

〔滿庭芳〕〔生上〕遊藝中原。脚跟無線。空教我望眼連天。將棘闈守暖。把鐵硯磨穿。未能穀雲路。鵬程萬里。先受了雪窗螢火多年。男兒志。空雕蟲篆刻。綴斷簡殘編。寵渥重華。先香履素。惟將青白傳家。蕭然囊橐。經史作生涯。座上青氈未穩。空教我愁緒如麻。何時遇嫦娥有意。分付月中華。小生姓張名珙。字君瑞。本貫西洛人也。先人拜禮部尚書。不幸父母雙亡。書劍飄零。風雲未遂。即今貞元壬子二月上旬。欲往京師取應。正當路出蒲關。有一故人。姓杜名確。字君實。他幼時與我同窗。曾爲八拜之交。他棄文就武。遂得武舉狀元。今歸省於家。不免去拜別哥哥。多少是好。〔外上〕

〔菊花新〕獨占熬頭作武元。宮袍新製錦綵雲箋。九重春色滿瑤天。功名遂報國願身先。棄卻文科就武科。熬頭獨占聽傳臚。今朝得遂平生願。方表人間大丈夫。下官姓杜名確。

字君實。幼年與契弟張君瑞同窗。因見國家多事。棄文就武。遂得武舉狀元。今歸省於家。聞知契弟

張君瑞上國觀光。不免送行則個。執事張尙書府中去。〔行介相見介生〕同袍兄弟勝同胞。義氣相投漆和膠。〔外〕恥學時人居要第。回頭不念布衣交。賢弟幾時榮行。〔生〕行囊已治。明日准行。正欲造府拜辭。不意仁兄下顧。〔外〕愚兄今日聞知賢弟上國觀光。特備贐儀些少。更有魯酒一罇。以壯行色。〔生〕情已過佳。何以克當。〔外〕禮貴往來。受之何害。取酒過來。

〔梁州序〕〔外〕垂髻交善。今予弱冠。愧我先叨天眷。送君北上。長安道快着先鞭。趁此桃花浪暖。雷動魚騰。佇看頭角變。綠袍新染惹。御爐烟。烏帽宮花位列先。〔合〕杯惜淺。斟須滿。臨岐無厭頻頻勸。今日別未知甚時見。〔生〕小弟借花獻佛。回敬仁兄一杯。

〔前腔〕〔生〕青燈黃卷。螢窗雪案。昔日同操筆硯。一朝就武。英雄隊裏誇先。坐鎮狼烟永息。塞草青生。二箭天山奠。歸來重聚面。繡筵前。玉屑飛香起笑喧。〔合前末上介〕手捧金書出禁城。果然君命疾如星。天家已定安邊策。特請將軍赴柳營。報事報事。〔見外介末〕只因丁文雅失政。軍校不可紀律。過客寒心。居民喪膽。朝廷特勅老爺爲征西大元帥。

鎮守蒲關。洛陽太守率領所屬官員。俱在皇華驛。俟候老爺到來開讀。〔外〕分付鹵簿儀從。擺列整齊。就來了。〔末〕口傳新將令。去探舊官儀。〔下生〕仁兄賀喜。吾聞君命召。不俟駕而行。

〔前腔〕

〔生〕

請吾兄寶馬先旋。待愚弟灑杯相餞。嘆人生聚散。那得占先。初本是兄來送我。誰想今番彼此成別怨。山河盟誓重。莫留連。民望兄來解倒懸。

〔合前生〕琴童安排酒。與杜太爺賀喜。

〔前腔〕

〔外〕

你不須再整杯盤。且在此斯須留戀。一聞君召。怎敢遲延。只恐馳驅聲斷。琥珀杯乾。兩下情無限。觀光遊上國。正當出蒲關。相見多應三月間。

〔合前末上介〕紛紛鹵簿金光迸。儀從行行盡恭敬。將軍只聞天子宣。小人專聽將軍令。稟爺爺。鹵簿儀從擺列齊整了。〔外〕怎見得。

〔節節高〕

〔末〕

朱杆列綵旛。七星攢。五雲擁出六龍輦。搖千扇。响八蠻。張雙傘。百官手執嚴霜簡。千兵臂挽追風箭。〔合〕纍纍金印笑登壇。男兒果遂平生願。

〔前腔〕

〔外〕

君恩四海寬。賴包含。微臣何幸蒙天眷。多慚赧。拯國難。驅民患。頓

令草賊寒心膽。從教民堵如初案。〔台前〕

〔尾聲〕〔生〕兄膺武略當西戰。〔外〕弟向文場鏖戰。各要與皇家撐持半壁天。

琴劍上京華。

寧辭道路賒。

學成文武藝。

貨與帝皇家。

### 第三齣 蕭寺停喪

〔末上〕一夜霜風凋玉芝。蒼生失望士林悲。空懷濟世安民略。不見男婚女嫁時。小人崔相國府中院子是也。俺相公棄世。老夫人扶柩回歸博陵。豈料風塵道梗。不能前進。此間普救寺長老法本。乃是俺老相公剃度的。又是鄉親故舊。因此借寺側西廂下。暫且避亂停喪。家眷只有小姐鶯鶯。年方一十八歲。舍人歡郎。纔學讀書。未諳家事。老夫人治家嚴肅。不用雜人。外事只有老僕。內有侍妾紅娘。近今時世惡薄。不免在此照管。道猶未了。夫人早到。〔老旦上〕

〔金瓏璫〕博陵尋故壠。何時可卜佳城。經此地嘆伶仃。〔貼上〕風塵迷淚眼。雲樹隔歸程。〔淨上〕妳妳。你愁鬢漸星星。〔鷓鴣天〕〔老旦〕憶昔夫君在省臺。商家鼎鼐用鹽梅。

金蓮燃夜歸書院。玉珮朝天上殿階。登極品。列三台。紫泥封誥玉箋裁。〔淨〕如今骨冷家鄉遠。母子飄零事可哀。〔老旦〕紅娘。如何不見小姐。叫他出來。〔貼〕小姐有請。〔旦上〕

〔前腔〕窮愁何日盡。靈臺無種偏生奴。自省少曾經。曉來扶病起。消瘦步難行。有召出幃楹。〔見介老旦〕孩兒。你爲何垂鬟接黛。雙臉銷紅。〔旦〕母親。迢遞扶喪出帝州。思親懷

土淚盈眸。那堪草動風塵起。難數重重疊疊愁。〔老旦〕孩兒。你父親在日。執掌朝綱。誇一時之富貴。如今停喪旅邸。受無限之淒涼。好生傷感人也。

〔黃鶯兒〕〔老旦〕夫主喪京中。守孀居途路窮。娘兒孤苦誰承奉。淒涼萬種。關山幾重。恨不能扶柩歸先壠。〔合〕梵王宮。重門半掩。血淚灑杜鵑紅。

〔前腔〕〔旦〕無語背東風。望河中路未通。玉容消瘦緣愁重。椿庭命終。萱堂運窮。嘆一家飄泊誰堪共。〔合前〕

〔琥珀貓兒墜〕〔貼〕今來古往。富貴事難同。興廢渾如一夢中。停喪蕭寺且從容。〔合〕悲痛。須有日還鄉。再整家風。

〔前腔〕〔淨〕當初從宦。快樂實無窮。不意先君祿命終。扶持旅櫬寓蒲東。〔合前

老旦〕孩兒。我有兩件事與你說。汝父存日。將你許與侄兒鄭恆。以此附書回去。着他來搬喪就親。

至今尚未見到。如今停喪在此。待要修齋做些法事。追薦你父親如何。〔旦〕父親忌日將臨。正宜追薦纔是。〔老旦〕紅娘。你去對長老說。消取好日。做些功果。追薦相公便了。〔貼〕只有一件。老相公在此停喪。雖無金槨銀棺。也有珠襦玉匣。如今薦拔幽魂。不若早歸安厝。

終南玉盃出塵沙。

千載魂驚塞外笳。

爭似鐵腸賢內相。

只將青夢托梅花。

#### 第四齣 上國發軔

〔齊天樂〕〔生上〕遠慕功名辭故里。獨攜琴劍驅馳。學海文林。花街柳陌。可愛風光如昔。雲霄萬里吐虹霓。穩步雲梯。高攀月桂。芳名應許。達京畿。陰極陽生萬里春。東風紫陌動芳塵。幽棲不達長安道。野外山花也笑人。小生昨日已分付琴童。收拾行李。上京取應。不知完備未曾。琴童那裏。〔丑上〕

〔水底魚兒〕聽叫琴童兩脚走如風。慌忙來到呀。原來是家主公。琴童生得青標。

每日街上擺擺搖搖。日間跟隨官人出入。夜間與官人撒腰。昨夜與官人同睡。渾身上下把我一澆。

我只道葫蘆裏放出的水。官人原來是個老瓢。〔見介〕官人有何分付。〔生〕琴童。琴劍書箱完備未

曾。〔丑〕俱已完備了。就請官人起程。

〔步步嬌〕〔生〕打疊行囊登程去。暫且辭鄉里。長亭復短亭。峻嶺崇山。半吞雲氣。黃鳥隔林啼。可愛他聲流麗。

〔江兒水〕〔丑〕芳草迷行騎。飛花點客衣。禁烟時節多風雨。古木陰中扁舟繫。數聲漁笛悠揚起。勾引離人情緒。遙望皇都。縹緲在五雲深處。〔生〕迤邐行來。不覺

早到城市。琴童。尋一個潔淨客店安下。〔丑〕前面黑樓房裏。想是一所店房。待我叫店主人出來。〔叫

介末上〕門徑多瀟灑。鋪陳色色新。廣招天下客。遠接四方人。生末見介末。官人到此何幹。〔生〕特

來借宿。〔末〕若要安歇。請裏面去。〔生〕琴童。你與店主人講一講。〔丑〕店官。你這裏那幾等房。〔末〕

有三等房。〔丑〕那三等房。〔末〕上中下三等房。〔丑〕上房要多少錢。中房要多少錢。下房要多少錢。

〔末〕上房一月一兩五錢。中房一兩。下房五錢。〔丑〕成不得。官人。我前者歇了一夜。只用得三錢銀子。他家下房就要五錢。〔末〕不是下等的房。〔丑〕我只道你家下一個房要五錢。〔末〕官人吃酒飯麼。〔生〕適纔得過了。〔末〕這等晚上喫罷。〔生〕店主人。天色尙早。此間可有遊翫去處麼。〔末〕官人是讀書君子。料不到花街柳陌中去。生然也。〔末〕此間有一所寺院。乃武則天娘娘香火院。甚好遊玩。〔生〕怎見得。〔末〕但見三層經閣。百尺鐘樓。如來殿高聳青雲。舍利塔直侵霄漢。紅椒粉壁。白玉欄杆。砌階石瑪瑙琢成。乘棟柱沈檀刻就。綠楊影裏。一座山門。泥金牌上。六個大字。勅賜普救禪寺。本寺一老僧。名爲法本。善於詩賦。過往士夫無不相訪。〔生〕旣如此。且去隨喜一番。〔末〕他有一徒弟。名爲法聰。一應往來士客。都是他迎接。見他。可見法本。〔生〕琴童在此安頓行李。我去一會就來。

隨喜閒行到上方。

紅塵市井覓清涼。

若還得遇高僧話。

偷卻浮生半日閒。

## 第五齣 佛殿奇逢

〔光光乍〕〔淨上〕假持齋做長老。經卷那曾曉。每日喫葷腥常醉倒。真個快活。



無煩惱。小僧法聰是也。師父赴齋不在。倘有遊客往來。只得在此等候。〔生上〕

〔菊花新〕未臨科甲暫稽程。旅況淒涼動客情。蕭寺獨遊行。歷遍名山勝境。

〔相見介淨〕先生何來。〔生〕小生西洛至此。久聞上刹清雅。一來瞻仰佛像。二來拜謁長老。〔淨〕我師父不在。方纔辦了八個盒子。望丈母去了。〔生〕出家人那得有丈母。〔淨〕徒弟家裏去了。〔生〕這一個纔說得是。〔淨〕請方丈內獻茶。〔生〕既是尊師不在。不必賜茶。敢煩首座引領。佛殿上瞻仰一回。

〔淨〕請坐。奉一杯清茶。待小僧叫道。人取鑰匙來開門。〔坐介生〕久聞尊師善於詩賦。特來請教。豈知不遇。倘有詩稿。請借一觀。〔淨〕我師父鎖了書箱去了。小僧記得前者與師長聯得一首詩。念與先生聽。煩乞筆削一筆削。〔生〕願聞。〔淨〕我師父說道。獨坐禪房靜。忽然覺動情。我說師父休得出此語。窗外有人聽。我師父說。出家皆如此。休要假惺惺。開了聰明孔。好念法華經。〔生笑行看介淨〕先生。這是大雄寶殿。

〔忒忒令〕〔生〕隨喜到僧房古殿。〔淨〕上寶塔看一看去。〔生〕不必上去了。只在下面看一看罷。瞻寶塔將迴廊繞遍。〔淨〕這是羅漢堂。〔生〕參了羅漢。拜了聖賢。〔旦貼上貼〕

小姐我與你佛殿上去耍一回。〔行介貼〕這是三世佛。〔淨〕先生這是法堂。〔生〕行過法堂前。〔見旦介生〕正撞着五百年風流孽冤。〔淨〕張先生放尊重些。

〔園林好〕〔旦貼〕偶喜得片時稍閒。且與你尋芳自遣。那鸚鵡在籠中巧囀。聽得有人言。只索要自回還。

〔前腔〕〔生〕首座我顛不辣兒了萬千。似這般龐兒罕見。只着人眼花撩亂口難言。他掩映並香肩。〔貼〕姐姐。你看好一朵花兒。〔旦〕真個好朵花兒。〔貼〕這是鐵梗海棠。〔生〕他止將花枝笑撚。

〔皂羅袍〕〔貼〕笑折花枝自撚。惹狂蜂浪蝶。舞翩翩。幾番要撲展齊紈。飛向錦香叢裏。教我尋不見。被燕啣春去。芳心自斂。怕人隨花老。無人見。憐。臨風不覺增長嘆。〔淨〕先生這裏是梵王宮。不是相思堂。

〔江兒水〕〔生〕這裏是兜率院。休猜做離恨天。你看他宜嗔宜喜春風面。弓樣眉兒新月偃。未語人前先靦腆。卻便似嚦嚦鶯聲花外囀。解舞腰肢。似垂柳風前。

嬌軟。

〔皂羅袍〕〔旦貼〕行過碧梧庭院。步蒼苔已久。溼透金蓮。紛紛紅紫鬪爭妍。雙雙瓦雀行書案。燕啣春去。芳心自斂。人隨花老。無人見憐。把輕羅小扇遮羞臉。

〔貼〕小姐。佛殿上有人。和你回去罷。〔旦〕寂寂僧房人不到。滿階苔襯落花紅。〔旦貼下生〕首座。

曾見觀音出現麼。〔淨〕小僧在此出家多年。不曾見觀音出現。〔生〕適纔面前走的是觀音。後面

跟的不是善才。〔淨〕先生。你錯認了。那前面走的是崔相國府中鶯鶯小姐。後面跟隨的是侍妾紅

娘。〔生〕世上怎麼有如此之女。豈非天姿國色乎。休說他那模樣。只那一雙小腳兒。值一百兩黃金。

〔淨〕先生。他那雙小腳兒。值一百兩黃金。我這一雙大的。值一千兩。〔生〕你好不知趣。〔淨〕先生。那小

姐穿着繞地長裙。怎見得他腳兒小。〔生〕你出家人那曉其中趣來。〔引淨看介生〕你看這蒼苔上

的不是。〔淨〕還是讀書人聰明。果然一雙腳跡大些。一雙兒小些。只有三寸三分。

〔川撥棹〕〔生〕若不是襯殘紅。芳徑軟。怎顯得步香塵底樣淺。休題他眼角兒

留情。只這腳蹤兒。將心事傳風。斃了張解元。似神仙歸洞天。〔內云〕紅娘。把西廂

門關上了。

〔前腔〕〔生〕門掩梨花深小院。粉牆兒高似青天。粉牆兒高似青天。〔淨〕他去遠了。〔生〕玉珮聲漸漸遠。空教人餓眼望將穿。空教人餓眼望將穿。怎當他臨去秋波那一轉。首座休說小生。便是鐵石人情意牽。

〔尾聲〕東風搖曳垂楊線。遊絲牽惹桃花片。爭奈玉人不見。將一座梵王宮疑是武陵桃源。十年不識君王面。始信嬋娟解誤人。小生便不去應舉也罷。〔轉身介〕敢問首座。有空閒房屋。乞借半間。早晚溫習經史。房金依例奉上。〔淨〕先生空房雖有。貧僧焉敢自尊。待老師父回來。對他說方可。〔生〕既如此。小生明日又來。煩首座在尊師處竭力贊助爲幸。〔淨〕當矣當矣。

花前邂逅見芳卿。

頻送秋波似有情。

便欲禪房尋講習。

無心獻策上神京。

## 第六齣 禪關假館

〔玩仙燈〕〔末上〕一卷楞經。消盡萬千磨障。貧僧法本是也。乃普救寺住持。此寺是武則天

娘娘蓋造的香火院。小僧又是崔相國剃度的。殿宇年深。又是崔相國修造的。今老夫人將帶一行家眷。扶柩回轉博陵。因見四方干戈擾攘。路阻難行。來借寺側西廂。停喪避亂。待路途寧靜。方回安葬。那夫人處事有方。治家嚴肅。是是非非。人莫敢犯。昨日老僧赴齋不在。不知有何訪客。法聰那裏。

〔淨上見介末〕昨日曾有客來相訪麼。〔淨〕昨日有個先生。是西洛人氏。來訪師父。因你不在。就去說了。說今日還來探望。〔末〕來時通報。〔生上介〕

〔前腔〕一見嬌娥。止不住心猿意馬。小生昨日見了那小姐。教俺坐臥不安。整整想了一夜。若無法聰在傍。那小姐到有顧盼小生之意。今日去問長老。借一間僧房。早晚溫習經史。倘遇小姐出來。飽看一回。多少是好。

〔駐馬聽〕不做周方。埋冤法聰和尚。借與我半間客舍。與那多情舉止相向。雖不能竊玉偷香。且將盼行雲雙眼來打當。小生自見那小姐之後。迤逗腸荒。斷送得眼花撩亂。引惹心忙。〔生見淨介生〕日昨多擾。〔淨〕有慢有慢。先生好志誠。〔生〕昨煩借重一

言。未知曾爲導達否。〔淨〕已曾對師長說知了。先生請坐。待我請師長出來。我師長年紀大了。有些

重聽。稍停相見。須高說些。〔生〕知道了。〔淨〕師父有客。〔末〕出見〔淨〕便是昨日來訪的先生。他有些耳聾的。〔末〕曉得了。〔生〕末見〔淨〕諱介末。遠蒙垂顧到禪關。一笑相逢邂逅間。冷淡家風殊不厭。焚香清語莫空還。日昨多蒙下顧。行失迎迓。恕罪恕罪。〔生〕久仰慈顏。今得拜識。不勝榮幸。〔末〕不敢動問。先生仙鄉何處。

〔四邊靜〕〔生〕太師欲問吾名望。張珙住洛陽。〔末〕張先生。失敬失敬。令尊府大人高壽了。〔生〕先人拜尙書。不幸五旬喪。〔末〕令尊大人辭世之後。必有所遺。〔生〕平生正直無偏向。止留下四海一空囊。何曾有餘藏。小生特備白金一兩。聊爲常住一茶之用。〔末〕先生客滯。何勞尊賜。先生此來。必有所請。〔生〕小生不揣。有懇爲嫌。客邸冗雜。早晚難以溫習經史。欲借禪房一間。晨昏可以聽講。〔末〕貧僧開房頗有。任從選擇。

〔前腔〕雲深地僻無人往。何幸君相訪。草木盡增光。傾蓋當瞻仰。欲掃小房。晨昏奉養。斗室不堪容。暫住我方丈。〔生〕背介。這和尚好不着人。誰要與你同寢。〔貼上〕

〔前腔〕夫人使妾來方丈。修齋薦先長。方丈中坐下一位官人。他舉止更端詳。一貌

出天相。玉容烏帽。身披鶴氅。且住。先見那官人長老怪。先見長老官人怪。我紅娘自有道理。自

古道。先敬其賓。後敬其主。〔貼上前作見生介〕歛衽見官人。〔見末介〕整袂啣和尙。長老。

我曉承嚴命出蘭房。齋沐身心到講堂。爲問良因何日好。要修佛事薦先亡。老夫人着我問長老。幾

時好與老相公做道場。好回夫人話。〔末〕張先生少待。我與紅娘姐看了道場。再來陪坐。〔生〕便挈

小生同往。有何不可。〔末〕如此。先生同行。〔生〕長老。他是個女娘家。着他先行。小生隨後。〔末〕法聰。

這先生是個誠篤君子。〔淨〕怎見得。〔末〕他說那紅娘姐是女娘家。着他前行。小生隨後。〔淨〕師父

你不識人。他讓紅娘姐在前邊走。一發看得他仔細。〔引看道場介末〕紅娘姐回覆夫人。擇定二月

十五日修齋。至期請夫人小姐拈香。〔生〕爲何小姐也來拈香。〔末〕這崔相國小姐最孝。爲報生身

父母之恩。又是老相公忌日。因此修設齋事。〔生哭介〕哀哀父母。生我劬勞。欲報深恩。昊天罔極。那

小姐是個女流。尙且有報親之意。小生湖海飄零。數年沒一陌紙錢報俺父母。望長老以慈悲爲念。

小生亦備經資。怎生帶得一分兒齋。附薦俺父母。以盡人子之心。便老夫人知道也不妨。〔末〕先生

既有孝心。法聰與他帶一分齋罷。〔生〕那小姐二月十五准來。〔末〕爲報生身父母之恩。怎麼不

來。〔生〕書介。這五百貫鈔使得着了。小生告回。取行李便來。〔末〕少停拱候。〔生〕下末。法聰請小娘兒方丈內拜茶。〔貼〕長老免賜茶罷。恐老夫人怪妾回遲。就此告退。〔末〕下貼欲下二和尚送人事介。〔生上〕小娘兒拜揖。〔貼〕方纔見過了。〔生〕敢問小娘兒莫非鶯鶯小姐侍妾乎。〔貼〕便是。何勞先生動問。〔生〕小生有一句話說。〔貼〕言出如箭。不可亂發。一入人耳。有力難拔。你有話就說。不可隱諱。

〔鎖南枝〕〔生〕尙書子白面郎。〔貼〕原來是宦家公子。失敬了。〔生〕姓張名珙住洛陽。二十二歲正年芳。正月十七子時養。〔貼〕我又不是算命先生。誰問你生辰八字。〔生〕小生並不會娶妻。告小娘作主張。敢問小姐常出來麼。〔貼〕出來便怎麼。〔生〕若是見鶯鶯和他訴衷腸。〔貼〕怒介。先生你是讀書之人。全不知禮。豈不聞孟子云。男女授受不親。禮也。瓜田不納履。李下不整冠。既讀孔聖之書。必達周公之禮。俺老夫人雖是孀居。治家嚴肅。內無應門五尺之童。年至十二三者。非呼喚不敢輒入中堂。向日鶯鶯小姐潛出閨門。老夫人竊知。召至庭下。責之曰。汝爲女子。不告而出。倘遇遊僧過客。私相窺視。豈不自愧。小姐立謝曰。今當改過自新。不敢再犯。他是



親生之女。尚且如此。何況以下侍妾乎。先生。你不干己事。何苦用心。

〔前腔〕不度己。不忖量。溫柔體質。情性良。尚書相府舊門牆。誰許伊來胡廝講。早妾身。恕你行。若是見夫人。決不肯干讓。呸。好不識羞的涎臉。〔下生〕這相思害殺我也。〔前腔〕聽說罷。心悒怏。一天愁恨撮在眉尖上。適間紅娘說夫人節操凜冰霜。小姐不合臨去回頭望。花解語。玉吐香。乍相逢。記不真他俏模樣。

〔前腔〕夫人忒過慮。小生空妄想。郎才女貌合相做。小姐休得淡了眉兒那時節。思張做。金蓮小。玉筍長。我待不思量。教我怎撇漾。

小姐撇下一天丰韻。

張琪拾得萬種思量。

成就了會温存嬌媚。

怕甚麼能拘管親娘。

### 第七齣 對謔琴紅

〔臨江仙〕〔丑上〕東人自識桃花面。尋消問息胡纏。侯門迢遞隔重簷。要見嬋

娟。難見嬋娟。爲憐寺裏傾城色。忘卻天邊桂子香。俺官人前日因見崔相國家小姐。就起求配之

心。未知他曾許人否。着我見機而作。候他家侍妾出來。討個消息。遠遠望見一個丫鬟。想是他來了。待我又哭又笑。看他如何。〔丑〕作哭笑介。貼上。白雲本是無心物。又被春風引出來。奉老夫人嚴命。問長老修齋日期。須索回報。〔丑〕撞貼介。這廝敢是失心風的。如何又哭又笑。〔丑〕又哭又笑。見你就要。不知我哭老。大一個家主走出來不見了。我笑沒尋他處。〔貼〕莫不是適纔方丈中見那一個秀才嗎。〔丑〕好了。你若見他。有下落了。且問你。我官人怎麼模樣。〔貼〕你官人像一個青蛙。〔丑〕怎麼像青蛙。〔貼〕你官人像青蛙。蛙欠平身站。未跳龍門先跳澗。蛇頭蛇腦得人憎。昨日你官人見俺小姐。光着眼兒看。〔丑〕果然是你小姐。豔色驚人目。我官人像了青蛙。你小姐也像一件東西。〔貼〕像一位夫人。〔丑〕你家小姐像個蠶蛾。〔貼〕怎麼像蠶蛾。〔丑〕那蠶蛾。那蠶蛾。紅紅口。撲着粉兒眉。畫柳。想他無對要尋頭。昨日見俺的官人。只把屁股扭一扭。〔貼〕果然是俺小姐。灑落風流。〔末〕扮道人上。禪遠紅塵當閉戶。犬穿籬落吠驚人。你兩人在此何幹。〔貼〕我問長老修齋日期。〔丑〕我來尋主人。〔貼〕長老如何不見。〔末〕悟空入定去了。〔丑〕如何爲悟空入定。〔末〕空即是色。色即是空。〔丑〕怎見得。〔末〕香消南國美人盡。此乃色即是空。怨入東風芳草多。此乃空即是色。〔丑〕俗

人之樂。與你出家人不同。〔末〕如何不同。〔丑〕我俗人喫些酒肉。風花雪月。耍樂之色。你出家人。豆腐麵筋。粗茶淡飯。乃閉塞之塞。〔末〕怎見得耍樂。〔丑〕白玉盤中買快。〔貼〕紫絨氈上鋪牌。〔末〕何不道明譜氏。〔貼〕我也曉得鋪牌名色。我說與你聽着。〔丑〕也罷。我就和你賭一賭。老道。你就做個中間人。〔末〕中見人。〔丑〕他若說得我過。我就輸與他做老公。他若說我不過。他就輸與我做老婆。〔貼〕煩老道做個明甫。他輸與我做兒子。我輸與他做娘。〔丑〕我願意與你做兒子。〔末〕休要取笑。就將骨牌名說來。〔丑〕是誰起。〔末〕還是紅娘姐起。〔丑〕他若起是我收。〔貼〕賭賽推班出色。鋪牌點數搜求。傾國傾城。一笑千金不賣。閒風閒月。多情百計難留。如花開蝶滿枝。春容濃豔。紫燕穿簾幕。體態輕柔。俺小姐一錠墨光搖兩鬢。八珠環巧掛雙鉤。錦裙攔束斷么。一枝花瘦。鴛鴦被鋪疊勝。半撮香浮。桃花柳葉簾籠景。金菊芙蓉枕簟秋。春分晝夜停。何曾惹恨。落花紅滿地。料不關愁。九溪十八洞。〔丑〕十九洞。〔末〕你輸了。十八洞怎麼說十九洞。〔丑〕老道你好不知趣。這個丫頭生得好。便多動了一動待何如。〔末〕如今你來。〔丑〕誰知擾攘。天圓地方。此處淹留。好似賓鴻中彈。渾如索纜孤舟。天念三開中數算。奪錢五路上搜搜。老道。作成你。〔扯末丑介〕好似公領孫。〔丑〕這等。你是

他的孫子媳婦了。〔貼〕斷送了五星三命。雙脚搗恨不到頭。正馬軍。拘馬軍。番成禍患。醉楊妃。醉西施。恨滅風流。三十三天雨散。巫山十二雲收。雙蝶戲梅梅上月。二龍入海海中求。寒雀爭梅擾亂。羣鴉噪鳳胡謔。二士入桃源。你官人探花不滿三十。〔丑哭介〕我輸了。隨你去做老公罷。〔末〕卻原來你輸了。〔丑〕我偏要說過你。相劈誇強。推班出色。你相國一靈悲絕六。俺家書生三策抱孤紅。二十四氣在乎人和。弄得你雪消春水。本乎天地。三斗混雜。開蘇秦背劍之匣。你小姐五嶽朝天。俺官人顯將軍掛印之雄。失時兮折脚雁。雁啣珠。不若霞天之雁。得時兮秃爪龍。雙龍尾。總爲入海之龍。十月應小春。漸近觀燈十五。二郎遊五岳。肯教老人花叢。佳人有意。合着油瓶蓋。做個魚遊春水。怕紅粉無情碎米合。把你小姐劈破蓮蓬。櫻桃九熟。狗煉丹。〔末〕錯了。火煉丹。〔丑〕你這老道面也不會見。丫頭也沒有見。火煉丹。一時之僥倖。狗煉丹。成日煉了去。〔貼〕不是火煉丹。〔丑〕天地交泰。鍾馗抹額。八不就。楚漢爭鋒。我官人正擅。你小姐拘擅。劍行十道。鞋弓窄窄。分廂合廂。火燒梅。暖氣烘烘。揉碎梅花帳外。踏梯望月牆東。賣俏斜瞧格子眼。藏羞半掩錦屏風。孩兒十園中作耍。二姑把虱。你這丫頭忙裏趕騷。〔末〕你兩人爭豪競貴巧鋪牌。不及禪心一寸灰。雪月風花尋笑耍。兩家休作

是非堆〔貼〕這廝班門弄斧。誰不知窮伴儻。單身一條光棍。〔丑〕這臭了頭。響嘴兩片精皮。〔末〕你兩人不必論口。各回去罷。

打點齋筵食物。

莫教缺少煎熬。

精皮拿去包餡。

光棍與你搯椒。

### 第八齣 燒香月夜

〔菊花新〕〔旦上〕描罷鴛鴦離繡牀。不知門外又斜陽。移蓮步出蘭房。情默默。

意洋洋。柳依臺榭東風暖。花壓欄杆春晝長。早上老夫人使紅娘問長老修齋日期。如何不見回報。

〔貼上〕方纔回了夫人話。特來見小姐。〔見介〕長老擇定幾時修齋。〔貼〕已擇二月十五日。請

小姐拈香。〔貼笑介〕這妮子爲甚好笑。敢是戴得花兒不好。〔貼〕不是。〔旦〕穿得襖兒不好。〔貼〕

也不是。姐姐。我若說。連你好笑起來。〔旦〕你且對我說着。〔貼〕便是前日在佛殿上撞見那個秀才。

今日也在方丈裏。因見我到。先到寺門前等候。我出來深深作個揖。〔揖介〕這妮子癡了。〔貼〕我

不癡。學與小姐看。他問我小娘子莫非鴛鴦小姐侍妾乎。我說便是。何勞動問。他又說是

〔鎖南枝〕尙書子白面郎。〔旦〕原來也是宦門之子。〔貼〕姓張名珙住洛陽。〔做想介〕二十三歲正年芳。正月十七子時養。〔旦〕誰着你去問他。〔貼〕誰去問他。他還說小生並不會娶妻。又問小姐常出來麼。我說便出來怎麼。他說告小娘作主張。若是見鶯鶯和他訴衷腸。〔旦〕你怎麼回話他。〔貼〕當時被我比長就短。搶白了一場。我自來了。不知他想着那朵雲內的雨。世上有這等不識羞的涎臉。〔旦〕他是讀書人。紅娘你不要搶白他也罷。此事只可你知我知。不可對老夫人說知。〔貼〕曉得。〔旦〕天色將晚。安排香桌。到後花園中燒香去。

若要萱堂增壽考。

全憑早晚一爐香。

### 第九齣 唱和東牆

〔生上〕閒尋丈室高僧話。悶對西廂皓月吟。前日小生與法本借一間空房。已曾移來住下。打聽得衆和尚每說。鶯鶯小姐每夜在後花園中燒香。小生今夜先去太湖石畔牆角邊立下。待他來時聽他祝告甚麼。我且攀住柳梢。飽看一回。卻不是好。你看月朗風清。是好景致也。

〔素帶兒〕良宵靜。玉宇無塵。月滿庭。閒階上一樹牡丹花影。思省。俺可憎。比月

殿嫦娥不恁撐。廝僥倖。那小姐生得齊齊整整。孃孃婷婷。〔貼上介〕香燭已完備了。請

小姐拈香去。〔旦上介〕古來好事難成。惟願天從人意。〔貼〕小姐。你看月明星朗。其實好景致也。

〔昇平樂〕〔旦〕分明樓臺掩映。問嫦娥爲何常夜孤另。青天碧漢。不知幾許心

情。〔貼〕畢竟是誰還向月中行。料應與此心相等。畫欄幽徑。潛潛隱隱。悄悄冥

冥。〔旦〕紅娘將香桌移過太湖石畔去。〔貼移桌生窺介〕料想春嬌厭拘束。等閒飛出廣寒宮。花生兩

臉。體露半襟。垂翠袖以無言。展湘裙而不語。似湘陵仙子。斜倚舜廟珠屏。如月殿嫦娥。半現蟾宮金

闕。是好女子也。聽他祝告甚麼。〔旦拈香介〕此一炷香。願亡過先人。早昇仙界。此一炷香。願堂上老

母。身安無事。此一炷香。但願〔做不語介貼〕姐姐。兩炷香都祝告了。第三炷香如何不祝告。我替姐

姐祝告了罷。〔貼跪祝介〕老天。願姐姐早尋一個姐夫。帶挈紅娘快活一快活。〔旦拜作長吁介〕心

中無限傷心事。盡在深深兩拜中。

〔素帶兒〕〔生〕娉婷百媚生。比那初見呵。龐兒越整。蒼苔上料應小腳兒難行。盈

盈體態輕。羅袂生寒。心自驚。空覩定。只爲他離多會少。有影無形。小生雖不及司

馬相如。那小姐頗有文君之意。我且歌一絕。看他何如。〔念詩介〕月色溶溶夜。花陰寂寂春。如何臨皓魄。不見月中人。〔旦〕紅娘。是誰在牆角邊吟詩。〔貼〕這聲音便是二十三歲不曾娶妻的涎臉。〔旦〕好清新之詩。我也依韻和他一首。〔貼〕你兩下裏正好做一首。〔旦〕做一首詩。有了。〔貼〕面也不會會。就有了。〔旦〕賤人。詩有了。〔貼〕我只道那話兒有了。〔旦吟詩介〕蘭闥久寂寞。無事度芳春。料得行吟者。應憐長嘆人。〔生〕是應酬得好快。謝和韻了。

〔昇平樂〕〔貼〕空庭香霧冥冥。向西廂曲欄杆外閒凭。竹梢月轉。早不覺斗柄雲橫。〔旦〕傷情。起來花下拜三星。白日裏枉耽愁病。〔貼〕夫人有命。及早回去了罷。〔旦〕謹依來命。更長漏永。月朗風清。正是酒逢知己飲。詩向會人吟。〔旦貼並下生弔場介〕

〔二翦梅〕度柳穿花宿鳥驚。目斷芳卿。只教人盼不見芳卿。畫堂朱戶冷清清。病染張生。怎發付小生。

〔簇御林〕小姐。你的新詩句忒應聲。訴衷腸真可聽。一言一字都相應。語句又輕。音律又清。崔鶯鶯不愧爲名姓。他若與小生到天明。隔牆酬和。惺惺的惜惺惺。



〔前腔〕簾垂下戶已扁。顫巍巍花弄影。落紅如雨埋芳徑。燈兒又不明。夢兒又不成。房兒中寂寞。衾兒冷。淅零零。風兒透入。窗兒上紙條鳴。

〔琥珀貓兒墜〕隔簾斜月偏照短檠燈。便是鐵石人心也動情。玉人何是忒聰明。鶯鶯多應是你無緣小生薄命。

〔前腔〕何時能殼錦片美前程。柳映花遮雲錦屏。巫山雲雨夜三更。張生不知是我無緣那人薄命。

〔尾聲〕一天好事從今定。一首詩分明照證。有一日華堂春自生。

東風嫋嫋泛崇光。

香霧空濛月轉廊。

燕子樓頭楊柳月。

今宵只恐夜深長。

### 第十齣 目成清醮

〔光光乍〕〔末淨丑上〕和尚出家。身上掛袈裟。有人請我修功果。真個快活光光乍。〔末〕徒弟。今乃二月十五日。啓建道場。鋪設壇面。揚旛擊磬。說法誦經。等待老夫人小姐拈香。就去。

請張先生拈香。〔隨意做道場介衆〕張先生來了。〔生上〕

〔掛眞兒〕梵王宮殿月輪高。碧琉璃瑞烟籠罩。斷續鐘聲。飄揚幡影。頃刻檀那都到。法本長老請小生拈香赴齋。你看衆和尚早已在此做法事了。

〔駐馬聽〕法鼓金鐃。二月春雷響殿角。鐘聲佛號。如風雨一天密灑松梢。侯門不許老僧敲。紗窗外定有紅娘到。饞眼難熬。待他來時須看十分飽。衆長老拜揖。

〔衆〕張先生稽首。請先生上香。倘老夫人問及。認了頑徒的親。〔淨〕認了我妻舅。〔末〕難道和尚有妻。還是認做母舅。〔淨〕百忙裏叫你。你就要答應。不要待他識破了。〔生〕正是正是。〔牛拈香介〕

〔沈醉東風〕惟願在世間的壽高。亡化的天上逍遙。爲祖考拜三寶。焚香暗中禱告。夫人休拘梅香莫焦。早成就姻緣事到老。〔淨〕夫人小姐來了。

〔番卜算〕〔旦貼老旦上〕結髮做夫妻。不幸輕分散。幾回思憶淚珠彈。〔合〕鄉國何時返。月缺花殘事感傷。人間天上兩茫茫。可憐幼子伶仃女。同赴荆山古道場。〔衆〕夫人稽首。

〔末〕啓老夫人。貧僧的頑徒有個母舅。是個飽學秀才。父母俱亡。不曾追薦。今欲帶一分齋。報答父

母貧僧一時應允。恐老夫人見責。〔老旦〕長老的親就是我的親一般。請來相見。〔丑〕張先生請相見。〔生旦老各見禮介末〕請老夫人拈香。〔老旦拈香介〕

〔一封書〕齋心禮佛寶。舉沈檀鼎內燒。〔哭介〕追夫動痛號。兵燹何期此地遭。母子飄零無以報。特仗良因將意表。〔合〕梵音高。寶燈搖。救拔幽魂離苦惱。〔旦拈香介〕

〔前腔〕移蓮步拜告。仰金仙在九霄。孤兒女守孝。朝夕思歸途路遙。不想椿庭傾逝早。保佑萱堂增壽考。〔合前老旦作睡介〕

〔皂羅袍〕〔生〕俺只道玉天仙來到。卻原來是可憐根苗。小生旅況最難熬。怎當他傾國傾城貌。櫻桃小口。楊柳細腰。梨花白面。麝蘭氣飄。輕盈上下都堆俏。〔前腔〕〔淨丑〕你好沒顛沒倒。分明是鬧了元宵。迷留日亂癢難撓。太師座上。空凝眺。〔末〕頭陀懊惱。把鐘磬亂敲。燒香行者把香烟滅了。〔丑淨〕因貪看小姐如花貌。〔淨〕風吹滅了燈。誰人去點。〔生〕小生去點。〔旦背與貼介〕那人兒整整忙了一夜。紅娘

夫人勞倦打睡。和你佛殿上耍一耍去。

〔前腔〕〔旦〕你看他外像兒風流年少。內性兒冠世才學。扭捏身軀恁做作。來往人前賣弄俊俏。〔貼〕黃昏這回白日那覺。書幃獨睡怎生到曉。此情未許人知道。〔老旦醒介〕紅娘化了紙錢罷。〔化紙介〕

〔傍妝臺〕〔老旦〕慇懃酬奠化金錢。上通碧落下黃泉。自從與你分中路。孤窮母子有誰憐。紙灰飛作白蝴蝶。血淚染成紅杜鵑。空嗟歎。枉淚漣。〔合〕願得亡魂平步上西天。〔貼〕天色將曉。道場已畢。請夫人小姐回去罷。〔老旦〕正是。好回去了。〔末〕夫人。

留紅娘姐在此送佛。〔老旦〕紅娘。你在此送佛回來。〔貼〕理會得。〔老旦〕情到不堪回首處。一齊分付與東風。〔老旦下衆做送佛介〕真詮演教人何在。化作巫山一片雲。〔衆貼並下生弔場介〕

〔駐雲飛〕情引眉梢。心事難傳。我也知道了。有心爭奈無心好。多情卻被無情惱。嗟。勞攘了這一宵。玉人歸早。佛事都收。何處雞兒叫。各自歸家。葫蘆啼鬧到曉。

因看鶯鶯赴道場。

一宵辛苦到天光。

爲憐客旅傾城色。

忘卻天邊桂子香。

### 第十一齣 亂倡綠林

〔賀聖朝〕〔淨扮孫飛虎上〕統領強兵爲寇。不圖拜將封侯。殺人放火逞兇謀。肯

落他人機後。劍氣腥紅帶血磨。因貪女色逞僂儻。龍珠欲取探龍窟。虎子還求入虎窠。欺自起。笑

廉頗。殺人放火妄爲多。營門忽報非常樂。管取春嬌馬上駝。自家姓孫。名彪。字飛虎。只因主將丁文

雅失政。軍校們不守紀律。只得將本部五千入馬。哨聚山林。以劫掠爲生。近聞崔相國之女。容貌非

常。年方二八。見住河中府守喪。不免整點人馬。圍住寺門。擄得鶯鶯爲妻。生平之願足矣。頭目那裏

〔衆上〕三十年前學六韜。柳梢枝上月兒高。一拳打破天邊月。翻身踢退海中潮。覆將軍。有何鈞旨。

〔淨〕衆頭目們。我聞得河中府普救寺。崔相國之女鶯鶯。生得十分美貌。我如今親自提兵。拏他做

個壓寨夫人。頭目們聽吾號令。人盡啣枚。馬皆勒口。各要向前。不可怯後。連夜進兵。拏得多嬌。論功

陞賞。〔衆〕得令。

〔豹子令〕〔淨〕聞說蒲東一寺門。一寺門。崔家少女號鶯鶯。鶯鶯。豔質方纔年二八。擄歸山寨做夫人。〔合〕點精兵。安排器械便登程。

〔前腔〕〔衆〕果有嬌姿美貌人。美貌人。驀然說起動人心。動人心。大王免得搔脚坐。小卒免得曲腰行。〔合前〕

〔前腔〕〔淨〕本是朝中一武臣。一武臣。今來山寨做强人。做强人。只爲有功不陞賞。算來誰肯辦赤心。〔合前〕

鐵騎連營雁翅排。

何須紅葉作良媒。

不將豔質軍前獻。

管取叢林化作灰。

### 第十一齣 警傳閨寓

〔末上〕貧僧是普救寺法本。好靜修行。不管塵事。誰想如今賊兵孫飛虎。領五千人馬。圍住寺門。鳴鑼擊鼓。吶喊搖旗。要擄崔小姐爲妻。言稱若不送出。將本寺盡皆燒毀。僧俗不留一個。此事如何是好。不免急急報知夫人小姐。早早尋個計策。

一心忙似箭。

兩脚走如飛。

第十三齣 許婚借援

〔三台令〕〔旦貼同上〕自那日忽覩多才。不覺每上心來。春悶好難捱。畢竟情深似海。奴家自見張生之後。神思飄蕩。茶飯不餐。況值暮春天氣。好傷感人也。正是好句有情聯夜月。

落花無語怨東風。

〔淘金令〕慊慊瘦損。那值春光盡。羅衣寬褪。早是神勞頓。能消得幾個黃昏。目斷行雲。人遠天涯近。嗟。則索自溫存。但出閨門。影兒般不離身。從見了那個人。兜底便可親。詠月新詩。詠月新詩。依着前韻。〔貼〕姐姐。往常間不曾如此沒情沒緒。自見了那秀才。便覺心事不寧。姐姐。敢是想着那人。

〔浪江犯〕〔旦〕想着風流士。旖旎人。臉兒清秀身兒俊。性兒溫克情兒順。不由人口兒作念心兒應。端的是常縈方寸。〔貼〕姐姐。聞得他好才學。〔旦〕星斗煥文章。方顯得平生學問。〔老旦忙上介〕正是閉門家裏坐。禍從天上來。孩兒。禍事到了。〔旦〕甚麼禍事。

來。〔老旦〕孫飛虎領了五千人馬。圍了山門。道你有傾國傾城之色。要擄你爲壓寨夫人。怎生是好。〔旦做驚跌貼抱介老旦〕天那。兀的不痛殺我也。

〔紅衫兒〕〔旦〕聽罷一言心不忍。此禍滅身。苦着人進退無門。把袖梢兒搵不住啼痕。喊殺聲怎禁。母親。休得要愛惜鶯鶯。我甘心自殞。

〔東甌令〕〔老旦〕那賊如狼虎儘胡行。孩兒。道你蓮臉生春眉黛顰。更有傾城傾國楊妃貌。多嬌俊恣情劫擄要成親。教我淚零零。〔旦〕母親。我做孩兒的拚一死便了。

〔香羅帶〕不致摧殘老院君。先靈且穩。禪堂免教成廢燼。諸僧無事得安寧也。若是從軍去。羞殺相府門。母親。孩兒有一計了。誰人敢勇立功勛。殺退賊兵也。情願與英雄爲契姻。〔老旦〕此事倒好。便不是門當戶對。也強似陷於賊人之手。紅娘。你快去請長老來商議。〔貼請末上介〕老夫人叫貧僧。有何分付。〔老旦〕此事已急了。可與寺中兩廊下人說。不問僧俗人等。有能退得賊兵者。願將小姐與他爲妻。決不爽信。〔末〕夫人既有此言。待小僧拍手



高叫。〔叫介〕兩廊下人等聽着。但有能退賊兵者。夫人有言。願將小姐妻之。〔生急上介〕我有退兵之策。如何不早來尋我。〔見介老旦〕先生計將安出。〔生〕重賞之下。必有勇夫。賞罰若明。其計必成。

〔旦與貼介〕只願得這秀才退得賊兵便好。〔老旦〕方纔與長老說過。但退得賊兵者。願將鴛鴦妻之。〔生〕既然如此。休要驚嚇了我渾家。〔貼〕晌午喫晚飯。早些哩。〔生〕一交跌在籠糠裏。抱穩了。

請入臥房裏去。我有退兵之策。〔老旦〕紅娘扶小姐進去罷。〔旦貼下生〕我有一計。用着長老。〔末〕

貧僧不會斷殺。別尋一個去罷。〔生〕長老休慌。不用斷殺。只要與賊人打話。說夫人本待就將鴛鴦小姐送去。一者父喪在身。二者於將軍不利。不必鳴鑼擊鼓。驚殺了小姐。可惜了。將軍可按甲休兵。退一箭之地。且容三日之內功德完滿。除了孝服。換上鮮衣。將小姐送到陣前成親便了。〔末依前

叫介內應〕既如此。限你三日后不送出來。放火燒了寺門。殺得你僧俗不留一個。軍校們且退去一箭之地。〔衆應介末〕且喜賊人依我說退去一箭之地。限三日后。倘此計不成。我等死無瞧親。

〔生〕不妨。小生有一故友。姓杜。名確。號爲白馬將軍。見統兵鎮守蒲關。此間相去不遠。小生修書一封去請。他必然來救我。此去也不多路。只是無人敢去。〔末〕我寺中有一徒弟。叫做惠明。平昔只愛

斷殺此人可去。須用言語激他便好。〔生〕待我修書。你去叫他出來。〔寫書介末〕惠明何在。〔丑扮惠明上〕

〔粉蝶兒〕聽得傳呼。不覺心頭起火。〔見介〕長老叫我做甚麼。〔末〕我寺被孫飛虎圍了。要擄崔鶯鶯小姐。今張先生修書去請杜將軍。無人敢去。〔丑〕我敢去。〔生〕你去不得。〔丑〕我怎麼去不得。〔生〕看你言不出衆。貌不驚人。只好念經拜懺。有甚本事去得。

〔好孩兒〕〔丑〕不念法華經。不禮梁皇懺。丟了僧伽帽。撇了袒褊紅衫。殺人逗起英雄膽。兩隻手將烏龍棍來搭。直殺入虎窟龍潭。非是我出尖貪婪。〔生〕你會

喫齋麼。

〔福馬兒〕〔丑〕喫菜饅頭委實口淡。五千人不索煎爛。腔子裏熱血且權消渴。生心解饑。五千人做一頓饅頭餛。〔生〕不信你喫得許多。

〔紅芍藥〕〔丑〕包殘肉把青鹽蘸。〔生〕你如今敢去麼。〔丑〕你那裏問俺敢也不敢。孫飛虎聲名播斗南。能淫慾這般貪濫。〔生〕你曉得念經麼。〔丑〕經文也不會談。

〔生〕會坐禪麼。〔丑〕逃禪也懶去參。〔生〕你是出家人。如何只好廝殺。〔丑〕戒刀頭新來鋼蘸鐵棒上塵土不染。〔生〕你寺中和尙如何。

〔耍孩兒〕〔丑〕他只會喫齋飯。在僧房裏卻不管燒了伽藍。〔生〕這一封書徑到蒲

關上杜將軍處投下。〔丑〕多謝得扶危困故友書一緘。今日裏撞釘子把賊兵探大脚步非誇侃。〔生〕倘賊兵不放你過去。如何是好。

〔兗河陽〕〔丑〕着幾個沙彌把寶蓋擔。排陣勢把他來按。遠的破開步將鐵棒拴。近手的將刀來斬。小的提起來將脚尖按。大的扳下來把髑髏鏝。

〔縷縷金〕懔一懔海波翻。混一混索琅琅振山巖。打熬成天生這般劣性人。拚捨着命幾曾肯忘恁。更不怕勒馬停驂。〔生〕只怕你到此分際不得。

〔紅繡鞋〕〔丑〕平生欺硬怕軟。欺硬怕軟。喫苦不愛甘。非是你每拈花柳沒拈。三休因親事胡怕俺。咱非是躲懶。杜將軍不肯把兵來挽。張解元千將風月擔。

〔尾聲〕威風助我齊吶喊。擂鼓搖旗不等閒。此去將半萬賊兵嚇破膽。〔丑下生〕

夫人長老放心。此書若到蒲關。社將軍必定起兵。就來解圍。

非是鰕生特顯才。

夫人長老且寬懷。

此書若到蒲關寨。

管取英雄即便來。

### 第十四齣 潰圍請救

〔丑上〕齋書今日到蒲關。只恐崎嶇道路難。非是小僧誇大膽。管教強寇活應難。夜來長老與張生着我齋書往蒲關。見白馬將軍。只得捨命撞將過去。若不放我去。就與他廝殺起來。〔淨衆上〕拏住介。漁藏大海垂綸釣。獵向山中布網羅。你那禿子那裏去。〔丑〕你不要拏我。且聽我說。

〔駐雲飛〕衣鉢隨身抄化不多糧。米盡四下裏兵戈振。各自逃生命。噤不意此遭擒。告將軍息怒停嗔。望可相憐憫。佛面須看放我行。〔淨〕既是布施的。放他過去。

合放手時須放手。

得饒人處且饒人。

### 第十五齣 白馬起兵

〔末上〕幕府英雄勝虎狼。擎天玉柱紫金梁。妖嬈警夜長蛇動。武士春園細柳香。十六雙牌新駐節。

三千里鎮動邊疆。莫言邊鄙專生殺。膺錫殊恩沐寵光。自家杜將軍帳下頭目是也。俺元帥近臨邊境。威鎮疆場。大振聲權。宏張師旅。指揮則鳥雀飛揚。叱咤則龍蛇蟠避。運籌於三關之上。決勝於千里之中。帷穀登壇。權旌駐節。官授征西大元帥之職。生得熊腰虎背。常懷義膽忠肝。道猶未了。元帥早到。〔外上介〕

〔菊花新〕一片丹心圖報主。鎮邊陲。竹帛生輝。治國齊家。兵行仁義。不比那殺妻吳起。文帝鸞輿勞北征。條侯從此整嚴兵。轅門忽報將軍令。今日方知細柳營。下官叨蒙聖恩。官

拜征西大元帥之職。奉勅鎮守蒲東地方。自那日與契弟相別。條經數月。他相約我不久到此。爲何不見來。〔末上介〕有事不敢不報。無事怎敢亂傳。報軍情事的。〔遞帖外接看介〕一爲擾害地方事。

近因丁文雅失政。軍校不守紀律。因而作亂。擾害鄉民。知道了。起去。〔末下外〕這廝不守王法。擾害百姓。就欲進兵征討。爭奈未知強徒出沒。正所謂將以仁信義勇威嚴爲本體。腹心耳目爪牙爲用。兵校何在。〔丑上〕會傳天外信。善達世間書。〔衆〕甚麼人。〔拏住介〕稟元帥。一個和尚撞關。想是奸

細。特拏在此。〔外〕這秃廝敢是打探軍情事的。軍校拏去砍了。〔丑〕容小僧稟知。〔外〕也罷。你從實

供來。

〔紅衲襖〕〔丑〕問貧僧何處來。〔外〕爲甚到此。〔丑〕爲寓空門西洛客。〔外〕西洛客是  
何人。〔丑〕麾下投書張秀才。〔外〕那秀才怎麼。〔丑〕近日遭逢飛虎賊。惶惶無佈  
擺險把殘生害。〔外〕秀才家不過琴劍書箱。那有良金美玉。〔丑〕不因韞匱藏珠也。〔外〕他  
爲甚麼。〔丑〕只爲崔家少女傾城色。有書在此。〔衆接書外看介〕

〔一封書〕洛生珙拜兄。近日何期遇難中。孫飛虎逞兇。劫掠人財。強聚衆。崔相  
國家並僕等。一旦如魚困釜中。破羣雄。仗威風。顛沛來緘。恕不恭。這書果是我兄  
弟寫的。左右。放了那和尚。與他酒飯壓驚。〔衆應介外〕左右。此去賊營多少路程。〔衆〕此去到蒲東  
普救寺。約有一百餘里。〔外〕吾去救崔張。高其義。擒飛虎。顯其威。就選精兵。連夜進發。〔末〕覆元  
帥。兵書云。五更而趨戰。只擒上將軍。百里而趨戰。只蹶上將軍。強寇之來。勢不可測度。最是兵家所  
忌。未可前進。〔外〕你曉得甚麼。吾料賊子志在西色。比及五更。一鼓而擒。所謂義兵神策。迅速聞雷。  
掩耳無及。就要起兵前去。〔丑〕稟元帥。與張先生甚麼交子。

〔排歌〕〔外〕君瑞同窗是我膠漆故知同袍怎忍顛危。吾今卽刻便興師管強梁翦草除。〔合〕人吶喊馬奔飛。半天搖動五方旗。功成日奏凱回。鞭敲金凳喜孜孜。

〔前腔〕〔丑〕上告將軍略聽咨啟。和尚那裏呵。事急一似燒眉。將軍若肯發慈悲。免使諸僧作怨鬼。〔合前〕

要全道義顯軍威。

不惜千个怒發機。

掃盡蒲關強賊輩。

元戎齊唱凱歌回。

### 第十六齣 飛虎授首

〔四邊靜〕〔淨丑衆上〕鶯鶯許我爲姻眷。移兵退一箭。願結百年期。今朝三日滿。衆須吶喊。若不速獻。佛寺盡成灰。僧俗盡戮遍。左右的。與那和尚打話。三日限滿。如何

不獻出鶯鶯。稍有遲延。僧俗不留一個。殿宇盡皆燒毀。〔衆叫介內應介〕待蒲關白馬將軍到來。就

獻出來。〔丑衆驚介〕不好了。走漏消息了。

〔別銀燈〕〔淨衆〕三日前許結美緣。誰知他甜言相騙。吾聞白馬真英漢。他來時吾屬必翦難言。心驚膽寒。渾身上淋漓雨汗。〔外引衆上〕

〔粉蝶兒〕怒髮衝冠。長江直把投鞭斷。〔衆〕稟元帥。前面就是賊營。〔外〕衆軍校與我排

開陣勢。與他交戰。〔交戰拿住飛虎介外〕快請兄弟出來。〔生上〕

〔醉落魄〕吾兄久別情難會。難中感得來相濟。〔老旦上接〕特蒙祕策回生。猶勝

嚇蠻書。〔衆相見介外〕老夫人在此受驚。皆是下官不能鎮守之過。〔生〕若非仁兄見救。幾乎失所。

〔老旦〕老身母子蒙將軍活命之恩。不能報其萬一。則亡夫亦感德於地下矣。〔外〕區區職分當爲。

何足謝之。左右抓那賊子過來。〔淨見跪介外〕孫飛虎有甚申說。從實供來。〔淨〕小人罪犯難逃。望

將軍筆下放生。〔外〕賊亂禦民者。既有賞而有爵。作亂掠民者。豈無罰而無刑。賞無濫給。法不妄施。

今孫彪功無汗馬。選列徧裨。襲世助而不懷忠義。壞紀律而專務非爲。甘效大鎗銅馬。不師武子穰

苴。三綱五常。本彝倫而未達。七封八陣。該機務而何知。慕少艾而猖狂。逼人閨闈。合無藉以擾攘。亂

我王師。觸虎威分當納命。諒鼠輩何足獻俘。元惡難容。例應裁處。脅從堪憫。事屬可矜。王法緣情。肯



私於出入。金科得罪。敢失於毫釐。爲從從輕。徒流當充於軍卒。爲首從重。誅斬合坐於渠魁。速送所  
在法司。監候呈詳處決。左右。與我牢固押發前去。〔淨〕正是臨刑自古方知覺。事到頭來悔卻遲。  
〔下生〕愚弟特備一杯蔬酒。與仁兄酬勞。

〔黃鶯學畫眉〕〔生把盞介〕憶昔共分離。歎參商幾載餘。青雲事業真堪愧。奔兢  
道途。遭逢嶮巇。仁兄迅掃強徒退。〔合〕細思誰料今朝裏。重見漢室官儀。

〔前腔〕〔外〕一自着戎衣。念交情會晤稀。誰知此地遭顛沛。驚見弟書。惟恐到  
遲。〔生〕有勞仁兄。何以克當。〔外〕兵家勞役何曾忌。〔合前〕

〔前腔〕〔老旦〕最苦是娘兒。駕靈輜返故廬。依親暫向叢林寓。逢着亂離。全家  
痛悲。賴斯文請得恩官至。〔合前末衆〕多蒙將軍垂救。衆閤黎得命。特來叩頭拜謝。〔叩頭介〕

〔外〕衆和尚去罷。〔衆下外〕賢弟。如今民安事妥。就同下官到關上相敘幾時。打點上京取應如何。

〔生〕感蒙仁兄厚德。爭奈老夫人有言。已許退兵者將女妻之。待此事一諧。卽當叩拜。〔外〕老夫人  
既有所許。正謂淑女以配君子。容當慶賀。下官信地難離。就此告別。

欲別臨岐意若何。

今生難報此恩多。

種成雙玉藍田美。

金鼓齊鳴唱凱歌。

### 第十七齣 東閣邀賓

〔花心動〕〔貼上〕半萬賊兵捲浮雲片時掃盡。孤兒幼女死裏逃生。列山靈。陳水陸。張君瑞合理欽敬。老夫人着我請張先生。必是與小姐成親。想起來一家若無張先生。這性命其實難保也。

〔步步嬌〕憑着他善武能文書一紙。早醫可了相思病。薄衾單枕有人溫。鳳帳鴛幃早則不冷。今日東閣玳筵開。煞強似西廂和月等。道猶未了。早到書院中了。張先

生。開門開門。〔生上介〕

〔前腔〕客館蕭條春將盡。碧草埋芳徑。〔貼咳嗽介生〕隔窗嗽一聲。是誰。〔貼〕是我。

〔生〕他啓朱唇急來答應。敢問紅娘姐到此。有何話說。〔貼〕老夫人着我來請先生赴席。

〔生〕如此。小生便行。〔貼〕秀才每聞道請先生。卻便似聽了將軍令。〔生〕紅娘姐。此

席爲何而設。

〔宜春令〕〔貼〕第一來爲壓驚。第二來因謝承。〔生〕擺列甚麼茶飯。〔貼〕殺羊茶飯。

〔生〕敢是未曾完備。〔貼〕來時早已安排定。〔生〕請何人相陪。〔貼〕斷閒人。不會親鄰。

請先生和俺鶯鶯配聘。〔生〕如此。小生謹依嚴命。〔貼〕我只見他歡天喜地。謹依來

命。〔生看地顧影介貼〕張先生。你爲何看了地下。走來走去。〔生〕小生客邊乏鏡。聊借天光。以照吾

影耳。

〔五供玉枝花〕〔貼〕來回顧影。文魔秀士欠酸丁。〔生〕紅娘姐。你看我兩鬢如何。〔貼〕

下工夫將頭顱來掙。遲和疾擦倒蒼蠅。光油油耀花人眼睛。酸溜溜齧得牙根

冷。天生這個後生。天生那個俊英。〔貼〕張先生。我有一句話要對你說。〔生〕但說不妨。

〔玉嬌鶯兒〕〔貼〕今宵歡慶。我鶯鶯何曾慣經。你須索耍款款輕輕。燈兒下共

交鴛頸。端詳可憎。誰無志誠。你兩人今夜親折證。〔生〕謝芳卿。謝紅娘姐錯愛。

成就了這姻親。〔生〕敢問紅娘姐。那裏有甚麼景致麼。

〔解三醒〕〔貼〕玳筵前香爇寶鼎繡簾外風掃閒庭落紅滿地胭脂冷白玉欄杆花弄影。〔生〕更有甚麼好處。〔貼〕準備着鴛鴦夜月銷金帳孔雀春風軟玉屏。

〔生〕有甚麼樂器麼。〔貼〕合歡令有鳳簫象板錦瑟錦瑟寫笙。

〔前腔〕〔生〕可憐我書劍飄零無厚聘感不盡姻親事有成新婚燕爾安排定。除非是折桂手報答前程我如今博得個跨鳳乘鸞客到晚來臥看牽牛織女星。非僥倖受用的珠圍翠繞結果了黃卷青燈。

〔前腔〕〔貼〕憑着你滅寇功勛舉將能卻不道兩字功名未有成爲甚麼鶯鶯心下十分順只爲君瑞胸藏百萬兵專請你有恩有義閒中客迴避了無是非廊下僧夫人命道足下莫教推托和賤妾卽便隨行。

〔尾聲〕老夫人專意等。〔生〕常言道恭敬不如從命。〔末〕張先生是必早些來休使紅娘再來請張先生如今合當謝我了。

纏頭江錦謝嬌紅。

水溢藍橋路未通。

管取門闌多喜氣。

定教女婿近乘龍。

### 第十八齣 北堂負約

〔鶻橋仙〕〔老旦上〕忘憂設宴。非閒遣。只爲全家被難。〔貼上〕調和琴瑟在今宵。

消卻兩邊愁怨。〔老旦〕枝頭失翠鴛先覺。葉底消紅蝶未知。前日兵圍寺門。要擄鴛鴦。無奈只得

將女孩兒許了張生。幸得事已寧息。爭奈先夫存日。已曾許配侄兒鄭恆。前者寄書去着。他來搬喪。

此子倘知。如何下落。寧可負妾今日之言。莫違先夫存日之約。我今日設一筵席。去請張先生。一來

酬謝活命之恩。二來說斷了這門親事。紅娘夜來分付你安排筵席。完備未曾。〔貼〕完備了。〔老旦〕

快請張先生來。〔貼〕張先生來了。〔生上〕

〔番卜算〕一見便留情。自覺成何益。姻緣天付與。自有團圓日。正是有緣來看洛

陽花。無心坐聽笙歌沸。〔見介老旦〕前日兵圍之際。若非先生。焉有今日。一家之命。皆足下之所活

也。聊備小酌。非爲報禮。請勿嫌輕。〔生〕一人有慶。兆民賴之。賊子之敗。皆夫人之福也。萬一杜將軍

不至。我輩皆無脫死之計。此皆往事。不足掛齒。〔老旦〕先生請上坐。〔生〕小生侍立於旁。尙且不

敢焉敢與夫人對坐。〔老旦〕恭敬不如從命。〔生告側坐介老旦〕紅娘把坐兒移正了。〔生〕不敢。  
〔貼〕女婿門中嬌客。便坐何妨。〔老旦〕休要多說。去請小姐出來。〔貼〕小姐。夫人有請。〔旦內應介〕  
我身子不快。出來不得。〔貼〕小姐。你道請誰。〔旦內應〕是請誰。〔貼〕請張先生。〔旦內應〕既請張先  
生。只得扶病走一遭。

〔前腔〕〔旦上〕簾外喚聲聲。何事相催逼。〔貼〕報道可相見。那個曾相識。〔老旦〕  
孩兒若非張先生活命之恩。今日怎得保全一家性命。孩兒你過來。不須迴避。上前拜了哥哥。〔生  
背介〕這聲息來得不好了。〔旦背介〕母親變卦了。〔老旦〕紅娘斟酒過來。〔老旦把盞介〕

〔畫眉序〕若不是君瑞識人多。別個焉能退干戈。排着酒果列着笙歌。花陰細  
暖日庭階。香篆裊東風簾幕。〔合〕感伊救我全家禍。欽敬禮正當酬酢。〔老旦〕孩  
兒將酒來遞哥哥一杯。〔旦把盞介〕

〔前腔〕雙眼轉秋波。一點靈心早瞧破。着鶯鶯做妹妹拜了哥哥。白茫茫水溢  
藍橋撲簌簌把比目魚分破。〔合〕奈何愁把眉峯鎖。驀忽地又早張羅。〔生〕我已

醉喫不得了。

〔前腔〕自覺醉顏酡。低首無言自摧挫。手難擡稱不起這兩肩窩。沒定奪啞謎難猜。天殺的老夫人。說謊話比天來大。〔合前〕

〔滴溜子〕〔貼〕謾說道佳人自來命孤。誰承望好事頓成間阻。是他將半萬賊兵破。如何番成做離恨歌。請他來不快活。兀的江州司馬淚痕多。

〔鮑老催〕〔旦〕從今恨多。玉容寂寞梨花朶。胭脂淺淡櫻桃顆。相思病料已成。何時妥。將顛巍巍雙頭花。蕊輕團捏。香馥馥縷帶同心割。連理樹都折挫。

〔雙聲子〕〔旦貼〕今非昨。今非昨。把青春女成就。攔顛窰。卻顛窰。卻將美前程都虛過。我共他。我共他。料想着。料想着。今日成敗都是你個蕭何。

〔尾聲〕〔生〕一杯悶酒樽前過。〔貼〕訴衷腸。怎奈母親側坐。〔合〕把恩義如山成小可。〔老旦〕紅娘扶小姐進去。〔旦〕萬種情懷無處訴。夜深花下告穹蒼。〔下生〕小生醉也。在老

夫人跟前。有一言告稟。〔老旦〕但說不妨。〔生〕老夫人前者兵圍之際。有言。但有僧俗人等。退得賊

兵者。願將小姐妻之。小生其時懷惻隱之心。慨然作書。去請杜將軍來。庶幾得免夫人之禍。今日蒙請小生赴席。將謂有喜慶而來。不知夫人何故以兄妹相待。小生豈爲餽酸乎。此事若果不諧。即便告退。〔老旦〕先生縱有活命之恩。奈先夫存日。將小女許嫁舍侄鄭恆。卽今寄書去着他來搬喪。此子尙至。將如之何。老身多贈先生金帛。別選豪門貴宅之女。豈不美哉。〔生〕既然夫人不允親事。小生豈慕金帛而來。卻不道書中有女顏如玉。就此告退。〔老旦〕紅娘。你哥哥醉了。送回書院中去睡。有話明日再說。〔老旦下生詐醉介〕紅娘姐扶我一扶。〔貼〕先生你自走。我倒扶你不成。你少喫些也罷了。〔生怒介〕紅娘姐。你見我喫酒來。有分只熬蕭寺月。無緣難遇洞房春。小生只爲小姐。忘餐失寢。夢斷魂勞。常忽忽如有失。自寺中一見。隔牆酬和。迎風待月。受無限之苦。今日又不得成此親事。夫人變了卦。使小生志竭思窮。此事何時是了。〔生跪介〕紅娘姐。可憐見張琪。將此情訴與小姐。就解下腰間所繫之帶。尋個自盡。可憐刺股懸頭客。險作離鄉背井魂。〔自縊介貼奪救介〕這等死得快。先生且不要慌。妾當與君圖之。〔生〕旣蒙允救。小生當築壇拜將。〔貼〕妾見先生有囊琴一張。必善於此。俺小姐素慕於琴。今夜我與小姐回到花園中燒香。但聽咳嗽爲號。先生操動。若



小姐聽得說甚麼話。那時將此情達之。明日卻來回報先生。這早晚怕我夫人尋我回去也。〔下生〕  
正是

一曲瑤琴試探心。

鶯鶯小姐是知音。

高山流水千年調。

管取文君側耳聽。

### 第十九齣 琴心寫恨

〔卜算子〕〔生上〕月掛柳梢頭。漏斷人初靜。千古風流指下生。付與知音聽。東

邊日出西邊雨。莫道無情卻有情。日間紅娘說道相如將琴挑動文君之意。不免叫琴童取琴出來。

琴童何在。〔丑上〕夜靜瑤琴三五弄。悲風動處月光寒。知音彈與知音聽。不是知音不與彈。琴在此。

〔生〕琴童。你與我燒下一爐香。煎下一罐茶。你自迴避。〔丑應下生〕爨下焦桐玉琢成。輕勾緩剔鳳

凰鳴。高山流水千年調。白雪陽春萬古情。松籟響。澗泉清。攜來指下韻將成。文君未必能知否。月滿

池塘夜氣清。你這琴呵。小生與足下湖海相隨數年。今夜這場大功。都在你這金徽玉軫蛇腹斷紋

繹陽焦尾冰絃之上。怎生借得那一陣順風。將小生這琴聲吹入俺那小姐玉堆成粉捻。就知音俊

悄的耳朵裏去。〔生作理琴介旦貼同上〕

〔滿江紅〕〔旦〕拋卻金針。離繡閣黃昏時節。見碧天如洗。一輪明月。〔貼〕花影滿階。秋露冷銀河萬里。光澄徹。〔合〕慙慙同到小園中。把名香爇。〔旦〕水沈未爇黃金鼎。花影重過白玉欄。紅娘。我和你後花園中燒香。不覺又更深了。快行幾步。〔行介旦〕夢斷巫山一片雲。起來移步款紅塵。山禽莫向空林語。怕有幽人重惜春。老母居孀。故園迢遞。好傷感人也。將香桌過來。〔拈香介〕願祝先考逍遙。母親康泰。及早還鄉。存亡均感。〔貼〕要知小姐幽懷事。盡在深深兩拜中。〔旦〕紅娘。你看好晚景也。

〔梁州序〕晴空雲斂。冰輪初湧。風掃殘紅。無數香階堆擁。好似悶懷千種。那人呵。只落得心中作念。口內閒題。夢裏相和哄。今日華堂開綺席。意朦朧。卻教我翠袖慙慙捧玉鍾。〔合〕愁似織。和誰共。雙蛾蹙損春愁重。魚得水。甚時同。〔貼〕小姐。你看這般月暈。明日敢有風也。〔旦〕風月天邊有。人間好事無。〔貼咳嗽介生〕那人來了。〔生作彈琴介旦〕是甚麼響。〔貼〕小姐。你試猜一猜。

〔漁燈兒〕〔旦〕莫不是步搖得寶髻玲瓏。〔貼〕不是。〔旦〕莫不是裙拖得環珮叮  
咚。〔貼〕不是。〔旦〕莫不是鐵馬在簷前驟風。〔貼〕也不是。〔旦〕莫不是金鈎雙控。咕叮  
啣敲響簾櫳。〔貼〕姐姐許多般都猜不着。你再猜一猜。

〔前腔〕〔旦〕莫不是梵王宮夜撞金鐘。〔貼〕不是。〔旦〕莫不是疎竹蕭蕭曲檻中。

〔貼〕也不是。〔旦〕莫不是牙尺剪刀聲相送。〔貼〕也不是。〔旦〕莫不是漏聲長滴響  
壺銅。〔貼〕一發不是了。你且聽着。〔旦做聽介〕呀。我只道甚麼響。卻原來近西廂誰理絲桐。

〔錦漁燈〕其聲壯似鐵騎刀鎗冗冗。其聲輕似落花流水溶溶。其聲高似風清  
月朗鶴唳空。其聲低似兒女語小窗中。〔貼〕姐姐你聽。越彈得好了。

〔錦上花〕〔旦〕他那裏思不窮。我這裏意已通。嬌鸞雛鳳失雌雄。他那裏曲未  
終。我這裏意轉濃。爭奈伯勞飛燕各西東。〔貼〕姐姐。滿懷心腹事。〔旦〕盡在不言中。

我且近書房聽一聽。〔貼〕姐姐。你在這裏聽。我去瞧老夫人便來。〔貼下生〕窗兒外有人聲。想必  
是他來了。待我將琴改調其詞。另彈一曲。就歌一篇鳳求凰。昔日司馬相如得此曲成事。我雖不及

司馬相如。那小姐到有文君之意。〔歌介〕有美人兮見之不忘。一日不見兮思之如狂。鳳飛翱翔兮四海求凰。無奈佳人兮不在東牆。將琴代語兮聊寫衷腸。何日見許兮慰我徬徨。嗚言匹配兮攜手相將。不得于飛兮使我淪亡。〔旦〕是彈得好也。其聲哀。其意切。淒淒然如鶴鳴九臯。使妾聞之不覺淚下。

〔錦中拍〕這的是令他人耳聰。訴自己情衷。知音者芳心自動。感懷者斷腸悲痛。這一篇與本宮始終不同。一字字更長漏永。一聲聲衣寬帶鬆。別恨離愁番做一弄。張生呵。越教人越知重。〔生〕便是老夫人忘恩失義。不合小姐也失信於我。〔旦〕你錯埋怨我。〔貼上介〕老夫人睡醒。尋小姐哩。

〔錦後拍〕〔旦驚介〕只見他走將來氣沖沖。怎不教人恨匆匆。嚇得人怕恐。嚇得人怕恐。早是不曾轉動。女孩兒直恁響喉嚨。謹摩弄。我欲將他攔縱。只恐夫人行把我來廝葬送。〔貼〕姐姐。張先生只在這幾日上要回去也。〔旦〕紅娘。你留他再住幾日。〔貼〕留他也沒有什麼好處與他。

〔尾聲〕〔旦〕只說道夫人時下有些啣嚙，好共歹不着他脫空，怎肯輕拋下風流志誠種。

花陰隔斷姻緣路。

書生枉把幽情訴。

相思爭奈粉牆高。

狗咬骨頭空嚙唾。

〔旦貼下生弔場介〕那壁廂俏然，想是小姐去也。琴童過來，收拾進去。〔丑上收介〕敢問官人，這

件東西板上有索，零零落落，被人盤問，有口難答。官人若不教我，一似夢中搖鐸。〔生〕你原來還不

曉得，我說與你知道。這是金徽玉軫，蛇腹斷紋，龍池鳳沼，仙人背，玉女腰，焦尾雁足。〔丑〕下面這一

塊是甚麼。〔生〕這是底板。〔丑〕上面這條是甚麼。〔生〕是絃。〔丑〕底板是樹皮鋸的，絃是牛脊

筋做的，許多零零碎碎，教我如何記得。〔生〕你若難記，我編成一首詩與你念如何。〔丑〕這等好

記。〔生〕金徽玉軫伴絃調，焦尾低垂雁足躑，未向龍池尋變化，且臨鳳沼弄波濤。風流肌骨仙人背，

窈窕形軀淑女腰。〔生住口介丑〕官人，再沒有了。〔生〕是沒有了。琴上的都做盡了。〔丑〕怎麼只

有六句，又不成絕句，又不成律詩，待小人湊上二句。〔生〕這等倒好，你說來我聽。〔丑〕官人把前面

六句再念一遍。（生照前念介丑）

惹動崔家老底板。

害斷脊筋自去熬。

## 第二十齣 情傳錦字

〔西地錦〕〔生上〕愁重曉來未起。忘餐失寢因渠。楊花無力隨風。分明自不支持。欲將清夢遊巫峽。苦被鶯聲喚醒來。這相思病害殺我也。自那日彈琴之後。再不得見那小姐。紅娘說道。若有消息。必來回話。這幾日如何不聞音耗。好悶人也。不免在此少睡片時。又作道理。〔作睡介貼上〕

〔前腔〕曉過書齋探視。多應悶掩門兒。金釵敲戶輕輕的。此情猶恐人知。我紅娘奉小姐之命。着俺看張生。況前日約他回話。須索走一遭。我想來一家若無張生。怎免得賊人之禍。

〔降黃龍〕相國行祠。寄居蕭寺。苦因喪事。孤兒幼女。孤兒幼女。盡欲從軍而死。張生此時。仲志遺尺。書興師疾。至方顯得文章有用。天地無私。

〔前腔〕若非是。翦殺賊寇。險些個滅門絕戶。俺一家兒。鶯鶯君瑞在危急許配。雌。夫人背盟推托。卻以兄妹爲之。把婚姻一時打滅。頓成拋棄。我看張生與俺

小姐。兩下裏都害相思。

〔袞〕一個潘郎鬢有絲。杜韋娘非舊時。一個帶圍寬清減了小腰肢。一個昏昏不待觀經史。一個意懸懸懶去拈針指。一個筆下寫幽情。一個絃上傳心事。兩下裏都一樣害相思。說話之間。早到書院中了。且將唾津兒潤破紙窗。看他在裏面做甚麼。

〔二袞〕潤破紙窗兒。潤破紙窗兒。俏聲兒窺視。見他和衣初睡起。前襟有摺袿。孤眠滋味。淒涼情緒。這瘦臉兒不是悶死是害死。

〔三袞〕我把金釵敲門扇兒。金釵敲門扇兒。〔生〕是誰。〔貼〕我是散相思五瘟使。

〔生〕呀。原來是紅娘姐。拜揖。〔貼〕張先生萬福。小姐想着伊。使紅娘來探取。〔生〕小姐

使你來。有甚麼說話來。〔貼〕道風清月朗。聽琴佳趣。到如今念千番張殿試。〔生〕既

蒙小姐見憐之心。小生有一柬。敢煩紅娘姐達知肺腑。〔貼〕只恐他番過面皮來。〔生〕望紅娘姐好

歹與我傳了去。

〔四袞〕〔貼〕他若見了書。他若見了詞。顛倒廢神思。他拽扎起面皮。憑誰寄言語。他道這妮子。敢胡行事。當面的嗤嗤的扯爲碎紙。〔生〕紅娘姐。若與我成就此事呵。

小生當以金帛酬之。〔貼〕看你這窮酸鬼。希圖你的錢哩。

〔五袞〕饑窮酸餓鬼。饑窮酸餓鬼。賣弄有家私。莫不爲圖謀。我特來到此。怕有情人乖劣性子。你只說道可憐見隻身己。〔生〕就依着紅娘姐說。可憐見小生隻身己。

〔貼〕原來既認不是你。你快寫。我等着你。〔生寫介貼〕寫得好呵。讀與我聽。〔生念介〕玳百拜芳卿。可人妝次。自別顏範。鴻稀鱗絕。悲愴不勝。孰料夫人以恩成怨。變易前盟。使小生目視東牆。恨不得奮翼於妝臺左右。患成思竭。垂命有日。聊奉數字。以表寸心。萬一有見憐之意。伏乞速慰好音。庶救殘喘。造次欠恭。幸惟恕罪。後成五言一首。錄呈見情。相思病轉添。謾把瑤琴弄。樂事又逢春。芳心邇亦動。此情不可違。虛譽何須奉。莫負月華明。且憐花影重。

〔一封書〕〔貼〕看他慇懃處。可喜。拂花箋打稿兒。先寫幾句寒溫序。後題着五



言八句詩。不移時。可知之。疊做同心方勝兒。張生呵。忒風流。忒煞思。忒聰明。忒浪子。〔生〕紅娘姐。小生呵。

〔皂羅袍〕顛倒寫鴛鴦兩字。方信道在心爲志。紅娘姐。你去到小姐面前用意些。看喜怒其間。覷個意兒。〔貼〕我自有道理。放心學士。自當處置。言談之際。作個道理。只說彈琴那人教傳示。〔生〕紅娘姐。萬望用心。小生自當重報。〔貼〕這緘帖兒我與你將去。張先生自當以功名爲念。休得要誤了你志氣。

〔南郊醉扶歸〕〔貼〕將偷香手。准備折桂枝。休教淫詞兒。污了龍蛇字。藕絲兒。縛定鴟鵬翅。黃鶯兒。奪了鴻鵠志。休因翠幃錦帳。一佳人。誤了你玉堂金馬三學士。〔生〕紅娘姐。此事專望回報。

〔尾聲〕〔貼〕從教宋玉愁無二。瘦損了這相思樣子。百歲歡娛。全憑這張紙張。

先生。你放心。正是此去桃源應有路。管教仙子遇劉晨。〔下生〕紅娘將這緘帖兒送去。不是小生誇口說。就是一道會親的符驗。他道明日來回報。正是

眼望旌捷旗。

耳聽好消息。

## 第二十一齣 窺簡玉臺

〔祝英臺近〕〔旦上〕托冰絃。傳素手。心事已無有。西廂清露月明閒。怎知道楚館雲寒。秦樓月暗。無人處有誰腸斷。自從前夜聽琴之後。不覺神思昏迷。形容憔悴。如今天色既明。不免再睡片時則個。自是日長針線懶。海棠時候睡偏多。〔旦睡介貼上〕奉小姐命。去看張生。因伏侍老夫人。不曾回小姐話。如今不聽得小姐做聲。又敢是睡哩。

〔祝英臺〕啟朱扉。開繡榻。風靜夜簾閒。香冷篆烟。燒燼銀缸。金荷上夜燈猶燦。姐姐還睡哩。慵懶。比及將暖帳輕彈。先揭起羅幃偷看。只見玉釵橫。日高不理雲鬟。昨日張生着我寄這絨帖兒與俺小姐。我欲待就與他。恐小姐反有怪意。我且把來放在妝臺裏面。看他見了。說些甚麼。正是風暖鳥聲碎。日高花影重。〔下旦醒對鏡介〕

〔前腔〕心亂。晚妝殘。烏雲顰。春睡損紅顏。雙眼倦開。半晌擡身。〔行嘆介〕酪子裏一聲長嘆。〔見書介〕這書是那裏來的。敢又是紅娘這小妮子。無端。不思量刺鳳描鸞。只

學去傳書遞緘。意孜孜顛來倒去不害心煩。紅娘在那裏〔貼上〕小姐有何分付。〔旦〕小賤人。這書是那裏來的。我是相國之女。誰敢將緘帖兒來戲弄我。且告過夫人。打你這小賤人。〔貼〕小姐打誰。〔旦〕打你打誰。〔貼〕我去稟夫人。敢怕不打我。倒要打你哩。〔旦〕這賤人。怎麼倒打我。〔貼〕小姐。是你着我去看張生。他着我送來。我又不識字。知他寫着甚麼來。你休要怪我。往夫人處首去。〔旦〕扯住。這賤人倒會放刁。我假意道你。〔貼〕叫我一聲親親姐姐罷了。〔旦〕親親姐姐。試說與我。張生這兩日如何。〔貼〕小姐。害得他病越重了。

〔前腔〕摧殘。那張生呵。害得他白日黃昏。寂寞淚欄杆。廢寢忘餐。目斷東牆。他只把佳期相盼。〔旦〕他有病也不干我事。〔貼〕其間送得他直上高竿。掇了梯兒閒看。〔旦〕既有病。着他喫些藥便了。〔貼〕若要這病好。除非是出幾點風流香汗。

〔前腔〕〔旦〕遮攔。只教他縛住心猿。意馬且牢拴。把病體扶持。經史相親。做個好人家風範。也罷。紅娘將筆硯過來。就寫幾句在緘尾上。將去與他。說遞書來不打緊。倘老夫人知道。將如之何。今後再不可如此。這緘。只說道老夫人違背前盟。卻把女孩兒拖犯。

你說我到如今羞觀鏡裏孤鸞紅娘。你去就來回我話。正是

夢因遠別啼難喚。

書被摧成墨未乾。

## 第二十二齣 猜詩雪案

〔粉蝶兒〕〔生上〕鬱悶滔天。教我如何理料。春蠶作繭絲方盡。蠟燭成灰淚始乾。昨晚紅

娘將緘帖兒去了。未有回報。想此事定然成也。閒步一回。散悶則個。〔貼上〕

〔泣榴花犯〕晚妝樓上杏花殘。猶兀自怯衣單。那一片聽琴心。清露月明間。昨日向晚不怕春寒。幾乎被賺。那其間。豈不差顏。爲你一個不酸不醋風魔漢。隔牆兒險做了望夫山。因張生昨日寄書與俺小姐。到受了一場氣。今日須索走一遭。看小姐前日的心。比今日的心不同了。

〔漁家燈〕你用心撥雨撩雲。我好意與你傳書遞緘。小姐呵。不肯搜自己狂爲。待要尋人破綻。幾番背地裏愁眉淚眼。人面前巧語花言。張生呵。非慢。從今後會難。已見個酒闌人散。〔生見貼介〕呀。紅娘姐。你來了。擎天柱大事如何了。〔貼〕張先生。不濟

事了。再休胡纏。小姐變卦了。〔生〕小生這緘帖兒是會親的符驗。只是紅娘姐不肯與張珙用心。見得如此。〔貼〕我若不用心。上有天理。

〔前腔〕這的是先生命慳。須不是紅娘違慢。這緘帖兒做了招狀。又是俺的公案。若不覷面顏。險把紅娘來拖犯。休嘆雲斂巫山。偷香手段。今休慣。莫把從前風月擔。恐老夫人尋我。告別回去也。〔生〕紅娘姐。且住。你今番去了。更有誰與小生做主。必須再尋個道理。救小生一命。〔生跪介貼〕張先生請起來。你是讀書之人。豈不知禮。此事再休想了。〔生〕若果不能成就。小生其實是死。

〔江頭金桂〕〔貼〕你是秀才家風範。休要呆裏撒奸。待要恩情美滿。教我骨肉摧殘。老夫人呵。手執棍兒摩挲看。這粗麻大線。怎透針關。直待拄着拐棒兒閒攢懶。縫着合口。送暖偷寒。兩下裏做人難。待去呵。小姐性兒如蓋撒火。消息兒踏着泛。〔生哭介〕小生這條性命。都在紅娘姐身上。乞可憐見。〔貼〕我待不去呵。怎禁他甜話讚。〔貼〕

〔去書介〕你的書在此。不知小姐寫甚麼在後面。你自去看。〔生拾書看介〕呀。有這場好事。聖旨到

來。理當跪接。〔貼〕小姐寫甚麼在上。〔念〕真我聽。〔生念書介〕他道忽覩佳音。荷蒙綵戀。既有再生之恩。寧無特地之約。聊奉新詩。伏惟見教。待月西廂下。迎風戶半開。隔牆花影動。疑是玉人來。紅娘。此事成了。〔貼〕買乾魚放生。不知死活。他把我打罵焦躁中寫來的。又說事成了。〔生〕你若不信。我就解說與你聽。〔貼〕你解與我聽。〔生〕他說待月西廂下。着我月上時來。迎風戶半開。他開着門兒等我。隔牆花影動。着我跳過牆來。疑是玉人來。說我到也。〔貼〕他着你跳牆。怕無此語。〔生〕我是猜詩謎的杜家。風流隨何。浪子陸賈。那有差的勾當。〔貼〕這小姐連我也瞞了。

〔小桃紅〕那曾見寄書的瞞魚鴈。小則小心腸轉關。先寫着西廂待月等更闌。着你去跳東牆女字邊干。卻原來詩句包籠着三更棗也。緘帖兒裏埋伏九里山。他緊處將人慢。會雲雨鬧中取靜。我寄音書忙裏偷閒。

〔蠻牌令〕〔生〕紙光明玉版。字香噴麝蘭。〔貼〕這紙溼的爲何。〔生〕行兒邊溼透非兼春汗。一緘情淚紅猶溼。滿紙春心墨未乾。〔貼〕從今後休疑難。放心學士。穩倩取金雀釵鬢。

〔前腔〕〔貼〕他人行別樣親。我跟前取次看。更做道孟光接了梁鴻案。別人行甜言美語三冬暖。俺跟前惡語傷人九夏寒。回頭看你這離魂倩女。怎發付擲果潘安。〔生〕小生是讀書之人。怎跳得這牆過。

〔前腔〕〔貼〕隔牆花又低迎風戶半拴。偷香手段今番按。〔生〕小生其實跳這粉牆不過。〔貼〕怕牆高怎把龍門跳。〔生〕這花樹又密。〔貼〕嫌花密難將仙桂攀。放心去休辭憚。你不去。〔生〕小生難去。〔貼〕你若不去呵。望斷他盈盈秋水。蹙損了淡淡春山。〔生〕小生去兩遭。不曾見一些好處。〔貼〕今番不比往常了。

〔尾聲〕雖然是去兩遭。倒不如這一番。隔牆酬和都胡侃。證果在今番這一緘。正是聽琴酬和皆虛哄。證果全憑此一封。〔下生弔場介〕可嘆可嘆。萬事有分定。浮生空自忙。誰想小姐有此好處。如何等得到晚。

讀書經晷怕黃昏

不覺西沈又掩門

欲赴海棠花下約

太陽何苦強生根

第二十三齣 乘夜踰垣

〔貼上〕花香繞徑東風細。竹影橫階淡月明。今日小姐着俺送書與張生。當面有許多假意。原來詩內暗約他來相會。小姐也不對我說。我也不說破他。且到其間。看他怎麼瞞我。今日晚妝。比別日不同了。更加十倍精神。只請他燒香便了。叫介小姐。我和你燒香去。〔旦上〕

〔菊花新〕東風寒透碧紗窗。控金鈎繡簾不掛。門闌暮靄映殘霞。對菱花晚妝初罷。紅娘。你看月朗風清。夜深人靜。好景致也。

〔駐馬聽〕不近諠譁。嫩綠池塘藏睡鴨。自然幽雅。新柳拖黃。暗隱栖鴉。金蓮蹴損牡丹芽。玉簪兒抓住茶蘼架。苔徑泥滑。露珠溼透。凌波襪。〔貼背介〕我看那小姐與張生兩下裏合情。已不得到。看他怎麼下落。

〔前腔〕日落窗紗。兩下含情看月華。風光瀟灑。雨約雲期。楚臺巫峽。殘霞影裏噪歸鴉。兩下裏捱一刻。似如一夏。風送飛花。紛紛亂撲香階下。

〔前腔〕〔旦〕玉兔無瑕。悶倚東風只自嗟。晚妝初罷。秋水凝眸。雲鬢堆鴉。鶯儔



燕侶已曾約。心猿意馬難拴下。閉月羞花。教人到處常縈掛。〔貼〕小姐。你在太湖石畔站着。待我把角門開了看一看。怕有人聽我和你說話。〔旦〕你去就來。〔貼看介〕這涎臉好來了呵。

〔前腔〕月照銀紗。風動庭槐噪暮鴉。影分高下。〔生暗上貼見介〕我只道是甚麼東西。卻是多才。帽側烏紗。一個潛身曲檻未撐達。一個背立湖山下。〔生趕上貼介〕

小姐。你在此了。貼。吓。你爲何這般模樣。早是妾身。若是老夫人時節。怎生是好。〔生〕小生害得眼昏了。〔貼〕休得謊咱。多應窮漢餓眼生花。〔生〕小姐在那裏。〔貼〕在太湖石畔。我且問你。今晚果然着你來麼。〔生〕小生是猜詩謎的杜家。豈不曉得詩中之意。〔貼〕既是這等。你若從角門裏來。只道我着你進來。你還跳過牆去。張先生。你看今夜好月。助你兩人之興。

〔集賢賓〕淡雲縹緲籠月華。似紅紙護銀蠟。絲絲嫩柳垂簾下。綠莎茵鋪着繡榻。良宵美約。庭院靜花枝低亞。張先生。他是個女孩兒家。須索要溫存摩弄。休猜做敗柳殘花。

〔畫眉序〕〔生〕他是嬌滴滴玉無瑕。粉臉生春鬢堆鴉。〔貼〕你不要驚他。連累着我。

〔生〕紅娘子。你擔驚受怕。圖甚麼浪酒閒茶。從今後打疊嗟呀。畢竟是心腸牽

掛。〔貼〕爲你兩下裏情謙洽。張先生將指頭兒告了消乏。張先生我去你便來。〔生〕花

園土地。保扶我跳過這牆去。大大的許個願心也罷。牡丹花下死。做鬼也風流。〔生跳抱旦介〕曾

見紅娘麼。〔生〕方纔見來。〔旦〕紅娘不好了。

〔皂羅袍〕〔貼〕爲甚麼心無驚怕。赤緊的夫妻。意不爭差。俺這裏躡足潛形俏  
的聽咱。一個羞慚一個怒發。張生無語。姐姐變卦。一個俏俏冥冥。一個絮絮搭

搭。你看那張生不識羞的涎臉。又定着手兒妝聾做啞。〔旦〕紅娘快來。有賊。〔貼〕是誰。〔生〕

是小生。〔貼〕姐姐不要慌。是熟賊。〔旦〕賤人。賊有甚生熟。〔貼〕你道是誰。是張生。〔旦〕不要管張

生李生。拿去見老夫人。〔貼〕拿他見老夫人。壞了他一生行止。待我叫他過來跪了。發落他一場。那

時開了門。放他出去便了。〔旦〕也罷。隨你。〔貼〕張先生。好個猜詩謎的杜家。〔生〕明明寫詩。着我

今晚來。又變了卦。〔貼〕姐姐。他說你寫詩去叫他來。〔旦〕詩在那裏。〔生付詩介〕這不是你寫的。

〔旦扯碎介生尋介貼〕還好。不是我怎生開交。〔貼扯生耳介〕犯人一名富面。〔生跪介旦〕張先生。你既讀孔聖之書。必達周公之禮。黃昏夜靜。至此何幹。

〔黃鶯犯桂花〕今日見何差。不是我一家喬坐衙。對伊說幾句衷腸話。我只道你文學海樣深。誰知你色膽天來大。不想去跳龍門。卻原來學騙馬。〔貼〕姐姐看

我面。饒了張生罷。〔旦〕若不看紅娘之面。拖去見老夫人。看你有何面目見江東父老。〔貼〕謝姐

姐賢達。看我面情干罷。若到官司詳察。張先生準備着精皮膚。喫頓打。〔旦〕張先

生。你雖有活命之恩。則當受報。既爲兄妹。何生此心。萬一老夫人知之。先生何以自安。今後再不可如此。若更爲之。與足下決不干休。我是相國家聲世所誇。妾身端比玉無瑕。〔貼〕此情若到官司理。應是非奸作盜拏。〔旦貼下生弔場介〕小姐。是你寫帖兒着我來。如今又變了卦。卻不悶殺我也。

〔普天樂〕再休題春宵一刻千金價。準備着寒窗更守十年寡。猜詩謎羞了杜家。尤雲殢雨休誇。莫指望西廂月下。山障了拂牆花枝低亞。偷香手做了話靶。參不透風流調法。淫詞兒早已折罰。

桂子香中客。

槐花病裏看。

襄王空有夢。

何日到巫山。

## 第二十四齣 回春東藥

〔卜算子〕

〔旦上〕

懨懨瘦損。那值殘春時候。事往情難斷。恩深怨亦多。欲堅金石志。畢竟

有差訛。老夫人聞知張生病體十分沈重。昨日着紅娘去看他。在紅娘跟前。怨言怨語。句句聲聲。只怨着妾身。我想起來。是我前日將他奚落那場。因此病越重了。本待輕身救療。只怕遺臭閨門。若有不測。乃吾母子害他性命。天理不容。如今暮春天氣。好困人也。

〔綿搭絮〕落紅成陣。萬點正愁人。早是傷情。無語凭欄怯。素春。因騰騰。情思沈吟。我有一腔春病。誰與我溫存。張君瑞。想是你分淺緣慳。雨打梨花深閉門。

〔貼〕

姐姐說甚麼。雨打梨花深閉門。

〔旦〕

紅娘。你這等年紀。不去做些女工針指。只管隨着我做

甚麼。

〔前腔〕時時刻刻。不曾離身。

〔貼〕

非于紅娘之事。都是老夫人着我早晚跟隨小姐。〔旦〕好

笑我的萱親。着甚麼來由防備人。當日兵圍普救之時。是你口許爲親。今日身安事妥。呵。背義忘恩。母親。人人都道你是女中丈夫。倒做了言而無信。悔賴人婚姻。我若不守閨門時節呵。總有鐵壁銅牆。枉使機關拘禁得緊。〔貼〕姐姐。你這兩日形容憔悴。何不把花鈿重整一整。

〔前腔〕〔旦〕花鈿慵整。〔貼〕我和你佛殿上耍一耍去。我也懶去登臨。〔貼〕姐姐身子不快。我把被兒薰得香香的。去睡了罷。總有蘭麝馨香。有甚心情捱着枕。我這幾日神思昏昏。坐不安。睡不寧。〔貼〕姐姐。張生有甚麼好處。只管想他。〔旦〕我愛他風流才俊。貫世聰明。〔貼〕既愛他。何不成就了他。誰肯向東鄰。把我做針兒將線引。〔貼〕姐姐。我看你心事。大不比往常了。

〔前腔〕〔旦〕沒情沒緒。悶倚幃屏。〔貼〕姐姐。去繡房中做些針指罷。〔旦〕心在他行。交頸鴛鴦繡不成。眼睜睜。天也不從人。張君瑞。想是你前生負我。我負你今生。兩下裏影隻形單。羞靚牽牛織女星。

〔前腔〕思思想想，念念心心，普天下相思，是我和伊都占盡。休怪我萱親自古道好事難成，東君有意，花也留情。〔貼〕老夫人寄書去叫鄭生去了。〔旦〕我豈肯惹浪蝶狂蜂，止許啣花美鹿行。

〔尾聲〕思思想想，心不定，只爲冤家病染成。恨殺萱親背舊盟。欲向花前尋舊約。

雲迷霧鎖不堪行。張生病體沈重，不免寫個藥方送去與他。這病便好。紅娘將紙筆過來。〔貼取紙

筆介〕寫介。你將此藥方送去與他。〔貼〕我的娘，你又惹事，我不送去。〔旦〕爲何不送去。〔貼〕

只怕像前番哄他。那張生被你哄得十生九死。〔旦〕今番不哄他了。救人一命，勝造七級浮屠。須索

替我走一遭。〔貼〕我也不信你。只要罰一個誓。〔旦〕若是哄他，自有天理。〔貼〕不是這等罰誓。待

我替你罰。若還這番說謊，姐姐那東西上生個脚盆大的疔瘡。〔旦付貼書貼作難介〕我不拿去。

〔旦〕我的親親姐姐，沒奈何。〔貼〕不是這等叫。待我坐了。深深拜一拜。叫一聲親親姐姐。〔旦依貼

叫介貼〕我的要老公的妹妹。

此藥妙通仙。

依方用意煎。

夜深人靜後。 一貼始安然。

## 第二十五齣 病客得方

〔丑扶生上〕赴約西廂月正明。百花深處見芳卿。紅將書柬分明約。事到臨期又背盟。小生自那晚花園中受了小姐這場氣。染成此病。一命將危。長老與夫人要請太醫治我。便是孫真人也醫不得。若得那小姐美甘甘香噴噴涼滲滲甜蜜蜜嬌滴滴一點唾津兒嚥下去。管得就好了。〔丑〕官人官人。你早說一兩日。也不見得病體這等沈重。還有救。還有救。拿鉢頭來。我吐上一鉢頭你喫。〔貼上介〕海上有方醫雜症。人間無藥治相思。張生病體越重。小姐思量。猶恐斷送他性命。着我送醫方去。救人一命。只索去走一遭。

〔尾犯序〕鬼病廝相侵。小姐呵。只爲你綵筆題詩。迴文織錦。待月燒香。隔牆聽琴。顛窳。送得人臥牀着枕。送得人忘餐失寢。這是夫人處。把恩山義海做了遠水遙岑。〔見生介貼〕張先生病體如何。〔生〕紅娘姐。我不濟事了。異鄉易得離愁病。妙藥難醫腸斷

人。被小姐害殺我也。若死到閻羅殿前。少不得你做個證見。〔貼〕普天下害相思的。不似你這般樣

餓鬼。

〔前腔〕你心不存學海文林。夢不離柳影花陰。竊玉偷香。何曾得甚。難禁。只落得愁如宋玉。腰如病沈。思量起。自海棠開後。思想到如今。老夫人着我來看先生。小

姐再三伸敬。有一藥方送在此。〔生做慌介〕在那裏。〔貼〕須要這幾般製度方好。你聽我說。

〔前腔〕桂花搖影夜深沈。酸醋當歸蜂蜜來浸。面靠湖山背陰飲。這片藥方難尋。須審。〔生〕要忌甚麼。〔貼〕忌的是知母未寢。怕的是紅娘撒心。穩倩取。史君子

一星人參。〔貼遞書介〕張先生。這藥方是小姐親手寫的。〔生笑起介〕早知恩詔到來。理合遠接。

〔貼〕卻又怎麼。詩上如何說。你念與我聽。〔生念詩介〕休將閒事苦縈懷。取次摧殘天付才。不意當時完妾行。豈知今日作君災。仰圖厚德難從禮。謹奉新詩可當媒。寄語高唐休詠賦。今宵端的雨雲來。紅娘娘。這詩果是小姐寫的。不似前番哄我麼。〔貼〕今番一定不哄你了。〔生〕讀罷此詩。不覺病症已減去一半。就精神起來了。倘若又像前番。這條性命着他手了。〔貼〕端的不哄你了。〔生〕這詩非前日之比。我那好小姐怎放得我下。



〔前腔〕你是閨中女翰林。俊的是龐兒俏的是良心。體態溫存。性格幽沈。如今這詩呵。須不是從前將人調引。須不是將人廝禁。端的是知音君子詩向會人吟。

〔錦腰兒〕〔貼〕小姐來時。身蓋着一條布衾。頭枕着三尺瑤琴。他來時怎生和你一處寢。凍得人戰戰兢兢說甚麼知音。

〔前腔〕果若是他有心。我有心。花有清香。月有陰。春宵一刻值千金。端的是張君瑞大來福蔭。〔生〕只怕老夫人拘緊。不能勾出來。〔貼〕不愁夫人拘緊。只怕小姐不肯來。他若果是有意。你可放心。

〔普天樂〕雖然是老夫人曉夜將門禁。好共歹須教你稱心。〔生〕休似前晚不肯。〔貼〕肯不肯。怎由他。親不親。盡在恁。〔生〕今晚千萬同小姐早些來。正是。

好事完成全仗你。

今宵管取諧連理。

晴乾擎傘着油衣。

一心要待雲和雨。

第二十六齣 巫姬赴約

〔臨江仙〕〔旦上〕針線無心倚繡牀。那人悶在書房。封書曾約赴高唐。紅輪西墜也。不覺又昏黃。昨日着紅娘送緘帖兒。約張生今夜相會。待紅娘來與他做個計較。〔貼上介〕

着意尋不得。有時還再來。小姐着我送書與張生。許他今晚相會。我只怕小姐又是說謊。斷送他一命非常要。且看他如何說。〔貼見旦介旦〕紅娘收拾臥房。我去睡也。〔貼〕小姐。你睡了不打緊。怎生發付那人。〔旦〕說甚麼那人。〔貼〕姐姐你又來了。送了人性命不是要。你若今番又說謊。我去老夫人跟前出首。〔旦〕這賤人倒會放刁。羞搭搭的教我怎麼去。〔貼〕小姐有甚羞處。到那分際時。只把眼兒閉了便罷。

〔祝英臺〕玉精神。花模樣。看他無倒斷思量。一片志誠。今日方知。兩下裏赴約高唐。只爲他竊玉偷香。勾引得春心飄蕩。料襄王。先在陽臺之上。〔旦作難介〕紅娘。雖然如此。實是懶去。〔貼推旦介〕待我攜了衾兒。去去去。老夫人睡也。〔旦走介貼〕俺姐姐。

語言須是強。

脚步早先行。

第二十七齣 月下佳期

〔供養引〕〔生上〕 竚立閒階。夜深香靄。黃金界。瀟灑書齋。悶殺讀書客。書當快意。讀易盡。客有可人。明不來。小姐看紅娘送來的緘帖兒。約今晚成事。這時候不見來。莫非又是說謊了。正是人間良夜靜不靜。天上美人來不來了。

〔臨鏡序〕彩雲開。月明如水浸樓臺。風弄竹聲。只道是金珮響。月移花影。疑是玉人來。意孜孜。雙業眼。急攘攘。那情懷。倚定着門兒待。只索要呆打孩。青鸞黃犬信音乖。小生一日十二個時辰。無一刻放下小姐。你那裏知道呵。

〔前腔〕昏昏情思眼慵開。夢魂飛入楚陽臺。早知道無明無夜。因他害。想當初不如不遇傾城色。小姐這早晚不見來。夫人行料應難離側。多管冤家有些不自在。小姐若這一遭不來呵。安排害。準備擡。異鄉身強把茶湯捱。〔旦貼上貼〕姐姐。你在這

裏站着。待我去敲門。張先生開門。開門。〔生〕是誰。〔貼〕是你家前世討娘。〔生〕小姐來了麼。〔貼〕又不得來。〔生〕若不來。你就替一替。〔貼〕吓。放尊重些。休得驚了小姐。且接了衾枕進去。〔生〕是不

敢〔貼〕張先生如何謝我。〔生〕小生一言難盡。惟天可表。當以犬馬報之。〔生見旦跪接介〕張琪有何德能。敢勞神仙下降。〔旦〕請起來。

〔羅香令〕〔生〕先前見責。誰承望。今宵歡愛。着小姐這樣留心。張琪合當跪拜。  
〔生跪旦扶起介〕小生又無潘安貌。子建才。〔生回看旦介〕覷着可憎模樣。不勝感戴。小姐只是可憐。見我是孤身客。

〔前腔〕〔旦〕見你多愁多害。其實難捱。只見你廢寢忘餐。可憐你十分不快。〔貼〕虧你真心耐。志誠捱。小姐的心回意轉。張生你否極泰來。這其間留得形骸在。

〔旦〕妾千金之軀。一旦棄之。此身托於君子。勿以他日見棄。使妾有白頭之嘆。〔生〕小生焉敢如此。〔貼〕你兩人睡去罷。我去看老夫人醒也未醒。〔生旦攜手介〕雙雙攜手。款款入書齋。〔下貼弔

場介〕你看張生好歹。他兩個公然進去了。徑不理着紅娘。教我獨自在。好悶殺人也。

〔十二紅〕小姐小姐多丰采。君瑞君瑞濟川才。一雙才貌世無賽。堪愛他每兩意和諧。花心輕摘。柳腰款擺。露滴枝頭牡丹開。香恣蝶蜂採。一個斜欹雲鬢也。

不管墮卻寶釵。一個掀翻錦被。也不管凍卻瘦骸。好似襄王神女會陽臺。一個半推半就。一個又驚又愛。一個嬌羞滿面。一個春意滿懷。今宵勾卻相思債。張生當初許說。事成之後。築壇拜將謝我。如今兩個攜手兒竟自去了。更不管紅娘在門兒外待。教我無端春興倩誰排。只得咬定羅衫耐。猶恐夫人睡覺來。將好事番成害。將門扣。叫秀才。莫耽餘樂惹非災。輕輕叫。叫姐姐。忙披衣袂把門開。看看月上粉牆來。莫怪我再三催。〔生且披衣上〕

〔節節高〕春香抱滿懷。暢奇哉。渾身上下都通泰。無聊賴。難擺劃。憑誰解。夢魂飛遶青霄外。只疑都是夢中來。愁無奈。〔合〕今宵相會碧紗幮。何時重解香羅帶。

〔前腔〕〔合〕花陰下蘚階。楚陽臺。襄王雲雨今何在。重歡愛。歸去來。何時再。乍時相見教人愛。霎時不見教人怪。〔合前〕

〔尾聲〕風流不用千金買。賤卻人間玉帛。〔生〕小姐若不棄小生。是必破工夫明夜

早些來。〔旦〕回去也。怕夫人醒來尋我。〔貼〕張先生且喜且喜。你如今病醫好了麼。〔生〕多謝紅娘。我十分病已去九分了。還有一分不去。〔貼〕這一分如何不去。〔生〕這一分還在紅娘身上。承你不棄。一發醫了小生這一分何如。〔貼〕呸。〔扶旦下〕

寄柬傳書在用工。

聽琴聯句隔牆東。

今朝剩把銀缸照。

猶恐相逢是夢中。

## 第二十八齣 堂前巧辯

〔謁金門〕〔老旦上〕淒涼蕭寺空迤逗。故園不堪回首。爭奈孩兒胡廝縛。想必是紅娘引誘。雕籠不解藏鸚鵡。繡幙何須護海棠。這幾日竊見鶯鶯神思恍惚。精神倍加。腰肢體態。比舊日不同。莫不做下些事來。待我叫歡郎出來問他。歡郎那裏。〔淨上介〕妳妳叫我怎麼。〔老旦〕我兒過來。我問你。你這兩日見你姐姐和紅娘那裏去麼。老實說與我知道。與你菓子喫。

〔風入松〕〔淨〕鞦韆庭院夜遲遲。見紅娘小姐相攜。燒香只說花園去。多時不見他回。我潦倒先回睡也。不知他幾時歸。〔老旦〕我知道了。你去罷。〔淨〕閉口深藏舌。安

身處處窄。〔下老旦〕紅娘那裏。〔貼上介〕

〔謁金門〕若不是紅娘引誘。怎能穀兩邊成就。裙帶腰兒掩過紐扣。比着舊時越瘦。〔貼見老旦介貼〕不知叫紅娘有何話說。〔老旦〕小賤人還不跪着。每日引小姐到花園中去燒香。你做下好事出來。還不對我從實供說。〔貼〕我不曉得。不知有甚麼好事。〔老旦打貼介〕還不說。我着你

〔桂枝香〕行監坐守。誰許你胡行亂走。一任的握雨攜雲。常使我提心在口。〔貼〕我都不知道。〔老旦又打貼介〕休花言巧語。休花言巧語。將沒做有。出乖露醜。打你這小丫頭。不說與我始末根原事。如何索罷休。〔老旦又打介貼〕老夫人聽我說。

〔前腔〕那日閒停針繡。細把此情窮究。道張生病染沈痼。他和我到書房中間

候。那張生天殺的呵。着紅娘暫回。着紅娘暫回。〔老旦〕那時小姐在那裏。〔貼〕教小姐權時落後。〔老旦〕罷了。落後卻怎麼。〔貼〕兩下裏呵。做了鸞交鳳友。〔老旦擲杖介〕氣死我也。〔貼〕

老夫人休打紅娘。〔合〕謾追求說與你始末根原事。如何索罷休。〔老旦〕都是你

這了頭。送你到官去。〔老旦〕扯貼介。貼。老夫人。非干張生小姐與紅娘之事。都是老夫人之過也。〔老旦〕這賤人。如何到扯在我身上來。〔貼〕老夫人。信乃人之根本。人而無信。不知其可也。大車無輓。小車無軌。其何以行之哉。當初兵圍普救之際。老夫人親許退得賊兵者。以女妻之。張生非慕小姐顏色。豈肯區區建退兵之策。今日兵退身安。夫人悔卻前言。既不成其親事。只合酬之以金帛。令張生捨此而去。不合留請書院中。使怨女曠夫。早晚各相窺視。所以夫人有此一端差處。目下夫人若不息此事。一來辱了相國家聲。二來張生名望不輕。既以施恩於人。忍令反受其辱。若到官司。夫人亦有治家不嚴之罪。忘恩負義之愆。反爲不賢。紅娘不敢多言。望夫人恕其小過。成其大事。則將其舊染之污。而自新。豈不爲長便乎。〔老旦〕那張生有甚好處。把女孩兒配與他。〔貼〕老夫人。且聽我說那張生呵。

〔月上桂花〕聰明俊秀。我小姐呵。玲瓏剔透。一個是仕女班頭。一個是文章魁首。今經月久。今經月久。相廝守。兩意相投。一心如舊。休。近日轉風流。別樣精神。把春光洩漏。〔老旦〕若依着你這小賤人說。一些事也沒有。



〔前腔〕〔貼〕當初叛賊草寇。請到蒲關故友。張解元起死回生。老夫人番言變口。你名門閥閱。名門閥閱。家聲舊。終不然背義忘恩。出乖露醜。休何必苦追求。常言道女大難留。苗而不秀。〔老旦〕這賤人倒也說得是。我自不合養下這不肖之女。待經官司。恐玷辱我相國家聲。俺家無犯法之男。再婚之女。罷罷。與我喚那不肖的賤人出來。〔貼〕小姐有請。〔旦暗上貼〕小姐。且喜且喜。那棍兒在我身上滴溜溜滾。被我說得一些事也沒有了。夫人如今叫你與張生成親。〔旦〕羞人搭搭。怎麼去見那母親。〔貼〕娘的面前有甚羞處。照依前日見張生一般。把兩隻眼閉了便罷。〔老旦〕紅娘一發去叫那禽獸出來。〔貼〕張先生有請。〔生暗上貼〕張先生恭喜。我爲你。老夫人把我打得十生九死。被我把你退兵之事一一說起。如今喚你二人成親。〔生〕多謝紅娘姐成就。我張珙死於地下。不敢忘你。只是惶恐。怎生去見老夫人。〔貼〕你休假意。放面皮老些過去。

〔臨江仙〕〔生〕自古來沈舟可補。如今覆水難收。〔貼〕得千休處且千休。〔旦〕見人猶靦腆。不敢強擡頭。〔老旦〕張生。我怎麼相敬你來。如何做出這等勾當。〔生〕只這一遭。

今後再不敢了。〔老旦〕罷罷。今日把女兒就與你成親。只一件我家三代無白衣女婿。今晚成親。明日就要你上京取應。求得一官半職。是我老身之幸也。〔生〕謹依尊命。〔老旦〕紅娘一壁廂整理筵席。就叫賓相贊禮。〔貼〕賓相有請。丑扮賓相上。隨意念介。老旦。你二人拜了天地。然後拜我。〔生〕遞酒介。

〔錦堂月〕再整鸞儔。重諧伉儷。心猿意馬收留。且把從前往事一筆都勾。再休題緘帖傳情。惟願取功名成就。〔合〕從今後看萬里青雲。早當馳驟。

〔前腔〕〔旦遞酒介〕綢繆。月滿秦樓。珠還合浦。陽臺雨散雲收。春意徘徊。今朝白覺慚羞。再休題夜去明來。惟願取天長地久。〔合前〕

〔僥僥令〕〔合〕春山眉展皺。秋水謾凝眸。看鏡裏雙鸞相回顧。似得水魚兒逐水遊。

〔尾聲〕〔合〕華堂簫鼓鳴春晝。擺一對鸞鳳配偶。〔生旦謝貼介〕纔受媒紅謝親酒。〔老旦〕紅娘。快收拾行李。明日送衙內赴選。就打點酒殺送行。〔貼〕埋會得。

一雙鸞鳳兩相親。

從此難忘夙世恩。

寄語河橋西岸柳。

安排青眼送行人。

## 第二十九齣 秋暮離懷

〔臨江仙〕〔生上〕得效于飛樂未闌。誰知事有間關。〔旦上〕人生自古別離難。可

憐含淚眼。一步一回看。〔生〕水晶如意玉連環。着意收藏自古難。〔旦〕紅綻櫻桃含白雪。斷腸

聲裏唱陽關。〔生〕小生自與小姐一見之後。受無限之苦。今日得效于飛之願。豈非天幸。不想夫人

催促起程。此去功名唾手。即便回來。小姐自宜保重。休得爲小生煩惱。瘦損花容。〔旦〕官人此去。得

官不得官。早早回來。休使妾倚門而望。〔生〕小姐。你看這秋天好景致也。

〔普天樂〕〔生〕碧雲天。黃花地。西風緊。北雁南飛。曉來時。誰染霜林。多管是別

離人淚。恨相見得遲。怨疾歸去。柳絲長。情縈繫。倩疏林。挂住斜暉。去匆匆。程途

怎隨。念恩情。使人心下悲淒。

〔雁聲犯〕〔旦〕思之不忍分離兒。車兒馬兒。不由人熬煎氣。〔生〕小姐今日如何不

打扮。〔旦〕有甚心情。打扮得嬌嬌媚。準備衾兒枕兒。則索耍沈沈睡。從今後衫兒袖兒。都溼透相思淚。

〔傾杯序〕〔生〕棲遲。頃刻間冷翠幃。寂寞添十倍。想前暮私情。昨夜成親。今日別離。惟我知之。把腿兒相壓。臉兒相偎。手兒相攜。不由人猛然思省。淚雙垂。

〔山桃犯〕〔旦〕溼錦袖。啼紅淚。湛秋水。顰眉翠。執手未登程。先問歸期。別酒將傾。未飲心先醉。魚來雁去。書頻寄。免使人心下成灰。

〔尾聲〕〔合〕蝸角名。蠅頭利。拆散鴛鴦兩下離。話別臨歧共慘悽。〔生旦〕遠遠望見老夫人來了。〔老旦貼上〕

〔賀聖朝〕遠送賢才取應。馳驅早到長亭。眼前秋色總關情。〔貼〕願攀仙桂去。雲路快先登。〔衆見介老旦〕張生。今日乃是吉日。特地安排酒饌。與你餞行。若到京師。闈闈一個

狀元回來。休要玷辱了我女孩兒。〔生〕小生托老夫人福蔭。取青紫如拾芥。不勞掛念。長老也來了。〔末上介〕

〔菊花新〕雨歇新涼報早秋。山僧送客上皇州。但期一舉登龍榜。瓊林宴罷早歸舟。我老僧聞知張先生赴京取應。特辦酒果送行。夫人小姐紅娘早已在此了。〔見介末〕老夫人曾送酒過麼。〔老旦〕還未曾。長老先請。〔末〕豈敢。老夫人小姐敬過了。然後是小僧。〔老旦〕這等老身僭了。紅娘將酒過來。

〔催拍〕到京師水土自宜。趁程途當節飲食。慎時保體。慎時保體。野店風霜。早起眠遲。鞍馬秋風。最要扶持。〔合〕功名遂身掛荷衣。攀月桂步雲梯。〔旦遞酒介〕

〔前腔〕我但願你文齊福齊。只怕你停妻娶妻。愁恨自知。愁恨自知。此去迢遙。黃犬青鸞有書頻寄。花草他鄉。休似此處棲遲。〔合前生〕再有誰似小姐。敢生此念。小姐放心。小生也回敬一杯。

〔前腔〕笑吟吟一同到此。哭啼啼獨自散歸。你歸到羅幃。歸到羅幃。翠被生寒。此恨誰知。無計留連。閣不住淚眼愁眉。〔合前末〕貧僧如今奉張先生一杯。

〔前腔〕下西風黃葉亂飛。染寒烟衰草自迷。看杯盤狼籍。杯盤狼籍。車兒投東。

馬兒向西，先生金榜無名。誓不轉歸。〔合前貼〕我也敬姐夫一杯。 遞生酒介。

〔前腔〕這憂愁欲訴與誰。這相思惟我自知。你前程萬里。前程萬里。一躍龍門。奪錦榮歸。休戀紅妝。使故人憔悴。〔合前〕

〔一撮棹〕〔生〕山光暮。連古道接長堤。催行色。人影亂。夕陽低。〔旦〕人去也。鬆金釧減玉肌。〔合〕但願封妻子耀門閭。

臨行攜手欲分離。

卻把離愁兩地悲。

莫道丈夫非無淚。

果然不灑別離時。

## 第二十齣 草橋驚夢

〔掛真兒〕〔生丑同上〕望蒲東蕭寺暮雲遮。慘離情半林黃葉。馬遲人意懶。風急雁行斜。愁恨重疊。愁恨重疊。破題兒第一夜。小生與小姐分手。行來又早二十里之外。前面就是草橋客店。不免安歇一宵。明日早行。我想昨夜受用。今夜淒涼。這馬兒百般不肯行。正是行色一鞭催去馬。離愁萬斛引新詩。

〔步步嬌〕昨日翠被香濃。薰蘭麝。欵珊枕。把身軀。起臉兒。廝搵者。仔細端詳。幾曾經別。烏雲鬢。玉釵斜。恰似半吐初生月。早到店中。店主何在。〔淨上〕請官人就在裏面安歇。官人喫酒飯麼。〔生〕酒飯俱不要喫了。琴童你喫飯。〔丑〕我也不喫了。睡了罷。〔生〕今夜如何睡得着。

〔江兒水〕客館欵單枕。秋蛩鳴四野。助人愁。紙窗外風兒裂。這孤眠被兒薄。衾又怯。冷清清幾時。溫得熱。有限姻緣。方寧帖。無奈功名。何苦使人離別。

〔清河水〕呆打孩店房中。沒話說。悶對如年夜。暮雨催寒蛩。曉風吹殘月。今宵酒醒來。玉人兒他在何處也。不覺睡思將來。且暫歇一宵。〔作睡介旦上〕

〔玩仙燈〕別卻情人。頓覺香消玉減。奴家在十里長亭。別了張生回去。好放他不下。今喜得老夫人睡了。不免私奔出城。趕上了他。一同去罷。

〔香柳娘〕走荒郊曠野。走荒郊曠野。把不住心嬌怯。喘吁吁難將兩氣接。瞞過了能拘管夫人。穩住廝齊攢侍妾。疾忙趕上者。爲恩情怎捨。爲恩情怎捨。因此

不憚路途賒。誰經這磨滅。

〔前腔〕想臨行上馬。想臨行上馬。其實痛嗟。哭得我似呆癡。瘦得我似啞。別離剛半晌。卻是掩過繡裙兒。寬褪三四褶。看清霜滿路。看清霜滿路。高下路迴折。我這裏奔馳。他在何處睡歇。我看前面想是草橋客店。他必然在內安歇。待我敲門則個。

〔生問介〕是誰。〔旦應〕是奴家。開門。開門。〔生〕是個婦人聲音。這早晚到此做甚麼。

〔前腔〕是人可分說。是人可分說。是鬼速疾滅。〔旦〕是我。老夫人睡了。想此去幾時得見。特地趕上來與你同去。〔生〕聽罷語言兒。將香羅袖兒拽。且停睛看者。且停睛看者。原來是小姐。你爲人能爲徹。將衣袂不藉。將衣袂不藉。繡鞋兒都被露泥惹。脚跟兒敢踏破也。〔旦〕我爲你顧不得許多迢遞。

〔前腔〕想着你忘餐廢寢。想着你忘餐廢寢。放不下些。到如今香消玉減。花開花謝。你衾寒枕冷。你衾寒枕冷。鳳分與鸞拆。月圓被雲遮。這牽腸割肚。到如今義斷與恩絕。尋思來痛傷嗟。



〔前腔〕〔生〕想人生在世。想人生在世。最苦是離別。關山萬里獨自跋涉。小姐。

休道一時。花殘與月缺。瓶墜寶簪折。總春嬌怎惹。總春嬌怎惹。生則願同衾。死則願同穴。〔內鳴鑼旦下生抱丑介〕小姐。你在這裏。〔丑〕吓。你好見鬼了。怎麼把我抱住了。叫小姐。

〔生〕呀。原來是一場大夢。開門看時。但見一天露氣。滿地霜華。曉星初起。殘月猶明。正是無端燕雀。枝頭鬧。一枕鴛鴦夢不成。好悽慘人也。琴童收拾行李起程。

〔傍妝臺〕絳河斜。綠依依牆高柳半遮。靜悄悄門掩清秋夜。昏慘慘雲際穿窗月。驚覺了顛巍巍竹影龍蛇走。虛飄飄莊周夢蝴蝶。砧聲響。不斷絕。急煎煎好夢兒應難捨。

〔尾聲〕柳絲長情牽惹。冷清清獨自嗟。嬌滴滴玉人兒何處也。

草橋客店夢鶯鶯。

攜手交懽叙舊情。

驚覺玉人空一嘆。

可憐殘月照窗櫺。

第三十一齣 曲江得意

〔扮考試隨意照常做〕

### 第三十一齣 泥金報捷

〔似娘兒〕〔生上〕天府快先登。題金榜名貫羣英。風流人物才堪稱。宮袍試着。瓊林宴罷。遊遍京城。遠挾琴書上帝畿。姓名今喜達金闈。鰲頭獨占詞鋒捷。聽罷傳臚日未西。小生去秋與小姐相別。倏忽半載。幸喜一舉得中探花。今日在招賢館。聽御筆親除官職。只怕俺小姐挂念愁煩。特修家書一封。着琴童齎去。以安其心。琴童何在。〔丑上〕堂上呼名字。階前聽使令。覆相公。有何分付。〔生〕我有書。着你齎到蒲東去。

〔一封書〕初相見俊才。紅雨紛紛點翠苔。別離後悶懷。黃葉蕭蕭凝暮靄。又見梅花剛半吐。幸喜文場得中魁。寄鸞箋。到妝臺。管取多情笑滿懷。琴童。你見小姐時。說官人怕娘子憂慮。先着小人報知。〔丑〕小人都曉得了。就此告別。

封書遠寄到蒲東。

管取多情喜氣濃。

一葉浮萍歸大海。

人生何處不相逢。

第三十三齣 尺素緘愁

〔折梧桐〕〔旦上〕裙染榴花，睡損胭脂皺。紐結丁香，掩過芙蓉扣。〔貼上〕線脫

珍珠，淚溼香羅袖。楊柳眉顰，人比黃花瘦。〔旦〕紅娘，自張生去京之後，不覺半載餘矣。音

書杳然。這幾日神思困倦，好悶殺人。也。〔貼〕姐姐，雖然姐夫別去，終有再會之日。請自寬懷，不必

挂念。

〔集賢賓〕〔旦〕眼前悶懷濃似酒，一半在眉頭。離了眉頭，又在心上。有惡思量，無了無休。腰肢似柳，怎當他又添憔悴。新愁舊愁，厮混了難分新舊。〔貼〕姐姐，你

往常間也曾如此不快，不似這般清瘦。

〔前腔〕〔旦〕曾經憔悴擔此憂，奈每徧閒由。不似今番情最陡，悶來時獨倚危樓。簾垂玉鈎，空目斷山明水秀。謾凝眸，見衰草連天，野渡橫舟。

〔大聖樂〕風流惹下相思，爭奈相思無了期。西廂月下聽琴後，離恨譜，斷腸詩。只爲你文章魁首，青雲客，休看做桃李春風牆外枝。〔旦〕悶倚欄杆望也，空教

人幾回目斷天涯。

〔前腔〕〔旦〕自從那日分離。廢寢忘餐減玉肌。〔貼〕姐姐。請個問卦先生。占卜姐夫幾時

回來。〔旦〕金錢暗卜全無准。空屈指數歸期。〔貼〕他若中了。必有書寄回來。〔旦〕不愁

他青鸞有信頻須寄。只怕金榜無名誓不歸。〔合前旦〕紅娘。我想起舊日之事呵。

〔不是路〕暗想當時。將欲從軍憔悴死。一封書。半萬賊兵翦草除。〔貼〕那時節只

是老夫人背盟。〔旦〕負佳期。閃得恩情兩下離。〔貼〕如今又是老夫人逼他應舉去了。

〔旦〕只爲蟾宮折桂枝。這相思。天涯海角心相似。此情難寄。

〔皂角兒〕帶圍寬瘦減腰肢。〔貼〕姐姐。做些針指消遣何如。〔旦〕意懸懸懶拈針指。

這相思病染懨懨。淋漓袖萬千紅淚。〔貼〕姐姐。我曉得你了。莫不是怕黃昏。挨白晝。

象牀閒。鴛被冷。這般滋味。〔合〕冤家一去。歸無定期。嘆分離。天邊月缺。也有圓

時。

〔前腔〕〔旦〕去時節黃葉亂飛。到如今落紅堆砌。要相逢千難萬難。不似俺別

時容易莫不是醉銀箏歌綵袖戀秦樓迷楚館把奴拋棄〔合前〕

〔尾聲〕〔旦〕離愁萬種千言語。〔貼〕姐姐待姐夫回來時節可備細對他說。〔旦〕準備歸

來訴與只恐相逢無一句。〔丑上〕一心忙似箭兩脚走如飛奉相公命賚書報與小姐恰纔見

了夫人着我入來見小姐早至後堂了。〔咳嗽介貼見僕介貼笑介〕呀。可知道昨夜燈花報今朝喜

鵲喧。姐姐正在此煩惱哩。你還是自來和官人來。〔丑〕官人中了。特來報喜。〔貼〕你且在這裏等我

對姐姐說了。你入來。〔貼見旦笑介旦〕這妮子怎麼。〔貼〕姐姐恭喜賀喜姐夫得了官了。〔旦〕這

妮子見我愁悶故來哄我。〔貼〕端的是實。琴童見在外面見過夫人使他進來見姐姐。〔丑進見旦

介〕妳妳相公中了。有書在此。〔旦〕且喜且喜我也望得你日子久了。〔接書看介〕

〔瑣寒窗〕因他去減我風流寄書來又添消瘦。我和他別時節桂子新秋盼書

來又早梅花時候悶來無語強擡頭書在手淚盈眸。

〔醉香歸〕我這裏開時有淚沾衣袖。他那裏修時未寫淚先流。悶時開拆悶時修。

淚痕兒都把書溼透。正是一重愁番做兩重愁。寄來書淚點從來有。〔念書介〕張

琪百拜。書奉芳卿可人妝次。自暮秋拜違。條爾半載。上賴祖宗之蔭。卜托賢妻之德。叨中甲第。即日於招賢館寄跡。以俟朝廷除授。惟恐老夫人與賢妻憂念。特令琴童馳報。庶幾免慮。小置身雖遙而心常邇矣。恨不得如鷓鴣比翼。叩叩並軀。爲功名而薄恩愛。誠有淺恩貪饕之罪。他日面會。自當請責。後成一絕。以奉請教。〔詩曰〕玉京仙府探花郎。寄與蒲東窈窕娘。指日拜恩歸錦畫。定須休作倚門妝。慚愧探花郎乃第三名也。〔貼〕他中了探花。不日衣錦歸來。妾與姐姐賀喜。

〔前腔〕〔旦〕當日西廂月下曾相守。今日瓊林宴上恣遨遊。跳東牆卻去占熬頭。惜花心養成折桂手。到如今晚妝樓改作志公樓。朝陽鳥便是鸞鳳友。紅娘取紙筆過來。寫書回他去。〔寫介〕書已寫完。無可表意。聊奉汗衫一領。裹肚一條。綿襪一雙。瑤琴一張。玉簪一隻。斑管一枝。分付琴童教他好好收拾。〔貼〕姐姐。姐夫如今做了官。豈無這幾件東西。將去何用。〔旦〕你不知道。

〔紅衲襖〕這汗衫和他一處宿。想着他體溫存貼着他皮肉。〔貼〕這裏肚何用。〔旦〕常不離了他前後。緊守着左右。〔貼〕這瑤琴何用。〔旦〕當初五言詩謹趁逐。後來

七絃琴成配偶。〔貼〕這玉簪呵。〔旦〕到如今功成名就也。只怕撇人在腦背後。〔貼〕  
這斑管怎麼說。

〔前腔〕〔旦〕湘江兩岸秋。當日娥皇因虞舜愁。西廂兩淚流。今日鶯鶯爲君瑞  
憂。琴童。你逐宵旅店房中宿。休將包袱兒做枕頭。水浸雨溼休教扭。乾來時熨  
不開摺皺。一件件與我仔細收留也。你與相公說。是必休忘舊。〔丑〕小人理會得。

燃燈雁足此時修。

情繫人心早晚休。

此去長安千萬里。

悔教夫婿覓封侯。

### 第二十四齣 回音喜慰

〔風馬兒〕〔生上〕遠別多情赴帝畿。懷念夢常歸。關山縹緲人何處。甚日共枕  
鴛幃。下官名登虎榜。身列鷄班。奉聖旨着俺在翰林院編修國史。未蒙除授。因此羈絆。不得還鄉。前

者着琴童寄書回去。又不見到來。這兩日神思不寧。飲食無味。給假在郵亭中將息。醫者雖來調治。  
我想這病候便是盧醫扁鵲也醫不好。除非是我那小姐一見。自然便好。

〔惜奴嬌〕從到京師。這相思心下。旦夕如是。心頭橫。躺有鶯兒。隨侍。請得良醫來診視。一心說本意。待推辭。他察虛實。論來怎生迴避。

〔錦衣香〕他道醫雜症。有方術。治相思。無藥餌。鶯鶯知我爲他。我也甘心兒死。飄零四海愧無居。一生客寄。半生將至。怪簷前靈鷲。垂簾幕。報喜蛛兒。昨夜燈結蕊。有何吉凶事。莫非他處。有書來至。〔丑上〕

〔尾聲〕關山豈敢辭迢遞。離卻蒲東崔小姐。討得個音書來報喜。〔見介生〕琴童。

你來了。〔丑〕小人到普救寺中。見那小姐。爲相公一發瘦了。見了書不勝歡喜。就回書打發我來了。

只道官人除授上任。不想有病在此。〔生〕小姐的書在那裏。〔丑遞書介〕書在此。又有許多東西。

一發收了。〔生接書念介〕薄命妾崔鶯鶯。拜奉才郎君瑞文几。自別音容。不覺許久。正思念間。忽見

華翰飛墜。始知文場高中。使妾喜之如狂。今承使便。聊奉瑤琴一張。汗衫一領。玉簪一隻。斑管一枝。

裏肚一條。綿襪一雙。表妾真誠。伏惟笑納。賡韻遂成一絕。以寄遠懷。〔詩曰〕欄杆倚遍盼才郎。莫戀

神京黃四娘。病裏得書知中選。窗前覽鏡試新妝。我那風流小姐。我張珙死也得瞑目了。



〔桂枝香〕堪爲字史。當從款識。端的有柳骨顏筋。恁般樣佳人才思。千般用心。怎不教張生愛你。世間無二。細尋思。寄物知情厚。一樁樁謾看取。

〔看介〕休說他文章翰墨。則這女工針指。世間罕有。〔丑〕官人。小姐寄來這些東西。有甚意思。要他何用。〔生〕你不知道。一件件都有緣故。我都猜着了。

〔前腔〕瑤琴意趣。教我閉門禁指。調養聖賢之心。洗蕩巢由之耳。〔丑〕這玉簪斑管何用。〔生〕玉簪細巧。玉簪細巧。全無瑕疵。霜毫健美。細思之。今日淑女思君子。好似娥皇憶舜帝。〔丑〕這裏肚汗衫兒怎麼說。

〔前腔〕〔生〕裹肚精製。汗衫貼體。見他不離我身邊。識盡他心中事。〔丑〕這錦襪呵。〔生〕這錦襪樣新。這錦襪樣新。線如蠶子。當遵道理。莫胡爲。願足下常

如此。行時可三思。琴童。小姐曾分付你甚麼來。〔丑〕小姐上覆相公。休得別結良緣。〔生〕那小姐還不知我的心事哩。

〔前腔〕與你新婚燕爾。只爲功名到此。昨宵愛桃李春風。今日愁梧桐秋雨。我

是個風流狀元。我是個風流狀元。肯折殘花敗蕊。你不須憂慮。細尋思。我夢到蒲東寺。歸心十二時。琴童。你將這東西與我好生收拾着。

病中喜得寄來書。

慰我心中不盡思。

和淚眼觀和淚寫。

斷腸人送斷腸詩。

### 第三十五齣 詭媒求配

〔秋夜月〕〔淨上〕心性囂。慣使風流鈔。柳陌花街常時樂。偎紅倚翠追歡笑。只愁易老。只愁易老。

〔梨花兒〕我家累代是公卿。自我生來欠老成。終日奔波不暫停。也麼。風流態度人皆敬。小子鄭恆是也。前者姑娘崔老夫人附書來。着我到京搬喪還河中去。誰想到得遲。

又起程去了。不得相會。一向在京院子裏嫖耍。整整住了一年以上。今打聽得老夫人見在蒲東普救寺守喪。又聞得孫飛虎領兵圍了寺。要擄鶯鶯爲妻。得一個洛陽秀才張珙。退了賊兵。夫人將小姐與他爲妻。我今到此。若無這個消息。自去見姑娘不妨。既有這件事。我去也沒意思。想起來這事

都在紅娘身上。已曾令人去喚紅娘到下處來說話。只說纔在京回。不敢造次相見姑娘。且在此等候着。紅娘敢就來也。〔貼上〕初離閨閣內。又向市廛行。鄭恆哥哥着人來喚我說話。老夫人着我去走一遭。〔見介淨〕紅娘姐來了。〔貼〕哥哥萬福。老夫人說你既到此間。爲何不到我家來。〔淨〕我有甚麼嘴臉來見姑娘。先請你來說話。姑夫存日。將小姐許我爲妻。今已服滿。特來央你與老夫人說。擇個好日成親。好與小姐一同扶喪回去還葬。不然一路上與小姐不穩便。若說得成就了。重重謝你。〔貼〕這一節再休題。小姐已嫁與別人去了。〔淨〕胡說。道不得一馬不跨雙鞍。父在日許我親事。今日父死。便要悔親。那有此理。〔貼〕當日孫飛虎領兵來時。哥哥在那裏。若不是張生。俺一家兒性命不保。今日太平了。你卻來爭親。那時被賊擄去了。哥哥如何去爭。〔淨〕我是富家子弟。卻不挫了。倒與窮酸餓鬼。我偏不如他。仁者能仁。身裏出身。根脚又是親上做親。況是父命。〔貼〕你且禁聲。他那些兒不如你。聽我道來。

〔風入松〕你賣弄仁者能仁。倚仗身裏出身。到如今官上加官。不教你親上做親。你又不曾通媒問。如何的便結婚姻。〔淨〕賊兵來時。他一個人怎生退得。都是說謊。

〔前腔〕〔貼〕河橋飛虎那將軍叛蒲東劫掠人民統賊兵半萬來侵境。要鶯鶯

做壓寨夫人。那時慌遽之時。夫人和長老商議。拍手高叫。兩廊不問僧俗。有能退得賊兵者。便將

鶯鶯妻之。忽有遊客張生應聲而出。我有退兵之策。夫人大喜。請問其策。安在。張生云。我有一故人

白馬將軍。見統十萬之衆。鎮守蒲關。我修書一封。着人報去。必來救我。果然書至。兵來。其困卽解。

若不是那張生善修書。誰去請白馬將軍。

〔急二鎗〕他書到。施號令。精兵至。掃滅盡那烟塵。老夫人將小姐甘心許。言而有信。因此上不敢慢於人。〔淨〕我素不聞他名。你這小妮子賣弄他許多。我有甚麼不如他處。

〔貼〕你又便罵我。你一分他值百餘分。這螢火怎比月輪。高低遠近都休論。我

拆白道字與你辨清渾。〔淨〕這小妮子曉得甚麼。拆白道字。你說與我聽。〔貼〕張君瑞肖字

邊着個立人。你是個木寸馬戶尸巾。〔淨〕這小妮子罵我是村馮屨。我祖代是相國之子。

到不如個窮秀才。窮的只是窮。做官到底做官。〔貼〕他憑着師友務本。你倚着父勢欺

人。這廝喬立議論。官人的只合做官人。窮民到底是窮民。卻不道將相出寒門。

〔淨〕這都是姑夫的遺囑。我擇日牽羊擔酒上門去。要他成親。看姑娘怎麼樣發付我。〔貼〕如何硬做眷姻。不親的。強諧秦晉。〔淨〕我不怕他不肯。〔貼〕訕勛發村使狠甚的個善温

存。〔淨〕姑娘若堅執不肯。我着二三十人上門。強搶上轎。扛到下處。脫了衣。過了一宿。恁明日急趕將

來。還你一個婆娘去便了。〔貼〕你須是鄭相國親舍人。須不是孫飛虎莽軍。喬嘴臉。腌臢身分。少不得有家難奔。〔淨〕這小妮子眼見得受了招安也。我也不對你說。明日定

要娶。定要娶。〔貼〕不嫁你。不嫁你。〔淨〕正是郎君俏佳人有心。你喝一聲我聽。〔貼笑介〕

看你這般頑嘴臉呵。不喝采怎生忍。正是閉門推出窗前月。堪笑梅花空自香。〔貼下淨弔

場介〕這妮子擬定都和那酸丁演撒了。我明日自上門去。見俺姑娘。說個大謊。只說張生中了狀

元。贅在衛尚書家做了女婿。俺姑娘最聽是非。他自小又愛我。必有話說。休說別的。則俺這一套衣服。也衝動他。他若不肯。我便放起刁來。且看鶯鶯那裏去。終不然到官司。斷與張生做了夫妻不成。

且將壓善欺良意。

權作尤雲殢雨心。

第二十六齣 衣錦還鄉

〔金雞叫〕〔老旦上〕聽得人傳語。今科狀元少年君瑞。〔貼上〕蒼天不負男兒

志。〔合〕身着宮袍。手攀仙桂。〔老旦〕本待將心托明月。誰知明月照溝渠。昨日鄭恆來說。張生

中了狀元。入贅在衛尚書府中。做了女婿。依前將女兒嫁與鄭恆罷。着他擇個好日。成親便了。〔貼〕

昨日鄭哥哥之言。未可便信。望老夫人三思而行。倘或張生無有此事。榮耀回來。兩邊怎生發付。

〔生引衆上〕

〔似娘兒〕玉鞭驄馬出皇都。暢風流人物。今朝三品貴。昨日一寒儒。御筆親覲。

除任在河中府。一旦風雷動。成名天下知。如今將近普救寺了。左右疾忙與我轎上前去。

〔駐馬聽〕張珙如愚。酬志三尺龍泉萬卷書。鶯鶯有福。請了五花官誥。七級香

車。身榮難忘借僧居。愁來猶記題詩處。取應分離。夢魂不離蒲東寺。下官蒙聖恩

除授河中府府尹。衣錦還鄉。小姐鳳冠霞帔。都請在此。若見俺小姐。雙手捧將過去。迤邐行來。此間

已是普救寺門首。不免徑入。左右每回去罷。〔衆應下老旦〕紅娘去看。外面甚麼人嚷。〔貼出見

生介貼〕呀。原來是姐夫榮回了。且喜且喜。〔生〕是小生回來了。與我報夫人知道。〔貼進報介〕

老夫人張先生做官了。回在外面。〔老旦〕請進相見。〔生進相見介〕

〔刮鼓令〕重相見可喜。謹躬身問起居。〔老旦〕你是奉聖旨的女婿。我消受你拜不起。

〔生〕慈顏怒未知因甚。丫鬟各廝覷。莫不是怨別離。有人架起是非。致令今日意參差。呀。怎生不見我玉人兒。

〔前腔〕〔老旦〕張生。兵危困感伊。〔生〕此乃往事。不必提起。〔老旦〕許孩兒成伉儷。誰想

你一朝折桂。又贅尙書衛相女。〔生〕那裏生出這話來。〔老旦〕把恩義盡拋離。我孩兒

雖是殘妝醜貌。未必辱你。教人空自氣長吁。〔生〕那有此事。〔老旦〕如何今日假

躊蹰。紅娘。你去問他。

〔前腔〕〔貼〕含容去拜啟。望慈顏免怒起。〔生〕紅娘姐。如何叫我不惱。〔貼〕試問你京

中緣故。轉教人輕賤你。從別後喜無虞。新夫人姿容必麗美。比咱小姐料清奇。

繡球兒打着做夫妻。〔生〕紅娘姐。連你也葫蘆提了。小生爲小姐忘餐失寢。受無限之苦。別人

不知道。你難道不曉得。

〔前腔〕絲鞭那仕女。滿章臺覓眷叙。我懷着舊時恩愛。肯憐新棄舊娶。豈不聞君子斷其初。是那個畜生行妒嫉。走將來說閒阻。致令今日意生疎。〔老旦〕當日兵圍救時。感君一諾。獻神機。蒲關故友。解重圍。酬恩諧淑女。送別赴春闈。一旦從新忘舊念。衛尙書府別娶嬌姿。今朝表出是和非。胡欲斷絃再娶。〔生〕小生既入贅了衛尙書府中。做了女婿。如何又請小姐的鳳冠霞帔。誥命在此。〔貼〕卻原來老夫人。我道張生不是這等人。則索請小姐出來。自問他。〔老旦〕你去請。〔貼〕小姐。張姐夫回來了。請出來相見。〔旦上介〕

〔哭相思〕衣錦還鄉事雖美。誰知道喜成悲。別後教人每憶你。將美事變爲非。〔生旦相見介〕小姐。且喜別來無恙麼。〔旦作不語介〕貼小姐有甚麼言語。對他說破了罷。

〔啄木趕黃鶯〕〔旦〕不見時。準備着千言萬語。〔貼〕小姐。今日見了姐夫。卻又如何不說。

〔旦〕得相逢。變作氣長吁。他急攘攘卻纔歸來。我羞答答怎生相覷。欲將愁恨來伸訴。及至相逢無一語。嘆別離。今朝會你須辨出是和非。〔旦〕張生。我有何負於足下。卻見棄妾身。贅在衛尙書府中爲婿。於理何堪。〔生〕你聽那個人說來。〔旦〕鄭恆在夫人



行說來。〔生〕小姐如何聽那斷。我張珙之心。惟天可表。

〔前腔〕從離了蒲東路。早來到京兆府。見個佳人不敵靚。硬扯個衛尙書家孩兒爲眷屬。小姐我若見他影兒滅一戶。是何人嫉妬剗地裏把人裝誣。〔貼〕張姐

夫。你若果沒有此事。待鄭恆來與他面證便了。〔老旦〕呀。杜將軍來了。紅娘扶小姐進去。〔旦〕下外

上介

〔仙燈近〕離卻蒲東。幸喜故人相見。〔外見生介〕有勞仁兄光降。愚弟有失迎接。〔外〕且

喜賢弟高擢巍科。官拜府尹。愚兄特備菲禮。前來拜賀。〔生〕愚弟托賴仁兄福蔭。謬登甲第。今已回

來。不料老夫人聽信鄭恆誹謗。道愚兄入贅衛尙書府中。將小姐改嫁鄭恆。望仁兄張主。〔外〕老夫

人差矣。君瑞一者有退兵之功。二者是尙書之子。況今見在河中府府尹。老夫人有言。三代不招白

衣女婿。今日番悔親事。於禮有礙。〔老旦〕先夫在日。果將小女許下舍侄鄭恆。不料遭此大變。虧張

先生請將軍殺退賊兵。老身不負初言。以成其事。忽然鄭恆來說。因此欲悔其親。〔外〕老夫人焉可

聽其誹謗之言。有傷風化。況且鄭恆與小姐是姑舅之親。豈可配爲夫婦。決行不得。〔老旦〕且待鄭

恆來。當將軍面前。明白此事。〔淨上〕

〔前腔〕喜氣匆匆。今做了東牀嬌客。今日是個良辰吉日。姑娘許我成親。請這兩位官陪我。做了親。待張生回來時。着他一個忽地笑。這是姑娘家裏。不免進去。〔見老旦介〕姑娘拜揖。請問這位尊親大人上姓。好稱呼。〔老旦〕是鎮守蒲關杜將軍大人。〔淨〕此一位尊親。〔老旦〕是新府尹張大人。衛尙書的女婿。〔淨〕決撒了。張大人在此。有何尊幹。〔生〕你便是鄭恆。到此何幹。〔淨〕這是我姑娘家裏。小姐是我妻子。倒問我何幹。〔外〕老夫人。這就是鄭恆麼。左右與我拿了。你不仁不義。誑騙良人。奏過官裏。明證其罪。〔淨〕老大人。是我姑夫。在日前許下我爲妻。如今倒說我是誑騙人妻。〔外〕既與崔小姐姑舅之親。律有明條。豈做得夫人。左右與我押送官司。明日問他。〔淨〕大人不必發怒。小人情願退親便了。只是怎生回去見人。罷罷。妻子空爭不到頭。風流自古惜風流。假饒掬盡湘江水。難洗今朝一面羞。〔下老旦〕多謝大人主張親事。料無差矣。紅娘請小姐過來。戴了鳳冠霞帔。先謝了恩。然後拜謝杜大人。〔貼〕小姐有請。〔旦上同生謝恩拜外介〕

〔大環着〕〔生旦〕謝恩人相助。謝恩人相助。力解兵圍。成就今生。一對夫妻。得

意也當時題柱，不負了少年豪氣。門闌喜迎駟馬高車，新狀元花生滿路。〔合〕今日裏逢聖治，四海無虞，皆稱臣庶。

〔前腔〕〔老旦〕痛先夫亡世，痛先夫亡世。蕭寺孀居，忽遇強梁，困逼無計。謝張生特施奇策，請將軍大興師旅，退賊兵救寡婦孤兒，把前盟怎肯拋棄。〔合前〕

〔前腔〕〔外〕念平生交誼，念平生交誼。親同骨肉，間別經年。顏範不覩，喜兄弟官封文武，食天祿愧無報補。絕狼烟威震三邊，登廟廊政誇五袴。〔合前〕

〔前腔〕〔貼〕想花前奇遇，想花前奇遇。兩意躊躇，待月迎風，書傳緘遞，還得逢並頭連理。美恩情團圓到底，又叨賜夫人封號，五花官誥鳳冠霞帔。〔合前〕

〔越恁好〕〔合〕永承宗嗣，永承宗嗣。治中堂人怎比，風流才思，容嬌媚世應稀。〔合〕開筵慶賞，春風裏，笙歌滿耳，麝蘭香靄圍珠翠，春花秋月長如此。

〔前腔〕夫榮妻貴，夫榮妻貴。辦行程臨府治，黃堂善政，傳千里撫安黎庶。〔合前〕

〔尾聲〕西廂待月成佳配。金榜題名衣錦歸。留與人間作話兒。

謝得將軍成始終。

多承老母意從容。

夫妻榮貴今朝足。

願得鴛幃百世同。

西廂記終

幽

閨



目錄

- |      |      |
|------|------|
| 第一齣  | 開場始末 |
| 第二齣  | 書幃自歎 |
| 第三齣  | 虎狼擾亂 |
| 第四齣  | 罔害皤良 |
| 第五齣  | 亡命全忠 |
| 第六齣  | 圖形追打 |
| 第七齣  | 文武同盟 |
| 第八齣  | 少不知愁 |
| 第九齣  | 綠林寄跡 |
| 第十齣  | 奉使臨番 |
| 第十一齣 | 七女隨遷 |



第十二齣 山寨巡邏

第十三齣 相泣路岐

第十四齣 風雨問關

第十五齣 番落回軍

第十六齣 遠離兵火

第十七齣 曠野奇逢

第十八齣 彼此親依

第十九齣 偷兒擋路

第二十齣 虎頭遇舊

第二十一齣 子母途窮

第二十二齣 招商諧偶

第二十三齣 和寇還朝

第二十四齣

會赦更新

第二十五齣

抱恙離鸞

第二十六齣

皇華悲遇

第二十七齣

逆旅蕭條

第二十八齣

兄弟彈冠

第二十九齣

太平家宴

第三十齣

對景含愁

第三十一齣

英雄應辟

第三十二齣

第三十三齣

第三十四齣

第三十五齣

第三十六齣

第三十七齣

第三十八齣

第三十九齣

第四十齣

# 幽閨記

元施 惠箸

## 第一齣 開場始末

〔西江月〕副末上 輕薄人情似紙。遷移世事如棋。今來古往不勝悲。何用虛名虛利。遇景且須行樂。當場謾共啣杯。莫教花落子規啼。懊恨春光去矣。

〔沁園春〕蔣氏世隆。中都貢士。妹子瑞蓮。遇興福逃生。結爲兄弟。瑞蘭王女。失母爲隨。遷荒村尋妹。頻呼小字。音韻相同事偶然。應聲處。佳人才子。旅館就良緣。岳翁瞥見。生嗔怒。拆散鴛鴦。最可憐。歎幽閨寂寞。亭前拜月。幾多心事。分付與嬋娟。兄中文科。弟登武舉。恩賜尙書贅狀元。當此際。夫妻重會。百歲永團圓。

老尙書緝探虎狼軍。  
窮秀才拆散鳳鸞羣。

文武舉雙第黃金榜。

幽閨怨佳人拜月亭。

## 第二齣 書幃自歎

〔珍珠簾〕〔生蔣世隆〕十年映雪囊螢苦學千祿幸首獲州庠鄉舉繼晷與焚膏。砥勤習詩書。咳唾珠璣才燦錦。養浩然春闈必取。一躍過龍門。當此青雲得路。中都風物景全佳。街市駢闐麗華。烟鎖樓臺浮錦色。月籠花影映林斜。禮樂流芳忝儒裔。雙親不幸俱傾逝。止存一妹在閨中。真乃家傳多富貴。自家姓蔣。雙名世隆。中都路人氏。雖叨鄉薦。未赴春闈。只因服制在身。難以進取。家中別無親人。止有一妹。叫名瑞蓮。年已及笄。未曾許聘。〔鷓鴣天〕正是錦綉胸襟氣若虹。文章才學足三冬。循循善道馳庠校。濟濟儒風藹郡中。題鴈塔。步蟾宮。前程萬里附溟鴻。此時衣錦還鄉客。五百名中讓世隆。

〔月上海棠〕君子儒。文章學業馳名譽。但一心憂道。豈爲貧居。十年挨淡飯黃齋。終身享鼎食重禱。前賢語。果是書中自有金玉。歲月易虛。寸陰當惜。不免到書房中

將經史檢點則個。

琢磨成器待春闈。

萬里前程唾手期。

一舉首登龍虎榜。

十年身到鳳凰池。

## 第三齣 虎狼擾亂

〔點絳脣〕〔淨番將上〕勢壓中華。仁將夷化。威風大。一曲琵琶。醉後驅鷹馬。你看邊塞上好光景。只見萬里寒沙。一天秋草。馬嘶平野。呼鷹地。犬吠低坡。射鴈人。草叢中無非是赤兔。黃偉天際表有些兒皂鵬白鶴。夜夜月爲青塚鏡。年年雪作黑山花。俺這裏喫的是馬酪羊羔。說甚麼龍肝鳳髓。穿的是狐裘貂帽。要甚麼錦衣繡裳。比着他諸夏無君。爭似俺蠻夷有主。漢家雖盛。曾與和親。唐國稱隆。結爲兄弟。國號附金。而威風凜凜。中華臣宋。而氣宇巍巍。遠觀着幾層瑞彩罩金城。遙望見一派祥雲籠鐵柱。自家北番一個虎狼軍將是也。只因大金天子。俺這里三年一小進。五年一大進。十年一總進。今經一十五年。並無一絲兒回答。俺主大怒。着俺起兵前去。打奪州城。占據糧草。不免叫把都兒每出來。與他商議。把都兒那里。

〔水底魚〕〔小生外末番軍上〕白草黃沙。氈房爲住家。胡兒胡女慣能騎戰馬。因貪財寶到中華。閒戲耍被他拿住鐵里温都哈喇。主帥呼喚。上前參見。〔淨〕把都兒每。只

因大金天子。俺這里三年一小進。五年一大進。十年一總進。今經一十五年。並無一絲兒回答。主上

大怒着俺起兵前去打奪州城。占據糧草。衆把都兒每聽吾號令。不可有違。

〔豹子令〕點起番家百萬兵。百萬兵紛紛快馬似騰雲。似騰雲。叵耐大金無道理。與他交戰定輸贏。〔合〕安排器械便登程。殺教片甲不留存。

〔金字經〕喲都兒哪應咖哩。者麼打麼撒嘛呢。咪嘛打麼呢。咭囉也赤吉哩撒麼呢撒哩。吉麼赤南無應咖哩。

頭戴金盔挽玉鞭。

驅兵領將幾千員。

金朝那解番狼將。

血濺東南半壁天。

#### 第四齣 罔害幡良

〔小生丑金瓜武士上〕蓬萊正殿起金鰲。紅日初生碧海濤。開着午門遙北望。赭黃新帕御床高。

〔末黃門上〕

〔點絳脣〕漸闌東方。殘月淡啟猶伺顯。平閃清光。點滴簷鈴響。萬燭當天紫霧消。

百花深處漏聲遙。宮門半闌天風起。吹落爐香滿繡袍。自家乃金朝一個小黃門是也。主司儀典。出。

納綸首。身穿獸錦袍。與賓客言。口含鷄舌香。傳天子令。如今早朝時分。官裏升殿。怕有奏事官到來。不免在此伺候。怎見得早朝。但見銀河耿耿。玉露瀼瀼。似有似無。一天香霧。半明半滅。幾點殘星。銅壺水冷。數聲蓮漏。出花遲。寶鴨香消。三唱金雞。明曙早。人過御溝橋。燈影裏。衣冠濟楚。馬嘶宮巷柳。月明中。環珮鏗鏘。鐘聲響。大殿門開。五音合。內官樂奏。只見那奉天殿。武英殿。披香殿。太乙殿。謹身殿。巍巍峨峨。日色乍臨。仙掌動。奉天門。承天門。大明門。朝陽門。乾明門。隱隱約約。香烟欲傍。袞龍浮。其時有御用監官。尙膳監官。尙衣監官。各司其事。備其所用。鴻臚寺官。光祿寺官。太常寺官。各守乃職。聽其所需。周旋中規。折旋中矩。降者降而升者升。過立色勃。執圭鞠躬。跪者跪而拜者拜。文官有稷契伊傅之才。武將有起翦頗牧之勇。正是日月光天德。山河壯帝居。太平無以報。願上萬言書。道猶未了。奏事官早到。

〔出隊子〕〔淨聶賈列上〕番兵突至。番兵突至。禦敵無人爲出師。教人日夜苦憂思。事到臨危不可遲。奏議遷都。伏乞聖旨。〔末〕來者何官。〔淨〕臣聶賈列奏聞陛下。〔末〕

所奏何事。〔淨〕奏爲保國安民事。誠惶誠恐。稽首頓首。冒奏天顏。恕臣萬死萬死。臣聞番兵犯界。突



入榆關。離俺中國。只有百二十里之地。況彼人強馬壯。本國將寡兵疲。難以當敵。不若遷都汴梁。上保社稷無危。下免生民塗炭。〔末〕官裏道來。汴梁有何好處。可以遷都。〔淨〕夫汴梁者。東有秦關。西有兩隘。南有函谷。北有巨海。地雄土厚。可以遷都。所謂王公設險。以守其國。願我王准臣所奏。不必遲回。〔末〕官裏道來。可退在午門外。與衆官商議。即便遷都汴梁。免致兩國相爭。實爲便益。〔淨〕萬歲。萬歲。萬萬歲。〔退科〕

〔點絳脣〕 〔外陀滿海牙上〕長樂鐘鳴。未央宮啓。千官至。頓首丹墀。遙拜着紅雲

裏。〔末〕來者何官。〔外〕臣陀滿海牙。累世忠良。官居左丞之職。有事不容不諫。〔末〕所諫何事。〔外〕臣聞番兵犯界。兵馬已到榆關。相去百二十里之地。所謂剝床以膚。切近災者也。本合命將出師。勦滅夷寇。今被奸臣擅權竊柄。奏令遷都。以避強勢。不惟天子蒙塵。抑且生民塗炭。於此不諫。不爲忠也。誠惶誠恐。稽首頓首。君乃臣之元首。臣乃君之股肱。君有諍臣。父有諍子。王事多艱。民不堪命。若錯口不言。是坐視其危也。卽今番兵犯界。何不遣將禦敵。卻乃遷都遠避。〔末〕官裏道來。如今朝中缺少良將。着何人爲帥。統領三軍。與他對敵。〔外〕臣聞內舉不避親。臣舉一人。卽臣之子。陀滿興福。此

子六韜三略皆能。有萬夫不當之勇。手下見有三千忠孝軍。人人敢勇。個個當先。可退番兵。〔淨〕  
臣聶賈列奏聞陛下。陀滿海牙已有無君之心。又令其子出軍。如虎加翼。爲禍不淺。我王不可准奏。  
〔外〕咄。聶賈列。你何故妄奏遷都。〔淨〕咄。陀滿海牙。你何故阻駕。

〔新水令〕〔外怒科外〕九重天聽望垂慈。主君賢諫臣須直。事當言敢自欺。既爲  
官要盡臣職。〔淨〕如今聖駕遷都。有何不可。〔外〕你若是遷移。把社稷一時棄。〔末〕官  
裏道來。二人所奏不同。還退在午門外。與衆官商議。〔外淨〕萬歲。萬歲。萬歲。〔退科外〕聶賈列。你  
怎見得就該遷都。

〔步步嬌〕〔淨〕蠢爾番兵須臾至。力寡難當禦。朝臣衆議之。你不見昔日呵。太  
王居邠。狄人侵地。事之以皮幣不得免。事之以犬馬不得免。事之以珠玉不得免。他也無計可施  
爲。只得遷都去。

〔折桂令〕〔外〕古人言自有權輿。能者遷之。否則存之。〔淨〕說得好。說得好。你說聖上  
不如太王。〔外〕怎忍見夫挈其妻。兄携其弟。母抱其兒。城市中喧喧嚷嚷。村野

問哭哭啼啼。可惜車駕奔馳。生民塗炭。宗廟丘墟。

〔江兒水〕〔淨〕臣道當卑順。秋毫敢犯之。你道能如太王則遷之。不能則謹守常法。這是不能堯舜欺君罪。那百姓每呵。見說仁君遷都避。紛紛從者如歸市。你道效死而民勿去。這等拘守之言。怎及得遷國圖存之計。

〔鴈兒落〕〔外〕俺穿一領裏乾坤縫掖衣。要幹着儒家事。讀幾行正綱常賢聖書。要識着君臣義。俺則是一心兒清白本無私。〔淨〕你觸犯了聖上。就該萬死。〔外〕言如達。死何辭。〔淨〕常言道閉口深藏舌。安身處處牢。〔外〕怎做得審無氣。〔淨〕你許多年紀了。還要管這等閒事怎麼。〔外〕怎做得老無爲。今日任你打落張巡齒。癡也麼癡。常自把嚴顏頭手內提。

〔僥僥令〕〔淨〕半空橫劍戟。四面列旌旗。戰鼓如雷轟天地。你卻唱太平歌。念孔聖書。

〔收江南〕〔外〕呀恰便是驕驄立仗。噤住口不容嘶。將焉用彼過誰欺。那知越

瘦與秦肥你這般所爲。你這般所爲。恨不得啗伊血肉。寢伊皮。

〔園林好〕〔淨〕朝廷上尊嚴去處。豈容你談論是非。全不識君臣之體。憑河死。悔時遲。憑河死。悔時遲。〔外〕

〔沽美酒〕〔外〕你爲人何太諛。你爲人何太諛。腹中劍。口中蜜。長脚儉人藍面鬼。百般樣。肆奸回。肆奸回。把聖聰蒙蔽。俺學的是段秀實。以笏擊賊。你那臭名兒海波難洗。我好名兒史策留題。我呵這件事。你知我知。天知地知。呀。便死做鬼魂靈。一心無愧。〔淨〕聶賈列奏聞陛下。陀滿海牙故意阻駕。陀滿興福造意出軍。父子將謀爲不軌。〔末〕官裏道來。陀滿海牙父子既有反叛之心。着金瓜武士打死。〔外〕聖上。讒言不可聽信。

〔小生丑扯外下末〕官裏道來。陀滿海牙三百家口。不分良賤。盡行誅戮。齟齬不留。就差聶賈列前去監斬。不得有違。〔淨〕奉聖旨。

〔末〕早朝奏罷離金階。〔淨〕戈戟森森列將臺。

〔合〕會施天上無窮計。難免今朝目下災。

## 第五齣 亡命全忠

〔紅衲襖〕〔小生陀滿興福上〕將門庭，非小輕。掌貔貅，百萬兵。威權勇猛千般計，勢顯赫耀一派鉦。官宦族，名譽稱。聲聞徹帝京，好笑番魔也。怎當俺二千忠孝軍。

膽略曾經百戰場，勢如猛虎走羣羊。胸中豪氣沖天日，訓練三軍悉智強。自家陀滿興福，爹爹海牙

丞相。今早入朝未回，不免把軍士每訓練一番。多少是好。軍吏那里。〔丑上〕朝中天子官，關外將軍

令。覆將軍。有何鈞音。〔小生〕取軍冊上來。〔丑取冊小生看料末上〕有事不敢不報，無事不敢亂傳。

將軍不好了。〔小生〕怎麼說。〔末〕即今番兵犯界，聶賈列奏令遷都。聖意欲從，老相公極言苦諫。那

聶賈列輒生惡意，妄奏聖上，說老相公故意阻駕，謀爲不軌。聖上聽信讒言，將老相公金瓜打死了。

〔小生哭科末〕還有一件。〔小生〕又怎麼。〔末〕聖上就差聶賈列爲監斬官，把將軍三百家口，不分

良賤，盡行誅戮。如今聶賈列那廝帶領人馬將到了也。〔小生〕這苦怎生是了。〔末〕將軍不妨，將軍

手下見有三千忠孝軍，人人敢勇，個個當先。待那奸臣來時，把他一刀殺了，上報老相公屈死之讎。

下免三百口屠戮之苦，有何難處。〔小生〕我若殺了那廝，怎全得我老相公的忠義，無計可奈，只得

逃難他方。再作計處。

雙手擘開生死路。

一身跳出是非門。

## 第六齣 圖形追捕

〔趙皮鞋〕〔丑上〕我是個巡警官。日夜差科千萬端。俸錢些少幾曾關。怎得三年官債滿。〔西江月〕當職身充巡檢。上司差遣常忙。捕賊違限最堪傷。罰俸別無指望。日裏迎來送往。夜間巡警關防。雖然鵝酒得些啜。事發納賊吃棒。今有當朝陀滿丞相阻當鸞駕。朝廷大怒。將他滿門良賤。盡皆誅戮。只走了陀滿興福一人。奉上司明文。畫影圖形。十家爲甲。排門粉壁。各處挨捕。但有拿得着者。有官有賞。窩藏者。與本犯同罪。不免叫左右的出來分付。左右那里。〔末上〕認簡公衙靜。民安士庶稱。明如秋夜月。清似玉壺冰。覆老爺。有何分付。〔丑〕我日問你。這箇地方誰管。〔末〕這是中都路坊正管的。〔丑〕這等與我叫中都路坊正來。〔末〕領鈞旨。中都路坊正走動。

〔大齋郎〕〔淨上〕狂秀才。命兒乖。身充坊正是官差。三隅兩巷民口災。要無違

礙。好生只把月錢來。身充坊正霸鄉都。財物雞鵝那得無。物取小民窮骨髓。錢剝百姓苦皮膚。

當權若不行方便。後代兒孫作馬驢。罰願滿門都喫素。年頭年尾只喫麩。〔末〕你倒佛口蛇心。〔淨〕

你是甚麼人。〔末〕我是公使人。〔淨〕公使人。乾熱亂得文引去勾喚。窮三千富五貫。得了錢。解一半。

這等之人。如何判斷。押赴市曹。一刀兩段。吾奉太上老君急急如律令勅。〔末〕你也不像個坊正。倒

是個掌法司巡警。老爺叫你半日了。且不要閒說。〔淨〕既如此。待我去見。老爺見坊正。〔丑〕我把你

這狗骨頭。我在此半日。你纔來見我。倒說老爺見坊正。我倒來見你麼。〔淨〕不是這等說。不曾分得

句讀。我說老爺見。小人是坊正。只少小人是三箇字。〔丑〕這狗骨頭。白鐵刀。轉口快。且不打你。聽我

分付。今有當朝陀滿丞相阻當鸞駕。朝廷大怒。將他滿門良賤。盡皆誅戮。只走了陀滿興福一人。奉

上司明文。遍張文榜。畫影圖形。十家爲甲。排門粉壁。到處挨捕。但有拿得着者。有官有賞。窩藏者。與

本犯同罪。〔淨〕叫科。〔東〕西南北四隅裏賣豆腐的王公聽着。但有人拿得陀滿興福者。有官有賞。窩

藏者。與本犯同罪。〔丑〕拿過來。我把你這狗骨頭。東南西北四隅裏。豈沒有個姓張姓李的。偏只有

這個賣豆腐的王公。〔淨〕老爺。有個緣故。小的老婆喫齋。賣豆腐的王公。每日挑了豆腐。在小的門

首經過。小的老婆問他除一塊兒喫。他再不肯。老婆說家長老官兒。今後有甚麼官府事。報他一名。故此只報他的名字。〔丑〕這狗骨頭。我倒替你官報私讎。叫左右拿下去打。〔末〕稟老爺。打多少。〔丑〕打十三。〔末打科丑〕你方才打多少。〔末〕打十三。〔丑〕狗骨頭。明明打得他三板。就說打了十三。壞了我的法度。坊正起來。拿這狗骨頭下去打。〔淨〕六月債。還得快。稟老爺。打多少。〔丑〕也打十三。〔淨打科丑〕我曉得人人如此。個個一般。你打得他三下。也就哄我說打了十三。你每欺我老爺不識數。左右的如今拿坊正下去打。打一下我老爺記一根籤。難道也哄得我不成。〔末打淨淨打丑譚科〕

〔恤刑兒〕〔丑〕你十三。我十三。三個十三三十九。賽過東京白牡丹。

〔柳絮飛〕〔丑〕聽我分付。一軍人盡誅戮。誅戮走了陀滿興福。興福遍將文榜諸州掛。都用心跟捉囚徒。〔合〕鄰佑與窩主。停藏的罪同誅。

〔前腔〕〔末〕聖旨非比尋俗。尋俗。明立官賞條局。條局。反叛朝廷非小可。市曹中影畫形圖。〔合前〕



〔前腔〕〔淨〕排門粉壁明書明書。擾擾攘攘中都中都。坊正千繫天來大。沒錢撰不比差夫。〔合前〕

〔丑〕排門粉壁刷拘。

〔淨〕各分干係公徒。

〔末〕假饒人心似鐵。

〔合〕怎當官法如爐。

### 第七齣 文武同盟

〔小生慌走上〕休趕。休趕。拆碎玉龍飛彩鳳。斷開金鎖走蛟龍。

〔金籠聰〕鑾輿遷汴梁。朝廷你信讒言殺害忠良。忠孝軍盡誅亡。慌慌逃命走。此身前往何方。天可表我衷腸。陀滿興福。〔水調歌頭〕本爲忠孝將。翻作叛離人。番兵犯界。

遷都遠避駕蒙塵。嚴父金塔苦諫。聖怒一門賜死。亡命且逃生。上天天無路。入地地無門。

〔北絳都春〕興福家九族遭殃。六親俱喪銜冤枉。怎教俺三百口無罪身亡。兀的是平地裏災從天降。

〔混江龍〕大金主上。怨着大金主上。信讒言佞語。殺害我忠良。把俺忠孝軍都

殺盡。教俺一身逃難。離了家鄉。朝廷忙傳聖旨。差使命前往他方。把興福圖形。畫影將文榜。遍地裏開張。拏住的請功受賞。但人家不許窩藏。卻教俺走一步。一步回頭望。痛殺俺爹和娘。走得俺筋舒力乏。說得俺魄散魂揚。〔內喊科〕呀。後面軍馬越趕得緊急了。休趕。休趕。俺和你魚水無交。冤有頭。債有主。教你一個來時一個死。兩個來時兩個亡。

〔油葫蘆〕則見幾個巡捕弓兵如虎狼。趕得俺慌上慌。忙上忙。天那。這場災禍。無可提防。見那廝惡咩咩手裏拏着的都是鎗和棒。謊得俺戰兢兢小鹿兒在。心頭撞。這壁廂無處隱藏。且住。這裏有一堵高牆。牆邊有口八角琉璃井。曾記得兵書上有個金蟬脫殼之計。不免將身上紅錦戰袍掛在這枯樁上。翻身跳過牆去。待那士兵來時。見了這袍。則道俺墜井身亡。一定打撈屍首。那時陀滿興福在牆那邊。不知走了多少路了。好計。好計。將俺這錦紅袍。錦紅袍脫放在枯樁上。呀。衣服脫了。粉牆這等高峻。如何跳得過。自古道人急計生。不免攀住這杏花梢。跳將過去。跳過這粉牆。恰便似失路英雄楚霸王。教俺興福。

慌也不慌。不覺來到花影傍。呀。好大風。想必是天神過往。且在這花叢底下。暫躲一躲。再作區處。〔下〕

〔旋風子〕〔未〕太白星上。祥雲縹緲。飛昇體探人間。湛湛清天不可欺。未曾舉意早先知。善惡到頭終有報。只爭來早與來遲。

〔北〕鴈兒落帶過得勝令。總乾坤一轉丸。覩日月雙飛箭。浮生夢一場。世事雲千變。萬里玉門關。七里釣魚灘。曉日長安近。秋風蜀道難。險些兒誤殺了個英雄漢。淒淒冷冷。埋冤世間。善哉。善哉。苦事難挨。有難不救。等待誰來。花園的土地那里。〔丑上〕

花園土地老。並無犧牲咬。叵耐灌花奴。香爐都推倒。覆仙主。有何分付。〔未〕今有本國忠孝將陀滿興福。乃冤枉之人。他家三百餘口。盡被誅戮。只脫得一身到此。此人去後。當有顯榮之日。如今被軍馬追趕緊急。汝可隱形全庇此人這場大難。不可有違。〔丑〕領鈞旨。便將此人變其形像爲小神。與他躲過便了。〔未〕降身臨凡世。起步到天宮。〔下丑〕坐科小生上。風已息了。不免尋箇走路。呀。這裏太湖石傍。有箇神像在此。牌上寫着明朗神之位。明朗神。陀滿興福是冤枉之人。逃難到此。若得片

雲蓋頂。救了小將之難。他日重修廟宇。再整金身。

〔混江龍後〕望神聖將身隱藏。興福撮土爲香。禱告上蒼。但願得俺興福離了天羅。脫了地網。〔推丑下自坐科〕

〔六么令〕〔外末淨丑上〕官司遍榜。捕捉陀滿興福惡黨。正身拿住受官賞。尋踪跡。問行藏。俺待見時。休想輕輕饒放。俺待見時。休想輕輕饒放。〔淨〕你們見也不

會。〔衆〕見甚麼。〔淨〕攀脊梁不着。一個矮子。〔衆〕攀脊梁不着。是個長子。〔淨〕在這裏。在這裏。〔衆〕在那里。〔淨〕你看這腳跡。不是陀滿興福的。〔衆〕怎麼曉得是陀滿興福的。〔淨〕陀滿興福是個雕青大漢。他人長脚也長。〔衆〕有多少長。〔淨〕待我量一量。看有一丈七八長。〔衆〕一丈七八長。且住。

腳跡在這裏。怎麼就不見了。〔淨〕是跳過牆去了。〔衆〕這牆是誰家的。〔外〕是蔣舉人的花園。那個先進去。〔淨〕你們進去。〔衆〕還是你進去。〔淨〕也罷。我有個分曉。待我先把這棍子丟將進去看。

〔丟棍科末〕這個是護身龍。怎麼丟了進去。〔淨〕如今不叫他護身龍。〔末〕叫做什麼。〔淨〕叫做查實。〔末〕怎麼叫做查實。〔淨〕丟這棍子進去。倘若裏面有溝有河。有人有狗。也曉得個明白。故此

叫做查實。〔末〕如今丟在那裏響。〔淨〕在平地上響。待我進去。〔作跳牆科〕呀。有個神像在此。牌上寫着是朗朗神之位。且住。陀滿興福是個有本事的人。倘撞着他。一拳打得稀爛。還出去叫他。們一齊進來。〔跳出科末〕怎麼又出來了。可見甚麼。〔淨〕不見甚麼。只見一個神道坐在那里。和你都跳去看。〔末〕我們奉上司拿人。和你推倒牆進去。怕他甚麼。蔣舉人。牆倒衆人推。〔衆〕是如此。〔衆推科〕果然有個神道在此。〔淨〕列位哥哥。我和你在神道面前許下一個願心。保佑你我早拿得陀滿興福。你道如何。〔衆〕好好。〔丑〕我就許一隻鵝。〔淨〕我就許一隻雞。〔末〕我許一刀肉。〔外〕我許酒菓紙燭。都在我身上。〔衆〕朗朗神爺。我每都是士兵。奉上司明文。捉拿陀滿興福。若拿得着。還你一個三牲。〔丑〕若拿不着。我那兒你休怪。〔外〕神明怎麼去發瀆他。〔末〕來和你在這裏。半日。他就在此也去了。和你還到牆外邊去。追尋踪跡。〔淨〕說得有理。快來。快來。走在這裏。〔丑〕在那裏。〔淨〕這不是陀滿興福的紅錦戰袍。想是見我們追得緊急。墜井而亡了。〔丑窺井科〕一個一個。〔外看科丑〕兩個兩個。〔外〕不是。是我和你的影子。〔丑〕怎麼有人在裏面說話。〔外〕是我和你的應聲。哥。被他使了計了。〔淨〕使甚麼計。〔外〕金蟬脫殼之計。他哄我和你在這打撈尸首。他不知去

了多少田地了。不如拿這領衣服去請賞罷。〔衆〕說得有理。〔衆〕

〔好花兒〕恨不得掘地翻天。見樹邊一人端然。是個土地公公。塑在花園。許金錢。望指點。〔合〕歹人歹人那裏見。

〔前腔〕尋不見連忙向前。搜索盡牆邊院邊。莫不是隱身法術似神仙。走如烟眼尋穿。〔合前〕

〔前腔〕捉拿了三千六千。做公人十年五年。馬翰司公且休言。見着錢最爲先。

〔合前外〕手眼快且饒巡院。〔末〕心機巧枉說周宣。〔淨〕有指爪闢開地面。〔丑〕插翅翼飛上青天。

〔並下小生弔場〕你看這一起土兵。倒在我跟前許下三牲去了。這回不走。更待何時。不免拜謝天地。則個。

〔金蕉葉〕謝天。謝了天。怎麼不拜謝明朗神爺。謝神避難來。幸脫離了禍門。〔欲下科生上〕咄。是何人入我園中暗隱。〔小生跪科〕告少息雷霆怒噴。〔生〕漢子。這不是說話的去處。隨我到亭子上來。

〔章臺柳〕〔生〕情既緊言又窘。我斟量非姦卽盜賊。〔小生〕小人不是賊。逃軀潛地

奔。〔生〕既不是賊呵。無故入人家。有何事因。〔小生〕小人也是好人家兒女。〔生〕你休得要

逞花唇稍虛詞。送你到有司推問。〔小生〕長者息怒且停噴。聽我從頭說事因。興福本爲忠

孝將。誰知翻作叛離人。長者若拿興福去。官上加官職不輕。正是得放手時須放手。可饒人處且饒人。

〔前腔〕我將冤苦陳。教君不忍聞。〔生〕你是何處人氏。姓甚名誰。〔小生〕念興福生來

女直人。〔生〕做甚勾當。〔小生〕身充忠孝軍。〔生〕呵。既是忠孝軍。怎麼不去隨駕。倒在這里。

〔小生〕爲父直諫。遷都阻佞臣。齟齬不留存。誅戮盡。只留我苟活逃。

〔醉娘兒〕〔生〕我聽言。此情實爲可憫。漢子擡頭來我看。〔小生擡頭科〕〔生〕覷着他貌

英雄出輩羣。〔背云科〕結交在未遇之先。施恩在當厄之日。看此人一貌堂堂。後來必有好處。欲

結義他爲兄弟。未知他意下何如。漢子。請起。你不嫌秀士貧。和你弟兄相識認。〔小生〕

小人該死之徒。得蒙長者饒恕。已出望外。焉敢與長者齊軀。〔生〕這也非在今日。他時須記取

今危困。

〔前腔〕〔小生〕死重生怎敢忘伊大恩。〔生〕你多少年紀了。〔小生〕小人二十八歲。〔生〕我今年三十歲。長你二歲。你稱我爲兄便了。〔小生〕既如此。哥哥請上。受兄弟幾拜。〔生〕不勞拜罷。〔小生拜科〕既爲兄。休謙遜。〔生〕你拜我受之不穩。〔小生〕休道是百拜受不穩。受兄弟千拜何勞頓。除了仁兄呵。誰肯把我負屈銜冤問。〔生〕兄弟。我本待要留你在此。暫住幾時。只是一件。

〔雁過南樓〕〔生〕此間難容汝身。但人知彼此遭連。兄弟。你衣帽那里去了。〔小生〕衣帽多失落了。〔生〕叫院子取我的衣帽並銀子十兩出來。〔末上〕衣帽銀子在此。〔生〕你且迴避。〔末下生〕無物贈君。些少鏌銀。不嫌少。望留休哂。〔小生〕多謝哥哥。〔生〕兄弟。你此去呵。莫辭苦辛。暮行朝隱。更名姓。向外州他郡。兄弟。你方纔打從那里來的。〔小生〕後園牆上跳過來的。〔生〕我如今送你到前門出去。〔別科〕

〔前腔〕〔小生〕拜別拜別。方欲離門。且住。我陀滿興福聰明了一世。懵懂在一時。方纔跳入



那秀士園中。他不拿我送官請賞。反助我銀兩。又結義我爲兄弟。我久後若得寸進。欲報恩義。未知他姓甚名誰。猛回身。猛回身。又還思忖。〔生〕呀。兄弟。你去了怎麼又轉來。〔小生〕特有少稟。欲言又忍。〔生〕兄弟有甚話。但說不妨。〔小生〕哥哥姓和名小兄弟敢問。〔生〕自家姓蔣。雙名世隆。中都路人氏。兄弟。你三回四次問我的姓名。莫非恐人拿住。要攀扯着我麼。〔小生〕無他效芹。略得進身。犬馬報。怎敢忘半米兒星分。〔走科生〕兄弟且慢去。我還有幾句言語囑咐你。

〔山麻客〕〔生〕你去渡關津。怕有人盤問。又沒個官司文憑路引。此行何處能安頓。驚忽地怕有便人。寄取一封平安書信。

〔前腔〕〔小生〕兄長言極明論。遍行軍州。立賞明文。世沒個男兒。有誰投奔。一片心。后土皇天。表我忠直。不陷良人。

〔尾聲〕埋名避禍捱時運。滿望取皇家赦恩。罪大彌天。其時許自新。

〔生〕古語積善逢善。

〔小生〕常言知恩報恩。

〔合〕此去願逢吉地

前行莫撞凶門

### 第八齣 少不知愁

〔七娘子〕〔旦王瑞蘭上〕生居畫閣蘭堂裏。正青春歲方及笄。家世簪纓儀容嬌媚。那堪身處歡娛地。〔踏莎行〕瑞蘭蘭薰溫柔。柔香肌體。體如玉潤宮腰細。細眉淡掃。遠山橫橫。

波滴溜嬌還媚。媚臉凝脂。脂勻粉膩。膩酥香雪天然美。美人粧罷更臨鸞。鸞釵斜插堆雲髻。

〔錦纏道〕髻雲堆珠翠簇。蘭姿蕙質。香肌稱羅綺。黛眉長。盈盈照一泓秋水。鞋直上冠兒至底。諸餘沒半星兒不美。針指暫閒時。花朝月夕。丫鬟侍妾隨。好景須歡會。四時不負佳致。

〔朱奴兒〕春名苑。奇葩異卉。夏水閣。浮瓜沉李。秋翫蟾光折桂枝。逢冬景賞雪觀梅。知他喚喚愁是甚的。總不解愁滋味。

芳容魚沉鴈落。

美貌月閉花羞。

肌骨天然自好。

不搽脂粉風流。

### 第九齣 綠林寄跡

〔水底魚〕〔外淨丑末嘍囉上〕擊鼓鳴鑼。殺人並放火。倚山爲寨。號爲攔路虎。金銀

財寶。劫來如糞土。無錢買路。霸王也難過。〔淨〕山中壯士。全無救苦之心。寨內強人。儘有

害民之意。不思昔日蕭何律。且效當年盜跖能。衆兄弟。你不是別人。虎頭山草寇是也。寨中有五

百名嘍囉。你我卻是頭領。昨夜巡哨各山。不知有事也沒有。〔外〕我巡東山。一些事也沒有。〔淨〕我

巡西山。也沒事。〔丑〕我巡南山。也沒事。只有巡北山的頭領不見回來。〔末上〕歡來不似今日。喜來

那勝今朝。〔衆〕哥回來了。〔末〕是回來了。你們巡哨如何。〔衆〕我們都沒事。〔末〕我倒有事。〔丑〕你

敢被人拿住了。〔末〕被人拿住。還回來得。〔丑〕卻怎麼說。〔末〕我一巡巡到山凹裏。只見霞光萬道

瑞氣千條。被我把刀尖掘將下去。只見一個石匣。石匣裏面。一頂金盔。一把寶劍。〔衆〕在那里。〔末〕

是我藏在那里。〔衆〕去拿來看一看。〔末〕我去拿來。〔背云〕我在那里戴一戴。頭腦生疼起來。且把

與他們戴戴看。哥。你看好東西。〔淨〕拿來我戴。〔丑外奪科末〕不要爭。我有個主張。我們虎頭山有

五百名嘍囉。只少一個寨主。若是戴得這盜的。就拜他做寨主。〔丑〕這有甚麼難。拿來我戴起。〔末〕

且住。要做寨主。還要通得些文墨纔戴得。〔丑〕要弄文墨。這個不打緊。拿來我戴了說。〔末〕說了戴。〔丑〕也罷。我就說。怎麼樣說好。〔末〕要說得大些。〔丑〕混沌初分我出身。如何。〔末〕大便大了。且看。下句。〔丑〕有麼。混沌初分我出身。伏羲神農是我後輩人。山中寨主無人做。五百名嘍囉我是尊。拿來我戴。〔末〕欽賜了你。不消謝恩。〔外〕好皇家氣象。〔丑〕好。你看耀日爭光。這紅帽兒不用了。賜與你們罷。且住。還要早晨夜晚戴戴。拿那雌雄寶插在我楊柳細邊。〔末〕這怎麼說。〔丑〕雌雄寶劍。楊柳細腰。〔淨〕皇帝也打歇後語。頒行天下。都要打歇後語哩。〔丑〕反戴科末。反了。〔丑〕一日皇帝也不會做。怎麼就反了。〔末〕盔反戴了。〔丑〕你那曉得。我是個沒面目的大王。卻要垂簾聽政哩。〔歪戴科末〕歪了。〔丑〕這叫做耳不聞。〔作跌推末科末〕怎麼推我一交。〔丑〕這叫做推位讓國。〔搖科末〕不要搖。〔丑〕是堯舜之道。〔末〕怎麼這等抖。〔丑〕劉備兒子叫做阿斗。〔末〕怎麼坐在地上。〔丑〕地主明王也要坐朝問道。阿呀。盔內有鬼。〔末〕無鬼不成魁。〔丑〕快備龍床。寡人要駕崩了。大家且來濟弱扶傾。〔倒科衆扶科〕怎麼。〔丑〕戴在頭上。漸漸似泰山壓頂一般。頭疼眼脹。成不得。這寨主不願做了。還是戴紅帽兒罷。〔淨〕我量你這等嘴臉。怎做得寨主。看我坐在这里。就有樣子了。

〔末〕也。先要通文。〔淨〕有麼。混沌初分我出世。壽星老兒是我的徒弟。這些小賊莫多言。虎頭山中我卽位。〔末〕好個卽位。〔淨〕進上我戴。〔末〕把紅帽我拿了。〔淨〕且放在此。備而不用。我今日做了寨主。你每都要聽我令旨。遵我約束。如違拿來就斬了。〔衆〕好欺心。寨主未做得成。就要殺兄弟。〔淨〕不是。先說過了。日後方見寡人言願行。都走過一邊聽點。走過東來。〔衆走科淨〕走過西去。呀。不好了。〔倒科衆扶科〕戴不得。戴在頭上。就像一萬斤重。寨主要做。受不得這般疼痛。罷。還是這紅帽兒安穩。〔末〕不瞞哥們說。我在山凹裏時。就戴一戴。頭上生疼。若是好戴呵。不到如今讓與你們戴。〔丑〕列位。以後有了得的客商經過。只把這盔與他戴。就壓倒了。不消費力。金銀財寶都是我每的。〔末〕不是這般說。天賜這頂盔。必有個做寨主的來戴。如今和你每下山去。招軍買馬。積草聚糧。等候那人便了。〔衆〕說得是。

〔節節高〕〔衆〕強梁勇猛人會一家。殺人放火張威霸。行劫掠。聚草糧。屯人馬。慣戰武藝多瀟灑。從來賊膽天來大。蛟龍猛虎離山窩。聞風那個不驚怕。〔下〕

〔醉羅歌〕〔小生上〕那日那日離都下。流落流落在天涯。畫影圖形遍挨查。到處

都張掛草爲茵褥橋爲住家。山花當飯。溪水當茶。陀滿興福這般苦楚呵。那些一個一個刻千金價。〔內喊科小生〕兵戈擾道路。賒幾番回首望京華。〔外末淨丑上〕這廝往那里走。〔小生〕你這夥是甚麼人。攔我去路。〔衆〕快留下買路錢去。〔小生〕我且問你。這路是你家的。我且是沒錢在身邊。就有你每也要我的不得。〔丑〕你是賊的老子。要你的不得。〔淨〕啐。賊的兒子。〔小生〕怎麼叫做買路錢。〔淨〕我每這個虎頭寨。但是打我這里經過。要幾貫買路錢。若是沒有一刀兩段。〔小生〕你這夥元來是剪徑的毛賊。〔淨〕罷了。叫出表字道號來了。〔小生〕我行來路遠。肚中飢又飢。渴又渴。有酒飯拿來喫。有盤纏送些我。做個過路好看錢。饒你這夥毛賊的性命。〔淨〕倒要土地三陌紙。〔丑〕哥。但是過我這山的人。少不得大膽說幾句大話唬人。〔淨〕說得有理。待我去拿他過來。哇。你休得說大話。戰得我過。饒你性命。〔小生〕你來。〔淨倒科丑〕罷了。倒了虎頭山的架子。待我去拿他。你要活的。就是活的。要死的。就是死的。哇。這廝看刀。〔小生〕你來。〔丑跪倒科淨〕不是這等。和你衆人齊上去與他殺。叫他雙拳不敵四手。〔丑〕這個有理。和你齊上去。〔小生〕你每都來。〔衆戰倒科丑〕這個人果然有些本事。快拿那話兒來。〔末〕甚麼那話兒。〔丑〕戴在頭上生疼的。

〔淨取盃跪介〕壯士爺。〔丑〕喲。怎麼跪了他。又叫爺。〔淨〕再不要惹他打了疼處。壯士爺。〔末〕又叫爺。〔淨〕哥。奉承他些罷。〔小生〕怎麼說。〔淨〕衆人沒有什麼孝順。止有一頂嵌金盃在此。壯士爺若戴得。就奉送。〔小生〕拿上來。你這夥毛賊也有這頂好金盃。〔淨〕衆人也指望成些大事。特打在此的。〔小生戴科〕倒正好。〔衆〕可疼。〔小生〕甚麼疼。〔淨〕你不頭疼。〔小生〕我怎麼頭疼。〔淨〕你可眼花。〔小生〕我爲甚眼花。〔丑〕這卻是眞命強盜。〔外〕眞命寨主。〔衆〕稟壯士。你來得去不得。〔小生〕我怎麼來得去不得。

〔不漏水車子〕〔衆〕告壯士。休怒嗔。不嫌草寨貧。拜壯士爲山中頭領。掌管嘍囉五百名。〔小生〕你每要留我麼。〔衆〕是。〔小生〕且退後。且自沉吟。謾自評論。畫影圖形。捕捉甚緊。不如隱遁。在埋名徑。也罷。我且住在這裏罷。〔衆拜科〕多蒙便應承小的們。悉遵鈞令。請問寨主上姓。〔小生〕你問我姓名麼。〔衆〕是。〔小生背云〕雖然沒人到此尋我。也未可。把眞名說與他每知道。衆嘍囉。我姓蔣。雙名世昌。你衆人聽我號令。〔衆應科〕小生。汝等下山。三不可殺。〔衆〕那三樣不可殺。〔小生〕中都路人不可殺。秀士不可殺。姓蔣的不可殺。其餘有買路錢的。

放他過去。沒有的帶上山來。〔衆〕領鈞旨。

〔紅繡鞋〕〔小生〕本爲蓋世英雄。英雄。奸邪疾妬難容。難容。萬山深處隱其蹤。不是路。且相從。屯作蟻。聚成蜂。屯作蟻。聚成蜂。

〔前腔〕〔衆〕將軍凜凜威風。威風。戰袍繡虎雕龍。雕龍。山花斜插茜巾紅。新寨主。坐山中。商旅過。莫遭逢。商旅過。莫遭逢。

〔小生〕暫居山寨作生涯。

〔衆〕喜得將軍肯上來。

〔合〕巍嶺峻峰通隱豹。

野花芳草待時開。

### 第十齣 奉使臨番

〔丞相賢〕〔外王尙書上〕彎弓馳騎射雙鷗。武勇超羣膽氣豪。紫袍金帶非同小。見隨朝。兵部尙書官養老。馬掛征鞍將掛袍。柳梢門外月兒高。男兒未掛封侯印。腰下常懸帶血刀。自家姓王。名鎮。女直人也。官拜兵部尙書。家眷五十餘口。至親者三人。夫人張氏。小女瑞蘭。年方及笄。未曾許聘。今日私宅稱觴。怕有朝使到來。不當穩便。院子那里。〔末上〕堂上呼雙字。塔前應



一聲覆老爺。有何分付。〔外〕我今日私宅稱觴。倘有朝使到來。卽報與我知道。〔末〕理會得。

〔梨花兒〕〔淨使臣上〕使臣走馬傳勅旨。鋪陳香案疾穿執。萬歲山呼行禮畢。嚀。

欽依宣諭躬身立。聖旨已到。跪聽宣讀。朕當邦國阽危。邊疆多難。士庶洵洵。各不聊生。賊情叵測。

難以遙度。爾兵部尙書王鎮當朝良將。昭代名臣。可前往邊城。緝探詳細。便宜行事。軍情緊急。不可稽遲。謝恩。〔外〕萬歲。萬歲。萬歲。萬歲。萬歲。萬歲。朝使不知朝廷勅旨。爲何這等急促。

〔番鼓兒〕〔淨〕爲塞北。爲塞北。興兵臨邊鄙。但州城關津險隘。勢怎當敵。待欲

遷都迴避。不許稽遲。上京去緝探事實。〔合〕火速便馳驛。等回音星飛電急。

〔前腔〕〔外〕念老臣。念老臣。年登七十歲。今又奉朝廷勅旨。事屬安危。恨不得

肋生雙翅。兩頭白日。多只行五里十里。〔合前〕

〔前腔〕〔末〕緊使人。緊使人。疾速催驛騎。便疾忙安排鞍轡。打點行李。這回須

教仔細。先解韁繩。怕騎了沒頭馬兒。〔合前〕

〔前腔〕〔淨〕兀刺赤。兀刺赤。門外等多時。〔外〕縱轡加鞭。心急馬遲。〔末〕伴宿

女孩兒羊酒須要關支。管取完備。休得誤了軍期。〔合前〕

〔雙勸酒〕〔外〕軍情緊急。國家責委。不敢有違滯。常言道。養兵千日。今朝用人之際。〔合〕火速便馳驛。等回音星飛電急。〔淨〕老夫人。此乃朝廷大事。即日就望回音。作急起程罷。眼望捷旌旗。耳聽好消息。〔下外〕身食天祿。命懸君手。驛馬俱已完備。只得就此前去。院子後堂請老夫人小姐出來。分付家事。即便起程。〔末〕老夫人小姐有請。

〔東風第一枝〕〔老旦上〕宮日添長。壺冰結滿。仲冬天氣嚴寒。〔旦上〕繡工停卻

金針。紅爐畫閣人閒。金猊香裊。麗曲趁舞袖弓彎。〔合〕錦帳中。褥隱芙蓉。怎教

鸚鵡杯乾。〔老旦〕相公萬福。〔外〕夫人少禮。〔旦〕爹爹萬福。〔外〕孩兒到來。〔老旦〕〔臨江仙〕相公。

忽聽朝廷頒勅旨。傳宣未審何因。〔外〕使臣走馬到家門。教老夫急離龍鳳闕。緝探虎狼軍。〔旦〕爹

爹。朝中多少文和武。緣何獨選家尊。〔末〕惟行君命豈私身。正是家貧顯孝子。國難見忠臣。〔旦〕爹

爹遲些去也無妨。〔外〕孩兒說那里話。我若遲延。是違忤了朝廷了。今日將家事交付與你母子。就

此起程。〔老旦〕相公路上帶誰去伏侍。〔外〕六兒北邊慣熟。帶六兒去。〔老旦〕院子叫六兒過來。

〔末〕小叔老爺叫。〔丑上〕聽得爹爹叫。卽忙便來到爹爹奶奶小姐六兒叩頭。〔外〕六兒我奉聖旨往北邊和番帶你去伏侍。快去收拾行李。〔丑〕理會得。〔叫科〕媳婦收拾我行李。我隨爹爹往北邊走一遭。〔老旦〕老身已分付安排杯酒。就與相公餞行。看酒來。〔丑〕酒在此。

〔催拍〕〔外〕受君恩。身居從班。食君祿。怎敢辭難。〔老旦〕此行非同小看。非同小看。緝探上京虛實。便往邊關。漠漠平沙。路遠天寒。〔合〕一別後。涉水登山。今日去。甚時還。

〔前腔〕〔老旦〕氣力衰。行履尙難。怎驅馳。揮鞭跨鞍。〔旦〕愁只愁路裏愁。只愁路裏難。難禁冒雨蒙霜。此身勞煩。誰奉興居。暮宿朝餐。〔合〕

〔前腔〕〔旦〕去難留。愁擎鳳蓋。愛情深。重掩淚眼。〔外〕休憂慮。放懷。休憂慮。放懷。堂上母親。叮嚀。小心相看。〔老旦〕娘女在家中。怎免愁煩。〔合〕

〔前腔〕〔丑末〕宣限緊。休作等閒。報國家。忠心似丹。〔旦〕稍遲延。半晌。稍遲延。半晌。尋思止得些時。面覷尊顏。子父隔絕。霧阻雲攔。〔合前〕

〔一撮棹〕〔外〕夫人只得就此分別了。今日去便馳驛離鄉關。朝廷命疾登途。怕遲晚。〔老旦〕兵南進。興戈甲。取江山。〔旦〕遭離亂。家無主。怎逃難。〔外〕雖士馬侵邊緊。兩三月便回還。〔老旦〕專心望。望佳音。報平安。

軍情怎敢暫留停。

疾速登程離帝京。

正是相逢不下馬。

從今各自奔前程。

## 第十一齣 士女隨遷

〔緱山月〕〔生上〕守正處寒爐。勤苦誦詩書。盼春闈身進踐榮途。奈雙親服制。前程未遂。敢仰天呼。〔小旦上〕樂道安貧。巨儒嗟怨。是何如。但孜孜有志效鴻鵠。似藏珍韞匱。韜光隱諱。待價沽諸。哥哥萬福。〔生〕妹子到來。妹子請坐。〔小旦〕哥哥請。哥哥。

妹子往常間見哥哥眉開眼笑。今日因甚眉頭不展。面帶憂容。卻爲何來。〔生〕妹子。你不知道我有三件事在心。所以不樂。〔小旦〕那三件。〔生〕第一件。父母靈柩在堂。未曾殯葬。第二件。我服制在身。難以進取。第三件。你我年紀長大。親事未諧。以此不樂。〔小旦〕〔玉樓春〕瑞蓮。愚不將賢諫。安居溫。

習何嗟歎。退藏山水作漁樵。進身皇闕爲官宦。〔生〕妹子。迅速光陰如轉眼。少年何事功名賺。蒼天未必誤儒冠。儒冠豈誤男兒漢。〔小旦〕哥哥。你平日攻書多少。諒必自知上達之意。

〔玉芙蓉〕〔生〕胸中書富五車。筆下句高千古。鎮朝經暮史。寐晚興夙。擬蟾宮折桂雲梯步。待求官奈何服制拘。教人怨。怨不沾寸祿。〔合〕望當今聖明天子詔賢書。

〔前腔〕〔小旦〕功名事本在天。何必心過慮。且從他得失。任取榮枯。爲人只恐身無藝。暫時間未從心所欲。金埋土也。須會離土。〔合前〕

〔刷子序〕〔生〕書齋數椽。良田儘可隨分。餽粥世態紛紛。爭如靜守閒居。〔小旦〕勤劬事業。學成文武。掌王朝方展。訂謨。〔合〕但有個抱藝懷才。那曾見滄海遺珠。

〔前腔〕〔生〕難服。晚進兒童。肥馬輕裘。污紫奪朱。磊落男兒。慙覩蝨爾之徒。〔小旦〕聽語。萬事皆由天命。盡皆非者也之乎。〔合前未慌走上〕災來怎躲。禍至難逃。官人。

小姐不好了。快走。〔生〕怎麼說。〔末〕只見簇簇軍馬往南來。密密刀鎗從北至。勢不可遏。鋒不可當。奪關隘。爭履平川。攻城邑。競登坦地。黎民逃難。街衢中似亂亂奔獍。官宦隨遷。途路裏若慌慌走鹿。百司解散。萬姓倉皇。明張榜示。今朝駕幸汴梁城。曉諭通知。即日要徙中都路。一來軍馬臨城。二者都堂法令。螻蟻尙且貪生。爲人豈不惜命。官人小姐聽原因。滿目干戈不太平。雙手劈開生死路。一身跳出是非門。各人自去逃生去了。〔下〕

〔薄媚衰〕〔生小旦〕聽人報軍馬近城。國主遷都汴。今晚庶民不許一人落後在。京輦生長昇平。誰曾慣遭離亂。苦怎言。膽顫心驚。如何可免。

〔前腔〕聽街坊巷陌。唯聞得炒炒哀聲遍。急去打疊金共寶。隨身帶做盤纏。田業家私不能守。不能戀。兩淚漣。生死安危。只得靠天。

〔生〕父母家鄉甚日歸。〔小旦〕慌慌垂淚離京畿。

〔合〕避難一心忙似箭。逃生兩脚走如飛。

## 第十二齣 山寨巡羅

〔賀聖朝〕〔小生上〕斬龍誅虎威風擒王捉將英雄錦征袍相稱茜巾紅鎮山北山東。陀滿興福來到此間。所謂慌不擇路。飢不擇食。只得結集亡命。峭聚山林。靠高岡爲寨柵。依野

澗作城濠。風高放火。無非劫掠莊農。月黑殺人。盡是傷殘民命。弓兵巡尉。聞知膽喪心驚。客旅經商。見說魂飛魄散。除非黃榜見招安。餘下官兵收不得。衆婁羅那裏。〔外末應上小生〕你每俱有差占。只有大小婁羅沒有什麼事委他。與我叫他來。〔外末下喚科淨丑上〕宋江三十六。回來十八雙。若還少一個。定是不還鄉。覆主帥。有何分付。〔小生〕大小婁羅。別の都有差占。獨你兩個沒有甚勾當。與你管。今發下一個夥落更梆。一個巡山伏路。問你頭上戴的。腰間繫的。手中擎的。脚下穿的。少了一件。重打二十。〔淨丑〕領鈞旨。大婁羅巡山。小婁羅打更。〔諱科小生〕聽我分付着。

〔豹子令〕聞說中都起戰塵。起戰塵。黎民逃難亂紛紛。亂紛紛。怕有推車擔擔人經過。劫掠財寶共金銀。〔合〕登山驀嶺用心巡。

〔前腔〕〔淨〕休避些兒苦共勤。苦共勤。提刀攜劍共成羣。共成羣。士農工商錢奪下。回來山寨醉醺醺。〔合前〕

〔前腔〕〔丑〕劫掠金珠不要分。不要分。肥羊美酒不霑唇。不霑唇。但願捉得個花嬌女。將來壓寨做夫人。〔合前〕

〔小生〕逢人買路要金珠。

〔淨〕認得山中好漢無。

〔丑〕日後欲求生富貴。

〔合〕眼前須下死工夫。

### 第十二齣 相泣路岐

〔破陣子〕〔老旦上〕況是君臣分散。那看母子臨危。〔旦上〕嚴父東行何日返。天

子南遷甚日回。〔合〕家邦無所依。〔老旦〕〔望江南〕身狼狽。慌急便奔馳。貼肉金珠揣得甚。隨

身衣服着些兒。子母緊相隨。〔旦〕離帝輦。前路去投誰。風雨催人辭故國。鄉關回首暮雲迷。何日是

歸期。〔老旦〕孩兒。管不得你鞋弓襪小。只得趲行幾步。〔旦〕母親。怎麼是好。

〔漁家傲〕〔老旦〕天不念去國愁人助慘悽。淋淋的雨若盆傾。風如箭急。〔旦〕侍

妾從人皆星散。各逃生計。〔合〕身居處華屋高堂。但尋常珠繞翠圍。那曾經地

覆天翻受苦時。〔老旦〕孩兒。天雨淋漓。人跡稀走。兩條路不知往那一條去。



〔剔銀燈〕迢迢路不知是那裏前途去安身何處。〔旦〕一點點雨間着一行行  
悽惶淚一陣陣風對着一聲聲愁和氣。〔合〕雲低天色傍晚子母命存亡兀自  
尙未知。

〔攤破地錦花〕〔旦〕繡鞋兒分不得幫和底。一步步提百忙裏褪了跟兒。〔老旦〕  
冒雨盪風帶水拖泥。〔合〕步難移全沒些氣和力。

〔麻婆子〕〔老旦〕路途路途行不慣心驚膽顫擢。〔旦〕地冷地冷行不上人慌語  
亂催。〔老旦〕年高力弱怎支持。〔倒科旦扶科旦〕泥滑跌倒在凍田地款款扶將起  
〔合〕心急步行遲。

〔旦〕最苦家尊去遠。

〔老旦〕怎當軍馬臨城。

〔合〕正是福無雙至。

果然禍不單行。

### 第十四齣 風雨間關

〔薄倖〕〔生上〕凜冽寒風淋漓冷雨送君臣南北父子東西。〔小旦上〕心腸痛不

幸見刀兵冗冗〔合〕望故國云山遠濛濛〔生〕浣溪沙萬里飛沙咽鼓聲三軍殺氣傍旌旗。天涯兄妹兩相依。〔小旦〕前路未知何處是。故鄉猶恐不同歸。出關愁暮一需衣。〔生〕妹子。管不得你的鞋弓襪小。只得趲行幾步。〔小旦〕是哥哥。

〔賽觀音〕〔生〕雨兒催。風兒送。嘆一日家邦盡空。〔小旦〕想富貴榮華如夢。〔合〕哽咽傷心。教我氣填胸。

〔前腔〕〔小旦〕意兒慌。脚兒痛。頭篤速如癡似懵。〔生〕苦捱着疾忙行動。〔合〕郊野看看又早晚雲籠。

〔人月圓〕〔生〕途路裏。奔走流民擁。膽喪魂飛心驚恐。〔小旦〕風吹雨溼衣襟重。止不住雙雙珠淚湧。〔合〕行不上。惟聞得戰鼓聲振蒼穹。

〔前腔〕〔生〕軍馬又來。四下如鐵桶。眼見得京師城壁空。〔小旦〕他每趕着無輕縱。人似豺狼馬似龍。〔合〕遭驅虜。親骨肉甚年何日重逢。

急前去汴梁路杳。

慢停待中都亂擾。

烏鴉共喜鵲同巢。

吉凶事全然未保。

### 第十五齣 番落回軍

〔丑扮老漢上〕天有不測風雲。人有旦夕禍福。只今番兵犯界。天子南遷。百官隨駕。盡離中都。萬姓逃生。交馳道路。正是相逢不下馬。各自奔前程。呀。前面烟塵擾攘。想又是番兵來了。不免在此石板橋下。暫躲片時。再作區處。

〔竹馬兒〕〔淨引衆上〕喊殺漫山漫野。招颺着皂旗兒。萬點寒鴉。見千戶萬戶。每領雄兵。圍遶中都城下。見敵樓上無一個人披掛。都遷徙離京華。前驅奮武征伐。盡攬轡攀鞍。加鞭乘着駿馬。待逃生除非是插雙翅。直追趕到天涯。呀。金鞍玉轡斜插着寶鐙菱花。〔淨〕生長陰山燕水北。襖子渾金腰繫玉。彎弓沙塞射雙鵬。躍馬圍場逐走鹿。展手齊齊弄舞腰。顛腳來來高唱曲。有時畫在小屏風。展轉教人看不足。且喜已到中都地面。果然好花錦世界。彼國軍民。皆已隨駕遷都汴梁去了。不免與把都兒每閒玩一回。〔衆〕告主帥。前面石板橋下有一個老兒。〔淨〕拿過來。〔衆拿丑兒科淨〕你是甚麼人。〔丑〕小人是本處耆老。

〔淨〕叵耐你大金天子。俺那裏三年一小進。五年一大進。十年一總進。今經一十五年。並無一絲兒回答。是何道理。〔丑〕本國前月差兵部王尙書。裝載寶物。從水路進至上國來了。〔淨〕我每從陸路征發。想是錯過了也。你莫非說謊麼。〔丑〕小人怎敢。〔淨〕既然如此。把都兒每傳下號令。且自回兵。

〔淨〕加鞭哨馬走如龍。

海角天涯要立功。

〔合〕假饒一國長空闊。

盡在皇都掌握中。

### 第十六齣 違離兵火

〔滿江紅〕〔老旦旦上〕身遭兵火。身遭兵火。母子逃生受奔波。怎禁得風雨摧殘。田地上坎珂。泥滑路生行未多。軍馬追急。教我怎奈何。彈珠顆。冒雨盪風。沿山轉坡。〔衆上趕老旦旦下衆搶傘諱科下〕

〔前腔〕〔生小旦上〕身遭兵火。身遭兵火。兄妹逃生受奔波。怎禁得風雨摧殘。田地上坎珂。泥滑路生行未多。軍馬追急。教我怎奈何。彈珠顆。冒雨盪風。沿山轉坡。〔衆上趕生小旦下衆搶包諱科下老旦旦生小旦同上各唱前曲科丑扮婦人淨扮和尙外扮道

士上諱科衆上趕散科並下

〔東甌令〕〔旦上〕我那娘。心如醉。淚交流。去遠家尊絕信久。途中母子生離別。這苦如何受。一重愁翻做兩重愁。是我命合休。我那娘。〔下〕

〔望梅花〕〔生上〕瑞蓮。叫得我不絕口。恰被喊殺聲流民四走。慌急便尋不知個所有。此間無處安身。想只在前頭後頭。瑞蓮。〔下〕

〔東甌令〕〔老旦上〕瑞蘭。尋思苦路生疎。軍喊風傳行路促。娘兒挽手相回護。這苦難分訴。望天天憐念老身孤。免使受奔波。瑞蘭。〔下〕

〔滿江紅尾〕〔小旦上〕我那哥哥。大喊一聲過。唬得人獐狂鼠竄。那裏去了哥哥。怎生撇下了我。教我無處安身。無門路可躲。我那哥哥。〔下〕

### 第十七齣 曠野奇逢

〔金蓮子〕〔旦上〕古今愁。古今愁。誰似我日下這樣愁。聽軍馬驟聽軍馬驟。人亂語稠。向深林中逃難。恐有人搜。〔下〕

〔前腔〕〔生上〕百忙裏散失。差了路頭。尋妹子不見。教我怎措手。瑞蓮。〔旦內應科〕生。神天祐。神天祐。這答兒是有親骨肉。見了向前走。瑞蓮。瑞蓮。

〔菊花新〕〔旦應上〕你是何人。我是誰。〔生〕應了還應。呀。見又非。〔旦〕將咱小名提進前去問他端的。我只道是我母親。元來是個秀才。〔生〕我只道是我妹子。元來是一位娘子。〔旦〕呀。你不是我母親。如何叫我。〔生〕我自叫我妹子瑞蓮。誰來叫你。

〔古輪臺〕〔旦〕自驚疑。相呼廝喚兩相回。瑞蘭和先輩不曾相識。〔生〕瑞蓮名兒本是卑人親妹。不知娘子因甚到此。〔旦〕妾因兵火急。離鄉故。〔生〕娘子如何獨行。〔旦〕母子隨遷往南避。中途相失。秀才在何處不見了令妹。〔生〕喊殺聲。各各逃生。電奔星馳。中路裏差池。因循尋至。應聲錯。偶逢伊。娘子不見了母親。小生不見了妹子。正是俱錯意。一般煩惱兩心知。

〔前腔〕〔生〕名兒應錯了自先回。〔旦〕秀才那裏去。〔生〕急急便往跟尋。豈容遲滯。〔旦〕事到如今。事到頭來。怎生惜得羞恥。〔拜科〕秀才念苦憐孤。救奴殘喘。帶

奴離此免災危。我也不忘你的恩義。〔生〕娘子。你方纔說不見了令堂。遠遠望見一位媽媽來了。〔旦回頭科〕在那里。〔生近看科〕曠野間。曠野間。見獨自一個佳人。生得千嬌百媚。況又無夫無婿。眼見得落便宜。且待我誑他一誑。娘子如何是。天色昏慘暮雲迷。〔旦慌科〕秀才帶奴同行則箇。〔生〕娘子差矣。我自家妹子尚且顧不得。怎帶得你。

〔撲燈蛾〕〔生〕自親妹不見影。自親妹不見影。他人怎相庇。〔旦〕秀才。你讀書也不會。〔生〕秀才家何書不讀覽。〔旦〕書上說道。惻隱之心。人皆有之。既然讀詩書。惻隱心怎

不周急也。〔生〕你只曉得有惻隱之心。那曉得有別嫌之禮。我是個孤男。你是寡女。廝趕着教人猜疑。〔旦〕亂軍中。亂軍中。有誰來問你。〔生〕緩急間。語言須是要支持。〔前腔〕〔旦〕路中不擋攔。〔生〕路中若擋攔。〔旦〕路中若擋攔。可憐奴做兄妹。〔生〕兄

妹固好。只是面貌不同。語言各別。有人廝盤問。教咱把甚言抵對也。〔旦〕沒個道理。〔生〕既沒道理。小生自去。〔旦〕有一個道理。〔生〕怕問時卻怎麼。〔旦〕奴家害羞。說不出來。

〔生〕娘子。沒人在此。便說有何害。〔旦〕怕問時。權〔生〕怎麼又不說了。權甚麼。〔旦〕權說是

夫妻〔生〕恁的說方纔可矣。便同行訪蹤窮跡去尋覓。

〔尾〕〔旦〕今日得君提掇起。免使一身在污泥。〔生〕久後常思受苦時。

〔生〕半路兄尋妹。

〔旦〕中途母失兒。

〔合〕情知不是伴。

事急且相隨。

### 第十八齣 彼此親依

〔普天樂〕〔小旦上〕我那哥哥。叫得我氣全無。哭得我聲難語。只教我兩頭來往。到千百步。兄安在。妾是何如。真箇是逆旅窮途。哥哥。須念我。念我爹娘身故。須是一帶一瓜兒和女。割得斷。兄妹腸肚。將奴閃下在這裏。進無門。退也還又無所。

〔山桃紅〕大道上難前去。小路裏怎逃伏。遙望窩梁三兩間茅簷屋。轉彎環野徑。休辭苦。暫安身。少避些風和雨。多管是村野民居。〔下〕

〔生查子〕〔老旦上〕行尋行又尋。瑞蘭〔小旦內應科老旦〕遠遠聞人應。瑞蘭〔小旦應上〕



呼喚瑞蓮名聽了還重省。

〔水仙子〕〔老旦〕眼又昏天將暝。趁聲兒向前廝認。〔認科〕我那兒。渾身上雨水淋漓。盡皆泥濘。生來這苦何曾慣經。〔小旦〕眼見錯。十分定事無可奈。只得陪些下情。老娘。〔合〕你是高年人。怎生行得這山徑。瑞蓮款款扶着娘慢行。

〔前腔〕〔老旦〕觀模樣聽語聲。呀。你是阿誰便應承。枉了許多時。教娘苦相等。〔小

旦〕非詐應。瑞蓮聽得名兒廝類。怕尋覓是我家兒。偶遇老娘如再生。〔合前〕

〔刮地風〕〔老旦〕看他舉止。與我孩兒也不恁撐。小娘子。廝跟去。你可心肯。〔小旦〕

奴家不見了哥哥。望老娘帶奴同行則個。〔老旦〕事既如此。我就把你做女兒看承罷。〔小旦〕情

願做小爲婢身。焉敢指望做兒稱。〔老旦〕若得干戈寧靜。和你同往到神京。〔小

旦〕謝深恩。感大恩。救取奴一命。〔合〕天昏地黑。迷去路程。就此處權停。

〔老旦〕母爲尋兒錯認真。〔小旦〕不因親者強來親。

〔合〕愁人莫向愁人說。

說與愁人愁殺人。

第十九齣 偷兒擋路

〔高陽臺引〕〔生旦上生〕凜凜嚴寒。漫漫肅氣。依稀曉色將開。宿水餐風。去客塵埃。〔旦〕思今念往。心自駭。受這苦誰想誰猜。〔合〕望家鄉。水遠山遙。霧鎖雲埋。〔生〕亂亂隨遷客。紛紛避禍民。風傳軍喊急。雨送哭聲頻。〔旦〕子不能庇父。君無可保臣。〔合〕寧爲

太平犬。莫作亂離人。〔生〕娘子。你看一路上風景。好生傷感人也呵。

〔山坡羊〕〔生〕翠巍巍雲山一帶。碧澄澄寒波幾派。深密密烟林數簇。滴溜溜黃葉都飄敗。一兩陣風。三五聲過鴈哀。〔旦〕傷心對景愁無奈。回首家鄉。珠淚滿腮。〔合〕情懷急煎煎悶似海。形骸骨巖巖瘦似柴。

〔水紅花〕〔旦〕憶昔歌舞宴樓臺。會金釵。歡娛難再。〔生〕思之詩酒看書齋。命多乖。風光難再。〔旦〕母親知他何處。尊父阻隔天涯。不能覈千里故人來也囉。〔梧桐葉〕〔生〕徙黎民。遷臣宰。天子蒙塵尙遠邁。雕欄玉砌今何在。〔旦〕想畫閣蘭堂那樣安排。翻做了草舍茅簷。這境界。怎教人償得盡悽惶債。

〔水紅花〕〔旦〕路滑霜重步難擡。小弓鞋。其實難捱。〔生〕家亡國破更時乖。這場災。冰消瓦解。否極何時生泰。苦盡更甜來。只除是枯樹上再花開也囉。〔內鳴

鑼喊科生旦慌科〕

〔金錢花〕〔生旦〕聽得數聲鑼篩。鑼篩。好漢山前齊擺。齊擺。個個惺惡似狼豺。

〔外末淨丑上〕留買路。與錢財。不留與。便殺壞。你兩個是甚麼人。快留下買路錢去。

〔念佛子〕〔生旦〕窮秀才。夫和婦。爲士馬逃難登途。望相憐。壯士略放一路。〔衆〕捉住。枉自說閒言語。買路錢留下金珠。稍遲延。便教你身喪須臾。

〔前腔〕〔生旦〕區區。山行路宿。粥食無覓處。有盤纏肯相推阻。〔衆〕窮酸餓儒。模樣須尋俗。隨行所有。疾忙分付。

〔前腔〕〔生旦〕苦不苦。從頭至足。衣衫皆襤褸。難同他往來客旅。〔衆〕你不與我。施威仗勇。輪動刀和斧。激得人忿心發怒。

〔前腔〕〔生旦〕告饒恕。魂飛膽顫摧。神恐心驚懼。此身恁地負屈死。眞實何辜。

〔衆擲生旦科〕且執縛管押前去山寨裏聽從區處。〔生旦〕到那裏吉凶事全然未知。

〔生〕秀才身畔沒行囊。

〔旦〕逃避刀兵離故鄉。

〔衆〕且聽雷霆施號令。

休言星斗煥文章。

## 第二十齣 虎頭遇舊

〔粉蝶兒〕〔小生上〕山寨鳴金白鶴半空展翅。〔衆押生旦上〕見擒獲過客夫妻。〔生

旦〕離天羅入地網。逃生無計。〔合〕到麾下善惡區處。〔衆〕稟主帥夜來巡哨。拿得

一個漢子。一個婦人。〔小生〕帶過來。〔衆帶見科小生〕那漢子俺這裏經年無客過。累月少人行。你

明知山有虎。故作采樵人。

〔尾犯序〕山徑路幽僻。但尋常此間來往人稀。男女相隨。豈是良人行止。〔生

旦〕凶時遭士馬流民散失。避干戈君臣遠徙。夫和婦爲天摧地塌。逃難路

途迷。

〔前腔〕〔小生〕無非買命與贖身。但隨行有何囊篋貲費。〔生旦〕沒有將軍。〔衆〕快口強舌。休同兒戲。〔生旦〕聽啟。亂慌慌行來數日。苦滴滴實沒半釐。〔衆〕你好不知禮。常言道。打魚獵射怎空回。

〔前腔〕〔小生〕何必說甚的。衆嘍囉。便推轉斬首。更莫遲疑。〔衆扯科〕將他扯起。倒拽橫拖。橫拖倒拽。把軍令遵依。〔生旦〕魂飛纔逆旅窮途認妻。早背井離鄉做鬼。聽哀告。望雷霆暫息。略罷虎狼威。

〔前腔〕〔小生〕軍前令怎移。但一言既出。駟馬難追。〔生旦〕將軍可憐饒命。〔衆〕枉自厚禮卑詞。休想饒你。〔旦〕傷悲。王瑞蘭遭刑枉死。〔生〕蔣世隆銜冤負屈。天和地有誰人可憐。燒陌紙錢灰。〔小生〕呀。像似那漢子說甚蔣世隆。衆嘍囉。

〔梁州賺〕且與我留人。押回來問取詳細。那漢子。你家居在那裏。農種工商學文藝。〔生〕通詩禮。鄉進士。州庠屢魁。中都路離城二里。〔小生〕因甚到此。〔生〕閉居止。因兵火棄家無所倚。〔小生〕聽說仔細。漢子。擡起頭來我看。〔生擡頭科〕

〔前腔〕〔小生〕緊降階釋縛扶將起。是兄弟負恩忘義。這是何人。〔生〕是我渾家。〔小生〕尊嫂受禮。誰知此地能完聚。〔旦〕愁爲喜。深謝得賢叔盜跖。〔小生〕哥哥。行那些個尊卑權休罪。適間冒瀆少拜識。〔跪科生〕恐君錯矣。〔小生〕哥哥。你就不認得兄弟了。〔生〕一時間想不起。

〔鮑老催〕〔小生〕朝廷當時巡捕急。閃避在圍牆內。若非恩人救難危。險赴法雲陽市。〔生〕呀。原來是興福兄弟。相逢狹路難迴避。這言語古來提。〔小生〕衆嘍囉。連忙整備排筵席。歡來不似今日。看酒過來。〔淨〕酒在此。〔小生〕把酒科。

〔前腔〕酒浮嫩醅。酒浮嫩醅。壓驚解煩休要推。嫂嫂請酒。〔旦〕奴家天性不飲。〔小生〕寒色告少飲半杯。〔旦〕非詐僞。量淺窄。休央及。〔小生〕高歌暢飲展放眉。開懷醉了重還醉。酒待人無惡意。

〔前腔〕〔旦〕秀才。你儒業祖傳襲。文章幼攻習。我低低問。暗暗猜。心疑忌。叔伯遠房姑舅的。〔生〕不是。〔旦〕敢是兩姨一瓜蒂。〔生〕也不是。〔旦〕這不是。那不是。怎有

這個賊兄弟〔淨〕告主帥。主帥好意。勸那娘子飲酒。那娘子反罵主帥。〔小生〕哥哥。兄弟好意。勸嫂飲酒。如何反罵兄弟。〔生〕兄弟。你小校聽錯了。道這不是。那不是。怎有這個好兄弟。賽關張。勝劉備。〔旦〕秀才去罷。

〔前腔〕〔生〕告辭去急。〔小生〕姑留待等寧靜歸。〔生〕龍潭虎穴難住地。〔小生〕衆  
嚶囉。取白金百兩過來。〔淨〕金子在此。〔小生〕哥哥既不肯住呵。金百兩。望領納爲盤費。  
〔生〕多謝兄弟。就此告辭了。〔合〕懊恨人生東又西。難逢最苦別離易。嘆此行何時  
會遲速。早晚干戈息。共約行朝訪蹤跡。

〔尾〕男兒志。心肯灰。一旦風雲際會。怎肯依舊中原一布衣。〔旦〕秀才去罷。

〔生〕相促相催行步緊。〔旦〕廝收廝拾去心頻。  
〔小生〕他日劍誅無義漢。〔衆〕此時金贈有恩人。

第二十一齣 子母途窮

〔天下樂〕〔老旦上〕行盡長亭又短亭。窮途路。那曾經。〔小旦上〕飄零此身如萍梗。

歎何日歸到神京。〔老旦〕〔憶秦娥〕拋家業。人離財散如何說。如何說。這般愁悶。這般時節。〔小旦〕不幸裙釵遭此劫。一回追想添情切。添情切。心兒悒悒。眼兒流血。〔老旦〕孩兒。天色將暝。你只得趨行幾步。〔小旦〕是。

〔羽調排歌〕〔老旦〕黯黯雲迷。寒天暮景。驅馳水涉山登。蕭蕭黃葉舞風輕。這  
樣愁煩不慣經。不忍聽。不美聽。聽得胡笳野外兩三聲。〔合〕風力勁。天氣冷。一  
程分作兩程行。

〔前腔〕〔小旦〕只見數點寒鴉。投林亂鳴。晚烟宿霧冥冥。迢迢古岸水澄澄。野  
渡無人舟自橫。不忍聽。不美聽。聽得孤鴻天外兩三聲。〔合前〕

〔憶多嬌犯〕〔老旦〕前路梗。行步生。那更天將暝。憂心戰兢兢。傷情淚盈盈。那  
些兒悽慘。那些個寂寞。清風明月最關情。無人來往冷清清。叫他不應天怎聞。  
不忍聽。不美聽。聽得疎鐘山外兩三聲。〔合前〕

〔前腔〕〔老旦〕忽地明。一盞燈。遙望茅簷近。不須意見省。休得慢騰騰。休辭迢



遞望明前去。遠臨此地叩柴扃。今宵村舍暫消停。臥卻山城長短更。不忍聽。不美聽。聽得寒砧林外兩三聲。〔合前〕

〔尾〕〔合〕得暫寧。天之幸。一夕安穩到天明。免使狼藉遑遑登路程。

前村燈火已黃昏。但願中途遇好人。

曾經路苦方知苦。始信家貧未是貧。

## 第二十一齣 招商諧偶

〔臨江仙〕〔末上〕調和麩蘖多加料。釀成上等香醪。籬邊風旆似相招。三杯傾竹葉。兩臉暈紅桃。不飲傍人應笑你。百錢斗酒非高。莫言村店客難邀。神仙留玉珮。卿相解金貂。且喜兵火已平。民安盜息。不免叫貨賣出來。分付他仍舊開張鋪面。迎接客商。多少是好。貨賣那里。〔丑上〕忙把店門開。安排待客來。不將辛苦藝。難近世間財。家長老官兒有何分付。末。貨賣。如今且喜兵火已平。民安盜息。你可與我開張鋪面。迎接客商。你在外面發賣。我在裏面會鈔記帳。〔丑〕說得是。我在外面發賣。你在裏面會鈔記帳。我一賣還他一賣。兩賣還他成雙。〔末〕說得是。奉饒加一二。自有客人來。

〔下丑〕好招商店。前臨官道。後靠野溪。幾株楊柳綠陰濃。一架薔薇清影亂。古壁上繪劉伶裸臥。小窗前畫李白醉眠。知味停舟。果是開埋香十里。聞香駐馬。真個隔壁醉三家。但有南北二京福建。江西湖廣襄陽。山東山西雲南貴州廣東廣西客商都來買好酒喫。自古道。才關不開。利市不來。不免把酒來嘗一嘗。好酒。一生喫不慣悶酒。得個朋友來同酌一杯纔好。

〔駐馬聽〕〔生旦上〕一路裏奔馳。多少艱辛。來到這里。且喜略時肅靜。漸次平安。稍爾寧息。恨悠悠千里旅情悲。苦懨懨一片鄉心碎。感歎咨嗟。傷情滿眼關山淚。

〔前腔〕〔丑〕草舍茅簷。門面不粧酒味美。真個杯浮綠蟻。榨滴珍珠。甕潑新醅。〔生旦〕酒旗斜掛小窗西。布帘兒招颺在疎籬際。和你共飲三杯。今朝有酒今朝醉。〔生〕娘子。此間是廣陽鎮招商店。且沽一壺。少解旅況。再行何如。〔旦〕但憑秀才。〔生叫酒

保丑〕官兒買酒喫的。〔生〕是買酒喫的。〔丑〕請坐。〔生〕還有渾家在外面。〔丑〕渾家請。〔生〕咄。你這酒保好野。〔丑〕我小人不野。〔生〕夫妻纔稱得渾家。你怎麼也叫渾家。〔丑〕官兒。我聞古人云。人

之父母。就是我之父母。官兒的渾家。也就是我的渾家。一般大家渾一渾。〔生〕胡說。稱娘子纔是。〔丑〕便是娘子請如何。〔叫科〕兩杯茶來。〔生〕酒保。你家有甚麼好酒。〔丑〕有好酒。〔生〕有甚麼好下飯。〔丑〕有好下飯。〔生〕只把好的拿來。喫了算帳。〔丑叫科〕那官兒腳上帶黃泥。必定遠來的。多着拋屍露少着父娘皮。一賣當兩賣。不要少他的。〔生〕酒保。你說多着拋屍露。少着父娘皮。父娘皮是甚麼。〔丑〕父娘皮是骨。〔生〕拋屍露是骨。〔丑〕拋屍露是肉。〔生〕父娘皮是肉。你怎麼哄我。〔丑叫科〕這官兒是老江湖。不要哄他。拋屍露少放些。畫眉青多放些。〔生〕酒保。畫眉青是甚麼。〔丑〕畫眉青是肉。〔生〕畫眉青是菜。〔丑叫科〕不要哄他了。一賣肉。一賣雞。一賣燒鵝。一賣匾食。快着呵。〔生〕看酒過來。〔丑〕好酒在此。〔生〕這是新筍。可有窖下。〔丑〕我這裏來往人多。沒有窖下。只是新筍。〔生〕也罷。酒保與我斟一斟。〔丑〕不要說一針。八針也會。〔生〕休閒說。娘子請酒。

〔駐雲飛〕〔生〕村釀新筍。要解愁腸。須是酒。壺內馨香透。盞內清光溜。〔旦作羞不飲科生〕噤。何必恁多羞。〔旦〕非是奴家害羞。天性不會飲。〔生〕但略沾口。勉意休推。莫把眉兒皺。一醉能消心上愁。娘子不會飲得一杯。爲何臉就紅了。

〔前腔〕〔旦〕盞落歸臺。卻早兩朶桃花上臉來。酒保將酒過來。待我也回那秀才一杯。

〔丑背云〕蹣蹣。待我問他。官兒方纔娘子說。酒保看酒過來。待我也回那秀才一杯。那者是怎麼說。

〔生〕這是我那里鄉音。那者是好也。〔丑背云〕待我也打腔兒哄他。〔叫科〕夥計看那酒來。那下飯

來。〔生〕酒保。甚麼那酒。那下飯。〔丑〕官兒就不記得了。我這裏也是那者好也。〔生〕休取笑。〔旦把

酒科〕多感君相帶。〔生〕多謝心相愛。〔旦〕擎樽奉多才。〔生〕小生也不會飲。〔旦〕

你量如滄海。〔生〕酒保減一減我喫。〔丑〕甚麼說話。喫一個滿面杯。〔旦〕滿飲一杯。暫把愁

懷解。樂以忘憂。須放懷。〔生〕酒保。我與娘子一路來。因有幾句言語。不肯喫酒。你若勸得娘子

喫一杯酒。我就與你一錢銀子。〔丑〕官兒。我勸娘子喫一杯酒。就是一錢銀子。若喫十杯。〔生〕就是

一兩。〔丑〕若喫了一百杯。就是十兩。待我去奉娘子請酒。〔作掩鬚科〕

〔前腔〕〔丑〕湫灩流霞。〔生〕酒保。你怎麼把臉兒遮了。〔丑〕小人臉兒不那個。恐娘子見了不肯

喫酒。不比尋常賣酒家。娘子請一杯。〔旦〕我不會喫。〔丑〕小人跪了。〔旦〕請起。我喫。〔丑〕

娘子出路人。不要喫單杯。喫一個雙杯。〔把酒科〕村店多瀟灑。坐起極幽雅。〔旦〕我再喫

不得了。〔丑〕沒奈何。小人又跪下。〔旦〕也罷。起來。我再喫一杯。〔丑〕喫。何必論杯罈。試嘗酬價。愛飲神仙。玉珮曾留下。今後逢人喫甚茶。

〔前腔〕〔生〕悶可消除。只怕醉倒黃公舊酒壚。〔旦〕秀才。天色晚了。去罷。〔生〕天晚催人去。〔丑〕好熟酒在此。〔生〕好酒留人住。喫香醪。豈尋俗。味若醍醐。曾向江心。點滴在波深處。慢櫓搖船捉醉魚。〔旦〕秀才。我猜着了。〔生〕你猜着我甚麼。〔旦〕你哄我喫

醉了。要捉那醉魚。只怕你滿船空載月明歸。〔生〕娘子。這是唐明皇與楊貴妃。在采石江邊飲宴的

故事。〔丑〕着了。正是那唐明皇與楊貴妃。在采石江邊飲宴的故事。我小人親眼見的。也是我斟酒

勸他。〔生〕酒保。你多少年紀。〔丑〕我四十歲了。〔生〕唐明皇開元到今。有四百餘年。你怎麼說親眼見。〔丑〕自不會說謊。略謊得一謊。就露出馬腳來。〔旦〕秀才。天色晚了。去罷。〔生〕酒保。天色晚了。會

鈔罷。〔丑叫科〕官兒娘子不喫酒了。會鈔。〔生〕酒保。這裏到宿舍館中。還有多少路。〔丑〕還有三十

里。你問他怎麼。〔生〕我要去借宿。〔丑〕這等去不到了。官兒。我這裏廣陽鎮招商店。前面喫酒。後面

宿舍。這裏不歇。往那里歇。〔生〕娘子。方纔酒保說。到旅館中。還有三十里路。去不到了。就在此安歇

了罷。〔旦〕但憑秀才。生。酒保。一發明日會鈔罷。與我打掃一間房。鋪下一張床。〔丑叫科〕那官兒  
不去了。一發明日會鈔。打掃一間房。鋪下一張床。一個聯二枕頭。一個大馬子。〔旦〕酒保。那秀才與  
你說甚麼。〔丑〕那官兒叫我打掃一間房。鋪下一張床。〔旦〕不要依他。只依我。與我打掃兩間房。鋪  
下兩張床。〔丑叫科〕不依前頭了。打掃兩間房。鋪下兩張床。兩個短枕頭。一個馬子。一個尿盤。〔生〕  
酒保。娘子叫你怎麼。〔丑〕叫我打掃兩間房。鋪下兩張床。〔生〕酒錢飯錢都是我還。你怎麼不聽我  
說。還只是打掃一間房。鋪下一張床。〔丑〕是。酒錢飯錢都是官兒還。只依官兒。〔叫科〕不依後頭  
了。照舊依前。打掃一間房。鋪下一張床。一個聯二枕頭。一個大馬子。〔旦〕酒保。那秀才又與你說甚  
麼。〔丑〕那官兒還教我打掃一間房。鋪下一張床。〔旦〕你這酒保只依我就罷了。有這許多更變。  
〔丑〕你兩個只管咭力骨碌。骨碌咭力。〔末上打丑科〕狗才。成甚麼規矩。一張又是兩張。兩張又是  
一張。教我老人家。端到東。端到西。費許多氣力。走出去。不用你了。〔丑〕咳。老官兒。我在此也是好的。  
畚灰刮鏟。擔柴挑水。門前招接。店中貨賣。不用我。我往江西人饅飽店中去。〔末指丑欲下丑〕老不  
死。〔末轉身上〕你罵我老不死。〔丑〕我說你牛一般健。老了不死的。〔末下丑〕你兩個果來得蹺蹶。

怪不得那老兒。如今也不依官兒。也不依娘子。依了我罷。〔生〕怎麼依你。〔丑〕依我便打掃一間房。依着官兒了。鋪下兩張床。〔生〕一張。〔丑〕也依娘子一半。床卻丁字鋪了。〔生〕怎麼丁字鋪。〔丑〕官兒的床鋪在這里。娘子的床鋪在這里。上了床。吹滅了燈。一個筋斗就過了。〔生〕休取笑。張燈來。〔丑叫科〕看燈來。看洗腳水來。〔下生〕娘子。請睡了罷。〔旦〕你自請睡。〔生〕請睡了罷。〔旦〕秀才。你自睡。我自睡。只管問我怎麼。

〔絳都春〕〔生〕擔煩受惱。豈容易。共伊得到今朝。有分憂愁。無緣恩愛。何時了。

〔旦〕長吁短歎。我心自曉。〔生〕娘子。你曉得我甚麼。〔旦〕有甚的真情深奧。〔生〕正要

娘子曉得。〔旦〕禮法所制。人非土木。待說也難道。〔生〕尋踪訪跡。遇林中。〔旦〕受苦扶危

出禍叢。〔生〕我和你有緣。千里能相會。〔旦〕我只是無緣。對面不相逢。〔生〕娘子。你怎麼把言語都

說遠了。你敢是忘了。〔旦〕奴家不會忘了甚麼。〔生〕既不會忘。可記得林檎中的言語來。〔旦〕林檎

中曾與秀才說兄妹同行。〔生〕這也有來。我說面貌不同。語言各別。娘子又怎麼說。〔旦〕奴家再不

會說甚麼。〔生〕正是貴人多忘事。娘子再想。〔旦〕奴家想起來了。說怕有人盤問。權說做夫妻。〔生〕

卻又來。別的便好權。做夫妻可是權得的。我也不問娘子別的。可曉得仁義禮智信。不要說仁義禮智。只說一個信字。〔旦〕信字怎麼說。〔生〕天若爽信。雲霧不生。地若爽信。草木不長。爲人可失得信麼。〔旦〕奴家也不會失信與秀才。〔生〕既不失信。如何不依林檎中的言語。〔旦〕秀才。你送我回去。多多將些金銀謝你罷。〔生〕豈不聞書中自有黃金屋。要你那金銀何用。〔旦〕也罷。你送我回去。我與爹爹說與你個官兒做罷。〔生〕呀。官是朝廷的。是你家的。我一路來。到不曾問得娘子。不知娘子是何等人家。〔旦〕秀才。你不問起也罷。若問我家中事情。不要說與你同行同坐。就是立站的去處。也沒有你的去處。〔生〕韓景陽大來頭。你卻是何等人家。願聞。〔旦〕奴家祖公是王和。父親見任兵部王鎮尙書。母親是王太國夫人。奴家是守節操的千金小姐。〔生〕既是千金小姐。怎麼隨着個窮秀才走。〔旦〕不知你妹子隨着那個哩。〔生〕你自身顧不得。那管得別人。且住。不要與他硬。若硬。兩下里就硬開了。還要放軟些。娘子元來是宦家之女。我將世隆低賤觀畫堂。尙然消受不起。倒與娘子同行同坐。望娘子高擡貴手。饒恕蔣世隆之罪。〔跪科〕〔旦〕亦跪科。大恩人請起。〔生〕咳。你既知我是大恩人。



〔降黃龍〕〔生〕說甚麼宦室門楣寒士尋常望若雲霄時移事遷爲地覆天翻

君去民逃多嬌此時相遇料應我和你姻緣非小做夫妻相呼廝喚怎生忘了

〔前腔〕〔旦〕秀才何勞獎譽過高昔日榮華眼前窮暴身無所倚幸然遇君家

危途相保〔拜科〕英豪念孤恤寡再生之恩難報久以後啣環結草敢忘分毫

〔前腔〕〔生〕聽告你身到行朝與父母團圓再同歡笑那時節呵你在深沉院宇要

見你除非是夢魂來到〔旦〕我稟過父親那時與你成親也未遲〔生〕那時節你還要我攀高

選擇佳婿卑人呵命蹇時乖實是難招〔生〕我與娘子一路同行到此便是三歲孩童也

說一對好夫妻這虛名人言自說聽着偏好

〔前腔〕〔旦〕休焦所許前詞侍枕之私敢惜微眇〔生〕既如此卻又推三阻四怎麼〔旦〕

怕仁人累德娶而不告朋友相嘲〔生〕娘子你曉得瓜田不納履李下不整冠麼〔旦〕瓜田

不納履怎麼說〔生〕假如人家一園瓜正熟有人打從瓜園中經過由腰納其履隔遠人望見只說

偷其瓜〔旦〕李下不整冠怎麼說〔生〕假如人家一園李子正熟有人打從他李樹下過欲待伸手

整其冠。人見只說盜其李。從教整冠李。下此嫌疑實亦難逃。〔旦〕秀才你送我到行朝。與爹爹說知。教個媒人說合成親。卻不全了奴家的節操。〔生〕怒擊卓科。你前日在虎頭寨上。若沒有蔣世隆呵。亂亂軍中遭驅被虜。怎全節操。〔淨內叫〕老兒起來。盤兒碗兒都打碎了。〔末淨上〕

〔太平令〕曲徑非遙。深夜柴門帶月敲。郵亭一宿姻緣好。又何故語叨叨。〔生且見科〕

〔前腔〕〔生〕旅邸蕭條。回首鄉關路轉遙。寒燈照影傷懷抱。因此上話通宵。〔末〕官人娘子。我兩口在隔壁聽得許久。頗知一二。你也不要瞞我了。〔生〕既如此。瞞不得公公婆婆了。〔末〕秀才官人。他是官族名流。深閨處子。自非桑間之約。濮上之期。焉肯鑽穴相窺。踰牆相從。秀才官人。你是讀書之人。豈不聞柳下惠之事。〔生〕惶恐。惶恐。〔末〕秀才官人莫怪。請到前樓去坐一坐。老夫別有話說。〔生〕是如此。〔下末〕小姐在上。老夫有一言相告。男女授受不親。禮也。嫂溺援之以手。權也。權者反經合禮之謂。且如小姐處于深閨。衣不見裏。言不及外事之常也。今日奔馳道途。風

餐水宿事之變也。況急遽苟且之時。傾覆流離之際。失母從人二百餘里。雖小姐冰清玉潔。惟天可表。清白誰人肯信。是非誰人與辨。正所謂崑岡失火。玉石俱焚。今小姐堅執不從。那秀才被我道了幾句言語。兩下出門。各不相顧。倘遇不良之人。無賴之輩。強逼爲婚。非惟玷污了身子。抑且所配非人。不若反經行權。成就了好事罷。〔旦〕望公公婆婆收留奴家在此。倘或父母有相見之日。那時重相謝。決不虛言。〔末〕呀。收留人家迷失子女。律有明條。況小店中來往人多。不當穩便。既然不從小姐。請出去罷。〔旦悲科淨〕老兒。他只因無父母之命。又無媒妁之言。我兩人年紀高大。權做主婚之人。安排一樽薄酒。權爲合巹之杯。所謂禮由義起。不爲苟從。我兩老口主張不差。小姐依順了罷。〔旦〕我如今沒奈何了。但憑公公婆婆主張。〔淨〕老兒。小姐也是看上這秀才的。他也要拿些班兒。〔末〕你去看酒來。待我請那秀才官人來。秀才官人有請。〔生上末〕被老夫勸從了。〔生揖科〕多謝公公。〔淨上〕老兒。酒在此了。〔末把酒科〕

〔撲燈蛾〕〔末淨〕才郎殊美好。佳人正年少。相逢邂逅間。姻緣會合非小也。天然湊巧。把招商店權做個藍橋。翠帷中風清月皎。算歡娛。千金難買是今宵。

〔前腔〕〔旦〕禮儀謹化源。關雎始風教。一時見君子。匆匆遽成人道也。〔生〕我是山雞野鳥。配青鸞無福難消。仗冰人一言已定。此生此德。何以報瓊瑤。〔末淨〕官人娘子。請穩便罷。夜深了。明日再取一樽酒。與你暖房。姻緣本無意。天造偶相逢。賸把銀缸照。猶疑是夢中。〔末淨下〕

〔袞遍〕〔旦〕不肯賦情薄。不肯賦情薄。隨順教人笑。空使我意沉吟。眉留目亂。羞難道。〔生〕看他喜時模樣。愁時容貌。燈兒下。越看着越波俏。

〔前腔〕〔旦〕才郎意堅牢。才郎意堅牢。賤妾難推調。只恐容易間。把恩情心事都忘了。〔生〕蔣世隆若有此心。與你星前月下。去罰下誓來。〔旦〕你自去罰。〔生〕蔣世隆若忘了小。如厚恩。永遠前程不吉。海誓山盟。神天須表。辦至誠。圖久遠。同諧老。

〔尾聲〕〔旦〕恩情豈比閒花草。〔生〕往常恨更長寂寥。今夜只愁天易曉。

〔生〕野外芳葩並蒂開。〔旦〕村邊連理共枝栽。

〔合〕百年夫婦途中合。一段姻緣天上來。

## 第二十三齣 和寇還朝

〔三棒鼓〕〔外王尙書丑六兒引衆上外〕一鞭行色望南京。喜得兩國通和也。無戰爭。邊疆罷征。邊烽罷驚。不暫停。〔合〕如今海晏河清也。重逢太平。重樂太平。〔外〕

六兒。這里到磁州孟津驛。還有多少路。〔丑〕爹。不多遠了。〔外〕分付人夫趨行。到孟津驛去安歇罷。〔丑〕人夫趨行。到孟津驛安歇。

〔前腔〕〔外〕遠聞軍馬犯邊城。怎奈奉旨登途也。離鄉背井。這場戰爭。這場恐驚。誰慣經。〔合前〕

玉帛交歡四海清。

家無王事國無征。

太平元是將軍定。

還許將軍見太平。

## 第二十四齣 會赦更新

〔稱人心〕〔小生上〕宵行晝伏。脫離虎口鯨牙。不得已。截道打家。聚亡生。集捨死。山間林下。逆天無道。這榮華。成甚生涯。〔減字木蘭花〕陀滿興福。父母妻兒都殺戮。逃命

潛奔峭聚山林暫隱身。心闌意卸天幸遭逢頒大赦。改過從新作個清平無事人。我陀滿興福受了無限苦楚。今日幸蒙恩赦。散卻衆嘍囉。離了山寨。聞得行朝開科選士。招取文武全才。我如今一來上京應試。二來尋取哥哥消息。卻不是好天色將晚。不免趲行幾步。

〔五韻美〕休戈甲罷征戍。區宇宣王化。惠及生靈。恩霑遐邇。如今日之際。海之涯。普天之下。再生重見太平。歡聲四洽。

仰謝天恩放赦歸

再生重覩太平時

盡銷軍器爲農器

不掛征旗掛酒旗

## 第二十五齣 抱恙離鸞

〔三登樂〕〔旦扶生上〕世亂人荒。幸脫離天羅地網。不隄防病染這場事。不寧身未穩。天降災殃。淹留旅邸。望河南怎往。〔旦〕官人。你今日病體如何。〔生〕十分沉重。〔旦〕待我央店主人去請個太醫來看一看。店主人有請。〔末上〕貧無達士將金贈。病有良醫藥方小。

姐拜揖。〔旦〕店主人萬福。〔末〕小姐。官人貴體若何。〔旦〕官人病體十分沉重。煩你請個太醫來看

一看〔末〕這個當得。不會三五步。咫尺是他家。翁太醫在麼。〔淨內問〕是那個。〔末〕請你看病的。〔淨〕有幾個人在外面。〔末〕只我一個。〔淨〕得兩個拿扇板門來。擡我去方好。〔末〕爲什麼。〔淨〕犯了些腰頭病。〔末〕你何不自醫。〔淨〕自古道。盧醫不自醫。〔末〕快些出來。〔淨〕不要慌。待我分付了着。〔淨半上向內科〕分付丁香奴劉季奴。你每好生看着天門麥門。我去探白頭翁蔓荊子。趁些鬱金水銀總當歸。倘有使君子來看大麥小麥。可回他說是張將軍李國老家請去了。你菘菘把破故紙包那沒藥與他去。前者因爲你每不細辛防風。卻被那夥木賊爬過天花粉牆。上了金線重樓。打開青箱。偷去珍珠琥珀金銀花子。丹砂徽子。茯苓裙子。昆布襪子。青皮靴子。那一個豆蔻又起狼毒之心。走入蓮房。搜定我的紅娘子。扯下襯襠。直弄得川芎血結。咳。苦腦子。苦腦子。如今可牽海馬到常山下。喫些莽草。薄荷邊。飲些無根水。傍晚看天南星出。卽掛上馬兜鈴。將紅燈籠。點着白蠟燭。往人中白家來接我。你若懶惹。莖來遲了。叫我黑牽牛。尚香。惹得我急性子起。將玄割索。弔你在甘松樹上。四十蒺藜棍。打斷你的狗脊骨。碎補屁。李李出。羣撥。饒你半夏。分罰子了。王不留行。

〔水底魚〕〔淨上〕三卅行醫。四方人盡知。不論貴賤。請着酌。卽便醫。盧醫扁鵲。

料他直甚的。人人道我道我是個催命鬼。我做郎中真久慣。下藥且是不懶慢。熱病與他柴胡湯。冷病與他五靈散。醫得東邊纔出喪。醫得西邊已入斂。南邊買棺材。北邊打點又氣斷。祖宗三代做郎中。十個醫死九個半。你若有病請我醫。想你也是該死漢。小子姓翁。祖居山東。藥性醫書看過。難經脈訣未通。做土工的是我姐夫。賣棺材的是我外公。我若一日不醫死幾個。叫外婆姐姐在家裏喝風。你是那個。〔末〕是我。我店中有個秀才得了病。請你去醫。〔淨〕他是甚麼病。〔末〕去看脈便知道。怎麼問我。〔淨〕你不曉得。明醫暗卜。問得明白了去。方纔看脈也對科。下藥也對病。〔末〕也說得有理。我說便說。你不要對那秀才說。〔淨〕你是好意。我怎麼就說。〔末〕那秀才因離亂不見了妹子。憂煩得病。〔淨〕這等便是憂疑驚恐上來的。不打緊。一貼藥就好。〔末〕先生略待。我進去說了來請你。小姐。太醫到了。〔旦〕公公。他是病虛的人。叫他悄悄的進來。不要驚唬了他。〔末〕先生。那秀才。是病虛的。你可悄悄些進去。〔淨〕我曉得。我曉得。〔淨〕進看擊卓。大叫譚科生作驚科。旦抱生科。〔旦〕這太醫好沒分曉。病虛的人。爲何這般大驚小怪。〔淨〕這是我醫人的入門訣。〔末〕怎麼說。〔淨〕驚一驚。驚出他一身冷汗。病好了也不見得。〔旦〕倘或不好。〔淨〕驚死了也罷了。這個叫個活。



驚殺。〔末〕先生日看脈。〔淨〕伸出腳來待我看。〔末〕還是手。怎麼說腳。〔淨〕你不曉得。病從跟脚起。〔淨看脈科〕日先生用心看一看。是甚麼症候。〔淨〕這個病症。是亂軍中不見了親人。憂疑驚恐。七情所傷的症候。〔旦〕好太醫。就如見的。〔淨〕我實不會見。是王公纔方與我說的。〔末〕呀。我教你不要說。〔淨〕我不說。不表你的好意思。〔旦〕煩太醫再看分曉。

〔奈子花〕〔淨〕他犯着產後驚風。〔旦〕不是。〔淨〕莫不是月數不通。〔旦〕這太醫胡說。〔末〕他是男子漢。怎麼倒說了女人的病症。〔淨〕我手便拿着官人的眼。卻看了這娘子。故此說到女科去了。待我再看。呀。不好了。

〔駐馬聽〕〔淨〕這脈息昏沉。兩手如冰。駭死人。叫幾個尼。和尚。做些功果。送出南門。鬼門關。上來招魂。叫些木匠。月月日。早把棺材釘。〔旦哭科〕淨我人兒。連哭兩三聲。呀。你不曾動。〔末〕不曾動。〔淨〕這等不妨。是我差拿了手背。你謊則甚。

〔旦〕如今怎麼。〔淨〕如今下針。〔旦〕怎麼這等大針。〔淨〕待我換。〔旦〕一發大了。〔淨〕這等有藥。在這里。〔末〕甚麼藥。〔淨〕是飛龍奪命丹。拿去與秀才吃。〔生吃吐科〕日怎麼吃了就吐。〔淨〕虛弱。

得緊。胃口倒了。老官兒。你也吃一服。〔末〕我沒有甚麼病。〔淨〕你吃了。髮白再黑。牙落再生。〔末〕這等好。拿來我吃。〔作吐科淨〕二三十兩銀子合的藥。都吐了。你們不會吃。待我吃與你看。〔作吐科末〕先生。這是甚麼藥。吃的都吐了。〔淨作看科〕阿呀。連我也拿差了。這是醫痔瘡的藥。上下不對科了。〔末〕翁太醫。你還要看症。仔細下藥。〔淨〕這等待我再望聞問切。

〔別銀燈〕〔淨〕他渾身上如湯似火燒。〔旦〕不熱。〔淨〕口兒裏常常乾燥。〔旦〕也不。〔淨〕終朝飯食都不要。〔旦〕也還喫些。耳聞得蟬鳴聲噪。〔旦〕也不。〔淨〕心焦。〔旦〕也不。〔淨〕莫不是害勞。〔旦〕這先生說的一些也不是。〔淨〕都不是不醫便了。〔下末〕這先生去了。小姐可勸官人且寧耐。老夫去去再來看。正是藥醫不死病。果然佛度有緣人。〔下生〕娘子。太醫說我病體如何。〔旦〕官人太醫說了沒事。且自寧耐則個。

〔山坡羊〕〔生〕娘子。我病體難醫難治。你這苦如何存濟。〔旦〕願流恩降福。降福災星退。〔生〕勢漸危。料應我不久矣。若還我死。你必選個高門配。我便死向黃泉。一心只念你。〔旦〕休提。不由人淚暗垂。傷悲。何時得歸故里。

〔三棒鼓〕〔外丑引衆上外〕君臣遷徙去如星。只怕土產凋零也。人不見影。〔衆〕一程兩程。長亭短亭。不住行。如今海晏河清也。重逢太平。重樂太平。〔外〕六兒。這是那里了。〔丑〕是廣陽鎮了。〔外〕可有駐節的所在。〔丑〕這里沒有。〔外〕我要寫個報子。打到孟津驛去。那里好暫歇。〔丑〕這里有個招商客店。倒潔淨。好暫歇。〔外〕既如此。好潔淨。房兒看一間。我進去。〔丑〕叫幾個皂隸隨我進來。有甚麼人在這裏。〔末上〕是誰呀。牌子買飯吃的。〔丑〕這個爺子孩兒。人也不識。買飯吃的。〔衆〕這是六爺。〔末〕是六爺。小人不識得。〔丑〕且饒你。你去打掃一間好房。我每老爺要進來。快些。〔末〕小店中窄小。住不得。〔丑〕不在此住。只要寫個報子就行。〔末〕請六爺去看。中意便請老爺進來。〔丑看科末〕這一間。〔丑〕不好。〔末〕那一間。〔丑〕不潔淨。〔末〕只有裏面一間。甚是潔淨。只是有個秀才染病在裏頭。〔丑〕教他出去一會兒。待老爺寫了報子再進去。〔日〕呀。倒像我家六兒。待我叫他一聲。六兒。〔丑〕誰教六兒。〔日〕六兒。〔丑〕呀。姐姐。爹爹。姐姐。爹爹。姐姐在此。姐姐。爹爹在此。〔日〕爹爹在那里。〔外〕女孩兒在那裏。〔見科〕

〔五供養〕〔日〕別來久矣。自離朝尊體無恙。骨肉重再覩。喜非常。〔外〕孩兒。屈指

數月折倒盡昔時模樣。思故里，念家鄉。多少鬢邊霜。〔旦〕（鷓鴣天）爹爹日斷魂，消信息沉。沿途窮跡問踪尋。〔外〕孩兒，親情再見誠無意。子父重逢豈有心。〔丑〕言往昔話如今。店中權歇問家音。〔合〕正是着意種花花不發。等閒插柳柳成陰。〔外〕孩兒，你怎麼在這裡。說個備細。與我知道。

〔園林好〕〔旦〕纔說起遷都汴梁。鬧炒炒哀聲四方。不忍訴淒涼情況。家所有盡撇漾。家使奴盡逃亡。

〔嘉慶子〕〔外〕你一雙子母何所傍。〔旦〕更雨緊風寒勢怎當。心急行程不上人。亂亂世慌慌。愁感感。淚汪汪。

〔尹令〕那時又無倚仗。那時有親難傍。那時有家難向他東我西。地亂天慌。事怎防。〔外〕你母親如今在那里。

〔品令〕〔旦〕逃生士民在官道驛程傍。天色漸晚。陰雲黯穹蒼。匆匆正往。喊聲如雷響。各各奔走。都向樹林中抗。偷生苟免。瓦解星飛。子離了娘。

〔豆葉黃〕〔外〕我兒。你一身見在誰行。〔旦〕我隨着個秀。〔外〕甚麼秀。〔旦〕我隨着個秀才棲身。〔外〕呀。他是甚麼人。你隨着他。〔旦〕他是我的家長。〔外〕怒科。誰爲媒妁。甚人主張。〔旦〕爹爹。人在那亂。人在那亂。離時節。怎選得高門廝對廝當。〔外〕六兒。那秀才在那裏。〔旦〕在這裏。還不走過來。〔生見科〕

〔月上海棠〕〔外〕你自想。甚年發跡窮形狀。〔生〕怎凡人貌相。海水斗升量。〔旦〕非獎。陋巷十年黃卷苦。那時禹門三月桃花浪。一躍龍門。便把名揚。管取姓字標金榜。〔外〕孩兒。隨我回去罷。

〔五韻美〕〔旦〕意兒裏想。眼兒裏望。望救取東君豔陽。與花柳增芳。〔生〕全沒些可傷。身凜凜如雪上加霜。〔外〕孩兒。你快隨我去。〔生旦〕更沒些和氣。一味莽。鐵膽銅心。打開鳳凰。

〔二犯么令〕〔外〕你是娘生父養。逆親言。心向情郎。〔生〕我向地。我向地獄相。救你到天堂。怎下得撇在沒人的店房。〔旦合〕若是兩分張。管取拚殘生命亡。

〔丑〕去罷。去罷。〔旦〕官人和你同去哀告。

〔玉交枝〕〔生〕哀告慈悲岳丈。〔外〕哇。誰是你岳丈。〔生〕可憐我伏枕在牀。〔外〕就死有誰來憐你。〔生〕我必定是死了。煎藥煮粥無人管。等待我三五日時光。〔外〕去去。一時也等不得。〔生〕全沒些好言劈面搶惡。狠狠怒氣三千丈。〔外〕六兒。扯上馬去。〔生〕只倚着官高勢強。只倚着官高勢強。〔丑扯旦科〕

〔江兒水〕〔旦〕眼見得今朝去直恁忙。相隨百步尙且情悒快。何況我夫妻月餘上怎下得霎時間。如天樣。〔外丑〕若要成雙。休指望。〔生旦〕一對鴛鴦。生被跌天風浪。〔外〕六兒。快扯上馬去。〔丑扯科〕

〔川撥棹〕〔生〕心相誑。更不將恩義想。〔旦〕無奈何事。無奈何事。有參商父逼。女夫言婦傷。〔合〕苦別離。愁斷腸。兩分離。愁斷腸。

〔前腔〕〔旦〕男兒贖藥。把衣衫典當償。我不能穀覷。我不能穀覷。得你身體康。〔生〕我和你再。我和你再。得成雙。怕死後一靈兒到你行。〔全別〕

〔前腔〕〔旦〕休爲我相思損天常緊攻書臨選場〔生〕我不道再我不道再娶重婚你焉肯終身守孀〔合〕苦別離愁斷腸兩分離愁斷腸〔外〕六兒快扯上馬去。

〔丑扯科〕

〔哭相思〕〔生旦〕怎下得將人離別愁萬縷腸千結〔丑扯旦科生奪旦外推倒生科外〕咄早知今日事如此何不當初莫用心〔下生哭作不能起科〕

〔卜算子〕〔生〕病弱身著地〔末上扶生科生〕氣咽魂離體拆散鴛鴦兩處飛天那多少唧冤氣店主人放手我拚命去趕他轉來〔末勸科〕已去遠了。

〔金梧桐〕〔生〕這廝忒倚官忒挾勢便死待何如欺侮俺是窮儒輩俺這里病愈深他那里愁無際旅店郵亭兩下裏人應憔悴我那妻怎教我忍得住恹惶淚〔末〕秀才官人休要短見且自安息保重貴體。

〔生〕天涯海角有窮時。

〔末〕人豈終無相見日。

〔合〕但願病痊無個事。

免教心下常憂鬱。

第二十六齣 皇華悲遇

〔上馬踢〕〔老旦上〕干戈動地來。車駕遷都汴。兒夫離帝京。路遙人又遠。軍馬臨城。無計將身免。這苦怎言。禍不單行。中路兒不見。

〔月兒高〕〔小旦上〕喊殺連天。骨肉怎相戀。自古常言道。人離鄉賤。得到今朝平安。幸非淺。是則是我身狼狽。眼前受迍連。

〔鑿江令〕〔合〕煩惱多歷遍。憂愁怎消遣。眼兒哭得破。脚兒行得倦。五里復十里。一日如同過一年。但願前途去。早早逢親眷。

〔狼草生〕〔合〕勁風寒四合。暮烟昏慘慘。彤雲布。晚天變。只愁那長空雪舞絮。綿綿去心如箭。旅舍全無。何處安歇停眠。〔老旦〕孩兒。天色已晚。無處安歇。这里是館驛門首。只得和你權宿一宵。明日早行罷。〔小旦〕遠遠望見一位官長來了。

〔前腔〕〔末上〕孟津驛舍住。在黃河岸邊。乘船坐馬十分便。〔老旦小旦〕子母忙向前。可憐窮面。暫借安身望週全。〔末〕你這兩個婦人。日晚天寒。過客無。遠臨傳舍。意如何。



〔老旦小旦〕我今不對英雄說。更有何人念旅途。〔末〕我且問你。你是何等樣人家。何處人氏。爲何到此。

〔羅帶兒〕〔老旦〕妾身本宦族。京城久居。爲侵邊犯闕軍奮武。君臣遷徙離中都也。〔小旦〕散亂人逃避。奔程途。身無主。去無所。慘可。可地。千生受萬苦辛。〔合〕今宵得借一宿。可憐見子母。每天翻地覆。

〔前腔〕〔末〕兵戈起路程。人不慣經。早尋個旅邸。休待等。怎容你行客寓郵亭也。〔老旦〕心下貪行路。望南京。不覺的暮雲平。遠涉涉地。不知處人又生。〔小旦合〕今宵得少留停。可憐見子母。每天寒地冷。〔末〕非是我不肯留你。只是皇華駐節的所在。留你婦人不得。

〔前腔〕〔小旦〕不容奴在此間。千羞萬慙。開口告人難上難。傷情無語。泪偷彈也。〔末〕這般恹惶事。恁愁煩。〔末〕罷罷罷。自古道與人方便。自己方便。看你這兩個婦人。也不

是已下人家的。我這裏不留你。前途恐遇不良之人。留你在此。怕有官員每來往。不當穩便。千萬不

可言語啼哭。〔老旦小旦〕這個不敢。〔末〕不忍見你受摧殘。靜悄悄地留一夜來早散。〔老旦小旦〕今宵得暫安眠。可憐見子母每天昏地暗。〔末〕就在那迴廊底下。暫歇了罷。

〔前腔〕〔老旦小旦〕娘和女深感激。蒙恩受德。幸然遇好人相愛惜。免風霜寒冷受勞役也。〔末〕隨我來。向這迴廊畔正廳側。借得些薦和席。凍款款地彎跽坐。覓些飲食。〔老旦小旦〕多謝官長。今宵得略休息。可憐見子母每天寬地窄。〔坐地科末〕天上人間。方便第一。〔下〕

〔灞陵橋〕〔外上〕馬兒行又急。轉頭問五里復十里。此去河南只隔這帶水。孟津驛。今夜權停止。嚟。知他這碾車兒恁行遲。

〔前腔〕〔丑上〕馬兒行較疾。疾上碾車兒直恁的簪簪地。正是心急步行遲。晚相催。天冷彤雲密。嚟。迭得到孟津驛且安息。

〔前腔〕〔旦〕這苦說向誰。索性死別離各自也着邊際。生把我鴛鴦分開兩下。

裏一步一回頭教我傷情意。嗟。衫兒上淚珠兒任淹濕。〔末上〕驛丞接老爺。〔外〕叫驛丞。我一路上鞍馬辛苦。不免勞倦。毋許閒雜人打攪。〔末〕是。〔下外〕孩兒。我與六兒書房裏安息。你往後堂睡罷。〔旦〕是。〔外丑下〕

〔新水令〕〔老旦〕淒涼逆旅人千里。〔旦〕這縈牽怎生成寐。〔小旦〕萬苦橫心裏。

〔合〕睡不着。是愁都做枕邊淚。〔老旦〕夫阻關山隔遠邦。女因兵火散他鄉。〔小旦〕自己不知凶與吉。親兄未審在何方。〔旦〕千愁當日兒留母。萬苦今朝鳳拆凰。〔合〕枕邊不敢高聲哭。恐怕猿聞也斷腸。〔老旦〕呀。又早是黃昏時候了。怎生睡得着呵。

〔銷金帳〕〔老旦〕黃昏悄悄。助冷風兒起。想今朝。思向日。曾對這般時節。這般天氣。羊羔美酒。美酒銷金帳裏。兵亂人慌。遠遠離鄉里。如今怎生。怎生街頭上睡。

〔前腔〕〔旦〕呀。譙樓上一更鼓了。初更鼓打。哽咽寒角吹。滿懷愁分付與誰。遭逢這般磨折。這般別離。鐵心腸打開。打開鸞孤鳳隻。我這裏恓惶。他那裏難存濟。翻

覆怎生。怎生獨自個睡。

〔前腔〕〔小旦〕是二更鼓了。蓼蓼二鼓。敗葉敲窗紙。響撲簌聒悶耳。難禁這般岑寂。骨肉到此。到此你東我西。去又無門住。又無依倚。傷心怎生。怎生街頭上睡。

〔旦〕夜闌人靜。月微明。恨殺孤眠睡不成。心上只因縈悶繫。萬愁千恨。嘆離人。天那。又是三更了。

〔前腔〕三更漏轉。寒雁聲嘹唳。半明滅燈火。煤尋思這般沉疾。這般狼狽。相別到今。到今凶吉未知。冷落空房。藥食誰調理。牀兒上怎生。怎生獨自個睡。

〔前腔〕〔老旦〕樓頭四鼓。風捲簷鈴碎。咯朦朧驚夢回。娘女這般相逢。這般重會。颯然覺來。覺來孩兒那裏。多少傷悲。多少縈牽繫。教人怎生。怎生街頭上睡。〔前腔〕〔小旦〕五更又催。野外疎鐘急。算通宵幾嘆息。一似這般煩惱。這般孤恹。一身苟活。苟活成得甚的。〔旦〕俺這裏愁煩。那壁廂長吁氣。聽得怎生。怎生獨自個睡。〔外上〕正做家鄉夢。忽聞啼哭聲。六兒那里。〔丑上〕爹怎麼。〔外〕你這狗才。一夜不睡。

啼哭怎麼。〔丑〕爹。六兒不會。是驛丞啼哭。〔外〕驛丞爲何啼哭。〔丑〕昨日爹到得晚了。驛丞不會准。

備得鋪陳。把自睡的鋪臥拿出來了。他兩口兒昨晚沒有被蓋。所以啼哭這一夜。〔外〕胡說。叫那驛丞過來。〔丑叫驛丞末上〕有。〔外〕我已曾分付你。我路上鞍馬勞倦。欲得一覺好睡。不許閒雜人打攪。正睡之間。只聽得這壁廂啼哭。那壁廂哀怨。卻怎麼說。〔末〕稟爺。昨晚爺未到的時節。有兩個婦人來此借宿。小驛丞不知爺到。見他身上寒冷。留他在迴廊底下。權宿一宵。想必天寒凍哭之聲。驚恐了爺。是小驛丞有罪了。〔外〕這驛丞好打。這是皇華駐節的所在。敢容婦人在此歇宿。叫六兒。押了這驛丞去。喚那兩個婦人過來。〔丑〕婦人在那里。〔末〕在這里。你這兩個婦人好不達時務。好意容你在此。權宿一宵。教你不要啼哭。一夜五更。只管啼啼哭哭。驚恐了尙書老爺。如今拿你。你自去回話。〔小旦〕母親。如何是好。〔老旦〕呀。這是我家六兒。六兒。〔丑〕呀。是奶奶。爹爹。奶奶在這裏。〔老旦〕相公在那裏。〔外〕夫人在那裏。〔見科旦〕母親在那裏。〔同拜哭科〕呀。我的娘。

〔思園春〕久阻尊顏。想念念勤。〔老旦〕孩兒。此逢將謂是夢和魂。〔外〕這女兒是誰。〔老

旦〕是我途中斷認的。〔小旦〕奴是不應親者。今日強來親。〔合〕子母夫妻苦分散。無心中完聚。怎由人。

〔粉孩兒〕〔老旦〕相公匆匆地離皇朝。你心不穩棄家私。老小去得安忍。〔外〕只知國難識大臣。不隄防萬馬千軍犯京城。君去民逃。常言道龍鬪魚損。

〔福馬郎〕〔旦〕那日裏風寒雨又緊。正行裏喊聲如雷震。無處藏隱。急向林榔中躲。道途上奔。〔老旦〕其時節亂紛紛。身難保。命難存。

〔紅芍藥〕〔外〕兵擾攘。阻隔關津。思量着役夢勞魂。〔丑〕眼見得家中受危困。望吾鄉。有家難奔。〔老旦〕孩兒。歷盡了苦共辛。娘逢人見人尋問。只愁你舉目無親。子父每何處廝認。

〔紅衫兒〕〔旦〕我有一言說不盡。〔老旦〕有甚麼說話。〔旦〕向日招商店。驀忽地撞着家尊。〔哭科老旦〕孩兒有甚事。說與我知道。不要啼哭。〔旦〕我尋思他眼盼人遠天涯近。〔老旦〕爲甚的那壁千般恨。〔外怒科〕夫人。你休只管叨叨問。

〔會河陽〕〔老旦〕相公。有甚事爭差。且息怒。嗔閒言語總休論。〔小旦〕賤妾不懼責罰。將片言語陳。難得見今朝分。〔旦〕甚時除得我心頭悶。甚日除得我眉尖

恨。

〔縷縷金〕外 教準備展芳樽。得團圓都喜慶。盡歡欣。〔老旦〕館驛中有雜人來往。其實不穩。到南京得見聖明君。那時節好會佳賓。〔外〕夫人言之有理。六兒叫驛丞

僱趲船隻。卽日起程。〔丑叫科內應科〕

〔越恁好〕外 辦集船隻。辦集船隻。指日達帝京。〔小旦〕漸行漸遠。親兄長不知死和存。〔旦〕愁人見說愁更新。〔小旦〕姐姐你爲什麼哭。〔旦〕欲言又忍。心兒裏痛切切。如刀剜。眼兒裏淚滴滴如珠搵。

〔紅綉鞋〕丑 畫船已在河濱。河濱不勞馬足車輪。車輪。〔外〕六兒就此起程去罷。

〔衆〕離孟津。望前進。風力順。水程緊。咫尺是汴梁城。

〔尾聲〕別離會合皆緣分。受過憂危心自忖。從今暮樂朝歡還再整。

〔外〕軍馬紛紛路不通。〔三旦〕娘兒兄妹各西東。

〔合〕今宵賸把銀缸照。

猶恐相逢是夢中。

第二十七齣 逆旅蕭條

〔步蟾宮〕〔生上〕龍潭虎穴愁難數。更染病耽疾羈旅。分別夫妻兩南北。誰念我無窮淒楚。〔眼兒媚〕傾家蕩業任飄零。受盡苦和辛。雁行中斷。鸞儔生拆。無限傷情。窮途更多災病。囊底已無緡。恁般正是福無雙至。禍不單行。我將世隆自從與娘子分別。忽已月餘。這幾日子雖覺漸安。爭奈舉目無親。蕭條旅館。好生感傷人也。

〔五樣錦〕姻緣將謂五百年眷屬。十生九死成歡聚。經艱歷險。幸然無虞。也指望否極生泰。禍絕受福。未妥。尙有如是苦。急浪狂風。風吹折並根連枝樹。浪驚散鴛鴦兩處。孤更全然不想我這病體疾軀。那肯放容他些兒個叮嚀囑付。將他倒拽橫拖奔去途。回頭道不得聲將息。幾曾有這般慈父。跌得我氣絕再復。死絕再甦。一回價上心來。一回價痛哭。

暮雨朝雲去不還。

強移棲息一枝安。

春蠶到老絲方盡。

蠟燭成灰淚始乾。



## 第二十八齣 兄弟彈冠

〔孤飛雁〕〔小生上〕吾皇恩詔從天降。遍遐邇萬民欽仰。宥極刑身有重生望。散羣輩與羣黨。回凶就吉。轉禍爲祥。前臨帝輦。絕卻親黨。回首家鄉。沒了父娘。感傷。尋思着兩淚千行。〔行香子〕興福舉眼無親。進退無門。聞知道結義恩人。廣陽鎮上旅館安身。幾番尋。幾番覓。幾番詢。此間正是廣陽鎮招商店了。不免叫一聲。店主人有麼。〔末上〕商賈紛紛。士庶羣羣。大門外馬足車輪。主人招接。小二慇懃。俺這裏客來多。客來便。客來頻。〔小生〕店主人拜揖。〔末〕客官何來。

〔惜黃花〕〔小生〕中都路是本鄉。車駕望南往。一程程來到廣陽。特來相訪。〔末〕小可敢覆尊丈。有何事廝問當。買貨請商量。要安下卻無妨。〔小生〕小生也非爲買貨。也不要安下。特來尋人。〔末〕若是問尋人。道如何模樣。

〔前腔〕〔小生〕店名須號招商。〔末〕這是招商店。〔小生〕少晚勞尊長。〔末〕且說怎麼樣個人。姓甚麼。〔小生〕有個秀才身姓蔣。〔末〕多少年紀了。〔小生〕三十餘上。〔末〕有住此

兩月將傍〔小生〕在那裏安下。〔末〕正東下轉那廂。〔小生〕第幾間房兒。〔末〕從外數第三房。〔小生〕他一向好麼。〔末〕染病纔無恙。〔小生〕他今在那裏。〔末〕贖藥便回來。〔小生〕藥鋪近遠。〔末〕想只在前街後巷。〔小生〕既如此。我在這裏等。〔末〕裏面請坐。想就來也。

〔惜奴引〕〔生上〕禍不單行。先自速遭兵火。那堪更重重坎坷。〔末〕官人你回來了。

〔生〕是回來了。〔末〕有人到此相訪。〔生〕在那裏。〔末〕在裏面。〔見科小生〕呀。哥哥。久阻尊顏。

幾曾忘卻些兒個。〔生〕彼我縱然有音書怎托。〔鷓鴣天〕〔小生〕自別恩兄兩月餘。〔生〕

重重坎坷更災危。〔小生〕哥哥你有何坎坷災危事。〔生〕說起教人珠泪垂。〔末〕休嗟怨。慢悲哀。房

中請坐且寬懷。〔生〕從前一一都分訴。萬恨千愁掃不開。〔末〕二位官人請坐。看茶來喫。

〔本序〕〔生〕自與相別。風寒勞役。受盡奔波。那更憂愁思慮。在旅邸頓染沉疴。

〔小生〕違和天相吉人。身痊可。卻望節飲食。休勞碌。怎忘卻。忘了問別來尊

嫂貴體安樂。

〔前腔〕〔生〕提着心腸慘悽。不由人忍不住淚珠流顆。但有死別生離。那煩惱

似天來大〔小生〕緣何莫非他棄舊憐新。從了別個〔生〕不是〔小生〕多應是疾病  
亡。遭非禍〔生〕不是。你道爲甚麼。〔小生〕却爲甚麼。〔生〕倚勢挾權。將夫妻苦苦拆破。

〔蝦蟆序〕〔生〕權挫艱共險。愁和悶。要躲怎躲。到如今尙有平地風波。〔小生〕驚  
愕。焰騰騰心上火。是誰人道與我。〔生〕你道如何。愛富嫌貧。岳丈倚強凌弱。

〔前腔〕〔小生〕斟酌尊共卑。親和戚。順他受他。等些時宛轉求人團搭。〔生〕參差。  
其中語更多。都只恨緣分薄。〔小生末合〕事多磨。放心將息。休自損天和。〔小生〕哥

哥。卽日朝廷降勅。宣詔天下文武賢良。盡赴行朝應舉。正是男兒得志之日。哥哥休爲夫妻恩愛。誤  
卻前程。可收拾行李。興福同往行朝。一來應舉求官。二來亦可打聽尊嫂消息。不知哥哥意下如

何。〔生〕此言極是。只是少些房錢在此。未曾還得。〔小生〕兄弟帶得儘有。不煩哥哥費心。店主人請  
算一算奉還。〔末〕不多了。且請安息。明日算罷。

〔小生〕離合悲歡不自由。〔生〕心懷縈悶幾時休。

〔末〕爭似不來還不往。〔合〕也無歡喜也無愁。

第二十九齣 太平家宴

〔傳言玉女〕〔外上〕得覩天顏眞爲主憂臣辱。〔老旦上〕皇恩深沐享千鍾重祿。

〔旦小旦上〕如今幸得再整銀屏金屋。〔合〕皇朝重見太平重覩。〔外〕盡日笙歌按

玉樓。〔老旦〕忽朝軍馬犯皇州。〔旦小旦〕但知會取非常樂。〔合〕須是隄防不測憂。〔外〕夫人今日

幸喜骨肉團圓。夫妻再合早已分付安排酒餚慶賀。不知完備未曾。院子那裏。〔末上〕匈奴遙俯伏。

漢相儼簪裾。覆老爺有何分付。〔外〕分付你安排酒餚。可曾完備否。〔末〕完備多時了。〔老旦〕看酒

過來。〔旦送酒科〕

〔玉漏遲序〕〔旦〕得寵念辱。想其時駕遷民移前去。父母妻兒散離。值此天數。

抵多少喫辛受苦。抵多少亡家失所。〔合〕今幸得在畫堂深處。

〔前腔〕〔外〕驛程去速。奈何被士馬攔截歸路。國敗家亡。怎知此日完聚。知幾

遍宵行晝伏。知幾遍風餐露宿。〔合前〕

〔前腔〕〔旦〕轟雷戰鼓。喊殺聲散亡人盡奔逐。那時無他可憐。救我在危途。知

何處作婢爲奴。知何處遭驅被虜。〔合前〕

〔前腔〕〔小旦〕兄南妹北。亂兵中怎知生死。須臾骨肉分別。此身去住無所。感

謝得恤寡念孤。感謝得爲親做主。〔合前〕

〔撲燈蛾〕〔老旦〕到行朝汴梁。看山河壯帝居。四時有常開花木。論繁華不減

中都也。〔外〕受恩深處便爲家。自來俗語。〔合〕休思故里。對良辰美景。宴樂且

歡娛。

〔前腔〕〔旦〕依舊珠圍翠簇。依舊雕鞍綉轂。列侍妾丫鬟使女。送金盃聽歌觀

舞也。〔小旦〕因災致福。愛惜奴似親生兒女。〔合前〕

〔尾聲〕從今休把光陰負。但暢飲高歌休阻。共醉樂神仙洞府。

〔外〕莫辭今日醉顏酡。〔老旦〕百歲光陰能幾何。

〔合〕遇飲酒時須飲酒。得高歌處且高歌。

第三十齣 對景含愁

〔夜行船〕〔旦上〕六曲欄杆和悶倚。不覺又媚景芳菲。〔小旦上〕微雨昨宵。新晴今日。合知道海棠開未。〔旦〕〔蝶戀花〕春來分外傷懷抱。燕燕鶯鶯。空自啼春巧。〔小旦〕三月春光無限好。嬌花一夜都開了。〔丑梅香上〕忽聽院宇笙歌遶。笑語歡聲。花下金樽倒。二位小姐。你心中有甚閒煩惱。忍教辜負韶華老。〔旦〕我自有煩惱處。你那裏知道。

〔本序〕〔旦〕春思懨懨。此愁誰訴。此情誰知。心撩亂。慵覩粧臺梳洗。〔小旦〕芳時不暖不寒。鞦韆院宇。堪遊堪戲。〔旦〕空對鶯花燕柳。悄忽地暗皺雙眉。

〔前腔〕〔小旦〕姐姐。因誰牽惹芳心。媚容香褪。嫩臉桃衰。看看恁寬盡金縷羅衣。〔旦〕休疑。只爲傷春。知他怎生。年年如是。〔丑〕休對晴天暖日。輕可地過了寒食。二位小姐。這等好天氣。同到後花園閒步一回也好。

〔風入松〕〔旦〕甚心情閒步小園西。〔小旦〕姐姐爲甚不去。〔旦背唱科〕推一個身倦神疲。〔丑〕趁春風桃李花開日。誰不待去尋芳拾翠。九十日光陰撚指。三分景二分歸。

〔前腔〕〔小旦〕那春光也應笑咱伊。〔旦〕笑甚的來。〔小旦〕笑你恁瘦減香肌。〔旦〕東君不管人憔悴。眼見得綠密紅稀。香闥掩珠簾鎖。不肯放燕雙飛。

〔尾聲〕衷心先自不如意。縱然間肯同隨喜。也做了興盡空回。

〔旦〕傷心情緒倦追遊。〔小旦〕好景如梭不肯留。

〔丑〕來朝更有新條在。〔合〕惱亂春風卒未休。

### 第三十一齣 英雄應辟

〔望遠行〕〔生上〕春風紫陌。又是天涯行客。〔小生上〕野草閒花。掩映水光山色。

〔末淨上〕杏花朶朶欵紅。楊柳絲絲弄碧。沙岸遠漣漪初溢。〔生〕攜書挾策。赴天邦。

〔小生〕那更風光直豔陽。〔末〕路上野花鑽地出。〔淨〕村中美酒透瓶香。〔見科淨〕動問此位老兄

上姓。〔生〕學生姓蔣。〔淨〕貴表。〔生〕雙名世隆。〔淨〕此位。〔小生〕學生覆姓陀滿。雙名興福。〔淨〕此

位。〔末〕學生姓卞。雙名登科。〔生〕老兄尊姓貴表。〔淨〕學生姓成。雙名何濟。我每都是科舉朋友。不

期而逢。天色將晚。各請趨行幾步。

〔望吾鄉〕〔生〕降詔頒勅。搜賢赴帝域。文武遠投安邦策。星斗文章誰能及。下筆加神力。〔合〕一朝裏身顯跡。受賞加官職。

〔前腔〕〔小生〕萬里鵬翼。功名唾手得。英雄果是千人敵。正是男兒崢嶸日。豈敢辭勞役。〔合前〕

〔感亭秋〕〔末〕短亭長亭程程去。知幾驛。逆旅中過寒食。見點點殘紅飛絮白。夕陽影裏啼蜀魄。〔合〕家鄉遠。心慢憶。回首雲烟隔。

〔前腔〕〔淨〕香醪待飲何處覓。牧童處問端的。遙望前村疎籬側。招颺酒旗林梢刺。〔合前〕

〔紅綉鞋〕〔合〕小徑迢迢狹窄。狹窄。野水潺潺湍激。湍激。飲數杯解愁戚。那裏堪觀賞。可閒適。只愁他天晚逼。

〔尾聲〕酒家眠。權休息。韞匱藏珠隱塵跡。萬里前程在咫尺。

過卻長亭又短亭。

看看相近汴梁城。



路上有花並有酒。

一程分作兩程行。

### 第二十二齣

〔齊天樂〕〔旦上〕慊慊捱過殘春也。又是困人時節。景色供愁。天氣倦人。鍼指  
何曾拈刺。〔小旦上〕閒庭靜蕭。瑣窗瀟灑。小池澄澈。〔合〕疊青錢。泛水圓。小嫩荷  
葉。〔浣溪沙〕〔小旦〕塔前萱草簇深黃。檻外榴花疊絳囊。清和天氣日初長。〔旦〕懶去梳粧臨寶鏡。慵  
拈鍼指向紗窗。晚來移步出蘭房。〔小旦〕姐姐。當此良辰美景。正好快樂。你反眉頭不展。面帶憂容。  
爲甚麼來。

〔青衲襖〕〔旦〕我幾時得煩惱絕。幾時得離恨徹。本待散悶閒行到臺榭。傷情  
對景腸寸結。〔小旦〕姐姐撇下些罷。〔旦〕悶懷些兒。待撇下怎忍撇。待割捨難割捨。  
倚遍闌干。萬感情切。都分付長嘆嗟。

〔紅衲襖〕〔小旦〕姐姐。你綉裙兒寬褪了褶。爲傷春憔悴些。近日龐兒瘦成勞怯。  
莫不是又傷夏月。姊妹每休見撇。斟量着你非爲別。〔旦〕你量着我甚麼。〔小旦〕多

應把姐夫來縈牽。別無些話說。

〔青衲襖〕〔旦怒科〕你把濫名兒將咱引惹。直恁的情性乖。心意劣。女孩兒家多口共饒舌。爹娘行快活。要他做甚的。要粧衣滿篋。要食珍羞。則盛設和你寬打周折。〔走科小旦〕姐姐。到那裏去。〔旦〕到父親行先去說。〔小旦〕說些甚麼。〔旦〕說你小鬼頭。春心動也。

〔紅衲襖〕〔小旦〕我特地錯賭別。〔跪科〕姐姐。望高擡貴手。饒過些。一句話兒傷了俺賢姐姐。〔旦〕起來。且饒你這次。今後再不可如此。〔小旦〕若再如此呵。瑞蓮甘痛決。姐姐閒耍歇。小的每先去也。〔旦〕你那裏去。〔小旦〕只管在此閒行。忘收了針線帖。

〔旦〕也罷。你先去。〔小旦〕推些緣故歸家早。花陰深處遮藏了。熱心閒管是非多。冷眼覷人煩惱少。〔下旦〕這丫頭去了。天色已晚。只見半彎新月。斜掛柳梢。幾隊花陰。平鋪錦砌。不免安排香案。對月禱告一番。〔卜算子〕款把卓兒臺。輕揭香爐蓋。一炷心香訴怨懷。對月深深拜。〔拜科〕

〔二郎神〕〔旦〕拜新月。寶鼎中明香滿爇。〔小旦潛上聽科旦〕上蒼。這一炷香呵。願我拋

閃下男兒疾較些。得再覩同歡同悅。〔小旦〕悄悄輕將衣袂拽。姐姐卻不道小鬼頭春心動也。〔走科旦〕妹子到那里去。〔小旦〕我也到父親行去說。〔旦扯科小旦〕放手。我

這回定要去。〔旦跪科〕妹子饒過了姐姐。〔小旦〕姐姐請起。那喬怯無言俛首紅暈滿腮頰。

〔鶯集御林春〕〔小旦〕恰纔的亂掩胡遮。事到如今漏泄。姊妹每心腸休見別。夫妻每是有些周折。〔旦〕教我難推怎阻。罷罷。妹子我一星星對伊仔細從頭說。

〔小旦〕姐姐他姓甚麼。〔旦〕姓蔣。〔小旦〕他也姓蔣。叫甚麼名字。〔旦〕世隆名。〔小旦〕呀。他家住在那裏。〔旦〕中都路是家。〔小旦〕姐姐你怎麼認得他。他是甚麼樣人。〔旦〕是我男兒受儒業。

〔前腔〕〔小旦悲介〕聽說罷姓名家鄉。這情苦意切。悶海愁山將我心上撇。不由人不淚珠流血。〔旦〕我恁惶是正理。只合此愁休對愁人說。妹子你啼哭爲何因。莫非是我男兒舊妻妾。

〔前腔〕〔小旦〕他須是瑞蓮親兄。〔旦〕呀。原來是令兄。爲何散失了。〔小旦〕爲軍馬犯闕。〔旦〕是我曉得了。散失忙尋相應者。那時節只爭個字兒差迭。妹子和你比先前又親。自今越更着疼熱。你休隨着我跟脚。久已後是我男兒那枝葉。

〔前腔〕〔小旦〕我須是你妹妹姑姑。你是我的嫂嫂又是姐姐。未審家兄和你因甚別。兩分離是何時節。〔旦〕正遇寒冬冷月。恨爹爹把奴拆散在招商舍。〔小旦〕如今還思量着我哥哥麼。〔旦〕思量起痛辛酸。那其間他染病耽疾。〔小旦〕那時怎割捨得他。〔旦〕是我男兒教我怎割捨。

〔四犯黃鶯兒〕〔小旦〕他直恁太情切。你十分忒軟怯。眼睜睜怎忍相拋撇。〔旦〕枉是怨嗟。無可計設。當不過他搶來推去望前扯。〔合〕意似虺蛇。性似蝎螫。一言如何訴說。

〔前腔〕〔小旦〕流水一似馬和車。傾刻間途路賒。他在窮途逆旅應難捨。〔旦〕那時節呵。囊篋又竭藥餌又缺。他那裏悶懨懨難捱過如年夜。〔合〕寶鏡分破。玉

簪跌折。甚日重圓再接。

〔尾聲〕自從別後音書絕。這些時魂驚夢怯。莫不是煩惱憂愁將人斷送也。

〔旦〕往時煩惱一人悲。〔小旦〕從此淒涼兩下知。

世上萬般哀苦事。無過死別共生離。

### 第三十三齣

〔照例開科〕

### 第三十四齣

〔秋蕊香〕〔旦上〕半載縈牽方寸。何時不淚滴眉顰。〔小旦上〕欲語難言信難問。即漸漸裏慊慊瘦損。〔玉樓春〕〔旦〕深沈院宇無人問。縱然有便難傳信。〔小旦〕這邊愁似那邊愁。伊的恨如奴的恨。〔旦〕心下慢然思又忖。口中枉自評和論。〔合〕有時欲向夢中尋。夢又不成燈又燼。〔旦〕妹子。這些時天下文武賢良。都來赴選。不知你哥哥也會來否。好悶人也。〔小旦〕哥哥料應在此。只怕他不得成名。就知道姐姐消息。也難來廝見。

〔二犯孝順歌〕〔旦〕從別後。渡孟津。思君盡日欲見君。鳳北鸞南生生地鏡剖。

與釵分。鎮千思萬想。要見無門。〔合〕放不落心上人。撇不下心上人。

〔前腔〕〔小旦〕一回價。暗自忖。非親怎知卻是親。你東咱西。荒荒地路途人亂奔。自一別半載。杳然無聞。〔合前〕

〔前腔〕〔旦〕恩和愛。苦共辛。衷腸告天天怎聞。妾後夫前。慊慊地幾曾忘半分。有三言兩語。寄也無因。〔合前〕

〔前腔〕〔小旦〕當時苦。值亂軍。離鄉背井兄妹分。做小服低。看看地過冬還過春。捱十生九死。舉目無親。〔合前〕

〔旦〕天從人願最爲難。〔小旦〕再覩重逢豈等閒。

〔合〕從今許下千千拜。望月瞻星夜夜間。

### 第二十五齣

〔高陽臺〕〔外上〕莫莢更新。流光過隙。桑榆日近西山。有女無家。一心日夜憂煩。使命傳宣出建章。微臣深愧沐恩光。可憐年老身無子。特旨巍科擇婿郎。老夫親生一女。小字瑞蘭。

向者兵戈擾攘之際。夫人途中帶回一女。小字瑞蓮。秀質賢能。就與我親生女孩兒一般看待。如今俱已及笄。蒙聖旨着俺招贅文武狀元爲婿。不免請夫人女孩兒出來。一同遣遞絲鞭便了。院子那里。〔未上〕丹墀日月開金榜。市井駢闐擇婚車。覆老爺。有何鈞旨。〔外〕後堂請老夫人與二位小姐出來。〔末〕老夫人二位小姐有請。

〔前腔〕〔老旦上〕蘭堂日永湘簾捲。畫簷前燕鶻聲喧。〔旦小旦上〕喜椿萱晚景安然。感謝蒼天。〔老旦〕老相公萬福。〔外〕夫人拜揖。〔旦小旦〕爹爹母親萬福。〔外老旦〕孩兒到來。

〔外〕夫人。老夫人年紀高邁。女孩兒俱已及笄。昨蒙聖恩。憐俺無嗣。着俺招贅文武狀元爲婿。今日請夫人與二個孩兒出來。一同遣遞絲鞭。不知夫人意下如何。〔老旦〕相公。男大須婚。女大須嫁。此是門庭美事。況蒙聖旨。豈敢有違。〔旦〕上告爹爹母親得知。孩兒已有丈夫。不敢從命。〔外怒科〕胡說。你丈夫在那里。〔旦〕爹爹容奴稟覆。向因兵戈擾亂。爹爹前往邊庭。孩兒與母親亂兵追逐。分散東西。逃生曠野。那時一身沒靠。舉目無親。幸遇秀才蔣世隆。惻隱存心。救提作伴。又被強梁拿縛山寨。幾至殺身。幸得寨主是他故人。情深意重。方得釋免。若無他救。不知生死何地。後來與他同到招商

店中盟山誓海。共結鸞鳳。及爹爹來至。將奴拆散。今蒙嚴命。再選夫婿。豈敢故違。但爹爹高居相位。顯握朝綱。觀通書史。止有守貞守節之道。那有重婚重嫁之理。況他乃讀書才子。有日禹門三汲浪。一舉占鰲頭。孩兒寧甘守節操。斷難從命。雖亂兵戈。喊殺頻。娘兒驚散竄山林。危途不遇賢君子。相府那存有妾身。莫把恩人輕不顧。不應親者豈相親。世隆有日風雲會。須待團圓到底親。〔外〕這是朝廷恩命。誰敢有違。〔小旦〕爹爹。小女瑞蓮。亦有少稟。〔外〕你也有甚麼話說。〔小旦〕自從向遭兵火。兄妹各奔逃生。失身曠野之中。藏形躲避。幸遇夫人喚聲。與奴名斷類。奴忙應答向前。當蒙夫人提挈妾身爲伴。脫離災厄。後來爹爹緝探回朝。驛中相遇。允留潭府。恩育同于嫡女。無可稱報。前日因同姐姐燒香祈祐。各表誠心禱告。方知姐姐與妾兄蔣世隆偶結良緣。已成夫婦。今蒙爹爹嚴命。將奴姊妹招贅文武狀元。但妾兄蔣世隆。飽學多才。有日風雲際會。亦未可量。瑞蓮甘與姐姐一同守節。但得天從人願。妾兄一舉成名。那時夫貴妻榮。姻緣再合。妹承兄命。始配鸞鳳。庶酬爹爹養育之恩。九烈三貞自古聞。從新棄舊枉爲人。如今縱有風流婿。休想佳人肯就親。〔外〕這是朝廷恩命。休得多言。院子。快與我喚官媒婆過來。〔末〕理會得。官媒婆走動。



〔普賢歌〕〔丑上〕媒婆終日脚奔波。成就人間好事多。這家也是我。那家也是我。我也只爲家貧沒奈何。呀。大叔。是王老爺府中的。喚老身有何使用。〔末〕俺老爺奉朝廷恩命。將二位小姐招贅文武狀元。喚你遞送絲鞭。〔丑〕就去。煩大叔通報。〔末〕稟老爺。官媒婆到了。〔外〕着他進來。〔末〕老爺着你進去。〔丑〕老爺。老夫人。二位小姐。官媒婆叩頭。〔外〕媒婆。我奉朝廷恩命。招贅文武狀元爲婿。你與我院子同去遞送絲鞭。聽我道。

〔黃鶯兒〕〔外〕二女正青年。相門高。當遴選。乘龍未遂吾心願。幸朝廷命宣。配文武狀元。郎才女貌真堪羨。〔老旦合〕媒婆。你去遞絲鞭。一雙兩美。成就好姻緣。

〔前腔〕〔旦〕口誦柏舟篇。更何心續斷絃。〔丑〕小姐。是深閨的處子。如何說此斷絃來。〔旦〕我洞房曾會招商店。爹爹錦旋。途中遇見霎時間。拆散了鴛鴦伴。媒婆。休要遞絲鞭。我甘心守節。誓不再移天。〔丑〕小姐。這是父命君恩。一定還要諧個佳偶。

〔前腔〕〔小旦〕媒婆。你也聽我道。那日涉風烟。望關山路八千。亂軍中不見了哥哥。面幸夫人見憐。將奴身保全。勝似嫡親。相待恩非淺。今日遞絲鞭。我紅生羞臉。

黃色上眉間。〔外〕媒婆休要多言。疾忙遞絲鞭去。

〔前腔〕〔丑〕鈞命敢遲延。這姻緣非偶然。匪媒弗克成姻眷。調和兩邊。並無一言。人間第一要行方便。今日遞絲鞭。仙郎肯受。多贈貫頭錢。〔外〕媒婆。還有一件。恐二位狀元不知。小姐媼妍。將這真容與他看去。〔丑〕理會得。

〔外〕憑媒選日遞絲鞭。  
〔老旦〕招贅新科兩狀元。

〔末〕時人莫訝登科早。  
〔丑〕祇爲嫦娥愛少年。

### 第二十六齣

〔風入松〕〔生上〕同聲相應氣相求。同占鰲頭。〔小生上〕追思往事皆成謬。傷情處不堪回首。〔合〕幸喜聲名貴顯。相期黼黻皇猷。〔小生〕哥哥。且喜雙桂聯芳。已遂凌雲之志。行看兩葵並秀。同傾向日之誠。〔生〕兄弟。所喜者志得意滿。身顯名揚。所悲者家園蕩廢。琴瑟淒涼。〔小生〕哥哥。這幾件都不打緊。兄弟一門良賤。三百餘口。盡被鼎賈列無辜殺戮。止逃得兄弟一身。幸得恩兄搭救。戴天之讎未報。再生之恩未酬。哥哥這些小事。何足掛念。

〔勝葫蘆〕〔末丑上〕聖主憂虞及大臣。因無子繼家門。二女如花。未曾諧秦晉。特來說合。兩兩仙郎共成親。此間正是文武狀元寓所。不免徑入。二位老爺。官媒婆院子叩頭。

〔生小生〕你兩個從何而來。有何說話。〔末丑〕我兩人是王尙書府中差來的。一來奉天子洪恩。二來領尙書嚴命。特來遞送絲鞭。請二位老爺同諧佳偶。〔小生收科末丑〕二位小姐真容在此。狀元請看。〔生看沉吟悲科小生〕哥哥。今日遞送絲鞭。是個喜事。爲何墮下泪來。〔生〕兄弟。你自受了絲鞭。我斷然不受。〔小生〕請問哥哥。爲何不受。

〔集賢賓〕〔生〕那時挈家逃難走。正鬼哭神愁。喊殺聲如雷。軍馬驟。亂荒荒過壑。經丘。妹子瑞蓮呵。相失在後。尋討處不知所有。難措手。忽有人同聲相應。同氣相求。〔小生〕向日山寨中見的嫂嫂。想就是了。

〔前腔〕〔生〕途中見時雖廝守。猶覺滿面嬌羞。到得磁州廣陽鎮招商店中呵。直待媒妁之言成配偶。不意他父親王尙書。緝探虎狼軍。回到招商店中。遇見是他女兒。竟自奪回去了。

〔小生〕哥哥。你那時怎割捨得他去。〔生〕病懨懨無計相留。小生〕若是小弟。一定與他廝鬧。

一場〔生〕他是尙書。我是窮儒。怎敢與他龍爭虎鬪。〔小生〕別後曾有音信麼。〔生〕分別後知他安否。〔小生〕如今聖旨議親。怎辭得他。〔生〕恩德厚。有何顏再配鸞儔。

〔琥珀貓兒墜〕〔小生〕聽哥說罷。方識此根由。這是王尙書。招商店也是王尙書。事有可疑。哥哥。破鏡重圓從古有。何須疑慮反生愁。〔生〕兄弟。斷無此事。不可錯疑了。〔小生〕不謬。重整備乘龍花燭風流。〔末丑背科〕好怪好怪。小姐又說招商店有了丈夫。不肯再嫁。狀元又說招商店有了妻室。不肯重婚。

〔前腔〕〔末丑〕正是義夫節婦。語意兩相投。多應是有分姻緣當驍偶。狀元老爺。此情分付與東流。休休。把舊恨新愁一筆都勾。〔生〕媒婆院公。煩你多多拜上老爺。斷然不敢奉命。

〔末〕事跡相同說不差。

〔丑〕這般異事實堪誇。

〔小生〕落花有意隨流水。

〔生〕流水無情戀落花。

### 第二十七齣

〔似娘兒〕〔外上〕姻事未和諧。媒婆去不見回來。〔老旦上〕教人望眼懸懸待。

〔合〕玉音已降。冰人已遣。汗簡何乖。〔外〕夫人。昨遣官媒婆院子。到文武狀元寓所。遞送

絲鞭。爲何不見回報。〔末丑上〕指望將心托明月。誰知明月照溝渠。箇中一段姻緣事。對面相逢總

不知。老爺老夫人。官媒婆院子叩頭。〔外〕媒婆院子回來了。二位狀元受了絲鞭否。〔末丑〕奉天子

洪恩。領老爺嚴命。去到狀元寓所說親。那武狀元欣然領納。並不推辭。只有文狀元不肯應承。再三

勸他。方把真情說出來。〔外〕他怎麼說。

〔啄木兒〕〔末丑〕他說遭離亂。值變遷。民庶逃生離故園。兄攜妹遠涉風烟。亂

紛紛戈戟森然。喊殺中妹子忽不見。前村後陌都尋遍。聲喚多嬌蔣瑞蓮。〔外〕

那時尋見也未。

〔前腔〕〔末丑〕兄尋妹。涕淚漣。忽聽得悠悠聲應遠。只道是妹見哥哥。卻原來

錯認陶潛。那女子呵。他娘兒拆散中途畔。叫聲應聲隨呼喚。〔外〕那女子怎麼應他。

〔末丑〕那女子叫名瑞蘭。與瑞蓮聲音廝類。名韻相同事偶然。〔外〕那女子失散了母親。在

途路上單身不便了。

〔三段子〕〔末丑〕欲隨向前男女輩同行未便。欲落後邊。亂軍中污辱未免。說只得做兄妹同行呵。相隨同到招商店。主人翁作伐諧姻眷。那其間狀元染病。正仗那娘子扶持。不意他岳丈相逢拆散錦鴛。〔外〕夫人。有這等奇事。

〔前腔〕〔老旦〕孩兒瑞蘭。與伊妻名兒一般。孩兒瑞蓮。與伊妹名非兩般。我中都路母子曾失散。你招商店父子重相見。事跡相同豈偶然。老相公。事在如今。卻怎生是好。

〔滴溜子〕〔外〕我有一個道理。明日裏。明日裏。小設酒筵。媒婆去。媒婆去。傳語狀元。既然他心中不願。如何強逼他諧繾綣。〔老旦〕既如此。你請他來怎麼。〔外〕請來飲酒之間呵。先教他妹子在堂前。隔簾認看。〔老旦〕此計甚好。

〔尾聲〕〔外〕相逢到此緣非淺。真與假明朝便見。你二人傳語狀元。親事不敢相扳。只請枉臨一會。再無他意。望勿推辭。特請他來赴宴。

〔外〕明日宴佳賓。〔老旦〕須知假與真。

〔末〕殷勤藉紅葉。〔丑〕寄與有情人。

### 第二十八齣

〔淨上〕有福之人人伏事。無福之人伏事人。自家乃蔣狀元府中使用的便是。蒙狀元鈞旨。着俺打掃畫堂。整理琴書清玩。鋪設已完。不免在此伺候。

〔玩仙燈〕〔生上〕有事掛心懷。好一似和鉤吞線。憶自離家幾變更。此身須在亦堪驚。東邊日出西邊雨。道是無情卻有情。昨爲王尙書遣官媒婆院子來此說親。教我越加煩惱。不知甚日方得我嬌妻的消息。唉。不免將琴書消遣一番則個。

〔懶朝天〕一自瑤琴操離鸞。眼底知音少。不與彈。今朝拂拭錦囊看雪寒。傷心一曲倚闌干。續關雎調難。

〔懶畫眉〕〔末丑上〕空勞仙子下天臺。何意劉郎事不諧。狀元老爺官媒婆院子叩頭。

〔生〕二人因甚去還來。〔末丑〕早成就了合歡帶。管取相逢笑口開。〔生〕媒婆院

子。我昨日已煩你拜上老爺。這親事斷然不敢奉命。〔末丑〕稟狀元老爺知道。家老爺多多拜上。姻緣之事。不敢強扳。久仰狀元老爺才高貌美。只請枉臨一會。再無他意。〔生〕既如此。我少不得來參拜你老爺。你二人先去。我隨後就來也。〔末丑〕回去稟復老爺。掃門拱候。

〔生〕相府玳筵開。

〔丑〕珍饈百味排。

〔末〕掃門端拱立。

專待狀元來。

## 第二十九齣

〔卜算子〕〔外上〕一段好姻緣。說起難拋下。今朝開宴特相邀。試問真和假。昨日已遣官媒婆。院子去請狀元來。此會宴。安排酒餚。不知完備未曾。院子那裏。〔末上〕堂上呼雙字。塔前應一聲。覆老爺有何分付。〔外〕筵席完備了未。〔末〕完備多時了。〔外〕快去請張都督老爺來陪宴。〔末〕小人已曾去請。說就來。〔淨上〕聞呼卽至。有請當來。通報。〔末〕稟老爺。張老爺到了。〔外〕張大人請。〔淨〕老司馬請。〔外〕寒舍。〔淨〕請了。老司馬拜揖。〔外〕張大人拜揖。〔淨〕老司馬今日相招。不知有何見教。〔外〕老夫今日小設。非爲別事。只因當初老夫緝探虎狼軍。正值遷都世亂之時。老



妻帶領小女瑞蘭。前往京師躲避。行至中途。被軍馬趕散。母子分離。已後老夫回到磁州廣陽鎮。招商店中。遇見小女。隨着一個秀才爲伴。老夫一時氣忿。不曾問得詳細。撇了那秀才。領了女兒回京。如今蒙聖恩將小女招贅。今科狀元爲婿。昨遣官媒婆院子去遞絲鞭。那狀元說有了妻室。不肯領受。已後再三勸勉。始說出真情。這狀元就是招商店中那秀才。〔淨〕有這等奇事。〔外〕還有一件。當初老夫途中失了小女時節。叫名尋問。忽有一個女兒。叫名瑞蓮。與小女名韻相同。向前答應。老妻見他是好人家兒女。帶回來。就認他做女兒。此女又是狀元的妹子。〔淨〕有這等事。一發奇了。〔外〕老夫疑信之間。未可就令小女與他廝見。今日聊設一個小筵。請狀元到此。着他妹子隔簾覷認。故此特屈張大人相陪。〔淨〕這箇當得。〔外〕院子。狀元來時。即便通報。〔末〕理會得。

〔前腔〕〔生上〕仙子宴瑤池。青鳥書傳送。道是無情卻有情。既信猶疑夢。〔末〕稟老爺。狀元到了。〔外〕快請。〔末〕有請。〔外〕狀元請。〔生〕老先生請。〔淨〕還是大人先請。〔生〕不敢。還是老先生請。學生焉敢。〔外〕僭了。〔生〕老先生拜揖。〔外〕狀元拜揖。〔淨〕狀元大人拜揖。〔生〕老先生拜揖。〔外〕狀元請坐。〔生〕學生侍坐。〔外〕豈有此禮。請。〔生〕告坐了。〔淨〕狀元大人。老司馬小姐

奉聖旨招閣下爲婿。爲何不肯應承。〔生〕二位老先生聽稟。

〔山坡羊〕那日因遭兵燹。兄妹移家遷汴。亂軍中拆散雁行。兩下裏追尋不見。叫瑞蓮。有個佳人忽偶然。〔淨〕那佳人怎麼就肯答應。〔生〕那佳人叫名瑞蘭。與瑞蓮聲音斷類。故應錯了。〔淨〕既如此。曾與他配合也不會。〔生〕相隨同到招商店。合盃曾憑媒妁言交歡。誰知一病纏。學生正染病間。被他父親也是王尙書偶然遇見。奪回去了。〔淨〕咳。這個天殺的老忘八。〔生〕堪憐。分開鳳與鸞。〔淨〕那是一時的事。也拋撇得下了。今日相府議親。狀元大人如何再三不允。

〔前腔〕〔生〕佩德啣恩非淺。別後心常懷念。〔外〕今日之事。非是老夫強逼。只是聖意如此。不敢有違。〔生〕縱有胡陽公主。那宋弘呵。怎做得虧心漢。〔淨〕狀元大人。你如此說。終不然終身不娶不成。〔生〕石可轉。吾心到底堅。〔淨〕成就了此親。享榮華。受富貴。有何不可。〔生〕貪豪戀富。怎把人倫變。爲學須當慕聖賢。〔淨〕這是官裏與你說親。姻緣非淺。〔生〕姻緣難把鸞膠續斷絃。〔淨〕狀元大人。請受了絲鞭罷。〔生〕絲鞭辜負嫦娥愛。

少年〔老旦小旦上看科老旦〕孩兒。這可是你哥哥。〔小旦〕呀。正是我的哥哥。〔見科〕

〔哭相思〕〔生小旦〕兄妹當初兩分散。誰知此地重相見。〔淨〕這個是誰。〔外〕這就是

狀元的妹子。〔淨〕果有這等異事。老夫告回。卽辦尺頭羊酒來作賀老司馬。〔下生〕妹子。你如何得  
到這裏。

〔香柳娘〕〔小旦〕想當初難中。想當初難中。與哥哥分散。孤身途路誰相盼。幸  
夫人見憐。幸夫人見憐。相挈在身邊。慈悲做方便。與親生女兒。與親生女兒。相  
看一般。喜今朝重見。

〔前腔〕〔生〕嘆兄南妹北。嘆兄南妹北。無由會面。你身有托吾無伴。遠山坡叫  
轉。遠山坡叫轉。鶯地遇嬋娟。天教遂姻眷。奈時乖運蹇。奈時乖運蹇。一別數年。  
存亡未判。〔小旦〕哥哥。嫂嫂也在這裏。〔生〕如今在那裏。

〔五更轉〕〔小旦〕你望故人如天遠。相逢在目前。〔生〕妹子。你爲何認得嫂嫂。〔小旦〕閨  
中小姐。曾會你在招商店。拜月亭前。說出心願。〔生〕你莫非差了。〔小旦〕鄉貫同名。

字真非訛舛。爹爹母親望乞垂憐見。早使相逢。不索留戀。待我請嫂嫂來。姐姐有請。

〔似娘兒〕〔旦上〕夢裏流鶯聲尙在。出蘭房風翻佩帶。〔小旦〕姐姐文狀元正是我的

哥哥。〔旦〕呀。在那里。〔相見科〕

〔哭相思〕〔生〕一別招商已數年。今朝重續舊姻緣。貞心一片如明月。映入清波到底圓。

〔五更轉〕〔旦〕你的病未痊。我卻離身畔。心中常掛牽。〔生〕蒼天保佑。保佑身康健。與那結義兄弟呵。武舉文科。同登魁選。蒙聖恩特議親。豈吾願。〔合〕相逢到此。到此真希罕。喜動離懷。笑生愁臉。〔外老旦〕孩兒賢婿。不必說了。孩兒回歸香閣。重整新妝。狀

元且到書院。換了服色。卽同武狀元與瑞蓮孩兒成親便了。

〔生旦〕天遣偶相逢。〔小旦〕渾疑是夢中。

〔外〕門闌多喜氣。〔老旦〕女婿近乘龍。

## 第四十齣

〔外老旦弔場〕院子。快去喚賓相過來。〔末〕賓相走動。〔淨上〕全仗周孔禮樂。來成秦晉歡娛。大叔通報。〔末〕老爺着你進去。〔淨〕老爺老夫人。賓相叩頭。〔外〕起來。今日是黃道吉日。我與二位小姐。招贅文武狀元。你與我贊禮成親。多說些利市言語。重重賞你。〔淨〕理會得。〔請科〕

〔戀芳春〕〔生小生上〕寶馬驕嘶。香車畢集。燈光如晝通明。〔旦小旦上〕彷彿天台。劉阮仙子相迎。〔合〕夙世姻緣已定。昔離別今成歡慶。相隨美滿夫妻。強如鸞鳳和鳴。〔淨贊禮拜撒帳科。生小生同把酒科〕

〔畫眉序〕文武掇巍科。丹桂高攀近嫦娥。喜鶯遷喬木。鳳止高柯。十年探孔孟。心傳。一旦試孫吳家學。〔合〕畫堂花燭光搖處。一派樂聲喧和。

〔前腔〕〔旦小旦〕萍梗逐風波。豈料姻緣在卑末。似瓜纏葛藟。松附絲蘿。幾年間。破鏡重圓。今日裏斷釵重合。〔合前〕

〔前腔〕〔外老旦〕兩國罷干戈。民庶安生絕烽火。幸陽春忽布。網羅消磨。昨朝羨錦奪標頭。今夜喜紅絲牽幙。〔合前〕

〔滴溜子〕〔末捧詔上〕一封的。一封的。傳達聖聰。天顏喜。天顏喜。滿門詔封。九重紅雲簇擁。龍章出鳳墀。蒙恩受寵。五拜山呼。稽首鞠躬。奉天承運。皇帝詔曰。夫婦乃人倫所重。節義爲世教所關。邇者世際阽危。失之者衆矣。茲爾文科狀元蔣世隆。講婚禮於急遽之時。從容不苟。妻王瑞蘭待媒妁於流離之際。貞節自持。夫不重婚。尙宋弘之高誼。婦不再嫁。邁令女之清風。使樂昌之破鏡重圓。致陶穀之斷絃再續。兵部尙書王鎮。保邦致治。有撥亂反正之才。解組歸閒。無貪位慕祿之行。陀滿興福出自忠良。實非反叛。父遭排擯。朕實悔傷。萌蘗尙存。天意有在。今爾榮魁武榜。互結姻緣。蔣世隆授開封府尹。妻王氏封懿德夫人。陀滿興福世襲昭勇將軍。妻蔣氏封順德夫人。尙書王鎮。歲支粟帛。與見任同。嗚呼。彝倫攸序。爾宜欽哉。謝恩。〔衆〕萬歲。萬歲。萬萬歲。

〔望吾鄉〕〔衆〕仰聖瞻天恩。光照綺筵。花枝掩映春風面。女貌郎才真堪羨。天遣爲姻眷。雙飛鳥。並蒂蓮。今朝得遂平生願。

〔皂羅袍〕向日鑾輿遷汴。正土崩瓦解。士庶紛然。人於顛沛節難全。堅金百鍊終無變。娘兒兄妹。流離播遷。斷而還續。破而復圓。義夫節婦人間鮮。

〔排歌〕今日相逢。三生有緣。文兄武弟襟聯。喬公二女正芳年。孫策周瑜德並賢。夫榮耀。妻貴顯。宮花如錦。酒如泉。風流事。著簡編。傳奇留與後人傳。

〔前腔〕〔外老旦〕吾年老雪滿顛。無子承家業。晨昏每憂煎。且喜東牀中選。雀屏中目。一雙白璧。種藍田。百歲夫妻今美滿。山中相。地上仙人。人間諸事不縈牽。壚邊醉。甕底眠。從今不惜杖頭錢。

〔金錢花〕〔衆〕翰林史筆如椽。如椽。倒流三峽詞源。詞源。撮成離合與悲歡。千百載。永流傳。千百載。永流傳。

〔前腔〕鐵球漾在江邊。江邊。終須到底團圓。團圓。覷自古出梨園。今夜裏並歡散。明日裏再敷演。明日裏再敷演。

自來好事最多磨。

天與人違奈若何。

拜月亭前愁不淺。

招商店內恨偏多。

樂極悲生從古有。

分開復合豈今訛。

風流事載風流傳

太平人唱太平歌



幽園記終

明

珠



目錄

- |      |    |
|------|----|
| 第一齣  | 提綱 |
| 第二齣  | 赴京 |
| 第三齣  | 酌節 |
| 第四齣  | 探留 |
| 第五齣  | 奸謀 |
| 第六齣  | 由房 |
| 第七齣  | 卻婚 |
| 第八齣  | 閨歎 |
| 第九齣  | 拒奸 |
| 第十齣  | 送愁 |
| 第十一齣 | 激亂 |

第十二齣 驚破

第十三齣 趕駕

第十四齣 探關

第十五齣 鴻逸

第十六齣 返旆

第十七齣 抄沒

第十八齣 遇僕

第十九齣 宮怨

第二十齣 贅蘋

第二十一齣 別母

第二十二齣 獲蔭

第二十三齣 巡陵

第二十四齣 郵迎

第二十五齣 煎茶

第二十六齣 會橋

第二十七齣 拆書

第二十八齣 訪俠

第二十九齣 禁怨

第三十齣 雪慶

第三十一齣 吐衷

第三十二齣 買藥

第三十三齣 寫詔

第三十四齣 僞勅

第三十五齣 飲藥

第三十六齣 珠贖

第三十七齣 授計

第三十八齣 聞赦

第三十九齣 回生

第四十齣 會內

第四十一齣 珠圓

第四十二齣 江會

第四十三齣 榮封

# 明珠記

明陸采箸

## 第一齣 提綱

〔聖無憂〕〔副末上〕人世歡娛少。眼前光景流星。青春不樂空頭白。老大損風情。喜遇心閒意美。更逢日麗花明。主人情重須沉醉。莫放酒盃停。

〔南歌子〕清新樂府唱堪聽。遏雲行。鳳鸞鳴。宮怨閨愁。就裏訴分明。掩過西廂花月色。又撥斷琵琶聲。佳人才子古難并。苦離分。巧完成。離合悲歡。只在眼前生。四座知音須拱聽。歌正好。酒頻傾。〔問答照常〕

〔望海潮〕王郎奇俊。無雙嬌媚。相逢未遂姻盟。涇卒揮戈。尙書羈縲。多才脫走襄城。賊滅早還京。恨奸謀屈陷。幾處伶俜。偶逢族叔。求官贈妾。結深情。驛中錦字叮嚀。向渭橋瞥見。淚雨交傾。烈士相憐。靈丹暗買。採蘋扮作男形。假詔到園陵。把佳人酖死。贖出重生。分珠再合。一家完聚。受恩榮。



劉尙書遇亂遭奸計。

古押衙假作偷花使。

無雙女死後得重生。

王仙客兩贈明珠記。

### 第二齣 赴京

〔破齊陣引〕〔生上〕清白先人家法。金貂累代傳榮。雅志超羣。詩名滿世。爭奈高才未騁。孤身自浪浮雲跡。四海誰懷國士情。咳。長歌上帝京。〔減字木蘭花〕風

雲未偶。心懸日月空回首。騏驎埋塵。得志驚駘也笑人。椿萱零落。空悲風木應難作。鸞鳳無依。揀盡

寒枝不肯棲。小生累代遺芳。一經傳業。擅六書之精。當得義獻北面。掇三史之秀。可與遷固比肩。五

車讀就。敢誇萬卷在心胸。八韻賦成。卻笑十年耽筆硯。未受九重明詔。空懷四海蒼生。不讓他吳門

二俊擅文名。肯學那竹林七賢。甘醉飲。王仙客本貫襄陽鄧州人氏。先朝諫議大夫王公之子。當朝

戶部尙書劉震之甥。不幸早年喪父。賴母舅迎養老母。看戲成人。舅舅有一女。名曰無雙。年紀小俺

三歲。自幼兒同學相戲。舅母喜歡。常時對小生說。待你長成。把無雙與你爲妻。母親臨死之時。要求

婚配。是母舅親口許下。只因小生扶柩歸鄉。不曾成禮。卽今三年服滿。明年是建中皇帝大比之年。

小生待上京師應試。順便到劉家求親。昨日分付安童塞鴻。收拾行李。未知完備麼。塞鴻那里。

〔西江月〕〔丑上〕門戶年來冷落。郎君日下崢嶸。蕭然琴劍照人清。笑指長安

馳騁。〔生〕遊子偏懷故國。僕夫反樂長征。〔合〕莫辭辛苦上瑤京。會看風雲一

逞。〔生〕塞鴻。行李完備了麼。〔丑〕覆官人。錦囊盛七絃焦尾。瑤鞍挂三尺龍泉。馬似雲飛。車如電轉。

俱已擺列門外。天道暄熱。請官人早行。〔生〕正是暫辭舊國遊京國。便出襄陽訪涓陽。〔行介〕

〔朝元令〕風回楚城。五月黃梅景。烟浮帝京。千里紅塵永。自挈圖書。遠辭鄉井。

〔丑〕官人此去。先到劉相公府中。〔生〕重念涓陽恩。幸欲敘平生。南風細吹雙轂輕。裊

裊柳條青。依依遊子情。〔合〕迢遙華省。空凝望楚天雲冷。

〔前腔〕〔丑〕才子名高鄢郢。風流蓋世情。文采照二京。試問時流。有誰堪並。〔生〕

功名之事。未知如何。〔丑〕莫向蓬蒿延頸。有日飛騰。搏風兩翅九萬程。重振舊家聲。

依然故里榮。〔合前〕

〔前腔〕〔生〕斜日柘林風靜。征人汗滿纓。田父正躬耕。對此艱難。迷心重醒。〔丑〕

當此炎天。公子王孫。多少會受用。怎知征人辛苦。(生)何處涼亭。酩酊散髮層冰。人生總爲名利縈。瀟洒羨嚴陵。滄江弄釣。醫(合前)

(前腔)(丑)縹緲紅雲陸影。荆山暑氣清。斜日槿花明。舉目黃沙。悶人時景。(生)那山頭上是猿啼麼。(丑)何處猿啼深嶺。腸斷三聲。回頭故鄉初一程。緩轡話離情。淒淒芳草生。(合前)

下馬停車日已斜。

故鄉回首碧雲遮。

離愁最是關心處。

風葉蕭蕭噪暝鴉。

### 第三齣 酌節

(念奴嬌)(外上)罷朝初下未央宮。侯吏朱衣前擁。滿袖天香歸甲第。夾道綠槐陰重。日上鰕鬚。風裊龍涎。別院笙歌哄。太平歡宴。仰荷一人恩寵。(踏沙行)紫

闌垂動。黃金橫帶。人生富貴誰堪比。八方無事且爲歡。一年好景君須記。美酒繁弦。海榴池蕊。芭蕉葉展青鸞尾。金盃角黍送流年。伴他兒女花前醉。自家學貫天人。資兼文武。敢竭孤忠報主。惟將正

色立朝。官階已占六曹中。名位早登三事列。運北斗之樞機。統尊列宿。作九天之喉舌。職亞三公。忠不忘乎一飯。誰言錦幙幔天。貨必足於四方。要使青錢流地。正是關節一毫無地入。公廉兩字只天知。下官劉震。官拜戶部尙書租庸使。夫人崔氏。小女無雙。老年無子。痛太玄之失傳。弱息知書。幸中郎之有託。且喜今日是五月端午。早上分付院子安排筵席。與夫人小姐。同賞佳節。不知完備未曾。院子那里。〔末〕廳上一呼。階下百喏。覆老爺。有何鈞旨。〔外〕我着你安排筵席。在後花園水亭上。完備了麼。〔末〕完備多時了。〔外〕怎見得。〔末〕但見池館清幽。風光澹蕩。器列象州之古玩。簾開合浦之明珠。水晶盤。羊角粽。輕開錦束玉生輝。琥珀酒。琉璃鍾。未解黃封香滿座。石洞假山。清泉細細。碧梧蒼竹。疎影離離。走動的是朱衣堂吏。人人頭帶赤靈符。吹彈的是紅粉佳人。個個手擎長命縷。金雀斜簪墮馬髻。畫舫齊唱採菱歌。端的好筵席。〔外〕既然完備。請夫人小姐出來。〔末〕遙傳黃閣命。去請畫堂仙。請夫人小姐上堂。

〔花心動〕〔老〕年老心閒。對日長。只把貝經翻誦。〔旦上〕睡足花臺。浴罷蘭湯。金蓮步出房櫳。〔貼上〕喜逢佳節。風光好。正滿園梧竹陰濃。〔合〕向水亭瓜果。

玉盃傳送〔相見介〕〔菩薩蠻〕〔外〕綠楊裊裊垂絲碧。海榴點點胭脂赤。〔老〕兩兩亂鶯啼。驟驟梧

竹齊。〔旦〕微微風動幔。惻惻涼侵扇。〔合〕處處遇端陽。家家共舉觴。〔外〕夫人。下官備一盃淡酒。與

你同賞佳節。〔旦〕採蘋將酒過來。〔外〕再酌酒介。

〔畫眉序〕金卮泛蒲綠。撫景停卮感心曲。歎千年湘水。此日沈玉。名未泯角黍空傳。人去遠招魂誰續。〔合〕大家酩酊醉佳節。莫負太平風俗。

〔前腔〕〔老〕新篁展修綠。玳瑁筵開畫欄曲。看座排冰島。簫傳蓮玉。見滿眼虎艾爭鮮。正西苑龍舟相續。〔合前〕

〔前腔〕〔旦〕修眉遠山綠。粉汗流香浸眉曲。自持觴勸酒。皓腕露玉。願白頭長享天年。結綵線不須人續。〔合前〕

〔前腔〕〔貼〕輕盈舞裙綠。獨抱琵琶慶新曲。漸髻偏金鳳。釵橫紫玉。掠紈扇乳燕飛來。亂急管新蟬相續。〔合前〕

〔滴溜子〕〔外〕你道是侯門風味不俗。又誰知閨閣幾多不足。日宴未炊餛飩粥。

可惜尊前白苧歌。總是蒼生哭。但願君心。化作光明燭。

〔鮑老催〕〔老〕繁華輦轂。人人齊唱昇平曲。家家多泛菖蒲粟。休眉皺。且放懷。消清福。人生百歲歡未足。休把愁心惱絃管。頻開笑口傾醪醕。

〔滴滴金〕〔旦〕上林筍膾甘如肉。南海冰鱗氣猶馥。玉槃犀筋寒生指。畫堂中。新酒熟。珍饈溢目。嬌歌豔舞相催促。相催促。休教日近青山麓。

〔鮑老催〕〔貼〕香風亂撲。顛狂粉拍穿金粟。高低玉剪飛華屋。把瑋筵。近鳴泉。臨喬木。生綃扇兒休揮觸。清風自有涼亭竹。風來也。鬢簌簌。

〔雙聲子〕〔合〕弄潮罷。弄潮罷。何處蘭舟逐。採菱歸。採菱歸。兩岸芙蓉綠。日已暮。日已暮。歡未足。歡未足。看明月扶醉。夜涼新浴。

〔尾〕酒剩花殘下金谷。月白風清歸去促。可惜明朝又初六。

侯家庭院好風光。

骨肉傳盃笑滿堂。

但願太平常會面。

年年此日賞端陽。

第四齣 探留

〔玉漏遲〕〔生上〕辭家浪遊。歎山勞匹馬。水怯孤舟。紅槿香中。一聲越鳥添愁。回首故園池館。清風滿。目人消受。名成否。先自將人憔悴。

〔前腔〕〔丑上〕風塵奔走。歎肩挑琴劍。汗透征裘。綠柳陰中。小姬喚客罇頭。正值馬疲人倦。無由得解鞍沽酒。〔生〕婚成否。先覺春心暗透。迤邐行來。不覺早到京

師也。〔丑〕官人。你看京師好景致。〔生〕怎見得。〔丑〕只見六街車馬。三市人烟。慈恩寺金刹參天。灞

陵橋垂楊拂地。花簇簇三百六十行買賣。錦重重十萬八千戶人家。朱樓綉檻。有十里香風。水閣涼亭。沒半星暑氣。酒肆中賣的是蓮花白。竹葉清。都解金龜同一醉。勾欄內坐的是李端端。蘇小小。笑歌新曲解留人。金章紫綬。達官貴戚去朝天。白狗蒼鷹。公子王孫來打獵。八柱巍峨標玉闕。五雲繚繞擁王居。果然好景致。〔生〕此去劉家多少路。〔丑〕兀那里是劉相公府前也。

〔賺〕〔生〕千里襄流。冒暑攜書上帝州。龍城暮。遙看宮闕紅霞覆。且淹留。訪恩盟。重敍當年舊。〔丑〕暫向垂楊繫紫騮。拂拭征衣垢。朱門十丈蟠雙獸。〔合〕試

將輕扣。

〔前腔〕〔老上〕相府深幽。何處兒郎敢逕投。分明看。原來年少吾家秀。〔生拜見

老旦介〕慰離憂。比別時精采渾如舊。三載南中望斗牛。遙想恩光厚。〔合〕弛裝

共話違離久。乍消清晝。〔老旦〕孩兒。三年不見。這般長成了。此來爲求科舉麼。〔生〕小生有兩

件事。一者爲取功名。二者不敢說。〔老〕但說不妨。〔丑〕官人要求小姐的親事。〔老旦笑介〕原來如

此。這事是老身說起。又是你母親遺命。好歹教你成就。〔生〕全靠舅娘攬掇。〔老〕舅舅早回來也。

〔絳都春曉〕〔外急上〕官高祿厚。見豺狼當道。怎生罷休。猛拚扣碎金階首。從教

洗淨朝班垢。怎容他奸謀成就。〔老〕親情邂逅。請寬懷抱。放下閒愁。

〔前腔〕〔生拜介〕遠來相候。合歡欣。怎生反皺眉頭。〔丑〕想東人衣冠禮貌多疎

漏。〔老〕莫非老妾逢迎後。有緣由望君明剖。〔外〕朝綱大事。區區兒女。何必追

求。〔老〕相公甥舅相逢。合當喜歡。怎生雙眉倒豎。怒氣冲天。〔外〕夫人賢甥遠來。我豈不喜。爭奈丞相

盧杞。奸邪不忠。人皆號爲藍面鬼。下官適來入朝。再四奏他好惡。乞將梟首示衆。聖天子不從。因此



煩惱〔老〕相公。你官非御史。職非諫議。管這閒事怎的。〔外〕下官受朝廷厚恩。那一件不該說。〔生〕只一件。盧杞這廝最能害人。只怕舅舅反遭毒手。〔外〕這個我也顧不得了。〔丑〕甥舅相逢。閒話請休題。〔老〕說得是。請孩兒到水閣上三盃洗塵。〔外〕將酒過來。〔把觥介〕

〔皂角兒〕念荆花早年失偶。喜芝蘭這回重茂。仔細看舉止端詳。分明似母親趨走。惟願你向書窗。攻筆硯。取科名。揚姓字。光輝伊舅。〔合〕親情別久。且同盃酒。涼亭瓜果。論心敘舊。

〔前腔〕〔老〕看孩提短髮覆首。又長身聰明俊秀。笑吟吟出語溫恭。意孜孜慇懃問候。多謝你渡三襄。涉萬里。冒炎蒸。衝瘴厲。遠來生受。〔合前〕

〔前腔〕〔生〕念孩兒孤貧落後。謝姑舅提攜成就。恨十年寂寞寒窗。知何日經綸展手。試看我萬言書。八韻賦。獻金門。朝玉殿。獨占鰲頭。〔合前〕

〔前腔〕〔丑〕念小人囊中奔走。常只想長安花柳。喜今日得遂初心。又感戴恩官息厚。惟願他受君恩。食天祿。利名成。婚姻遂。帶挈風流。〔合前外〕孩兒。科場未到。

且在俺府中攻習經史何如。〔生〕多謝舅舅。〔老旦〕寒鴻收拾行李。入西書院去。〔丑〕領鈞旨。

一旦悲歡見魏舒。

風流猶是昔年餘。

科場敢負先人業。

客邸須看舅氏書。

### 第五齣 奸謀

〔番卜算〕〔淨上〕名位廟堂尊。掌握乾坤運。鷗鵬奮翼逞風雲。不奈烏鳶晒。〔笑

介〕自家不是別人。盧丞相的便是。幸然遭際聖明。端的恩寵無二。一味甜言。直教天子點頭。半腔歹意。驚得百官心碎。斷公事只逞私心。決民情全憑勢利。拽扎起溫元帥面皮。猛放着閻羅王威勢。不平不直的秤鉤肚腸。半青半紫的染皂心地。不要長槍大劍。真個殺人手段高強。生得利齒伶牙。端的吃人腦髓不恕。諸王公見我低頭。衆文武誰敢出氣。牛前得逞雄豪。死後猶然得意。〔內云〕怎

的得意。〔淨笑〕若不去三家村中做牛。便罰去十八層地獄受罪。下官盧杞。欽承聖恩。官拜平章政事。百僚趨承恐後。爭奈戶部尙書劉震這斷索強。前日彈我欺君誤國。要將梟首示衆。好笑下官得何罪過。受此極刑。眉頭一蹙。計上心來。我有故人。名爲王遂中。見做金吾衛大將軍。重許陞賞。着他

蚤夜刺殺這廝。有何難哉。左右那里。〔雜上〕堂上雙呼字。階前應一聲。覆老爺。有何鈞旨。〔淨〕你去請金吾王將軍過來。〔雜應介〕轉過金梁橋。來到修竹里。此處王家府前了。王將軍有請。

〔上林春〕〔末上〕武勇從來四海聞。掌官軍九重親近。〔見介淨〕金吾請坐。〔末〕恩

相在上。下官怎敢。〔淨〕請坐。有話相告。左右的迴避。〔雜下淨〕金吾。你起手是甚麼官。〔末〕小官金

吾衛小校。〔淨〕如今是甚麼官。〔末〕金吾衛大將軍。〔淨〕怎的驟陞到此。〔末〕賴恩相提拔。〔淨〕你

既知恩報恩。下官有一事託你一幹。〔末〕伏聽使令。〔淨〕尙書劉震。平素和俺無讎。近日奏過官家。

要將下官梟首示衆。幸賴聖明。不聽他說。你道情理也該不該。〔末〕端的無狀。〔淨〕俺待奏聞朝廷。

把他黜退。也不甚難。只是消不得胸中一點不平之氣。欲使一人。刺殺這廝。滿朝看來。只有你膽勇。

你敢去得麼。〔末背介〕這殺人事非同小可。不去恐丞相見怪。罷罷。〔轉介〕下官雖然愚勇。只有汗

馬上本事。這刺客手段。却做不得。下官有一故人。心如聶政。謀比荆軻。姓古名洪。見做羽林衛押衙

之職。幼年曾爲父報讎殺人。又以奇計得免。若用此人。無有不成。〔淨〕找也素聞古押衙之名。快去

糾合他來。成事之日。賞賜千金。拜官三級。〔末〕事不宜遲。下官明早就去。〔淨〕金吾。不要洩漏天機。

〔末〕下官怎敢。

〔瑣窗郎〕〔淨〕俺威權海內稱尊。怪不逞犯逆鱗。須當快意。斬草除根。此行機密。用心防慎。〔合〕若得他一朝消盡胸中恨。千金賞。不須吝。

〔前腔〕〔末〕他平白地惹起災迍。赴猛火自燒身。報讎烈士。都下名聞。此行唾手。管教隨順。〔合前〕

堪歎亡命徒。

好似撲燈蛾。

恨小非君子。

無毒不丈夫。

## 第六齣 由房

〔臨江仙〕〔旦上〕蟬吟蚊靜人初起。朝霞掩映庭墀。〔貼上〕乘涼試捲絳綃衣。

〔合〕風前開翠榻。窗下繡花枝。〔旦〕綠樹陰濃夏日長。〔貼〕珍珠簾箔掩蘭堂。〔合〕繡牀斜凭

嬌無那。燒盡金爐百和香。〔旦〕採蘋。連日暄熱。不曾和你做生活。今早天氣微涼。好做些針指。〔貼〕

小姐。奴把繡絨花樣。牙尺剪刀。都擺在石卓兒上。請小姐坐地。

〔賞宮花〕〔旦〕東方尙低。微涼人絳幃。梧月餘殘影。花露未全晞。〔貼〕有意只盤金鳳線。無心去聽乳鴉啼。〔生上〕未遂東牀志。先窺綺閣人。小生爲親事而來。爭奈舅舅全然不提。未知成否若何。小姐又不能夠斷見。好生納悶。今日打聽得小姐臥房。在畫閣兒下。只做不知。一直撞入去。飽看一回。多少是好。

〔獅子序〕〔生〕悄步香閣西。行傍紗窗試一窺。只見一庭兒花木。別是幽奇。〔做張介〕元來小姐和侍兒做生活哩。只見兩兩紅粧相對。看他玉肌香雲鬢薄。春纖嫩笑拈針指。低低偷眼。隱隱蛾眉。

〔降黃龍〕〔旦〕金剪輕攜。手把鮫綃。巧裁新製。金針下處。繡鴛鴦並戲蓮漪。〔貼〕香閨重門深閉。似嬌花繡幙紅圍。不許他狂蜂斜睨。粉蝶輕窺。

〔前腔〕〔生〕鍼兒引線。休遲願效鴛鴦。與伊戲水。鮫綃莫剪。怕剪斷兩下牽絲。癡迷他含情無意。怎知道人在窗西。正是那花心未拆。蜂蝶先知。

〔前腔〕〔旦〕長吁。汗透香肌。日上庭梧。頓添煩暑。釵橫鬢墜。繡停針。紈扇頻揮。

〔貼〕須知炎蒸堪畏。荷亭畔剩有涼颼。只爲那閨門禮法。懶去閒嬉。

〔前腔〕〔生〕炎威炙損嬌姿。怎如和我涼亭共戲。醉荷風碧簾相依。你那一聲長嘆。呵。堪疑芳心何處。莫不是想着佳期。休長嘆。佳期咫尺。就結于飛。〔旦〕探蘋。是誰在窗下。

〔袞遍〕誰來繡戶窺。忙啓紗窗覷。〔貼〕却是王家哥哥。爲何到此。奇俊王郎。到此緣何事。〔生〕在老夫人處問安。錯走了路到這里。上堂咨啓。花底路迷。問仙娥肯容人到月宮裏。〔旦〕探蘋。你和他說。是我臥房。外人不得至此。

〔前腔〕〔旦〕中堂多禁忌。不許閒人至。年少無知。就裏藏奸意。〔貼〕這是小姐的臥房。老夫人處問安。不打從這里去。〔生〕小姐忒薄情也。我是東牀嬌婿。休把做外人廝覷。便留住繡房中。有誰說你。〔旦〕快出去。老夫人知道。不好意思。〔生〕小生也要出去。爭奈不認

得路。〔貼〕哥哥。我送你出去。〔生〕不要送出去。只要你送進去。〔貼〕胡道。老夫人來也。〔生〕雙手擎開生死路。一身跳出是非門。〔下。老旦上〕乘涼課兒女。病暑步池亭。老身這幾日天熱。不會到女孩

兒房中。今日須索去看他做生活。(見介老旦)孩兒做甚麼。(旦)孩兒見天色微涼。與採蘋做些針指。(老旦)好好。我兒。你生於富貴。正要習些勞苦。他日好去人家做新婦。(旦)謝母親教訓。(老旦)日已將中。天道漸熱。暫歇一餉。隨我去來。莫倚富豪門。(旦)須知習苦辛。(合)成人不自在。自在不成人。(下生上)無端枝上黃鶯噪。驚散花心粉蝶飛。小生方纔大胆。走入小姐臥房。見他正與侍兒做生活。果然生得好。但見幽姿絕世。嬌豔驚人。渾如膩粉捏成。便是畫工難寫。滴滴溜溜鳳眼朦朧。勾引人魂無定。曲灣灣蛾眉澹掃。巧傳心事多般。輕盈笑靨。低頭微哂有餘情。袅娜腰肢。叉手抱來無一捻。津津檀口。生憎酷暑嬌吁。脈脈冰肌。可怪清涼無汗。幾句嬌嫩聲音。分明似金籠裏學語雛鸚鵡。一點聰明性格。合喚做綉榜上風流女狀元。脚上鞋兒三四寸。步步生蓮。鬢邊釵子十二行。雙雙舞鳳。恍疑金菊對芙蓉。却是笑倚侍兒肩上。忽地梨花籠淡月。元來嬌臨玉鏡臺前。傍人私語。細細口脂香。憑檻閒行。珊珊雜佩響。作賦吟詩。人人盡說蔡文姬的再世。描鸞刺鳳。個個皆稱薛夜來的神針。石榴陰畔。似蕊宮仙子。揚州兩兩玩瓊花。菡萏沼邊。如洛浦佳人。水上盈盈步羅襪。只疑他麻姑有緣。過蔡經偶然留鶴駕。莫不是雙成無賴。惱王母暫謫下塵寰。可惜花朝月夕。何時同醉合歡。

杯恨無玉管鸞笙。與爾同乘雙鳳去。但望高堂成事。與伊綉帶結同心。仔細思量。小生的稱揚有盡。小姐的嬌媚無窮。若得與共枕半宵。也不枉爲人一世。正待和他說些知心話兒。那不做美的夫人。掃將來。好悶人也呵。

〔皂羅袍〕誤入桃源洞裏。見香香深處。裊裊仙姿。嬌羞終是女孩兒。隔窗掩過香羅袂。嚶嚶小語。問郎路迷。低低微笑。勸郎早歸。莫不是人前巧做出猜嫌計。〔前腔〕正好粘花惹絮。怪東風無意。吹散芳菲。春光一去杳無期。陽臺望斷人千里。歸來如醉。餘香滿衣。支頤坐想。芳心暗飛。恍聞耳畔嬌聲細。

紗窗深處見卿卿。

隱約香肌百媚生。

好似淡雲籠月色。

嫦娥態度不分明。

### 第七齣 却婚

〔似娘兒〕〔外上〕松柏古心存。嗟玉樹寂寞無人。蘭心蕙性閨房潤。雀屏欲啓。鸞儔未偶。閒中慢自評論。事不關心。關心者亂。下官六十餘歲。止有一女。名曰無雙。年紀長成。



不曾許嫁。我意欲招一佳婿在門。只沒有一個門當戶對的。且等夫人出來。與他商議。

〔風馬兒〕〔老旦上〕女貌郎才。請東君早成佳配。〔見介外〕夫人。古者十六而笄。二十而

嫁。女孩兒年登二八。正當其時。前日多少公子王孫求聘。只爲沒個中意的。今日想起來。咱和你年紀高大。這事不可不早定。〔老旦〕相公不問。老身不敢多言。昔日外甥王仙客在門下。自小兒聰明。與女孩兒年相若。貌相似。我曾許他爲配。他母親病篤之日。又是你親口許下。况兼此子。學問不凡。人才出衆。妾意欲成就前言。相公意下若何。〔外〕夫人差矣。仙客乃先姐之子。與女孩兒中表兄妹。於分有妨。怎生成得伉儷。〔老旦〕妾聞中表無服。可以成親。昔溫太真娶其姑之女。下玉鏡臺爲聘。至今以爲美談。相公昔日許下。今日何出此言。〔外〕當初先姐病篤。苦求此事。我只回他說。你自調養病體。也不曾許他。今日斷然不可。〔老旦〕相公聽老身說。

〔金索掛梧桐〕心知宅相賢。口許東牀選。熱面應承。冷語今更變。丈夫然諾重。如山。暗室私心鬼神見。休言閨閣無人聽。只恐閭闔有話傳。休辭辨勸君肯首。莫負燎鬚言。〔合〕想婚姻都是前緣。慢勞你爭長短。

〔前腔〕〔外〕當年姊病纏。爲子求婚眷。仔細沉吟。此事非吾願。當時只把病人寬。那肯輕將語言騙。不曾媒妁期千萬。何必慇懃強再三。休胡亂。嫡親中表。怎結百年歡。〔合前〕

莫將盟約等閒乖。

只怕婚姻未必諧。

萬事不由人計較。

一生都是命安排。

### 第八齣 閨歎

〔祝英臺近〕〔旦上〕豆花風。梅子雨。醞釀晚涼淺。罷綉停針。長日正人倦。〔貼上〕乍堪象篔侵肌。鮫綃映肉。初睡起。微微香喘。〔卜算子〕〔旦〕睡起玉肌涼。人靜重門閉。永

日深閨寂寞愁。暗滴珍珠淚。〔貼〕風弄菱荷香。雨洗梧桐翠。且向池亭玩物華。莫把眉兒聚。〔旦〕採

蘋寂寞閨門。昏沉暑熱。真個好悶人天氣。〔貼〕小姐。池館清涼。風光瀟灑。我和你受用不盡。有甚麼

煩惱。〔旦〕你怎知我有煩惱處。〔貼〕小姐。每常問見你歡天喜地。今日眉頭不展。面帶憂容。爲着甚

麼。〔旦〕我心上有事。你休纏問。〔貼〕小姐。你心上不快。和你到後花園池亭上耍去。〔旦〕也罷。〔行

介

〔祝英臺〕月眉攢雲袖。蟬低首。損春妍。粧罷層樓。步入閒亭。風約繡幃香捲。

〔貼〕小姐。你看池裏荷花都開了。〔旦〕羞看藕花開得雙頭。只怕秋風吹散。悶對景冷落碧梧池館。

〔前腔〕〔貼〕瀟灑向涼亭。臨曲沼。瓜果薦新鮮。閣對泰山。簾展湘波。侍女頻揮紈扇。〔旦〕你不知我心上自有不足處。〔貼〕無端。侯門受用豪華。却把雙蛾愁斂。日斜也何事不炊茶飯。〔旦〕探蘋。你兀自理會。〔貼〕小姐端的有甚事。說與妾身知道。〔旦歎介貼〕

但說不妨。〔旦〕這事不是俺女孩兒家說的。罷罷。你是我心腹之人。和你說。昔日王解元從小兒在我家長成。老夫人愛他。只說招他爲婿。姑娘臨危之際。老相公親口許了。今日王解元到來。老夫入說起此事。爹爹把前言悔過。只推不會。教人如何不悶。〔貼〕元來恁的。小姐。老爺既然不肯成就。只索順從他。沒來由煩惱甚麼。〔旦〕父命我豈不從。但婚姻一言爲定。女子從一而終。姑娘在日。便許了他。今日人亡事變。却悔賴他的。爹爹官居臺閣。須被外人恥笑。〔貼〕小姐。世間多少貴公子美少

年任從老爺許了一個何必留戀這個窮措大〔旦〕你說那裏話。

〔前腔〕堪歎事多磨。人間阻。就裏淚偷彈。天日深盟。風月芳期。一日雨覆雲翻。  
〔貼〕這親事又不曾受他茶禮。便退了也不妨。〔旦〕休言。縱無六禮雙羊。奈一言難變。  
便死也魂與檀郎爲伴。

〔前腔〕〔貼〕姻緣本天生。非人意。煩惱也徒然。老爺呵。愛惜嬌娃。別選豪門。肯顧一句虛言。休偏五陵年少如雲。枉把貧儒留戀。從親命且自逍遙排遣。

〔前腔〕〔旦〕心堅守松筠。甘冰蘖。寤寐柏舟篇。爹爹呵。你把連理分開。並蒂摧殘。只怕女蘿纏綿。〔貼〕小姐見說王解元家寒。若嫁了他。須索受些淒楚。〔旦〕不怨。從教受凍擔飢。怎肯嫌寒就暖。我彩鳳羞與凡雞作伴。

〔前腔〕〔貼〕堪憐守前言。敦舊約。真個女流難。不負才郎。忍背嚴親。一點真心百鍊。〔旦〕你才知我的心事。〔貼〕惟願高堂意轉心回。繡閣花開月滿。那時候偕老雙雙歡宴。〔貼謝介〕賤妾不知小姐這般貞性。一時唐突了。〔旦〕且不要和別人說。

莫打南來鴈。

從他作伴歸。

打時雙打取。

休遣兩分飛。

### 第九齣 拒奸

〔高陽臺引〕〔小生上〕近侍龍顏。長隨豹尾。朝朝螭陛持戟。暫賜餘閒。高情懶去遊逸。金魚乍解還家樂。掩竹扉。車馬無迹。捲征袍。臥看黃卷。自消白日。老夫姓古名洪。本貫京師富平人也。自小武藝精通。豪俠好義。昔日爲父報仇。殺人於都市之中。又用奇計脫逃。得免其死。如今年近六旬。見做羽林衛押衙之職。京師人都喚我做古押衙。今日罷朝。閉門高臥。不免取一卷古書。看來消遣。正是暫拋虎略龍韜。且玩瑩囊蠹簡。〔看書介〕

〔前腔〕〔末上〕奉恩官鈞旨機密。特來求訪十年相識。若遂良圖。兩人富貴不

失。〔小生〕忽聞剝啄柴門扣。整衣冠下堂延客。〔合〕正清閒。相過談笑。頓消岑

寂。〔見介小生〕金吾因甚光降。〔末〕下官多時不曾拜謁。今日特來。〔小生〕必有緣故。〔末背介〕且住。不要直說。且把幾句話兒打動他。〔末〕小生沒甚事。今日放假。在家閒坐。不過特與老兄談論一番。

〔小生〕最好。〔末〕不知押衙在此看甚麼書。〔小生〕老夫看的是左氏春秋。〔末〕那左傳上有一個鋤麴。可謂義士。〔小生笑介〕將軍何以見得他義處。〔末〕晉靈公惡趙盾強諫。遣刺客鋤麴刺之。鋤麴見趙盾是正人。不忍下手。就觸槐而死。世上誰人不怕死。鋤麴爲忠義上。視死如歸。豈不是個義士。〔小生〕金吾差矣。大凡刺客要識人心。以趙盾之賢。晉侯無道。誰不知之。鋤麴不與他去便了。直待臨下手之時。方才知道。可不枉了一死。

〔高陽臺序〕〔末〕乍感丹心。潛收白刃。肯把忠良殘賊。義烈忘身。英名至今如昔。〔小生〕愚客平生不識人邪正。到其間悔之無及。死孤槐空爲怨鬼。有誰憐惜。〔末〕鋤麴旣非義士。那史記上有一荆軻。可謂義士。〔小生笑介〕金吾何以見他義處。〔末〕燕太子丹與秦王有隙。使荆軻刺之。秦王絕袖遶殿而走。荆軻知事不成。倚柱談笑而死。當時秦王何等威勢。荆軻略無懼怯。豈不是個義士。〔小生〕金吾又差了。大凡刺客要識時勢。以秦王之強。燕國之弱。縱刺得他。怎肯干休。荆軻不與他去便了。事旣不成。把燕國指日而亡。可不枉了一死。

〔前腔〕〔末〕感激計就牢籠。身探穴虎。精感長虹貫日。談笑捐生。祖龍爲君禡。

魄。〔小生〕狂客何如早謝當年寵。事無成枉勞心力。死秦庭分明兒戲。自傾燕國。〔末〕荆軻不是義士麼。〔小生〕也不足爲義。〔末〕承教。承教。這兩個古人之事。不必說了。請問押衙刺客的事。你幹得麼。〔小生〕這個何難。老夫少年也曾爲父報仇來。〔末〕假如今日有個貴人擡舉你。他着你去刺一個人。出一口氣。你去也不去。〔小生〕果然待得我厚。士爲知己者死。女爲悅己者容。怎的不去。〔末〕押衙。我方才見你是個義重之人。敢以實告。這裏沒人麼。〔小生〕但說不妨。〔末〕即今當朝大丞相。有一個仇人。痛恨入骨。特使下官尋訪刺客。刺得他的。陞官三級。賞賜千金。下官知押衙謀勇。一力舉薦。押衙肯去。和下官帶挈富貴。〔小生〕大丞相是誰。〔末〕是盧杞相公。一人之下。萬人之上。官家最喜歡的。〔小生〕他和誰有仇。〔末〕他與戶部尙書劉震。切齒之怨。〔小生〕怒介。吓。你不說那藍面鬼也罷。說着那藍面鬼。毛骨都悚。恨不截此佞臣之頭。却教我替他傷害善人。古押衙是個好男子。不爲此狗彘之事。〔末〕押衙休迷執。

〔前腔〕相國久慕高風。欲求恥雪。特聘君爲刺客。虎略龍韜。施展正在今日。

〔小生〕一身武藝。不替小人出力。不去。不去。〔末〕休執。邯鄲年少輕人命。問誰賢與誰。

奸慝大丈夫已逢青眼。早沾白璧。

〔前腔〕〔小生〕剛直義膽如天。豪情蓋世。孤懷一點忠赤。肯助邪謀。忍把無辜

殘賊。〔末〕好笑。有這等英雄。推做甚麼。好個不爽利的荆軻。〔小生〕清白腰間七首光如雪。

不染他忠良血迹。〔末〕丞相自當重賞。〔小生〕便封九鼎三公。等閒視同一擲。〔末拜

介〕十載交游渾未識。一番高論始知心。元來押衙乃天下正直丈夫。因盧杞奸邪。不肯替他行刺。

正是富貴不能淫。威武不能屈。荆軻鋤麀。何足道哉。下官一時唐突。萬乞恕罪。〔小生〕量老夫何足

掛齒。〔末〕下官也不去回話了。由他自處。

〔尾〕從今方見君心直。從今不上奸人宅。遠害全身爲上策。〔小生〕不作奸臣用。

〔末〕高風千古欽。〔合〕路遙知馬力。日久見人心。〔末下小生弔場〕自古道將相不和。國有大禍。我

想今日盧杞那厮。因一人違忤。便要用心害他。真個是盜賊所爲。卽今內有奸臣弄權。外有驕將悍

卒。民窮財盡。天下不日將亂。罷罷。老夫做甚麼官。不如向富平山中。逍遙自在。免得他日死于亂兵

之手。〔解衣介〕



〔北後庭花煞〕解下惹閒愁青錦袍。〔除帽介〕除下起飛災烏紗帽。只爲虛飄飄。凌烟閣。送上那顛巍巍跨海橋。算到了是非窠。玉殿高。不如安樂窩。茅屋好。每日價對明月。吹洞簫。弄春風。醉碧桃。向山中。睡得牢。喜人間。事不到。龍爭虎鬪。都休料。牀頭留得琴樽在。門外由他雨雪飄。只落得無煩惱。免受他塵埃縛住。一任我雲海道遙。

功名誤我未言歸。

今日除頭早拂衣。

且玩山中泉與石。

不爭人世是和非。

### 第十齣 送愁

〔傳言玉女〕〔貼上〕月榭雲窗。暗把秋波偷望。兩邊兒心腸搖蕩。爭奈你命裏星辰未暢。東君無意。枉添悒悒。〔章臺柳〕鴛鴦偶。鴛鴦偶。雙宿雙飛雙廝守。幕地風波兩下

分。雌雄隔水都回首。俺小姐花容月貌。王解元繡口錦心。正是一對兒夫妻。誰想老相公悔賴前言。不許成就。今日老夫人分付妾身上。覆王解元的消息。此間正是他書院門首。不免叫他一聲。解元

在麼。

〔步蟾宮〕〔生上〕思憶多嬌心技癢。盼殺也人間天上。是誰扣戶到書堂。想是佳音說向。〔相見介〕你到書齋訪岑寂。必有甚好消息。〔貼〕好消息。惡消息。做不成東牀客。〔生〕小娘子。俺從幼兒與小姐有約。今番老夫人做主。眼下打點新皂靴。整備做新郎也。何出此言。〔貼〕解元耐心。直等那皂靴爛了。方才和你說。〔生〕小娘子。有話說與小生知道。〔貼〕解元。你那親事。不成了也。〔生〕休哄我。〔貼〕誰哄你。却才老夫人分付我。上覆解元。這事再四老相公跟前攬掇。老相公堅執不肯。交你權且耐心。〔生〕老相公因甚不肯。〔貼〕解元。你試猜着。

〔北紅衲襖〕〔生〕莫不是笑書生貌不揚。〔貼〕不是。〔生〕莫不是爲嬌娥年未長。〔貼〕不是。〔生〕莫不是惜花心未許蜂蝶傍。莫不是結綵樓未中繡球香。〔貼〕也不是。〔生〕怕咱兩個年命相妨。恐左右的讒言廝誑。〔貼〕也不是。〔生〕敢則是指望成名。道我未遂風雲也。直待象簡緋袍入洞房。〔貼〕解元。你都猜不着。〔生〕小娘子。端的爲着甚麼來。

〔前腔〕〔貼〕俺小姐正青春年齒恰相當。〔生〕是小姐年長了。〔貼〕覷解元又風流容貌真絕樣。〔生笑介〕是小生的龐兒也看得過。〔貼〕繡球兒別個怎着傍。好花枝合付與折桂郎。也沒甚刑尅相傷。也沒甚旁人伎倆。〔生〕不爲這幾樁事上。卻爲甚的不肯。〔貼〕老相公只說中表的親難做夫妻也。又道未有前言休妄想。

〔前腔〕〔生〕天那。兀的不悶殺人也。欺負我久漂零湖海旁。欺負我未收成名利場。分明是賴婚姻。只把虛言誑。不念我處孤貧父母蚤年亡。你下得浪打鴛鴦。我拚個月滿西廂。小娘子。老相公雖然如此。小姐必然見憐。我把一封書寄與多情也。〔拚

介〕結草啣環不敢忘。

〔前腔〕〔貼〕解元。這個使不得。老相公治家庭。似朝廷有紀綱。老夫人正家法。似官法無輕放。俺小姐冰清玉潔。不比鶯鶯莽。侍兒每心荒膽小。做不得紅娘。〔生〕

小生自當重謝。〔貼〕你便有金玉滿堂。誰替你擔驚受枉。他見了書問出根由

也。斷送芙蓉一夜霜。〔生扯介貼〕閉門不管窗前月。一任梅花自主張。〔下生〕天那。我母親在

日親口許下。今日人亡事變。便推不會。舅舅你做公卿。賴人婚姻。是何道理。

〔泣顏回〕辛苦上京華。爲嬌羞。夙世冤家。一心指望。牽絲中選窗紗。百年姻婭。被東君半句無情話。從前千樣深盟。今朝一筆勾叉。舅舅你好差訛。枉教你身爲宰相。坐官衙。不把陰陽變理。配偶調和。却來誤人婚嫁。惱亂家法。傷殘風化。賣脫空口無攔壩。當年甜語應承。今朝苦口推搓。

〔榴花泣〕我似尋春鶯蝶。合採上林花。他似桃李樹。抱芳姿。直待東風嫁。相女配夫。一對兒不差些。無端割捨。好似蠶蛾拆對絲牽掛。我做了個美玉埋沙。他做了個綵鳳隨鴉。

〔前腔〕枉教鳳城春色慘無華。枉教秦樓月被雲遮。枉教銀屏金屋空瀟灑。一個愁攢兩蛾。一個長吁倚遍朱欄下。一個吹簫香口吞聲。一個看花淚雨如麻。〔漁家犯〕他那里綺羅叢瀟灑。文君俺這里翰墨林風流。司馬爭奈卓王孫倚富欺人。則怕臨邛店出醜難遮。據俺萬才華。千俊雅。不怕他一點芳心不惹。從

今後斂却畫眉妙手。去把西廂琴和。

〔前腔〕空憶着捲羅衫同挽香車。空憶着折菖蒲同鞭竹馬。空憶着棋枰上同賭青梅。空憶着東籬下同嗅黃花。把往事付東流如夢過。不如不提起無嗟呀。負了鶯期燕約。那些星前月下。

〔撲燈蛾〕糊塗鳳尾箋。冷淡鮫綃帕。魚雁無人寄。平地怎生入馬也。玉容何處。盼香閣遠似天涯。空交人淚珠沾洒。伊知麼。伊還知道淚還加。

〔前腔〕愁看古聖書。悶對先賢畫。慵將羅扇把。懶步醪蘼小架也。南窗初臥。惱人的是蚊雷喧夜。才合眼又夢見嬌娃。天知麼。天還知道天應怕。

〔尾〕多情自古多魑魍。料東君斷不把深盟罷。准備着錦帳鸞牀受用咱。且住。

明日是俺舅娘生日。買些金珠首飾上壽。交他再四攬掇。不怕舅舅不肯。

一段姻緣天賦成。

東君驀地阻深情。

從今添上相思夢。

羞覩垂楊作對鶯。

第十一齣 激亂

〔夜行船引〕〔淨上〕乍解兵權嗟失勢。似蛟龍困居淺水。運有來時。升騰雲雨。擾亂乾坤都碎。〔西江月〕腹內包藏韜略。軍中累建奇功。威名千里鎮羌戎。雄據一方誰共。失計來朝闕下。飛禽自陷籠中。他年若得逞心雄。地軸天關搖動。下官朱泚是也。蒙聖旨授俺太原節度使。只因兄弟朱滔使計。勸俺入朝。失了兵權。三年之內。只在長安奉朝請。閒居無事。不能遂俺胸中豪氣。自古道蛟龍得雲雨。終非池中之物。有一日提兵在手。攪得他四海都渾。罷罷。不能流芳百世。亦當遺臭萬年。〔末引衆上〕奸相無謀太不忠。滅糧吝賞惱元戎。一呼直使唐家亂。社稷都歸掌握中。〔淨〕來者何人。〔末跪介〕小將涇原節度使姚令言的是也。昨蒙聖旨。着俺領兵五千。前往征進。巨耐盧杞這廝。剋減衣糧。將糲食菜餅。給與軍士。小將一時氣忿。射殺使臣。趕入宮中。搶劫瓊林大盈二庫。驚得官家走了。雖然統率強兵。爭奈小將官卑職淺。不能伏衆。今請太尉入朝。共成大事。小將情愿執鞭隨鐙。〔淨〕起來。多虧你好意。下官閒退之人。不足與言。〔末〕將士無主。愿策太尉爲天子。〔淨〕且住。大事不可造次。下官有一心腹之交。名爲源休。見做太常寺少卿。與他商量。方可成就。

左右。你去鳴珂巷請源少卿來。〔雜應介〕

〔番卜算〕〔丑上〕治國五車書。匡君三寸舌。指揮若定失蕭曹。顧盼興王業。〔見

介淨〕少卿知道麼。此乃姚節度特來取我入朝。共成大事。進退安出。〔丑〕小子知道了。唐德旣衰。

天下大亂。奸臣弄權於內。藩鎮擁兵於外。變輿播遷。宮殿空虛。太尉不乘此時入宮。早正大位。更待

何日。〔淨〕只怕人心不從。〔丑〕一紙詔書。慰安中外。收了唐朝舊臣。一枝軍馬。圍住奉天。擒了唐朝

聖君。天下指日而定。分付長安九門軍士。一應官員。盡都留下。不許放出一個。〔末〕此言正合我意。

請太尉早行。〔淨〕要俺做皇帝俺不去。〔丑〕爲何不去。〔淨〕俺怕那平天冠重。壓得朕頭疼也。〔末〕

又道是沐猴而冠。〔淨〕沒奈何告饒。這等吃苦差使。〔丑〕貼我十萬貫。願我做替身去了罷。〔末〕休

閒說。就此入朝。

〔節節高〕〔淨〕今朝志爽然。遇良緣。胸中豪氣方纔展。乾坤奠。日月懸。威名遠。

掃清四海無纖玷。千年王業須臾建。〔合〕男子要爲世間奇。蒼天不負平生願。

〔前腔〕〔末〕熊羆十五千。敢爭先。揮戈一指唐家亂。迎英彥。坐法筵。登金殿。〔丑〕

手扶赤帝功名顯。關中霸業何須羨。〔合前〕

朱太尉好似草頭天子。源少卿便如火逼鄼侯。

急忙裏少個正宮皇后。去盧家尋個赤脚丫頭。

## 第十二齣 驚破

〔杏花天〕〔老旦上〕婚姻自古天排列。縱人意不容伊拆決。枉勞口舌百千折。

到底終須定疊。姻緣姻緣。事非偶然。行事在人。成事在天。好笑我的相公。把女孩兒許下王仙客。

又要番悔。今被老身再四苦勸不過。只得許允。只一件。自王仙客到此半年。並不會與孩兒廝見。今

日既無妨礙。不免喚他兩個出來。少敘兄妹之情。他日方諧夫婦之禮。多少是好。採蘋去請王解元

和小姐出來。〔貼內應〕解元小姐來也。

〔紅林檎〕〔生上〕獨守書齋熱枕簟。因誰設羞觀南園雙蝶。〔旦〕香汗滴輕綃。

粉淚相和結。〔貼〕相看一水銀河越。〔合〕何日裏共懽悅。〔相見介老旦〕孩兒爲你

兩人的親事。我費了多少口舌。今日且喜相公許允。着我揀個日子。與你成親。你兩個向前相見不



妨〔生揖老旦介〕多謝舅娘擡掇。〔貼〕老夫人在上。不知解元和小姐幾時成親。〔老旦〕待我揀個黃道吉日。〔貼〕據他兩人心意。則今晚成就了罷。〔老旦〕丫頭胡說。老相公回也。

〔神仗兒〕〔外上〕狂兵犯闕。狂兵犯闕。鑾輿播越。鑾輿播越。想微臣怎生拋撇。只得相隨遠涉。不忍把國恩割。又不忍把私恩割。夫人。鎖卻大門。鎖卻大門。〔老旦〕做甚麼這樣慌張。〔外〕夫人不好了。涇原節度使姚令言作亂。殺入宮中。天子帶領宮人出苑北門逃走了。我要隨駕。放家中家小不下。特來說知。〔衆〕天那。怎生是好。〔外〕事不宜遲。王仙客押着細軟家私。與塞鴻先行。只在灞陵橋尋一個店兒安下。我與夫人小姐一家兒隨後來也。事定之日。我把無雙與你爲妻。〔生〕許我老婆。性命也不顧了。就此起程前去。〔生拜老旦外介〕

〔憶多嬌〕〔生〕清平世。禍事發。兵戈散作禁禦血。天子倉黃下玉闕。〔合〕舉家安貼。舉家安貼。骨肉一朝拆裂。

〔前腔〕〔旦貼〕深閨裏。嬌又怯。何曾禁得這磨滅。翠袖弓鞋怎跋涉。〔合前〕

〔黑臺序〕〔生〕承尊命。此行敢辭辛切。平日深恩。拚生報答。〔老旦〕小心去。莫

蹀跌密跡藏形。休教漏洩。〔合〕烽烟起滅。刀兵又布列。舉目相看。舉目相看。淒涼此別。

〔前腔〕〔外〕伊今去。行裝好生打疊。謹避兇徒。防人拙竊。〔生〕灑陵店相候也。早早脫身。大家遠達。〔合前外老旦〕百官何日再朝天。〔生〕關塞蕭條行路難。〔旦貼〕別後不

知何處宿。〔合〕斷腸回首各風烟。〔外老旦貼下生旦弔場〕

〔步步嬌〕惆悵芳池花玉吐。無那驚風擺。〔旦〕恰似兒女心。苦被無情兵戈廝害。〔合〕無緣綉閣兩交杯。有情別館雙垂淚。〔旦〕解元。咱兩個百樣相思。半年廝守。方才

得成好事。誰想又成畫餅。〔生〕小生爲小姐眠思夢想。廢寢忘餐。受了萬千苦楚。甫能到手。又遇此大變。怎生是好。

〔園林好〕〔生〕爲情事辭家遠來。守住音幾番。鱸飴。幸喜得高堂意改。〔合〕誰知道遇飛災。誰知道又難諧。

〔前腔〕〔旦〕繡幃裏幽恨滿懷。乍相逢欲將言解。爭奈他時光不待。〔合〕相看

處各癡呆相看處淚盈腮

〔江兒水〕〔生〕迢遞關山苦。淒涼客館捱。都還了一段虛空債。這狂徒那曾把官軍敗。單打破俺鴛鴦會。攪亂情山慾海。〔合〕把花燭歸房。翻做了兵戈出塞。〔前腔〕〔旦〕永別芙蓉帳。輕拋翡翠堆。去奔馳萬里塵沙界。解元。此去前途千萬安心耐。須將薄命同挈帶。休得偷生違背。〔合〕但願天意週全。一路平安自在。〔生〕小姐何出此言。

〔五供養〕孤身無奈。久受深恩。臨危怎推。便教肢體碎。怎把舊盟乖。死則同埋。生則同車共載。只愁衝暑氣。瘦損玉肌胎。〔旦〕若得重逢。瘦樵何害。此去路上保重。不比太平之日。

〔前腔〕潛行關隘。好用心機。謹避虎豺。金珠須密護。他是害身媒。炎蒸堪畏。好加餐自愛。解元。更有一言相告。〔生〕小姐有何分付。〔旦〕休將書卷廢。留待桂花開。

〔生〕若得重逢。何必要官階。感承教誨之言。小生不敢有忘。〔旦〕解元此去。無可表意。妾有明

珠一雙。名曰夜光珠。光照百步。價值萬金。乃朝廷賜與爹爹之物。妾自幼寶藏在身。今日分一顆與足下。倘若思想薄命。舉此觀之。如見妾之一面。〔生〕此乃國家之重寶。小姐之鍾愛。小生怎敢分愛。〔旦〕解元不須多遜。〔解珠遞與生介〕小生多感厚惠。〔揖介〕

〔玉交枝〕明珠無賽。荷佳人分賜不才。看那恩光照耀行裝外。小生不敢褻瀆。綴向領巾長戴。情多不敢把首抬。意深肯爲千金賣。〔合〕怕書生無福受財。怕龍神無端見猜。〔旦〕此二珠就如我和你一般。

〔前腔〕明珠堪愛。正相從把他拆開。願他年合浦重相會。一對團圓長在撫摩。如見妾體材。依棲長繫郎巾帶。〔合〕休教他塵埃暗埋。休教他孤單自回。〔丑上〕城中緊急。請官人早行。〔生〕小生不敢久駐。就此拜別。

〔川撥棹〕〔生〕辭鸞鏡。別鳳釵。出龍城衝虎砦。料此去故國難來。料此別禍福難猜。望斷京華甚日回。

〔前腔〕〔旦〕徒跪千官哭草萊。萬戶傷心散滿街。早知道好事難諧。到不如不

遇裙釵喜無多。怨滿懷。受虛名。擔禍胎。〔丑〕快走快走。〔生且哭別介〕

〔尾〕佳期此去何時再。但願得民安國泰。那時重返鄉園同斟合巹杯。

珍重佳人寄好音。

望郎不見涕沾襟。

徒勞掩袂傷紅粉。

不辨仙源何處尋。

### 第十二齣 趕駕

〔滴溜子〕〔外老旦上〕四下里四下里。兵戈布擾。一家兒一家兒。殘生無靠。〔旦貼〕

可憐繁華盡掃。風霜萬里程。驅馳怎了。〔合〕默禱蒼天。暗中相保。〔外〕夫人。此處

開苑門了。〔老旦〕相公快叫開門。〔外叫介〕我是官員。要趕車駕哩。開門開門。〔內應介〕不開不開。

朱太尉做了皇帝。一應官員。不許放出。〔外〕夫人。元來朱泚僭位。不放官員出城。〔旦〕天那。這事怎

了。〔衆悲介貼〕呀。門上早有人來也。〔外〕快回去罷。

〔啄木兒〕〔外老旦〕君恩重。臣位高。萬里從君敢憚勞。本待要電赴星馳。怎脫得

地網天牢。遙瞻翠華雲縹緲。〔合〕皇皇此身籠中鳥。怎能殼奮翼。凌風入紫霄。

〔前腔〕〔丑貼〕辭蘭檻。駕鳳輶。未慣風塵愁路杳。又誰知百尺龍城。到翻做九

關虎豹。一門百口真難保。〔合〕皇皇此身魚上釣。怎能殼擺尾搖頭入海濤。

羝羊觸籬。

進退兩難。

猛拚一死。

萬事由天。

### 第十四齣 探關

〔生上〕箭入昭陽殿。筋吹細柳營。內人紅袖泣。王子白衣行。小生與塞鴻監押行李。在灞陵橋下等候他一家兒。看看不見來。已着塞鴻看守車擔。轉來問個消息。此間是開苑門了。呀。只見旌旗成陣。刀劍如麻。家家狼亡鼠竄。處處鬼哭神嗥。怎生是好。

〔北正宮端正好〕〔淨上〕守龍城。司鳳殿。奉將令謹閉天關。羈身怎敢逃危難。遙見烽烟滿。俺乃守門軍士的是也。這般時節。兀有人行動哩。元來是個秀才。這秀才好大膽。〔生揖介〕敢問壯士。城中消息如何。〔淨〕秀才你還不知哩。你聽我道。

〔滾繡球〕涇原軍馬強。都下人心亂。姚將軍搶入含元殿。〔生〕禁中有羽林軍。他怎

生容易進去〔淨〕驚得那羽林軍沒個當先〔生〕不會劫掠麼〔淨〕瓊林藏劫成空。大盈庫化爲烟。攪沸了三宮六院〔生〕不會驚犯官家〔淨〕官家的帶領后主官員〔生〕投那里去〔淨〕單車宵遁咸陽苑。一夜星馳走奉天。暫且偷安〔生〕城中有誰做主。

〔叨叨令〕〔淨〕朱太尉且權知六軍班。源少卿勸他登白華殿〔生〕朱太尉人臣登天子殿。敢是造反了〔淨〕朱太尉做皇帝多時也。將二百年社稷些三時換〔生〕城上許多軍馬。何處來的〔淨〕又把莽健兒分守城頭遍兀的不驚死人也麼歌兀的不怕死人也麼歌。雲旗雨箭連天暗〔生〕諸王公子何在。

〔偷秀才〕〔淨〕諸王公走的生留的斬〔生〕衆妃嬪何在〔淨〕衆妃嬪一半休一半散〔生〕南衙文臣〔淨〕文臣每拘留且拜官〔生〕北司武臣〔淨〕武士每總投降都納款。令出如山〔生〕你昨晚會見一個官員。領着十乘氈車子出城麼。

〔滾綉球〕〔淨〕昨晚日銜山曾向城中見〔生〕怎的打扮〔淨〕見一個紫緇袍大官

粧扮〔生〕後面有甚麼人。〔淨〕隨行的十乘車都挂青氍。〔生〕正是俺舅舅了。〔淨〕荒荒脫劍林。匆匆著金鞭。欲待要他方避難。〔生〕他要趕駕哩。曾出得來麼。〔淨〕猛可裏殿上傳宣。〔生〕賊人傳令怎麼的。〔淨〕他道四方商賈都留下。一個朝官不放還。緊把門關。〔生〕端的出城不得。

〔白鶴子〕〔淨〕一任你快馬輕車何處去。除非是駕霧騰雲走上天。〔生〕壯士哥哥。怎生與俺通個音信。自當重謝。〔淨〕兩下裏音信不通。〔生〕不知俺舅舅一家怎生模樣。〔淨〕一家兒生死難判。〔生哭介〕舅舅想必是休也。〔淨〕秀才。此處正是軍馬出沒之地。快走快走。

〔煞尾〕〔淨〕妖氛塞玉關。黃霧漫金殿。君王的兀自保不得親家眷。窮秀才空指着京華淚痕滿。〔下生哭介〕元來我舅舅一家都被朱泚留下。苦我直如此薄命。千辛萬苦。到得京師。求取這親事。舅舅再四不肯。甫能求告得肯。又撞着這般亂世。小生本待要將舅舅家私帶回襄陽去。又怕路上難行。不如棄了行裝。只帶小姐所贈明珠。走回故鄉。再作區處。正是寧爲百夫



長。莫作一書生。

### 第十五齣 鴻逸

〔丑上〕有心尋故主。無計度餘生。小人塞鴻的是也。劉相公着俺與官人監押行裝。在瀟陵橋相等。過了一夜。相公不見到來。官人回去打聽。也無音耗。小人將帶行裝。出得客店來。正撞着南山賊寇。一會兒將車駟箱籠。都打劫了去。萬貫家貲。付之一空。小人原是太安府人。自幼會織紗段。回去替人織紗。餬口度日。且待賊平。尋覓主人未遲。〔哭介〕苦俺思想起來。一家兒千般富貴。三日間變出萬種淒涼。不知老相公一家生死如何。我主人王解元去向如何。正是天有不測風雲。人有旦夕禍福。〔下〕

### 第十六齣 返旆

〔漁歌子〕〔外上〕義聲高。忠膽烈。仰天叱咤秋雲烈。整龍驤。平鼠竊。指顧掃清

宮闕。下官李晟的是也。官拜神策行營節度使。因聖駕避亂奉天。朱泚僭位京國。下官誓率三軍。志

清國難。內無糧餉。外絕救援。孤軍處強寇之內。全憑一點赤心。洒泣誓勤王之師。不挫半星銳氣。慷

慨言詞。四方聞之決志。英雄氣概。羣賊望之寒心。且喜上託九重之洪名。下賴諸將之効力。一鼓而  
堅城破。三戰而朱泚逃。翠華重入。復見漢官之威儀。玉闕已平。還是唐家之社稷。肅清宮禁。祇謁園  
陵。鍾籬不移。廟貌如故。朱泚這廝。被俺殺敗。逃入西邊。又差田子奇領兵五千追趕去了。只今聖駕  
將到。不免喚將士每號令一番。多少是好。將士每那里。〔衆上〕掃清四海烟塵。重覩唐家日月。覆將  
軍。有何指揮。〔外〕你每聽着。今日賴將士之功勳。掃清宮禁。念長安之士庶。久陷賊庭。千官尙竄於  
草萊。百姓未歸於田里。出榜安民。萬戶皆令復業。斂兵不動。一毫不許侵入。分付軍中。五日內不許  
通家信。〔衆應介〕謹尊將軍嚴命。〔末上〕密招殘寇防人覺。遙斬元兇恐自尊。小將乃田子奇是也。  
奉令公將令。領人馬追趕逆賊朱泚。到寧州地方。被賊黨韓旻把來殺了。投降涇州去訖。小將回來  
獻捷。將帶逆賊首級在此。〔外〕可喜。可喜。逆賊既已伏誅。把來號令京師。傳行天下。

〔豹子令〕〔外〕壯志忘身平賊虜。平賊虜。義旗西指定山河。定山河。掃盡妖氛  
清國步。翠華不日返神都。〔合〕從今萬載固鴻圖。

〔前腔〕〔衆〕廁鼠跳梁思變虎。思變虎。爭奈神龍威福未全無。未全無。天遣將

軍來用武。一朝收復舊皇都。〔合前〕

〔前腔〕三載軍中多戰苦。多戰苦。今朝始得罷干戈。罷干戈。功寫凌烟誰似我。  
聲名千古壯京都。〔合前〕

漢將平明西破戎。

捷書夜飛清晝同。

今日時清兩京道。

長安白日照春空。

### 第十七齣 抄沒

〔瑞雲濃〕〔外上〕海宇重清。四境乍收烽火。〔老旦上〕舊日山河再安妥。〔旦貼上〕

全家百口向死裏別偷生路。〔合〕無禍明知是蒼天回護。〔外〕夫人且喜昨者李令公

軍馬殺退賊兵。朝廷大駕自奉天起程。將到京了。〔老旦〕相公。當時一家陷在圍中。只道死于亂軍。

誰知有今日。〔外〕朱泚這廝。但見朝官。都要拘來重用。只不知怎的獨遺落了下官。〔旦〕爹爹。倘或

那時召你。從也不從。〔外〕說那里話。倘若用我時。學取段司農以笏擊賊而死。斷不從他。〔貼〕相公。

一家兒完聚。皆是神明護持。〔外〕正是安排香案。全家都拜謝天地則個。〔拜介〕

〔一江風〕〔外〕論平生一點忠心在。決不將身污。謝神明委曲周全。得脫了狂徒禍。多少遇兵戈。人離與家破。〔合〕怎得似百口還如故。〔末領衆上〕懼法朝朝樂。幸欺公日日憂。欺公猶自可。只怕撞對頭。戶部尙書劉震。不曾隨駕。今日聖上復辟。被當朝盧丞相奏過官裏。只說他受了朱泚的官職。奉聖旨。差下官帶領五百名軍士。去抄沒他家裏。就拿他下獄。分付軍士每圍住劉家。一個不許脫走。〔衆〕領鈞旨。〔進介外〕呀。王金吾直入我家。有何事幹。〔末〕盧丞相奏你受了朱泚節度使之職。同謀反逆。見有聖旨拿你。〔外〕天那。下官自遇亂之日。趕駕不上。與合門百口。閉戶不出。朱泚用我。須有證見。怎麼屈陷平人。〔末〕這話且到大理寺理會。左右。把家私什物封記了。〔外哭介〕

〔四邊靜〕孤臣只欲從君側。何曾敢從賊臣罪。合誅夷。天王聖明德。〔合〕衷腸泯沒。神明鑒識。怨氣徹重霄。昏昏斗牛黑。

〔前腔〕〔老〕相看執手情何極。分開在時刻。欲了百年緣。應歸九泉覓。〔合〕衷腸泯沒。神明鑒識。怨魄落滄江。茫茫夜潮黑。

〔前腔〕〔旦〕舉家幸免強徒逼。誰知又遭厄。萬死出烽烟。餘生入宮掖。〔合〕衷腸浪沒。神明鑒識。怨氣徹重霄。昏昏斗牛黑。

〔前腔〕〔貼〕侯門十載沾恩澤。願隨主人側。忍着舊衣裳。爲人舞春色。〔合〕衷腸浪沒。神明鑒識。怨魄落滄江。茫茫夜潮黑。〔末〕左右的。帶劉尚書下大理寺獄。妻女二人。宮中閹住。〔指貼介〕這妮子沒有名字。放他自便。〔衆應介〕

〔東甌令〕〔外老旦哭介〕心悲痛。意淒惻。忍把恩情中道拆。〔旦貼〕父南子北何時會。血淚下如織。〔合〕蒼天有眼自明白。如何把人屈。〔衆押外老旦且下推貼倒地末〕可憐劉尚書本是好人。被人屈陷到此。這個女子。務死要隨入去。難得。難得。左右。喚那丫鬟醒。

〔雜喚介〕

〔前腔〕〔貼〕生如寄。魄如失。只剩孤身難自立。回頭不見親人面。不如早向井中溺。奴家要這性命何用。不如投在井中死休。〔末喝住介〕佳人心性恁般急。性命怎輕擲。這妮子好性急呵。你相公倘有再生之日。怎的便尋死。〔貼〕告相公。妾受劉門厚恩。不能從入宮去。

早尋死路爲使〔末〕好好。我看你年方二八。到有老成之言。身爲女子。到有丈夫之義。我老夫有一句話。不知你肯聽否。〔貼〕相公尊命。怎敢不從。〔末〕我老夫不是別人。金吾將軍王遂中的是也。年登五旬。並無一個兒女。你沒有安身之處。何不隨老夫家去。做一個義女。你心上何如。〔貼〕深感將軍好意。爭奈瓜田不納履。李下不整冠。相公男子。妾身女人。雖則結爲義父。難免外人議論。〔末〕不妨。下官有夫人在家。你只與夫人相處便了。〔貼〕如此。妾情愿居將軍膝下。

〔前腔〕〔末〕看你心腸好。語言直。感戀恩人不忍失。小娘子。從今便結螟蛉義與你共回宅。〔貼〕舊歡新愛誰爲主。偷把淚珠拭。

佳人且自放眉頭。

感謝恩官特賜留。

新諾似山無力負。

舊恩如水滿身流。

## 第十八齣 遇僕

〔丑上〕福無雙至尤難信。禍不單行果是真。小人塞鴻。去年遭朱泚之亂。把劉尚書行李。付之賊手。逃入太原府去。小人平昔會織段疋。權且織些餬口。且喜賊平。重到京師。昨日去劉府中拜見。誰想

兩日之前。劉老爺被盧丞相讒言屈陷。朝廷把他全家抄沒了去。苦不知生死如何。今日不免街上尋問我相公去向。正是屋漏更遭連夜雨。行船又遇打頭風。

〔胡搗練〕〔生上〕彈鋏客。久飄零。千辛萬苦來仙境。風景昔年渾不異。故人存否信難憑。〔丑〕來的那人。到和俺相公廝像。呀。元來正是俺相公。〔哭介〕寒鴻一年不見。我只道你死在亂軍之中。誰想又得相會。〔丑〕相公。自那日分散。一向在那里。〔生〕你聽我說。

〔刮古令〕當日離灞陵。到京城。門已扃。〔丑〕賊人閉却城門。不曾遭他毒手。〔生〕避兵亂脫身豺虎。〔丑〕投那里去。〔生〕還故鄉度此身。〔丑〕怎生得活。〔生〕舊業暫經宮。〔丑〕怎的又來到這里。〔生〕喜得一朝天生李晟掃除宮苑再昇平。因此上辛苦到宸京。

〔前腔〕〔生〕塞鴻。你投那里去了。〔丑〕行裝半路等。奈東人不轉程。〔生〕我看事勢不好。怎敢轉來。〔丑〕驀遭了狂徒劫剽。〔生〕呀。那二十馱東西。都劫了去。〔丑〕只單身返晉城。

〔生〕怎生度日。〔丑〕販織度殘生。欣逢賊滅重來問省。〔生〕你會到劉府中去麼。〔丑〕劉

老爺被盧丞相讒言屈害了也。怎知劉相受嚴刑。三百口抄沒各飄零。

〔五更轉〕〔生〕兀的不痛殺人。也。漂泊身。依人度。到今朝成枉圖。英雄平地遭凶禍。老母嬌娥。掖庭孤寡。念姻緣似畫餅。空牽挂。何年骨肉重完也。〔合〕千里歸來。無些三策坐。

〔前腔〕〔丑〕荷相公相託我。恨強梁劫貨多。羞慚有面難看覩。辛苦重來。負荆稱謝。又誰知遭譖訴。家緣破。萬般富貴都拋下。〔合前生〕寒鴻。他家還有誰。〔丑〕覆相公。劉老爺幽在天牢。夫人小姐陷身宮禁。只有侍兒採蘋。聞說是金吾將軍王遂中收留了回去。只有這人還在。〔生〕小姐此去。永無會期。見得採蘋。死亦瞑目。俺和你明日備些人事。到王遂中家裏。求得採蘋一見也罷。〔丑〕官人見的是。

聞說青蛾屬使君。

明朝同去訪情親。

相逢要解心中悶。

只恐相逢轉悶人。

## 第十九齣 宮怨



〔普賢歌〕〔淨上〕奴家年紀六十餘。曾見開元富貴時。楊妃與梅妃。三姨與四

姨。都讓老身居第一。老身喚做張如花。賽過石竹與山茶。半斤石灰淡抹。一錠黑墨濃搽。而孔

光如羊肚石。脚兒小似起園瓜。尺七八櫻桃小口。寸三分魚鱗細牙。昨日輕移蓮步。走到殿上澆花。

被皇帝御手拖住。道我是月裏姮娥。據你這般標緻。便做正宮也不差。請上龍床同坐。爭奈命不做

些。踏摠了金橋一跌。跌得我口角歪邪。慌忙扶起來細看。好似一件東西。〔內云〕賽過活觀音。〔淨〕

阿也。好似金剛脚下的青臉夜叉。老身是宮中老丫頭。張如花的是也。聞得外頭抄沒人口。派在俺

宮中閒住。待妹子李似玉出來。區處他。妹子那里。

〔前腔〕〔丑上〕奴在深宮住得牢。八幅羅裙着地捎。口似兩面刀。是非儘意嘈。

搬得六宮都廝鬧。老身喚做李似玉。真個風流不俗。也會刺鳳描鸞。也會彈絲品竹。也會商謎縉

麻。也會象棋雙陸。指頭上繡成七寶塔。斬眼間熬出豈末粥。吟花柳。賽過織錦迴文詩。舞柘枝。那數

霓裳羽衣曲。蔡女胡笳聲。字字胡搗。劉向列女傳。篇篇熟讀。不揀綺紋綾羅。隨分青黃赤綠。做出來

飛針走線。看了的驚神駭目。昨日娘娘交我綴一條衣帶。驚得我滿身麻木。〔內云〕果然手口相應。

〔丑〕阿也。百般女工曉得。只有這個不熟。〔相見介丑〕姐姐。叫我做甚麼。〔淨〕妹子。我叫你出來。別無甚事。昨日聞得朝廷發下兩個囚婦入宮。俺和你喚他出來。奈何他一番。交他低頭伏事。〔丑〕着。古人道。教兒嬰孩。教婦初來。不乘此時壓倒了他。日後反要做大。〔淨〕待我叫他出來。〔叫介〕

〔謁金門〕〔老旦旦上〕嗟薄命。怕憶舊家繁盛。〔旦〕一閉昭陽愁與病。貌兒難廝認。〔老〕乍近御牀羞不定。幾遍傳宣錯應。〔合〕最苦關山相掩映。畫欄空自凭。

〔淨〕兩個囚婦來了。〔丑〕你吃了大蟲心。白象胆。獅子髓。見俺托大。萬福不道一聲。〔老〕你是何人。到要我萬福。〔淨〕老娘勅封六宮都總管。不揀皇后妃子。都伏我管下。〔丑〕老娘是唐明皇宮中老內人。楊貴妃捧硯。高力士脫靴。你兩個殺不盡的。剛不盡的。見我不陪個小心。〔旦〕甚麼小心。我不知道。〔淨〕兀自口強哩。我且問你的老公是甚麼官。〔老〕是尙書。〔淨〕可知哩。元來你老公賭錢長輸。老婆女兒也輸與人了。怎學我的丈夫。十遍賭九遍贏。〔旦〕还是朝廷大臣。戶部尙書。〔丑〕正是糊塗長輸。若不糊塗。早是贏了。〔淨〕你兩個婆娘。托是大官的妻女。到這里兀是不跪我。〔老〕我是二十年宰相妻。〔旦〕我是十二道節度使女。相門相種。不跪你這賤人。〔淨〕阿也。倒罵老娘。好打。

〔丑打介〕賤人不得無禮。須有法度。〔內云〕娘娘有旨。新來劉尙書家口二名。係是衣冠妻女。免他朝參。月支花粉錢十千。張如花。李似玉。兩個好生伏侍他。〔淨丑慌介〕決撒了。娘娘分付。咱每伏事他。〔丑扶介〕二位娘子請坐。〔淨丑跪介〕好姐姐。好夫人。好奶奶。適來有眼不識泰山。甚是冲撞。不要記懷。〔老旦旦〕起來。我不計較。〔丑〕老奶奶。我替你提了尿瓶去罷。〔淨〕小奶奶。我替你解下臭果脚洗洗。〔淨〕只因傳下聖旨。〔丑〕將人挫了威風。〔笑介〕蘇秦說向妻嫂。何前倨而後恭。〔淨丑下老旦旦弔場老〕沒來由撞這兩個老潑才。纏了半日。〔旦〕母親。我兩人多感娘娘聖恩。得免凌辱。爭奈我父親在牢內。不知生死如何。有父有父氣如虹。束髮事主懷孤忠。本期丹誠向日月。豈料白首傷樊籠。〔老〕浮雲蔽天不可訴。凌烟高閣愁無路。〔合〕嗚呼一歌兮歌初成。碧天萬里秋雲橫。

〔七犯玲瓏〕〔旦〕〔香羅帶〕秋雲淡淡橫。淒涼父子情。回頭枉望斷孤雲影。〔橋葉

兒〕冷落綵衣輕。他平昔英雄志。翻成憔悴形。〔水紅花〕嘆人生。前程不定。萬里雲霄得意。一日網羅嬰。〔皂羅袍〕恨浮塵偏掩日光晶。想春風何日吹枯梗。囚

鸞檻鳳人意。怎平飛霜下。電天心自明。〔桂枝香〕耿耿孤忠在。悠悠怨氣騰。〔排

歌〕心空切。救不能。夢魂長。遶夏臺城。〔黃鶯兒〕怎得似緹縈。〔老〕有甥有甥千里駒。

磊落萬卷胸中書。垂髫遶膝戲前除。玉顏照映青珊瑚。〔旦〕碧海清湘兩隔絕。一身良苦憑誰說。

〔合〕嗚呼二歌兮悲天涯。泣對庭中雙桂花。

〔前腔〕〔老〕秋花點點馨。添人憶遠情。當年折桂客。多豪興。到今日桂飄零。他也飄零在天涯。路存亡。信未憑。憶賢甥。風流奇俊。從幼嬉遊遶膝。一日受伶俜。想飢寒何處度餘生。怕時乖。陷入兵戈境。功名有分。雲程未騰。琴書無恙。春闈早登。何日重相見。還須續舊盟。關山冷。雨雪清。生來富貴幾曾經。彈鋏向誰庭。

〔旦〕有母有母年半衰。羅衣憔悴隨塵埃。淒涼故園長秋草。寂寞長門生碧苔。〔老〕擁衾燈前淚盈把。霜花夜集鴛鴦瓦。〔合〕嗚呼三歌兮歌三起。梧葉冷打打窗紙。

〔前腔〕〔旦〕秋梧颯颯鳴。偏傷慈母情。便逢著春色也添愁症。怎禁聽落梧聲。怕他傷心劇。假歡顏。順承淚。偷傾悄聲。溫清爭奈西山薄。日不肯爲人停。怪萱

花不耐雪侵凌。恨西風偏重。殘燈影全家遭難。猿愁鶴驚。故園無主。蛙鳴草生。說着旁人慘。交他淚怎不零。深宮杳。綉戶扃。何年鷹隼脫金鈴。古鏡得重明。

〔老〕有女有女顏如花。容光玉潤羞鉛華。春眉懶向東風展。幽意肯逐琴心斜。〔旦〕彩雲散盡陽臺杳。可惜深宮坐衰老。〔合〕嗚呼四歌兮錦衾薄。淒風一夜池荷落。

〔前腔〕〔老〕秋荷片片輕。渾如弱女情。西風把紅豔都吹淨。冷落小池萍。裊裊嬌羞態。怎禁風浪撐。正青春。膩腮香頸。只合深藏畫閣。早逐鳳和鳴。怎教人寂寞。守長門。盼羊車不到蒼苔徑。上林春信。望斷鴈翎。小窗明月。懶吹鳳笙。迢遞秦樓約。淋漓湘竹凝。臨愁鏡。倚悶屏。盡眉無處覓張卿。烟靄隔重城。

十年富貴一朝休。

百口飄零幾處愁。

腸斷夜深相對話。

依依殘月下簾鉤。

## 第二十齣 贅蘋

〔翠華引〕〔末上〕覓得如花少女。深閨養作螟蛉。〔淨上〕聰慧渾如男子。嬌柔

賽過親生〔末〕夫人。下官前日去抄沒劉尚書家裏。見他侍女採蘋。眷戀主母。務要隨入宮去。下官留爲義女。不知此女在吾家如何。〔淨〕相公。此女容德堪稱。便是老身親生女一般。〔末〕果然是好夫人。我和你終身無靠。何不將此女招贅一婿。也不絕了祭祀之主。〔淨〕相公見得是。

〔海棠春〕〔生丑上〕不及海棠春。野草堪消悶。〔生〕此處是他門首。不免逕入。〔進見跪介末〕足下請起。高姓。仙鄉何處。爲着甚來。

〔一封書〕〔生〕使君聽事因。王仙客。襄鄧人。〔末〕元來足下與下官同姓同鄉。敢問令尊何人。〔生〕諫議是先君。〔末〕諫議大夫王君麼。〔生〕與萱堂。早喪身。〔末〕你父母雙亡。靠着何人。〔生〕母舅劉公相慰憫。〔末〕莫非劉尚書麼。他如今全家抄沒。〔生〕誰想全家蕩不存。〔末〕如今却怎的。〔生丑合〕沒親人。只採蘋。要見嬌姿造貴門。〔末〕夫人。下官與王秀才父親。本是同族。因遇亂離。失去譜牒。以此久不往來。

〔前腔〕吾家本楚城。遇亂離。遷入秦。與汝本宗親。〔生〕原來是仙客一族。不知尊卑如何。〔末〕論昭穆。叔父尊。〔生拜介〕如此。請叔叔孀孀上坐。容小姪拜見。〔末〕今日相逢須

廝認怎做區區陌路人〔合〕敍慇懃細評論須信千枝共一根〔末〕賢姪此來要見

探蘋。是不忘舊的意思。我喚他出來。與你廝見。〔生〕如此萬幸。〔淨〕且住。老身有話。相公百計要與

探蘋招一佳婿。今姪兒沒有安身之處。就把探蘋與他爲妻如何。〔末〕說得有理。姪兒。你心中肯否。

〔生〕感承叔婦好意。小生來此。只要見探蘋一面。不敢望此。一者停妻再娶。背無雙舊約。二者探蘋

與小生有兄妹之分。怎麼使得。〔末〕賢姪差矣。無雙一入深宮。便如死的一般。如何是停妻再娶。探

蘋不過一時認義之女。又不是俺親生的。有何不可。你依着我。今日是吉日。就與你成就。且退去書

院中安歇。自有分曉。〔丑〕王老爺既是這等說。相公且依允了的好。〔生〕只得勉強從命。欲作東牀

客。暫爲西館賓。〔下末〕事雖如此。還要問女孩兒肯否。方可成親。〔淨〕待我喚他出來。孩兒那里。

〔亭前柳〕〔貼上〕萍梗泊侯門。暫且度朝昏。時時思主母。夜夜夢佳人。堂前何

事呼名問。〔合〕試把姻緣一一訴虛真。〔相見介〕末淨且喜。且喜。我兒。你的親人來了。〔旦〕

爹爹。孩兒一家都已四散。有甚親人。〔淨〕是你主人外甥。又是你小姐丈夫。王仙客到來。要見你。說

起來。又是你爹爹的姪兒。〔貼〕元來如此。我要見他一見。〔末〕且慢着。我有一件大事。和你商量。

〔貼〕有甚事。但說不妨。〔淨〕孩兒。你爹爹要把你招王秀才爲配。你心中自宜斟酌。〔貼〕多感爹爹好意。只一件。孩兒昔日在劉門。爲一使女。王解元乃小姐之貴婿。賤人怎敢與他爲配。〔末〕你若不然。辜負了王秀才一片好心。〔貼〕爹媽聽說。若做夫妻。不惟辱沒了王解元。抑且忘背了小姐。倘或他日小姐得出。何以相處。奴家情愿與王解元爲妾。〔末〕賢哉此女。說得中聽。事不宜遲。今晚便成就了罷。〔淨〕也罷。孩兒且退去房中梳洗。少刻喚你。〔貼〕粧飾待花燭。嬌羞入畫堂。〔下末喚雜介〕院子聽我說。一邊辦下筵席。與小姐做親。一邊去喚個摺相來。〔雜應介外上〕全仗孔周禮樂。來成秦晉歡娛。小人是摺相。不知老爺有何分付。〔末〕我有義女與姪兒王解元爲妾。着你喝禮。〔外〕如此。小人便請新人。落盡荷花去探蘋。權時解却惜花心。從今旅館寒燈夜。添個鋪牀疊被人。第一請云云。使女降爲義女。義女改做妾身。明年丈夫高中。就做第二夫人。第二請云云。未討老婆先討小。討得小時初時好。若還討個大的來。大小相爭怎得了。第三請云云。

〔前腔〕〔生貼上〕偶爾到侯門。從他覓故人。忽成劉阮約。如入武陵村。花燈豔豔燒香燼。〔合〕排列華筵。與你結朱陳。〔外喝禮介〕伏以花星高照。好事初臨。繡被中抱個半



邊妻。洞房內添他替死鬼。權且解饑。也當春風一度。再休偷約。不作鶴步蒼苔。告免了踢打扯擽之苦。忽上抬盤。只聞得油鹽醬醋之香。曾磨竈角。荷蒙恩相。嫁作偏房。燒茶煮飯。切莫遲延。掃地揩檯。必須乾淨。明年生下孩兒。便合稱爲庶子。他日小心不到。定要賣做軍妻。〔生貼拜末淨交拜介〕

〔小桃紅〕〔生〕漂零艱窘。邂逅宗親。一見渾如故也。贈與佳人。暫寬心下恨。聊伴旅中身。總然山有崩。海有枯。你的恩無盡也。此心何日泯。〔合〕今宵成秦晉。白首歡娛莫負恩。

〔下山虎〕〔貼〕舞衣歌扇。回首成塵。漂泊無人問。誰知得遇侯門。重整舊家珠翠。含羞奉事新人。自愧烏鴉入鳳羣。〔合〕莫把凡花晒。瓜葛有因。一餉東園桃李春。

〔蠻牌令〕〔末淨〕衰老沒親人。螟蛉女。掌中珍。郎須好看待。休看做等閑人。悄一似章臺楊柳出侯門。再遇芳春。〔合〕對銀燈各自斷魂。恍惚渾如夢裏相親。〔尾聲〕〔生貼〕齊眉結髮無音信。向丫環且把悶懷伸。〔末淨〕雪鬢霜鬢也靠

君

百歲歡娛今始同。

勸君且莫歎西東。

今宵賸把銀缸照。

猶恐相逢是夢中。

〔淨貼下末生弔場末〕賢姪。你父親在先朝有直諫之功。子孫理宜錄用。下官明早入朝。與你奉過官裏。討個七品官職與你做。你心下如何。〔生〕若得如此。自當結草啣環之報。〔末〕休戀故鄉生處好。〔生〕受恩深處便爲家。〔下〕

## 第二十一齣 別母

〔金瓏璫〕〔旦上〕含悲辭故隴。傷心又別深宮。嗟厄運。甚時通。愁添椿樹夢。腸斷碧萱叢。一家漂泊歎西東。一入昭陽春又春。夢歸思舊兩傷神。那堪又作深秋別。萬里征車倍憶親。奴家自與母親入宮。又早一年之上。當今新天子卽位。差一個內官押領宮女三十人。到德宗皇陵打掃。我有名字在內。三日之內。便要收拾起程。奴家怕母親煩惱。隱忍不說。好苦。適來宮婢傳下娘娘懿旨。催儂上路。此時必須與母親說知。怎生瞞得。母親早來也。

〔前腔〕〔老旦〕上年華如過夢。俄驚兩度秋風髮。添白臉消紅。膝前嬌愛女。又欲別房櫳。閒中思憶轉心忪。〔見介老旦〕孩兒。今日何爲眉頭不轉。而帶憂容。〔旦〕母親。孩兒沒甚事。〔老旦〕你休瞞我。我已知道了。昨日聖旨着你們三十個宮人。打掃皇陵。明日便要去了。你却瞞我做甚。〔旦〕是。孩兒怕母親添憂。不敢告知端的。明日五更時分。便要起程。〔老旦〕苦我的兒。你父親陷身繯綫。我老身幽閉宮中。止得你陪伴。又拋撇了去。教我舉眼看着何人。老年晚景。不幸遇此淒涼之苦。〔旦〕母親不須煩惱。孩兒去。想不久便回。

〔尾犯序〕〔老旦〕一自入深宮。日日隨班。朝朝侍從。勞苦千般。淒涼萬種。〔旦〕承鳳詔。須當遠出。別慈幃。怎敢從容。〔合〕情知道君恩浩蕩。敢戀私恩重。

〔前腔〕〔老旦〕孩兒。我如今呵。老景漸龍鍾。冷落長門。沒個趁奉。幸有嬌兒。在膝前眼中。〔旦〕母親省煩惱。敢怕孩兒未去哩。〔老旦〕那里這話。悲痛咫尺間。拋人去也。朝夕裏孤單誰共。縱有他三千粉黛。怎與嫡親同。

〔前腔〕〔旦〕母子正相從。早分離含悲相送。此去迢遙。知何日再逢。〔老旦〕孩兒。

此別。除非夢裏和你相逢。〔旦〕母親珍重。老年人自須調護。休爲我徒勞遠夢。萬一裏愁多病染。湯藥倩誰供。〔老旦〕孩兒。你此行自當保重。關塞天寒。多着些衣服。路途勞倦。強進些茶飯。〔旦〕謹領母親慈命。

〔前腔〕〔老旦〕生長綉幃中。嬌怯香肌。怎禁勞動。好自支持。耐路途寒天冷風。〔旦〕孩兒。一心只想母親年老。沒人相靠。〔老旦〕我不打緊。歡哄。我只在綺羅叢裏。你不必旅愁增重。更一件。此去打聽父親和丈夫消息。倘若有上林飛鴈。頻把信音通。〔旦〕母親。這是孩兒命中合受磨折。母親不須掛念。

〔前腔〕薄命合遭逢。自古佳人。偏受磨礪。試看遠嫁昭君。涉胡沙萬重。孩兒就此拜別。悲慟。暫時間高堂淚別。明日裏征車塵擁。各黯然相看無語。魂斷碧天風。〔淨丑上〕奉聖旨。內家三十人都帶行裝。今晚在上陽宮宿歇。明日早行。娘子去罷。〔老旦扯哭介〕〔鷓鴣天〕正憶情人在網籠。又傷嬌女去漂蓬。〔旦哭介〕慈幃執手空留戀。聖旨催人敢不從。〔淨丑扯旦下老旦哭倒介〕香隱約。珮丁東。遙看仙子去無蹤。今宵宮

漏重添永利淚孤眠到曉鐘。

雨滴梧桐秋夜長。

愁心和雨到昭陽。

淚痕不學君恩斷。

拭卻千行更萬行。

第二十二齣 獲贖

〔掛真兒〕〔貼上〕別俟門驚歲改東籬下又見花開情繫深宮恨傳飛鴈漸

瘦損舊時嬌態。〔古詩〕砌蟲泣秋戶庭鳥吟寒霜禽蟲知感時而況思婦腸憶昔富貴秋高臺飛

羽觴今來風雨夜孤燈掩茆堂勉力事新人白首期作雙卻憶舊主恩昔人自沾裳不著金縷衣上

帶侯門香愁對菱花鏡曾照佳人粧空餘含淚眼日夜眺宮牆奴家勉辭故主暫泊侯門荷蒙王將

軍待如親生王解元納爲側室晨昏之禮不廢伉儷之情頗諧只是思憶舊恩放心不下不知我老

相公天牢內生死如何夫人小姐宮禁中安否如何正是春蠶到死絲方盡蠟燭成灰淚始乾。

〔西地錦〕〔生上〕半世飄零無賴秋風彈鋏歸來依棲枳棘權寧耐有時奮出

塵埃〔見介生〕小娘子在此絮絮叨叨說些甚麼〔貼〕奴家思憶相公夫人之深恩無雙小姐之

厚愛。當此重陽。嘆息一番。〔生〕我想舅舅富貴之日。當此重陽佳節。多少受用。誰知有今日。

〔黃鶯兒〕秋色滿仙臺。把茱萸對酒盃。他鄉辜負登高會。那時節。黃花正開。弦歌正催。今日裏繁華舊事空何在。〔合〕掩寒齋。故人何處。白露點蒼苔。

〔前腔〕〔貼〕佳景入蓬萊。正羊車醉不回。西宮別有人垂淚。敲斷玉釵鎖。盡翠眉良宵夢斷銀河外。〔合〕碧雲開。一般明月。兩處照離懷。

〔簇御林〕〔生〕天般禍海樣災。把佳期扭作灰。多情猶想同心帶。倚欄終日愁無奈。〔合〕枉癡呆。和那玉樓不見。況他那一捻小身材。

〔前腔〕〔貼〕花爲面玉作腮。別來時。秋幾回。風流怕損當時態。怎能勾一朝勾。卻鴛鴦債。〔合〕鴈聲哀。雙飛猶苦。你孤宿怎生捱。

〔生查子〕〔末淨上〕心憐豪傑才。寂寞青春過。爲君覓一官。好向明時做。〔見介末〕

賢姪。且喜且喜。〔生〕有何喜事。〔末〕昨者下官入朝。官家問我有子未曾。下官回奏臣無子。止有姪

兒王仙客。乃諫議大夫王某之子。乞陛下哀憐。賜與一官半職。也不斷了微臣後嗣。官家大喜。諫議

大夫王某在先朝有直諫之功。其子正該錄用。勅中書門下。除王仙客做富平縣尹。下官將帶告身在此。左右的將冠服過來。〔丑將冠服上〕既居唐爵祿。須著漢衣冠。冠服在此。〔末〕賢姪。聖旨限你三日內赴任。須索早行。〔生揖介〕小姪漂泊江湖。荷蒙叔婦收留在府。今日又蒙奏討得官。此恩何時報答。〔末〕這些小官。不足展賢姪大才。聊借爲進身之地。他日自當遠到。〔淨〕只是老夫妻兩口。與你周全半載。不忍拋捨。〔貼〕告爹媽知道。孩兒蒙再生之恩。怎忍割捨。解元自去赴任。奴家情愿伏事爹媽。不願隨去。〔末〕說那里話。解元單身。更沒的親在旁。如何不去。〔淨〕孩兒功名大事。怎生留得你住。此去小心伏事解元。早晚回來。再得相見。〔生貼〕兀的拜辭爹媽。赴任去也。〔拜介〕

〔賀新郎〕〔生〕漂泊留潭府。荷深恩。解衣推食。自知慚負。又荷吹噓。登雲路。嬌女肯教同赴。這厚德。鐫心銘腑。〔合〕別後不知何日會。有音書。莫惜頻頻付。分袂也。轉淒楚。

〔前腔〕〔貼〕紅顏自古多辛苦。似楊花。乍依芳樹。又飄南浦。心戀親幃。難拋捨。正值寒天秋暮。斷腸處。鴈聲飛度。〔合前〕

〔錦衣香〕〔末〕正京華歡相聚。又天涯悲相訴。早覺今日傷情。悔我當初。不如不去取功名也。圖骨肉完聚。歡娛賢姪。前程萬里。早升遷也。青雲有路。〔合〕莫被青雲誤。也須回顧。高堂日短。鬢絲垂素。

〔漿水令〕〔淨〕念嬌兒未知世故。念才郎未達時務。宦遊千里向危途。更愁老年影隻形孤。〔丑上〕香車駕馬已在途。請相公早早登程去。〔合〕不忍別。不忍別。叮嚀回顧。烟樹外。烟樹外。月糝糊。

〔尾〕〔合〕蝸名蠅利將人誤。秣馬膏車在路途。望你成名達帝都。

一官羈絆實藏身。

兩口無依枉累人。

道路悠悠不知處。

秦山遙望隴山雲。

## 第二十三齣 巡陵

〔末上〕辭卻天邊富貴。來尋世上清閒。今日九重雨露。明朝萬里關山。小子勅使周公。手下內養的是也。俺老公公真個官居近侍。職在親隨。受天上之逍遙。極人間之富貴。調護聖躬。穩稱九重密



意謹司金鑰。敢忘夙夜勤勞。二十年出入禁闥。長依龍樓鳳閣之恩光。咫尺間密邇天顏。怎效狐假虎威之勢焰。立傍袞衣。滿身香氣。回瞻寶座。一朵紅雲。惟將羯鼓催花。賜得貂裘拖地。美酒玉壺。興慶池頭賞花宴。輕衣短帽。金吾隊裏打球回。因年高求閒散。養終身。奉聖旨充巡視園陵使。去寢廟中夜夜燒香點燭。向皇陵下朝朝祭物獻新。銘心刻骨。敢忘今日玉階榮。素髮白頭。長作先皇香案吏。願獻山呼祝聖壽。只將經卷結清緣。卽今押帶宮女。打掃先陵。已曾分付宮婢。打點內家行裝。未知完備麼。張如花李似玉那里。

〔字字難〕〔淨上〕奴家生得花不如。標緻人人喚做醉楊妃。近貴如今年老退槽驢。受氣。搽眉畫臉唱新詞。做戲。〔末〕休道出本相來。

〔前腔〕〔丑上〕奴家生得好身材。無賽半邊梳子拆金釵。插戴逆風吹得綉裙開。堪愛。其中一物露出來。〔淨〕海菜。〔末〕波漂菘米沉雲黑。這不是海菜。〔淨〕我要一個山

菜。〔末〕雪霽晴梳石髮香。這不是山菜。〔丑〕我要一個水菜。〔末〕江離漠漠荇田田。這不是水菜。

〔淨〕我要一個天菜。〔末〕看來疑是雲中墮。這不是天菜。〔丑〕我要一個地菜。〔末〕飯煮青泥坊底

芹。這不是地菜。〔淨〕我要一個人菜。〔末〕蘆芽已長小兒拳。這不是人菜。〔丑〕我要一個熱菜。〔末〕千鍾紫酒薦菖蒲。這不是熱菜。〔淨〕我要一個冷菜。〔末〕黃獨無苗山雪盛。這不是冷菜。〔丑〕我要一個溼菜。〔末〕雨中移得藥苗肥。這不是溼菜。〔淨〕我要一個乾菜。〔末〕兔葵燕麥搖春風。這不是乾菜。〔丑〕我要一個細菜。〔末〕杯傳纖手送青絲。這不是細菜。〔淨〕我要一個短菜。〔末〕一尺雕胡似掌齊。這不是短菜。〔丑〕我要一個猜探菜。〔末〕這福不會。元來你把言語來難我。我也盤問你一件。〔淨丑〕大扣大鳴。小扣小鳴。儘由你盤問。〔末〕張如花。我問你一件。你在宮中出人多年。記得宮中幾座門。〔淨〕這個到吃你難殺。且住。待試數看。〔西江月〕爲問九重門戶。老身一一都諳。正陽後宰及長安。更有東華西苑。左掖遙通右掖。前朝近接承天。午門邊一個狗洞不會關。只有內使哥攢慣。〔末〕好無禮。似玉姐。我也問你一件。你伏事宮妃采女多年。記得宮中女官有幾樣。〔丑〕決撒了。且住。待我數一數。〔西江月〕皇后娘娘爲主。貴妃之下才人。昭儀怎比婕妤尊。更有美人親近。貴嬪昭容並列。夫人世婦齊稱。老身官職也非輕。壓倒六宮紅粉。〔末〕好誇口。〔丑〕我是個花狗。你是個黑狗。〔末〕休閒說。前日曾分付你去宮中打點衣裝。會完備麼。〔淨丑〕完備已多時了。〔末〕如此。

你快去催僮上轎。勅使公公來也。〔淨喚〕傳他中貴命。喚得內人來。〔下〕

〔滿庭芳〕〔外上〕老愛清閒。暫辭榮祿。天恩賜與菟裘。依依戀主。下殿卻回頭。跨看灞陵衰柳。正烟凝一段離愁。空遙望。皇陵縹緲。十里隔明眸。〔旦上〕長門終日閉。九重恩命。又陟林丘。似桃花逐水。到處漂流。〔小旦貼上〕聽得魚軒駕也。別女伴執手難留。〔合〕休回首。昭陽舊寵。從此隔重樓。〔見介外〕這朝內家是劉無雙。

〔旦〕奴家正是。〔外〕無雙娘子。你知道父親劉尚書。爲何遭此重禍。〔旦〕是朝廷見怪。把他屈陷。

〔外笑介〕你元來不知。非關朝廷。是你父親衝犯盧杞。被他怪恨。當時買求一個人。喚做古押衙。來刺你父親。那古押衙是個好男子。不肯替他行刺。又去朝廷跟底諛奏。道你父親交通逆賊。因此屈陷了他。〔旦〕元來如此。古押衙是何人。有此好心。〔外〕古押衙是個武官。少年爲父報仇殺人。又得免死。豪俠好義。天下有心人也。若有人結交他。他情愿出力。死而無怨。〔小旦貼〕此人若非老公公說起來。怎知世上果有荆軻聶政之流。

〔甘州歌〕〔外〕黃花盡後。漸小春梅蕊。點綴枝頭。輶車千里。正值釀寒時候。塵

沙遠馳天廐馬。雨雪輕沾御賜裘。〔合〕擎鸞詔。到鳳丘。金符玉冊壯遨遊。瞻天闕。望冕旒。龍光瑞氣遶皇州。

〔前腔〕〔旦〕漂零骨肉憂。想明珠何處破鏡堪羞。繁華消歇。只有山河如舊。追隨又見長信月。嗚咽如聞渭水流。〔合〕思前事。憚遠投。回頭拭淚下龍樓。蒼山秀。白露收。蕭條風物滿秦州。

〔前腔〕〔貼〕寒雲結不收。看雲邊雁字點點離愁。花情月態。怕見斷烟衰柳。皇陵何處迷碧竄。古塚誰家臥石牛。〔合〕魚軒驟。鴈塞悠。蛾眉憔悴怯三秋。關山阻。雨雪稠。斷腸羌管弄涼州。

〔前腔〕〔小旦〕涼風入殿頭。歎淒淒團扇棄置誰收。馳驅山路也似孤眠宮漏。承恩不貯金屋裏。銜命空隨翠葆輜。〔合〕君心別。妾命浮。玉顏漂泊幾時休。花宮閉。椒寢幽。琵琶彈怨向邊州。

〔餘文〕〔合〕解征驂。投亭堠。一燈孤影照人愁。今夜裏清夢迢迢入帝州。

不將清瑟理霓裳。

紅淚流珠滿玉牀。

總爲君王未相識。

可憐飛燕倚新粧。

## 第二十四齣 郵迎

〔生上〕身居矮座且低頭。暫寄微官不怕羞。伏櫪尙存千里志。卑棲終憶上林遊。小生蒙王金吾提挈。得了富平縣尹之職。近日本縣長樂驛中。缺了驛官。上司差委小生權管三個月。此處乃是官員來往之地。終日伺候。不得休息。昨晚前驛打下報帖。說朝廷差內官帶領官女。往先皇陵上打掃。今日申牌時候到來。必然在此宿歇。要鋪陳下飯。不免喚廚夫驛吏。分付則個。驛吏那里。〔丑上〕舞文無法治。刻木有威行。覆老爺。有何分付。〔生〕驛吏。今日申牌時候。勅使公公到來。宮女三十人。從人七十名。牲口八十四。要到驛中安歇。要安排上等鋪陳三十副。下等鋪陳一百副。不知完備未曾。〔丑〕告老爺。鋪陳已完備了。〔生〕怎見得。〔丑〕但見畫堂高聳。綉幕低垂。欄杆盡挂珠簾。遍地平鋪錦褥。紅羅幃四角金鈴倒綴。青綾被一團蘭麝熏香。珊瑚枕綉朵朵芙蓉。翡翠衾有重重春意。香爇龍涎。似嫦娥月下飛來。滿身雲霧。燭燒鳳蠟。如仙子山頭閒望。一派秋光。象牙牀。龍鬚席。睡時魂夢。

也通仙。金花粉。玉鏡臺。粧能妖嬈增百倍。除非天上方才有。便是王家也不如。端的好鋪陳。〔生〕委  
是好。你快去安排。〔丑〕告相公。這是十年前的說話。如今那里有。〔生〕怎的都沒有了。〔丑〕都被前  
任驛官不用心。偷的偷。壞的壞了。如今那里去尋。〔生〕你且說如今的鋪陳如何。〔丑〕但見破屋數  
間。頽垣幾堵。桌子上三寸灰塵。起盡人夫措不淨。被兒底萬千補孔。拋將東海洗難清。四脚牀番身  
倒地。只把亂磚支。無頂帳仰面見天。權將蘆蓆蓋。破蓆薦四五條。點點尿痕迎鼻臭。舊蒲枕兩三個。  
累累蝨子咬人多。板橙從來無隻脚。與雞婆暫宿中間。胡牀一向不穿棕。被老鼠咬來零碎。東村借  
得個沒嘴茶壺。爭奈漏時無可塞。西市買得個半邊油盞。可憐黑夜沒些油。除非牢裏死囚徒。受得  
這般活地獄。〔生〕好怠慢。見今勅使公公到來。你卻說這話。快去打點。務要依先齊整。〔丑〕不妨。那  
宮女們儘受得苦。〔生〕你怎知道。〔丑〕告相公。古人有兩句詩。道是回頭一笑着地蹲。六宮粉黛無  
眠席。〔生〕胡說。若有一件不整齊。好生重治你。〔丑〕相公可憐見。容小人去打點。〔下生〕驛吏已分  
付了。廚夫那里。〔淨上〕敢將刀七力。管待縉紳來。告老爺。有何分付。〔生〕廚夫。勅使公公到來。宮女  
從人約有百十個。都要晚飯。要安排上等啜飯三十桌。中等啜飯一百桌。不知完備未曾。〔淨〕告老

爺完備多時了。〔生〕怎見得。〔淨〕但見廚列八珍。筵開百味。軟炊紅蓮香稻。細膾通印子魚。湖南海味。冰將來。新鮮渾似當時。閩地荔枝馬上遞。風味全然不減。碾破鳳團。白玉甌中翻碧浪。煖來桑落。水晶壺裏噴清香。鱖魚洛鯉。果然貴似牛羊。玉贍金齋。信是東南佳味。真個香羹烹七寶。誰言下筯了萬錢。手中金錯刀。何止殺山羊。一萬頭。竈下石槽碾。那數貯胡椒八百斛。日日筵前香噴鼻。人人過去口流涎。端的好喫飯。〔生〕委是好。你快去擺來。〔淨〕告相公。這個是小人十五六歲的話。如今那里有。〔生〕怎的都沒有了。〔淨〕小人年小時。隨父親到光祿司當官。曾見這般富貴。如今這驛中。好生狼狽。那里去討。〔生〕你且說如今的喫飯如何。〔淨〕但見香料難周。杯盤不整。醃黃齋拌些酸醬。炒豆腐少了香油。細米飯未經杵臼。吃來真個咽人喉。白鹽湯沒有茶芽。呷下何曾解人渴。韭菜滿盆。都是帶生切就。豆渣幾碗。只聞隔夜餛飩香。沙盆內烏焦炒豆。陰司鐵屑丸也還強。瓦瓶中淡泊村醪。婆子洗腳水也不似。人人一塊臭牛蹄。許多蛆孔。個個幾星臊羊肉。朝似烏筋。除非餓得眼睛花。胡亂填他口腹債。〔生〕好無禮。見今勅使公公到了。你卻說這般話。快去饜饜。務要如法齊楚。〔淨〕不妨。不妨。那宮女們儘受得飢餓。〔生〕你怎知道。〔淨〕古人有兩句道。楚王好細腰。宮中多餓

死〔生〕胡說。若有一件不濟楚。好生罪過你。〔淨〕老爺且息怒。容小人去饜饜。〔下〕

〔望江南〕〔外上〕千萬里今日始爲頭。遙見驛亭烟霧裏。暫停車馬解征裘。〔合〕

此處且淹留。〔生上接介〕長樂驛官接老公公。〔外〕起去。〔生〕請老公公下馬。〔外〕叫牢子卸了

鞍轡。〔雜應介外〕驛官。我一路鞍馬勞倦。安排鋪陳。我睡去也。〔生〕是。鋪陳俱已完備。請公公筵席。

〔外〕筵席我不用。內家們隨後到了。好好看待他。〔生應介外〕辭卻京華富貴春。〔生〕卻來孤館暫安身。〔合〕不堪回首長安身。月慘風愁望紫宸。〔並下〕

〔三學士〕〔老旦旦貼上〕霧縠雲鬢天上女。謫向世路崎嶇。香車輾盡關山月。彈

罷琵琶只自吁。日落相將投宿處。黯相對。愁不語。

〔前腔〕〔旦〕老母牽車留不住。相看血染羅襦。藍橋信是神仙宅。不見當年擣

藥儒。客枕今宵腸斷處。樓頭雁。窗外雨。

〔前腔〕〔貼〕一自玉階辭聖主。無意更理鉛朱。此身不及流鶯好。長宿昭陽御

柳株。莫話羊車當日遇。轉教人。流淚珠。



〔前腔〕〔衆〕草榻竹床炊脫黍那更枕冷衾餘。大家都是金屋倡萬種榮華人。怎如也向郵亭捱夜雨。這磨折甚日除。

孤館忽忽話夜長。

強含清淚上牙床。

明朝又是塵沙道。

雪暗雲黃各斷腸。

## 第二十五齣 煎茶

〔丑上〕藍橋今夜好風光。天上羣仙降下方。只恐雲英難見面。裴航空自擣玄霜。小人寒鴻。跟隨官人在驛中。今夜內臣在此。不免伺候則個。〔生上〕爲托青童傳信息。深探月窟見姮娥。塞鴻有一件事。你和商量。〔丑〕官人有甚麼事。〔生〕今夜宮女在此。我只怕無雙小姐也在其內。你與我探個消息。〔丑〕官人又來了。掖庭內有三十六宮。七十二院。三千粉黛。八百嬌娥。更沒得差。直差小姐到來。你休癡心。〔生〕你省得甚麼。凡事不可意料。大海浮萍。也有相逢之日。倘或我與小姐姻緣未斷。正差了來。也未可知。你與我粧做煎茶童子。在後堂深處等候。暗地瞧小姐在內。我要見他一面。這顆明珠。是小姐與俺的。你把與他爲信。只等回報。〔丑〕恁的官人請出去。小人自有分曉。〔生〕眼望旌

旗捷耳聽好消息。〔下丑〕我官人是個失心風的。天下那有這等事。也罷。我除下帽子。梳個髻兒。撞入中堂去。看他如何。〔淨上〕兒家門戶重重閉。春色緣何得人來。你是何人。撞入中堂。有何緣故。〔丑〕小人是茶童。〔淨〕吓。怕沒有婦人。要你男子漢入去。〔丑〕你不知驛中常年是俺煮茶。並沒有婦人。〔淨〕你驛丞的老婆在那里。〔丑〕沒有老婆。〔淨笑介〕你便是他的老婆了。放你入去。不要則聲。老公公法度嚴緊。在他門下過。怎敢不低頭。〔下丑〕好了。吃我漏了進來。只在此間煎茶等候。

〔煎茶介〕

〔長相思〕〔旦上〕念奴嬌。歸國遙。爲憶王孫心轉焦。楚江秋色饒。月兒高。燭影遙。爲憶秦娥夢轉迢。漢宮春信消。街鼓鑿鑿動戍樓。倚床無寐數更籌。可憐今夜中庭月。一樣清光兩地愁。奴家在這驛中。看看天氣晚來。呀。譙樓上已是二鼓了。獨眠孤館。展轉淒惶。怎生睡得去。欲待與姊姊們閒話。一個個都自去睡了。不免剔起殘燈。到中堂去閒步一番。以消長夜。你看〔二郎神〕良宵杳。爲愁多。睡來還覺手攬寒衾。風料峭。徘徊燈側。下階閒步無聊。只見慘淡中庭新月小。畫屏閒餘香猶裊。漏聲高。正三更。驛庭人靜寥寥。這

是中堂。外面是前堂了。待我揭起簾兒看。

〔前腔〕偷瞧朱簾輕揭。金鈴聲小。那一爐宿火。兩個銅瓶。敢是煎茶之所。一縷茶烟香繚繞。〔丑〕簾兒下有個內家來也。〔旦驚退介〕呀。元來有人在外邊。〔進看介〕是個煎茶童子。那人

我好面善呵。青衣執爨。分明舊識。丰標悄語。低聲問分曉。塞鴻塞鴻。〔丑〕呀。簾內莫非無雙小姐麼。〔旦〕你不是塞鴻麼。〔丑〕小人正是。〔旦〕天呵。果然是萍水相遭。〔丑〕小姐果然

然在此。〔旦〕塞鴻。你怎的也在這裏。〔丑〕覆小姐。俺官人見做驛官。着小人假做茶童打探。不想果得相遇。〔旦〕郎年少。自分離孤身何處飄飄。〔丑〕告小姐。一言難盡。官人自分散後。賊平

到京。逢着小人。正要同來拜見。不想遭這場橫禍。如今官人得金吾將軍擡舉。與他奏討得官。見做富平縣尹。權知此驛。

〔轉林鶯〕〔旦〕難中薄祿權倚靠。知他未遂雲霄。探蘋如今在那里。〔丑〕探蘋在王將軍家做義女。官人具禮去贖他爲妾。見今和官人一處。〔旦〕他到強似我。鷓鴣已占枝頭早。

孤鸞拘鎖。何日得歸巢。檀郎安否。怕相思瘦損潘安貌。〔丑〕官人雖是折磨。卻也志

氣不衰。容顏如舊。〔旦〕志氣好。千般折挫。風月未全消。〔丑〕官人有明珠一顆。着我送還。說是小姐與他爲表記的。〔旦〕明珠何在。〔丑〕在此。〔與珠介〕

〔前腔〕〔旦〕雙珠依舊成對好。我兩人還是蓬飄。寒鴻。我今夜要見官人。你喚得來麼。

〔丑〕這個使不得。敕使老公公在外。軍士們鐵桶也似守把。官人怎的來得。〔旦〕眼前欲見何由到。驛亭咫尺。翻做楚天遙。楚天猶小。着不得一腔煩惱。〔丑〕小姐有甚說話。說與

我傳與官人。〔旦歎介〕枉心焦。芳情自解。怎說與伊曹。〔丑〕小姐修一封書。備細寫下。小人遞與官人看。〔旦〕也說得是我房裏去修書。〔丑〕小姐快些。霎時便要天明也。〔旦〕理會得。

〔啄木公子〕舒蠶蠶。展兔毫。蚊脚蠅頭隨意掃。只怕我萬恨千愁。假饒會面難消。寫向鸞箋。怎得了。我那滿腔哀怨呵。縱有丹青別樣巧。畢竟衷腸事怎描。只落得淚痕交。

〔前腔〕書裁就。燈再挑。錦袋重封花押巧。〔將書出與丑介〕塞鴻書已寫完了。〔丑〕有甚言語。〔旦〕傳示他好自支持。休爲我長皺眉梢。〔丑〕別有甚說話。〔旦〕爲說漢宮人

未老怨粉愁香憔悴倒。寂寞園陵歲月遙。雲雨隔藍橋。〔丑〕告小姐。小人一時思量

不到。外面老公公分付門子。一個個出入。都要搜檢。小人把這封書出去。被他們搜出。卻不利害。其實拿去不得。〔旦〕呀。我也不敢到此也罷。我把這封書藏在錦褥子底下。待我去後。教官人取來看。

〔旦藏書介〕

〔哭相思尾〕從此兩下分離音信杳。無由再見情人了。〔旦倒介丑驚走下淨丑上〕

自不整衣毛。何須夜夜喚。咱們勞倦。正要睡哩。不知隔房劉家娘子。一夜嗽啾啾。哭哭啼啼。做甚

麼。老身方才吃他驚覺了。不免去瞧一瞧。〔丑〕呀。怎麼倒在地上。不好了。祖武符。孝順爹。草頭天。七

顛八。上天入。十死九。菜重芥。周發殷。手精眼。南去北。〔淨〕老妮子說甚麼。〔丑〕劉娘子倒地。生薑湯

快來。〔淨〕好也。人要死哩。你兀自打歇後語哩。有這等慢心腸的。待我叫。〔丑〕你叫。〔淨〕列位好姐

姐。可憐劉潑帽。今朝懶畫眉。忽地玉山頹。渾如醉公子。口吐滿江紅。面皮豆葉黃。請過七娘子。將些

江兒水。打碎生薑芽。都來玉胞肚。大家醉扶歸。扶去羅帳裏坐。〔丑〕好少話兒。〔小旦貼上〕野花不

種年年有。煩惱無根日日生。做甚麼囉唆。〔丑〕恰才來看劉娘子。不知因甚蹶倒在地。〔小旦〕這是

受了辛苦。中惡倒了。〔貼〕快把水來噴他幾口。姐姐甦醒。

〔黃鶯兒〕 〔旦〕連日受劬勞。怯風霜。心膽搖。昨宵不睡捱到曉。〔小旦〕小姐爲何不睡。〔旦〕思家路遙。思親壽高。因此上轟然愁絕。懣騰倒。〔合〕謝多嬌。相將救取。免死向荒郊。

〔前腔〕 〔小旦貼〕人是水中泡。受皇恩。福怎消。何須苦憶家鄉好。慈幃乍拋。相逢不遙。寬心莫把閒愁惱。〔淨丑〕曙光高。馬嘶人起。梳洗上星輅。請列位娘子早梳粧。要趕路程。

愁劇翻成病。

寬心免作災。

這番救得醒。

下次擗棺材。

## 第二十六齣 橋會

〔生上〕眼看楊柳高難折。步入桃花落已空。可惜春光不久駐。只將清淚對東風。只因宮女在此宿。歇。小生好生費心。適來都已登程去了。昨夜叫寒鴻打探消息。不知如何。不免喚他一問。寒鴻那里。

〔丑〕東君枉費牢籠計。音信偷傳總不知。覆官人。小姐有下落了。〔生〕且喜。且喜。你說怎的有下落。〔丑〕小人在中堂燒茶。二更時分。只聽得一個內家叫我。元來正是小姐。〔生〕果是小姐在內。他和你說甚的。〔丑〕他備細問官人與探蘋的下落。小人一一告訴。送去明珠。權且留下。他要和官人斷見。小人道法度嚴緊。只寫一封書。把來藏在錦褥子底下。着官人去尋來看。〔生〕小姐還說甚麼。〔丑〕着我上覆官人。好自將息。不要掛心。說此幾聲。轟然倒地。小人慌張。走出中堂來了。〔生哭介〕堂前千里遠。面對九疑峯。我和小姐同在驛中宿歇。只是不能勾斷見。幸喜留下這封書。且慢着鎖了驛門。塞鴻。我和你趕上小姐車邊去。和他說句話兒。〔丑笑介〕官人。你又來了。那公公手下軍士們前呼後擁。小姐在七香車上。綉幕中間。怎生得見他。〔生〕說得是。卻怎的好。〔丑〕小人有一計策。不知中用麼。〔生〕你有甚好計。〔丑〕小姐車兒。須打從渭橋過。今日本縣差人修橋。官人及早趕上站。在渭橋邊。只做監修橋的官府。小姐過時。可以霎時相見。〔生〕此計甚妙。事不宜遲。我和你作急趕去。饒他走上焰魔天。脚下騰雲須趕上。〔下〕

〔香柳娘〕〔外上〕趁天色乍明。趁天色乍明。促駕穿林莽。東方漸見紅輪上看。

迢遙輦路看迢遙輦路衰草接天黃清霜滿林亮聽寒雲征雁聽寒雲征雁嘹  
嚦斷人腸三三兩兩〔下淨丑上〕年老常差使。天寒去做工。咱們都是富平縣百姓。官府差來

修橋。前面便是滑橋了。不免將鋤頭鐵鍬在手。去掘他娘。遠遠見個官員來了。莫不是監工的。兄弟。  
下老實做。不做到打哩。〔生上〕修橋的。你都過來。〔淨丑跪介〕覆老爺。有何分付。〔生〕我一人與你  
一貫錢。你替我用心。〔淨丑〕小人是官差。怎敢受老爺的賞賜。〔生〕我不要你修橋。要你拆橋。〔淨  
丑〕老爺休哄我。怎麼倒要拆橋。〔生〕不妨。後面有一夥官員來也。你看他們車馬都過了。只等落  
後那一乘小香車兒來。就搬去了一塊石頭。由他歇在橋下等。自有重賞。你且權收下。〔淨〕兄弟。這  
個使得。〔丑〕哥哥。既然老爺尊賜。收了罷。〔淨丑收介〕多謝老爺。兄弟。先把繩索做定。只等他來。便  
扛下去。〔生〕有人問我時。只說是監修橋的官員。〔淨丑〕理會得。但請放心。〔生下〕

〔前腔〕〔旦上〕歎郵亭一夜。歎郵亭一夜。琵琶空響相思調。不遇知音賞。似牛  
郎織女。似牛郎織女。脈脈兩情傷。盈盈隔河望。恨無端夜光。恨無端夜光。我道  
你是藍田玉成雙。元來是淚珠拋放。〔下生上〕那二十九乘車兒都過了。只見小姐的車



兒遠遠望見來也。修橋的。你只等他來。便要下手。淨丑應介

〔前腔〕〔生〕望香塵起處。望香塵起處。麟麟車響。佳人漸近頻顛望。願蒼天有意。願蒼天有意。與我拆輪鞅。不教他前往。願花驄解事。願花驄解事。停驂駐橋。傍留連一餉。〔淨丑做扛石介〕

〔前腔〕〔旦上立介〕遇橋傾怎行。遇橋傾怎行。暫停車仗。〔見生介〕呀。你是我哥哥王仙客。舉頭忽見冤魔障。〔生立低白介〕小姐。小生在此久等。肯容一面麼。〔旦〕閣淚眼相看。閣淚眼相看。欲待訴衷腸。匆匆怎說向。論此生長別。論此生長別。除非是夢出宮牆。暫同鴛帳。

〔前腔〕〔生〕傍氈車立地。傍氈車立地。偷睛斜望。春光只隔流蘇帳。〔旦〕解元。怎

生與你親近說句話兒。〔生上前又住介〕要相親實難。要相親實難。恨咫尺在伊旁。如

遮萬重障。且竚立細看。且竚立細看。〔旦〕解元。你上前來。〔生〕只聽得悄聲兒喚郎。淚沾紅浪。

〔前腔〕〔旦〕痛此身漂泊。痛此身漂泊。空成翫髒。朱顏暗向閒中喪。論隔絕此生。論隔絕此生。不若死君旁。魂魄得相向。〔生〕姻緣既斷。我叫塞鴻還你那珠。免得思想。

●〔旦〕這明珠是我贈你的。怎麼又還我。仍舊送你。客中貧乏。賣來供給。書中之言。望乞介意。〔生拾

介旦〕這明珠錦字。這明珠錦字。與你表思量。芳心搖蕩。〔淨丑扛橋面上介旦舉

手介〕解元保重。我不敢久住。〔下生哭介〕小姐。你又去了。兀的不悶殺人。

〔前腔〕歎兩下沒緣。歎兩下沒緣。重重魔障對花不語頻惆悵。這明珠可憐。這明珠可憐。本待再成雙。如何又撇漾。願化作錦鴛。願化作錦鴛。和你飛入大江。脫離羅網。〔下〕

〔前腔〕〔外貼小旦上〕念奴生嬌怯。念奴生嬌怯。不禁風浪。驅馳王事多勞攘。〔外

你那一個內家。怎的落後了許多路。才趕上來。〔旦上〕告勅使。是奴家因到渭橋邊。橋面落下水裏去了。等人夫扛上來。遲了一會。〔合〕正西風釀寒。正西風釀寒。冷入綉羅裳。隨風輕蕩漾。〔外貼小旦下旦弔場〕恨滿懷幽怨。恨滿懷幽怨。不說與伊行。枉添悒悒。〔下生

上 修橋的過來。你恰才見我和車兒裏的人說話麼。〔淨丑〕小人見來。〔生〕休對外人說。這一錠銀子。賞你們買酒吃。〔丑〕謝相公。你方才唱了許多曲子。小人也唱個山歌與你聽。〔生〕怎的唱。

〔淨〕耳聽車子無回音。眼看嬌娘無處尋。〔淨丑合〕灰接猪尿脬。乾淘氣。法製麥門冬。空費心。〔並下〕

## 第二十七齣 拆書

〔生上〕〔鷓鴣天〕畫轂雕鞍狹路逢。一聲腸斷繡幃中。身無彩鳳雙飛翼。心有靈犀一點通。金作屋。玉爲籠。車如流水馬如龍。劉郎已恨蓬山遠。又隔蓬山幾萬重。小生用千方百計。方才滑橋下瞥見小姐。他把昨夜明珠。依舊送還小生。看小姐心中。多少委曲。爭奈耳目衆多。恨恨而別。正是多情偏被旁人阻。會面空將淚眼看。且開了臥房。去尋書咱。你看鴛被縱橫。餘香猶在。淚光潑潑。留於枕席。好生傷感人也。

〔鎖南枝〕開仙榻動綉衾。餘香細細淚滿襟。鶯地自沉吟。早是不開思慮寢。怕開了傷我心。待不開心怎忍。〔生取書介〕你看外邊錦袋。做成並蒂芙蓉。內裏綵箋。摺作同心。

方勝。不要說他才學。只那一段風流心性。也堪爲女中狀元。小姐。交人怎麼不想着你。且拆開書。看說些甚麼。〔拆書介〕薄命無雙再拜王兄狀元閣下。松生孤岡嶺。皎質凌霜雪。人生秉貞心。千載那消滅。與君少相愛。誓言爲結髮。豈意逐風波。恩情中道絕。昔爲霜上蠶。纏綿交以結。今爲溝中水。各作東西別。相逢一室間。邈若吳與越。悵望諧故歡。何由解羈縲。聞有古押衙。英名滿丹闕。義輕千金贈。勇灑吳鉤血。君其念鄙姿。爲余訪俊傑。庶有磨勒神。來救紅綃妾。你看俺小姐這詩。清新流麗。不讓班姬團扇之篇。抑鬱悲愁。絕似蔡女胡笳之曲。字過綵鸞唐韻筆。情輸蘇蕙錦迴文。不看也罷。看了到越交人煩惱起來。

〔前腔〕書看罷。恨轉深。蠅頭一紙寫細心。指望再同歡。只怕無由離紫禁。豪俠士蹤跡沉。卻交人何處審。只不知那古押衙在那里。且住。待我喚寒鴻商量。寒鴻那里。〔丑上〕恁出事來緣錦字。載人愁去是香車。覆官人。有何分付。〔生〕寒鴻。小姐的書。我也取來看了。〔丑〕那書上如何說。〔生〕別的猶閒。只一件。小姐書上道是聽得勅使公公說。有一個古押衙。乃是豪俠好義之士。你去求告他。必然有計策。得取我出宮。教我那里去尋法麼。古押衙。〔丑〕古押衙要尋不打

緊。只是皇陵上有千門萬戶。軍士守把。古押衙插翅也飛不入去。小姐怎生得出來。〔生〕這個且由他。你曉得古押衙在那里。〔丑〕覆官人。古押衙遠不遠千里。近只在日前。他在富平縣村中住。爲何小人認得。只因前月官人差小人下鄉。到一個村莊去處。見三間茅屋。一個老兒坐在階上。小人向前施禮。那老兒請我吃茶。我問他高姓。他說姓張。鄉人又喚他古押衙。看他模樣是個隱士。因此埋名避俗。只不知果是這古押衙麼。〔生〕正是了。我和你明日改換衣裝。悄悄地訪他。再作區處。

〔前腔〕〔生〕荒郊外。試一臨。褻衣輕騎同訪尋。莫是好英雄。暫向田莊樂瓢飲。因傾國費盡心。吃辛勞。受寒凜。

〔前腔〕〔丑〕低茅舍。古樹林。村翁抱膝正苦吟。留客意慇懃。何意埋名隱官品。明日裏。取次尋。是和非。猶未審。

明日改衣裝。

尋幽到小莊。

果然遇豪俠。

此事有商量。

第二十八齣 訪俠

〔鳳凰閣〕〔小生上〕幽居僻徑日暖柴門人靜不聞車馬惱人聲只有樵歌牧詠  
隣翁相慶昨夜裏桑麻雨晴瘴海風濤險愁城烟霧深何如見幾者高枕臥雲林老夫古押衙  
是也自從那年不從奸相之命棄職歸山聞得朝廷被朱泚逼逐如今已得太平老夫一向不出不  
知詳細俺思想起來當時亂離之際多少富貴的死于兵革之中爭如老夫枕石漱流快活在山中  
度日正是不貪紫綬金章貴留得蒼顏白髮身。

〔河傳〕〔生丑上〕佳山秀嶺似桃源深處花香露冷小小茅菴松竹紛遮映見高人  
坐蒼苔弄日影〔生丑見介〕古押衙拜揖〔小生〕官人何來〔生〕小生姓王名仙客久聞古押  
衙之名特來拜訪〔小生〕我姓張不是古押衙〔丑〕老丈休瞞我你正是古押衙〔小生〕老夫生于  
畎畝長在荒郊文不能安邦武不能定國並無寸長何勞遠訪請回。

〔駐馬聽〕百畝經營老懶年來不到城本是山林鄙性麋鹿閒人樗朽無能何  
勞君子訪柴扃貧家無可爲恭敬〔合〕早早回程看看日落西山景

〔前腔〕〔生拜介〕卑末書生久慕清風仰大名你是長吟洛下避俗秦中隱迹青

城英華義氣照西京。高懷雅志耽仙景。〔丑〕向日小人曾擾一茶。已識古押衙之名。已具真情何須更隱真名姓。〔小生〕請坐。請坐。實不相瞞。老夫真是古押衙。因怕閒人攪擾。改名避俗。〔生〕敢問老丈。山居何以爲樂。

〔駐雲飛〕〔小生〕春賞紅英。夏日乘涼臥竹亭。秋醉黃花徑。冬玩梅花嶺。朝膳飯吳粳。午烹香茗。暮飲村醪。日上方纔醒。終日逍遙過此生。

〔前腔〕〔生〕少習遺經。三十年來無所成。未遂雲霄逞。枉受風波釁。從此厭浮名。回頭自省。跳出塵寰。早扣仙翁逕。免被塵緣誤此生。〔小生〕你元來是俺父母

官。爲何不守職。到此荒村。〔生〕惶恐。小生功名無成。暫寄微祿。特參老丈而來。豈以此官爲事。〔小生背介〕那生不知果然敬我麼。我且試他一試。〔轉介〕秀才莫怪老夫不知進退。有一件事。要和你說。〔生〕但說不妨。〔小生〕有一故人。曾救老夫性命。欲將千金報之。爭奈家貧。無可爲贈。懷之心

中二十年。今見秀才。由上縉明珠一顆。若得此珠。其事便了。秀才肯解與我麼。〔生執巾背介〕這珠小姐所贈。怎麼輕與得人。罷罷。事到其間。不惜小費。〔生〕此珠乃一故人所贈。名曰夜光珠。其價連

賊不賣。小生愛如骨肉。今日老丈要他。小生焉敢有違。〔解珠介小生〕可喜。可喜。秀才不瞞你說。老夫世外之人。要珠何用。特地把他來試你的心。你元來果是真心相敬。你肯棄了官職。攜帶家小。來此村中同住麼。〔生〕小生願假一間小屋。與老丈鄰居。〔小生〕好好和你逍遙自在。卻不免些奔波之苦。〔丑〕小人收拾家伙。就帶家眷同來。

〔桂枝香〕〔小生〕官居臺省。曾叨寵倖。只爲愛山水窠巢。早離脫仕途坑阱。喜你志同心合。志同心合。果然堪敬。和你結師生。共老林泉下。同期大道成。

〔前腔〕〔生〕愚頑心性。荷君提醒。願棄了升斗微官。早學那刀圭金鼎。便攜家共住。攜家共住。同鄰共井。學長生。願把迷途指。相攜上太清。

〔餘文〕〔合〕功名富貴風光景。爭奈他世人不省。大火坑中早離形。

雅志書生真可喜。

棄職攜家共鄰里。

百年光景苦無多。

何不求仙脫生死。

## 第二十九齣

禁怨



〔西地錦〕〔外上〕志氣長冲碧漢。今朝陷入深淵。思家戀舊愁千萬。凋盡素髮。

衰顏。

〔南歌子〕晚景入桑榆。一點冤心甚日除。食缺衣單圖苟活。山妻。陷在深宮那得知。寂寞鎖幽

居。歲暮西風吹破廬。最是夜深腸斷處。嬌兒。去日容顏想不如。自家只因一時忠憤。違忤權奸。陷身

在天牢內。三年不得赦宥。日夜長念老妻幼女。度日如年。說不盡苦楚。幸得大理寺官員。憐我無罪。

時時周給衣食。苟且偷生。仔細思想。我官居極品。誰知有今日。

〔解三醒〕念孤臣素懷國難。卻中他奸佞機關。白璧一朝蠅作玷。羈縲綫苦難言。金雞幾時銜赦免。細把胸中屈忿。滿愁無限。只落得一聲長歎。上徹蒼天。

〔前腔〕歎一家烏飛星散。舊池館多應是茂草芊芊。鳳侶鸕鶿遭筭檻。生和死。信誰傳。玉帶金魚都不見。真個過眼雲烟。一餉間。眉慵展。只落得萬千珠淚。下滴黃泉。

〔玉連環〕貧賤長思求富貴。富貴危機在眼前。眼前危難。危難臨身。悔也徒然。徒然。早知今日不戴儒冠。儒冠容易生仇怨。仇怨。聞說滄江多隱地。隱地須無。

橫禍纏禍纏迷戀迷戀繁華多少冤牽冤牽早知今日江上持竿持竿江上無人怨。

只爲功名誤此心

功名惹得禍來侵

當時早逐漁樵去

縱有冤家何處尋

### 第二十齣 雪慶

〔喜遷鶯〕〔貼上〕彤雲四起看雨結空花。風翦飛絮密灑那香閨潤沾書幌兩邊心事難舒。不作烹茶清苦。未許羊羔富貴。仗村醪與江梅排遣萬種嗟噓。

〔浣溪沙〕一夜西風釀苦寒。朝來飛玉滿林端。推窗四顧失青巒。綺閣紅爐如過夢。茅簷村酒且隨緣。人生聚散也由天。妾身採蘋。跟隨主人王解元在任。近日尋取一個老兒。號爲古押衙。解元不知怎的。這般敬他。一旦棄了官職。搬在這山中共住。今日雪天。又是古押衙壽旦之日。昨日分付妾身。安排酒餚。請押衙慶賞。如何此時不見到來。

〔一枝花〕〔小生上〕饑鳥依凍宇。倦雁迷寒渚。〔生上〕爭如遼海鶴。遠飛舉。不戀

稻梁獨宿山中樹〔丑上〕渾如你林下深處。不比羣兒向火趨炎爭聚〔相見介〕

〔訴衷情〕〔小生〕玉爲山。瑤作地。萬斛明珠。掩盡寒林翠。〔生〕頃刻填平崎曲處。怎不填他心上難

平事。〔貼〕眼慵看。樓倦倚。不見當年暖閣圍爐侶。〔合〕惟有彤雲千萬里。凍合秦川水。〔小生〕秀才。

一向感承厚意。昨者天寒。又蒙柴米之賜。今日又替老夫慶壽。何以克當。〔生〕老丈。我和你情如骨

肉。區區之奉。何必掛齒。〔合〕正是冰心似與江梅皎。白髮常將瑞雪欺。但願年年當此日。共君同醉

太平時。〔生〕寒鴻將酒過來。〔把盞介〕

〔錦堂月〕殘雪生姿。朔風弄巧。翦就一天飛絮。光照金樽。掩映素髮堪數。願山

中歲月迢遙。似庭下松筠蹠蹠。〔合〕歌金縷。看取歲歲開筵。雪天長聚。

〔前腔〕〔貼〕愁覷點點梅舒。沈沈春信。寂寞一枝難遇。冷入龍樓。有人目斷宮

宇。似今日悶撥紅爐。知何日同斟綠醕。〔合前〕

〔前腔〕〔小生〕堪取茅舍疎籬。清歌慢酌。須信餘生幾許。〔生嘆息介〕小生把盞。〔秀

才〕對景開懷。不須苦苦嗟吁。論浮生一點空花。打熬得幾番寒暑。〔合前〕

〔前腔〕〔丑〕須臾壓盡疎林遮藏古寺。一望碧山何處。江上漁郎短袂罷釣歸。初爭如他煖閣酣歌。不知有隆冬寒苦。〔合前〕

〔醉翁子〕〔生〕交趣似淡泊雪花佳處。〔小生〕須不比尋常覆雲翻雨。〔貼〕貧窶愧無可祇承。漫把羹盤薦韭菹。〔合〕齊祝取。願兩下康寧。長醉茅廬。

〔僥僥令〕〔小生〕金卮傾綠醕。玉屑滿庭除。共江梅照映衰顏好。爛醉倒花前。歸去徐。

〔十二時〕〔生〕留連雪霽方歸去。〔小生〕把鶴氅蹁躑笑舞。〔合〕回首朦朧月滿株。〔生〕塞鴻。老丈醉了。你扶了回去。〔丑〕小人送去。

衰老逢君有厚情。

一杯村釀說平生。

得歡笑處須歡笑。

草負飛花照眼明。

### 第三十一齣 吐衷

〔滿江紅前〕〔小生上〕一點雄心。拏不定。老來偏熱。向林下。浩歌起舞。劍光如雪。

功業難描麟閣像。隱居且臥青山月。猛思量世上不平人。牙關折。太行嶺上三尺雪。壯士懷中三尺鐵。一朝若遇有心人。出門便與妻兒別。老夫與王秀才往還一年。荷蒙好意。事我如父母一般。只一件。此人終日嗟嘆。欲言未果。必有憂疑不決之事。老夫平昔以濟人爲心。倘有用處。與他分憂。待他出來。仔細盤問他。便知端的。

〔滿江紅後〕〔生上〕心頭事。何日滅。眉頭恨。終朝結。沒人時。暗地成悲咽。〔見介〕

小生。年少何須多感慨。請君就裏分明說。〔生低唱介〕恐他心未卜。似吾心。權

遮拽。〔小生〕秀才。終日愁眉爲着誰。〔生〕此心未許外人知。〔小生〕今朝請把衷腸訴。與你消除莫

待遲。秀才。我見你終日皺雙眉。時常含淚眼。必有緣故。仔細說來。俺與你分憂。〔生〕老夫。小生。沒甚

事。〔小生〕秀才。我和你相處一年。情如骨肉。些些小事。何故相瞞。〔生〕端的小生。沒甚煩惱。〔小生〕

秀才。我好意問你。卻不說。罷罷。我本將心託明月。誰知明月照溝渠。〔小生虛下。潛上。聽介。生〕自古

逢人且說三分話。未可全拋一片心。我心上爲無雙。小姐舊約。指望偷出宮中。再成夫婦。求得這個

義士。奉承一年。未知心事如何。若幹不成。反惹大禍。因此遲疑不說。老夫。本欲開言說事因。只愁心

事未全真。〔小生〕霸王空有重瞳目。有眼何曾識好人。秀才你元來兀自不知我的爲人。老夫義膽包身。奇謀蓋世。一點心常思濟物。半生裏路見不平。胸藏黃石素書。五千字錦綉焯焯。手運朱亥鐵錘。八十斤風雲閃爍。明晃晃腰下吳鉤。要斬人間無義漢。白冷冷手中寶劍。敢誅今日佞臣頭。長吁氣。直教天昏日暗。悽慘黑雲生。喝一聲。要使鬼哭神啼。轟轟山石裂。斬草必除根。哭子房空中副車走。秦帝爲人須爲徹。罵豫讓枉將七首斬空衣。報父仇于都市。提將賊首滿城看。藏形跡于深山。跳  
出蕭何三尺法。若有好意相投。情願替人一死。可惜一腔熱血。不曾賣與知心。秀才仰荷深情。結爲死友。粉身無可爲報。有事與你分憂。仔細說來。切勿隱諱。秦中壯士氣何豪。袖裏深藏魚腹刀。感得  
深恩爲君死。輕生一擲待鴻毛。〔生〕既如此。請老丈坐地。容小生拜稟。

〔宜春令〕〔生〕承尊問。敢訴陳念卑人早亡。二親。〔小生〕你父母雙亡。靠着何人。〔生〕荷蒙姘舅。十年撫養恩情盡。〔小生〕舅舅是誰。〔生〕戶部尙書劉震是也。他有一女。名曰無雙。垂髻時膝下同嬉。年相若貌亦相似。當年親口許成秦晉。〔小生〕後來成否。

〔白練序〕〔生〕艱辛再三懇。無奈東君阻舊姻。〔小生〕他悔了前言。〔生〕將成就齋

遇兵戈逃奔〔小生〕是遭了朱泚之亂〔生〕俺舅舅是忠臣受屈憤。母女深宮禁此

身〔小生〕是劉公被盧杞害了〔生〕金籠困一雙鸚鵡兩地傷春〔小生〕是你妻子禁在宮

中。

〔醉太平〕〔生〕佳人差去皇陵掃汛。郵庭邂逅。對面難親。〔小生〕無雙差在驛庭中

相逢來。〔生〕雲箋錦句細寫心中芳恨。〔小生〕寄書後得見一面麼。〔生〕勞神渭橋瞥

見暫停輪。〔小生〕說些甚麼。〔生〕奈耳目紛紛難近。更被兩行秦樹重遮。淚眼枉添

新悶。〔小生〕他那詩中怎地說。

〔白練序〕〔生〕慇懃訴衷悃。稱說明公姓字真。〔小生〕他說俺如何。〔生〕高風震胸

中。經緯如神。〔小生〕老夫有甚能。直教小娘子也知道。〔生〕因此上山村奉事勤。感荷年

來骨肉恩。〔小生〕爲何煩惱。〔生〕心長忖。未知成敗。欲言還忍。〔小生〕要俺怎的。

〔醉太平〕〔生〕長門望眼頻頻。指望藉伊好計。再結佳姻。〔小生〕老夫無可用力處。

〔生〕你好把偷天巧手。折取上林春信。〔小生〕敢是要入宮傳個消息。〔生〕未哩。憑君勾

將織女下天津引姮娥離卻水晶宮闈〔小生〕直要偷他出宮〔生〕望伊垂憫休生

退步莫辭勞頓〔小生〕元來如此大難大難。

〔收音〕〔生〕你義勇從來四海聞。這姻緣在君方寸。休得臨時想脫身。〔小生〕

秀才休怪。俺昔日曾言不揀父母之仇。妻子之怨。替你出力。死而無悔。爭奈此事非同小可。不敢奉

命。〔生〕老丈。前言已定。何故推辭。〔小生〕秀才。皇陵上有千門萬戶。鐵壁銅牆。勅使掌鑰。軍士守門。

便是神仙也入不去。委的下手不得。〔生〕適來老丈自稱恁般謀勇。到此便已推辭。敢是奚落小生。

〔梁州序〕〔小生〕秀才。皇陵路阻。秦宮雲滿。萬戶千門遮斷。從教插翅飛騰不

到人間。便有摩雲快手。挽日長戈。到此難施展。秀才更有一言。傾城佳麗色。滿長

安。何必區區戀舊歡。〔合〕殘燈下。小窗畔。把衷腸舊事都提遍。休漏洩。被人見。

〔前腔〕〔生〕齊眉盟約垂髻。嬌婉。一旦芳期中斷。重重金屋。無端鎖住。嬋娟枉

自情牽梧葉。夢入藍橋。不見桃花面。知君多意氣。好心堅。願把鸞膠續斷絃。

〔合前小生〕罷罷。昔聶政一言而破面自決。季布一諾而千金不移。士爲知己者死。女爲悅己者容。



老夫既許秀才一死。怎敢推辭。縱事有甚難。也當捨命爲之。決不負約。〔生〕荷蒙老丈見許。何以爲報。

〔前腔〕〔小生〕念郎君密意堪憐。更知己深情非淺。既一言相許。九牛難挽。只得謀擒玉兔。計捉金烏。不敢辭危難。古人然諾處。重丘山。我怎肯畏死貪生。不向前。〔合前〕

〔前腔〕〔生〕恨嫦娥遠隔天邊。倩青鸞密傳幽願。喜東君有意與人方便。若得暫偃香枕。再覩芳容。萬死心無怨。荷君多計策。妙通仙。願駕虹橋到廣寒。〔合前小生〕秀才。你且回去。一月之內。自有回報。不須挂心。〔生〕恁的小生專等。

重感郎君分外情。

爲吾方便覓卿卿。

從教上苑花如錦。

野鹿銜將出禁城。

〔小生弔場〕元來王秀才要老夫用計。偷取無雙。此事實難。爭奈老夫已許他一死。決不食言。昨者打聽得茅山道士。有一種妙藥。不免到那里買一丸來。自有妙計。事不宜遲。來早便行。欲施探海計。

須用返魂香。

### 第三十二齣 買藥

〔北點絳脣〕〔末上〕雪霽梅梢霜風弄曉。銀蟾小一派笙簫引出蓬萊島。小道乃陝西茅山仙子位下一個徒弟是也。自幼隨師父隱居山中。修真養性。服藥求仙。受天外之逍遙。避人間之喧擾。自是一般受用。怎見得受用。但見秦苑名山。函關福地。隱客避人之境。仙人修道之鄉。層層疊疊。重巒削翠。分明華岳三峯。突突兀兀。峻嶺橫空。那數廬山五老。白日行天難得過。浮雲出洞本無心。醜壇邊松竹森森。講堂下烟霞細細。門種董公千林紫杏。庭植蕭史一對青鸞。高高下下。長廊古殿。呦呦蒼鹿銜花。纏纏綿綿。靈葛壽藤。兩兩玄猿摘果。山岩裏幾處琳琳琅琅。瓏瓏瑤瑤。如敲玉磬擊金鐘的。數道清泉噴寒玉。頭直上一聲啣啣啞啞。溜溜亮亮。似奏龍笙吹鳳管的。一雙白鶴唳秋天。明晃晃琉璃燈底。深夜叩玄君。馥郁郁瑞腦香中。清晨朝北斗。水秀山明。自是仙家真富貴。花開葉落。不知世上幾春秋。清清淨淨。石床上不染半點塵埃。杳杳冥冥。藥瓢中藏盡三千世界。清清朗朗。山頂笑聲高。玉女彈碁得勝。叮叮東東。雲頭環珮響。茅君謁帝歸來。每日價看誦的是。

道德經。蕊珠經。洞玄經。黃庭經。靈寶經。句句勤勤懇懇。喚醒塵夢。指迷途。不時間來往的是廣成子。  
赤松子。甯封子。絕洞子。太陽子。人人散散消消。共酌流霞。醉明月。著一雙蹻蹻蹻蹻。多耳麻鞋。曾踏  
王母瑤池宴。穿一領蹻蹻蹻蹻。白翎鶴氅。長染玉帝御爐香。閒看下界。奪利爭名。紛紛擾擾。百年裏  
似撲火燈蛾。俯視塵寰。五湖四海。縷縷絲絲。一望中如幾條衣帶。蟠桃熟時。入口已歷九千歲。銅人  
鑄就。轉眼俄驚八百年。夜光芝。螢火芝。青雲芝。白符芝。龍仙芝。鳳腦芝。焯焯煌煌。知是瓊圃靈葩。餌  
來白日飛昇。青華漿。赤心漿。玉門漿。房唐漿。信都漿。安期漿。無非仙山名果。吃了後天不老。左龍右  
虎。煉成九轉金丹。焰騰騰光侵碧漢。抱一含元。運得兩儀妙用。氣飄飄口吐青虹。夜夜朝朝。納新吐  
故。潛收靜處功夫。來來往往。坐在立亡。那覓山中踪跡。人笑我無子無孫。做下嬰兒懷胎。十月滿足。  
不要他好妻好妾。養成姪女純陽。一氣周流。任你特地來求。三千弱水。中流便值狂風。若是有緣得  
見。數着殘碁歸去。已無家業。神仙只在丹田。聖主何須碧海求。道猶未了。師父早來。

〔北新水令〕〔外上〕道人家在碧雲梢。白玉樓。好山環。遠探梅開竹戶。採木渡

溪橋。兩袖飄飄。唱一曲清真調。〔相見介外〕徒弟。我受職天曹。掌管天下婚姻之籍。昨有鄧

州王仙客與妻劉無雙。本是一對姻緣。爭奈時運未到。不能相遇。押衙古洪。乃仙都散吏。謫在人間。合替他出力。救取無雙出宮。再得完聚。今日古洪到此買藥。不免下山。賜與一丸續命膠。就把幾句言語打動他出家。多少是好。〔末〕領法旨。師父請行。

〔駐馬聽〕〔合〕丹壑風高低。舞松枝動鶴巢。蒼林月皎。細消殘雪。點寒袍。步虛輕躡彩虹腰。回頭指點滄溟小。散步逍遙。一聲漁鼓。千山曉。

〔南風入松慢〕〔小生上〕五雲樓閣鬱岩嶢。聽玉珮頻搖。你看仙翁兩兩乘鸞到。〔拜介〕整衣巾拜倒在山坳。怎辭得沾濕霜花露草。〔外末回身不受介小生〕卻怎的全不采。反心焦。大仙受禮。〔外末〕這老兒好笑。是甚麼大仙。

〔北滴滴金〕咱兩個是雲海浮沉。烟巒笑傲。猿鳥嬉遊。又沒甚奇術動賢豪。若不是病眼昏花。敢則是老年衰憊。卻怎的狂言顛倒。〔小生〕大仙休瞞我。〔外末〕硬把咱做仙人叫。

〔南風入松〕〔小生〕我見你神清骨秀。氣飄蕭。你是神仙。休得假推掉。弟子呵。平生

苦覓金光草。沒真師枉自劬勞。今日裏不費半點功夫尋着。怎不識雲態度。鶴

丰標。〔末〕你既曉得。我與你說知。俺師父乃九天主婚丈人。小子乃上清弟子是也。古洪。你來此何

幹。〔小生〕弟子有事相求而來。

〔北水仙子〕〔外末〕莫不是貪生願取壽齡高。〔小生〕不是。〔外末〕莫不是慕貴還

求祿位迢。〔小生〕也不是。〔外末〕莫不是厭貧要覓金和寶。〔小生〕都猜不着。〔外末〕你

敢則是禮真師求妙道。〔小生〕弟子一來訪道。二者特來買藥。〔外末〕卻元來是覓靈丹。

遠訪蓬茅。俺這裏有化鐵石。成金藥。起死屍。續命膠。你要那一件。仔細說進退根苗。

〔風入松〕〔小生〕弟子呵。昔年曾侍紫宸朝。怕的是富貴塵囂。因此上採芝久向

青山老。則爲惹閒情結下兒曹。許他向深宮拈花弄草。敢求取鱗角劑。成就他

鳳鸞交。

〔北折桂令〕〔外末〕你元來是蓋世英豪。怎不早離形辨道。兀自受欲火煎熬。

你須知臭腐形骸。冤仇骨肉也。則須拋。卻戀他酒杯來往。兒女風騷。試看咱洞

中仙侶。天府羣寮。每日價攜手上青霄。逐隊醉蟠桃。真個是機心化盡。俗念都消。  
〔風入松〕〔小生〕弟子也知道。世情爭似道情高。千不合萬不合。向金石契填招。  
一言駟馬追不到。只得替他噴火吞刀。了卻冤家煩惱。那時節探瀛海。訪松喬。  
〔外〕徒弟。古洪雖有求道之心。爭奈他塵緣未斷。必須再去成就好事。更兼仙客無雙。還有五十年夫婦之分。不可留他。你與我取出續命膠一丸與他。〔末〕古洪過來。〔小生跪外末與藥介〕

〔北殿前歡〕〔外末〕這丸膠鳳脂麟角兩和調。仙翁金鼎親成造。混入香膠入口。俏魂消。三日後還驚覺。管取他百年隨偈。一旦成交。

〔風入松〕〔小生〕相思有藥真神妙。也不用赤繩繫繞。管教一對團圓好。恩情擔總是他挑。這書生福分非小。直教兩仙翁便與成交。〔外末〕古洪。此去果成了事。不可不早來。〔小生〕得蒙仙師指教。弟子只在三月之內。成就此事。重拜仙壇。

〔北鴈兒落〕〔外末〕試看那苦海底波濤惡。爭似咱碧天邊雲月好。早別卻有貪嗔人世累。來同受無榮辱山中樂。

〔風入松〕〔小生〕弟子即今拜別。留連不忍出林臯。歎仙俗難遭。這回又入人圈套。知甚日天路相邀。怕桃源萬花深杳。空日斷這山遙。〔外末〕古洪。休忘了真言。早來同

往。〔小生〕謹領師命。誤入蓬山頂上臺。〔外〕人□□戀卻歸來。〔末〕塵心未斷俗緣在。〔合〕何不學

仙塚壘壘。〔小生下〕

〔離亭宴歇拍煞〕〔外〕人生七十從來少。又憂愁風雨相纏繞。欲遂五岳遊。直待得婚完嫁了。怕蹉過少年朝。偷閒處頻把金樽倒。何苦去長對牙籌較。縱不能辭家訪丹砂。也合自載酒看花鳥。與良朋同歡笑。你道是富貴一時求。正不知人生八字定枉勞。你巧做千年調。猛推開戲偶場。單揭起彌天罩。試看九泉下一滴何曾到。一任伊孔方兄滿前堆。只怕他閻羅老訂名召。

〔清江引〕大都來世人也都知。單只是回頭少。跳出慾火坑。便是金丹竈。你不悟呵。失卻人身何處討。

賣藥修琴歸去遲。

白雲何處又相期。

人生一世長如夢。

萬事回頭早拂衣。

### 第二十三齣 寫詔

〔賣花聲〕〔小生上〕機事苦縈思。萬轉千回。今朝次第有成時。若還偷得佳人到。方報相知。心慌猶恐他人聽。事密須將緊口防。老夫爲王仙客一點敬心。替他捨命幹這一事。昨日已曾求下仙丹。不免假造印信。寫一封詔書。賜無雙藥酒。藥死了他。老夫自去贖取尸首。救他重生。再得完聚。事不宜遲。文房四寶在此。不免寫詔則個。〔執筆介〕

〔二仙橋〕展開黃紙。蒸地沉吟。思憶染毫欲下。縮手還自慮。怕下筆處風波起。一場違法事。眞消得木驢碎屍。我死不須提。又把書生累。怕恩多成怨。悲待將扯碎。又負了初時信誓。寧可死裏去求生。決不做偷生在人世。罷罷。大丈夫許人以死。何必多疑。

〔前腔〕猛然怒起。丈夫豪氣。替人出力。〔脫巾投地介〕怎怕得頭顱墜。奮筆寫。何須慮。生來命不濟。不能勾翰林簪筆。卻去閉戶寫私書。書去傳千里。數行字。瞞



天地有誰知得寫完時封題印記。又怕有耳在隔牆悄悄低聲念取。詔書寫完。要採蘋寒鴻送去。昨日親與王仙客借了。又借到明珠一顆。如何此時不見到來。

〔眼兒媚〕〔貼丑上〕慇懃領命到荒山。心事未相關。攀花問柳。勾鶯引燕。方寸心間。〔見介小生〕你兩個來了。明珠有麼。〔貼丑〕明珠已取在此。俺二人奉主人尊命。與老丈幫扶。只是妾身女流之輩。手無縛雞之力。如何濟得事。〔丑〕小人一竅不通。其實沒用。〔小生〕你兩人休慌。俺自有妙計。〔貼〕老丈有甚計。〔小生〕你聽我道。

〔本序〕套寫皇宮。〔貼〕寫下假詔書。〔小生〕倩嬌娘假做中宮裝扮。〔貼〕要妾身粧做內官齋詔去。〔小生〕齋藥酒藥。取佳人氣斷。〔貼〕解元要你生取出來。你卻把他藥死了。終作何用。〔小生〕靈丹死後重生。不須疑憚。〔貼〕怎的出得宮來。〔小生〕莫管親去贖屍還。〔貼〕將何爲詞。〔小生〕自有巧言相騙。〔丑〕告押衙採蘋姐不過一女子。怎做得這亭。〔小生〕你不知昔日木蘭代父而出征。人都不覺。紅線至魏博而偷盒。止卻反謀。據這小娘子。雖無紅線之才。也有木蘭之智。便幹不成。也不到得敗露。小娘子。你敢去得麼。

〔前腔〕〔貼〕情願報效。恩人舍生前去死而無怨。〔小生〕得你這般肯去。大事便成了。

〔貼〕只怕空遭難。好事難完。〔小生〕不妨。一路上驛亭旅店。俱已受了賄賂了。〔貼〕只一件

容顏不似兒男。〔小生〕不妨。看你模樣。也像個內官。〔貼〕更言語參差。被人瞧見。〔小生〕

也沒事。你只小心。不要多口。〔丑〕放膽。天與周全。管取平安往返。〔小生〕小娘子。老夫備

着一套紗帽羅袍在此。更換了衣服。就此起程。〔貼〕妾身就換。〔貼卸冠介〕

〔古輪臺〕〔貼〕脫花冠。把烏紗小帽罩雲鬟。〔換衣介〕羅衫解下。把羅袍換。〔繫帶

介〕帶鉤玉碾。別樣風流。轉添嬌豔。〔小生〕待我瞧一瞧。果然天生的。一個年少中貴。沒有

兩樣。想唐宮難覓。這個殿頭官。天香袍染。駿馬鳴鞭出長安。市人應羨兒郎

年少。金貂貴顯。誰道把伊瞞。〔丑〕喬粧扮。元來是綺羅叢裏。俏嬋娟

〔前腔〕〔小生〕小娘子聽我分付。你心堅粧模做樣。到陵邊。他那里有進退周旋也

須打點。上馬登舡。牢把朝靴套挽。休露足纖纖。更把柳腰遮掩。和衣臥。莫遣傍

人見。用心防範。〔貼〕妾身都理會得。遇人時。須有花言。倘然看破。同投羅網。怎生脫

免〔合〕但願早回還。保平安。大家離脫鬼門關。〔小生〕小娘子。你在路小心。到皇陵上

遇人盤問。慢慢打點回話。塞鴻。倘有不到處。你在傍邊接應。倘若事敗。同是一死。〔丑〕小人理會得。

〔餘文〕〔小生〕齋鳩酒。奉鸞緘。放心去皇陵一遍。〔合〕管取喚得流鶯出御園。

〔小生〕小娘子仔細仔細。〔貼丑〕老丈放心放心。

大膽家人賽木蘭。

假粧男子到陵間。

若還偷得春情出。

方顯奇謀難上難。

### 第二十四齣 僞勅

〔菊花新〕〔外上〕春寒懶下小蒲龕。經卷香爐伴午酣。嫩柳舞摻摻。漸禁林好

花粧點。乞得山林自在身。不隨車馬走風塵。深宮晏起無他事。一點名香祝聖人。下官勅使周全

的是也。蒙聖恩差到皇陵上。掌管月支請受。好生富貴。門無公事。多少清閒。今日孟春天氣。餘寒未

退。老年愛靜。怕有閒雜人攪擾。不免喚牢子謹守府門。則個牢子那里。〔淨上〕有事不敢不報。無事

不敢亂傳。覆老公公。朝廷差高品內使。齋奉勅旨。到皇陵上開讀。已在宮門外了。〔外〕忙排香案迎

接。

〔前腔〕〔貼扮內官捧勅旨丑扮祇候從藥酒上〕一封丹詔下關南。就裏深謀誰敢參。

香霧罩林嵐。有眼的遮漫不見。〔接見介貼〕聖旨已到。跪聽宣讀。勅。皇陵使周全。義起君臣。

情莫重乎謀逆。迹連黨惡。禍必及于妻孥。故戶部尙書。租庸使劉震。忘累朝之厚恩。受逆賊之僞命。

除將明正典刑外。妻子俱合隨坐。其女無雙。見在皇陵。朕欲戮之都市。仍又憫其無辜。特賜藥酒一

尊。令其自盡。詔書到日。卽令引決。嗚呼。翦除逆裔。不遺宮禁之差。昭告皇陵。庶快祖宗之忿。咨令有

司。無或遲誤。〔外〕萬歲萬歲萬萬歲。〔外〕左右的接過了聖旨。分付宮中老婢。送藥酒與無雙娘子。

早早引決。〔淨〕齋將紫禁黃封酒。斷送紅顏綠髮人。〔下外〕天使請坐。〔貼〕老公公請坐。〔外背介〕

這後生俺不認得他。待盤問他一番。敢問天使是幾年上入宮。貴庚多少。〔貼〕下官大曆十八年入

宮。今年賤齒三十一歲。〔外〕大曆只有十四年。那有十八年。〔貼〕是十四年。下官說差了。〔外〕此時

下官在朝。怎生不相識。〔貼不語丑背介〕不好了。待我回話。〔丑轉向外介〕老公公。宮禁中無數中

貴。你怎認得。〔外〕敢問天使。如今祇應那一宮。〔貼〕下官上陽宮聽宣。〔外〕天使差了。上陽宮乃宮

女退居之地。天使怎生住得。〔丑〕是俺公公說差了。正是昭陽殿。〔外〕也罷。你認得今上皇帝。怎生模樣。〔貼〕皇上龍顏。五短身材。三牙掩口細鬚。〔外〕又差了。今上身長七尺。面若銀盆。那有髭鬚。〔丑〕是俺公公又說差了。他只知道是先帝的模樣。因此誤答。〔外〕這天使莫不有詐。爲何說話踈蹇。〔丑〕老公公休多心。俺小公公年紀小。一來路上辛苦。二來得了風病。因此語言顛倒。〔外〕元來恁的。天使少坐。洗塵筵席。〔貼〕下官限期近促。只此告辭。

〔三換頭〕〔貼〕卑人愚昧。仗托聖恩擡舉。正途中病染。宮闈事怎提。休生疑慮。〔丑〕論同官如兄弟。有差遲煩君指迷。早赴雲霄路難追。日月期。〔合〕辛苦星軺歸去也。願東風送馬蹄。

〔前腔〕〔外〕逍遙暮年。九重恩賜。此身雖在外。心長在禁闈。親承聖旨。這罪人隨當藥取。論國法敢容片時。他犯着龍鱗。怒難寬。霜霰威。〔合前〕

紫泥封詔下天來

紅粉佳人化作灰

無那思君并戀闕

五雲西去首重回

〔外下貼丑弔場丑〕探蘋姐。你險些兒被他看破了。〔貼〕便是。奴家女流之輩。一時不能支持。〔丑〕事已成了。快去回覆吉押衙。待他連夜打點贖取尸首。〔合〕正是一心忙似箭。兩脚走如飛。〔並下〕

### 第三十五齣 飲藥

〔山坡羊〕〔旦手捧瓶酒詔書上〕恨悠悠盼不到的故里。冷清清守不徹的宮宇。杳冥冥望不見的長安。高渺渺上不得的黃金陛。白日低。浮雲又重蔽。天高怎訴胸中意。千古傷心。一腔冤氣。〔哭介合〕親圍黃泉無見期。夫婿。來生重見伊。奴家

不幸陷身掖庭。指望天恩。一家完聚。誰想朝廷把爹媽害了。今日又差使臣賚賜奴家藥酒自盡。天那。閃的我好苦。正是兵戈不見老萊衣。一去東流何日歸。無復新粧紅粉黛。雲搖雨散各分飛。

〔前腔〕一怨我生不逢得平世。二怨我死不見個親戚。三怨我葬不上得先塋。四怨我祭不着的漂流鬼。空自悲。此生如過隙。東君枉付多嬌體。算卻繁華。渾如夢裏。〔哭介合前〕春日凝粧上醉樓。眼穿腸斷爲牽牛。那堪一夜風和雨。別作深宮一段愁。

〔前腔〕誰憐我父死在都市。誰憐我母死在幽閉。誰憐我夫君漂泊天涯。誰憐

我闔門都散徙春正迷。寂寞花無主。傷心不見春風美。只有孤塚年年草痕交。  
翠〔哭介合前〕無處春陽不斷腸。可憐飛燕倚新粧。鴛鴦綉帶拋何處。一曲伊州淚萬行。

〔前腔〕做不得碧玉井死做不得綠珠樓墜做不得妃子羅巾到做了二姬冤  
骨醉有誰知。一死成何事。願魂化作孤鴻去。萬里西歸與雙親一處。〔哭介合前〕

香魂夜逐劍光飛。舞影歌聲散綠池。路遠西歸安可得。何年卻向帝城棲。〔內云〕老公公鈞旨。請劉無雙早早自裁。不得遲延。帶累不便。〔旦手執酒哭介〕

〔孝順歌〕這酒呵本是合歡杯。解悶卮。一朝反有殺人意。聞得有中山千日酒。便做  
中山千日味。千日完時還醒起。怎比這杯喫了。須教千古醉。腐腸爛脅須臾事。  
想當時銷金帳。羊羔酒。多少富貴。怎知有今日。手把金尊流涕。思憶當年孤負銷金  
帳底。〔內云〕請劉無雙早早自裁。不得遲延。帶累不便。〔旦〕怎的這般催促。也罷。千死萬死。終須一  
死。不如早喫了酒罷。〔取酒又放下介〕

〔前腔〕杯擎起手又低手。軟心酸。怎生喫狂藥。非佳味。怎與奴家命遭際。死在

須臾君令如天怎逃避。三寸氣斷離人世。那有人來收瘞。罷罷。身後茫茫。使做金樽銀棺何濟。〔內云〕請劉無雙喫藥。老公立等回報。〔旦〕苦那廂又催促也。怎由你不喫。罷罷。

〔尾〕天涯客死無依倚。今夜裏飄零紅粉墜。黃泥血污遊魂怎得歸。〔旦倒介淨

丑上淨〕自古道無事而戚。謂之不祥。這一個劉娘子。在此有甚麼不好。沒些巴臂。只管哭哭啼啼。如今愁出這場大禍。飲酒身死了。〔丑〕老公公分付我收拾他尸首。着人買棺安葬。俺兩個不免抬他進去。〔淨扶頭丑〕阿也。這娘子瘦。只好做水牛肉賣。〔丑〕姐姐。你醉了。要新鮮五香麻辣粉酸湯喫一碗麼。〔淨〕來來。我和你伏事他多年。也哭他一聲。〔丑〕交我怎的哭。〔淨〕你先哭。〔丑〕高山頭上一枝梅。含花蕊兒不曾開。一朝西風來吹倒。可惜妖嬈化作灰。〔笑介淨〕哭得好。倒唱起山歌來。〔丑〕我哭不出。你哭。〔淨〕待我哭。

〔北江兒水〕劉家女兒貪喫酒。醉死了方才透。若還寔起來。好似糟猪肉。那一塊擗不乾淨的難下口。〔丑笑介淨〕只因一盞黃湯。〔丑〕打碎無雙美玉。〔拾下〕



第三十六齣 珠贖

〔西江月〕〔末上〕一朵名花無價。移栽上苑生香。淺紅淡白弄春光。綽約含嬌未放。已被西風憔悴。那堪夜雨淒涼。可憐零落委山莊。虛度韶華一晌。自家爲何道這幾句言語。只爲先朝戶部尙書劉震。止有一女無雙。前年跟隨俺老公公到皇陵上打掃。近日朝廷把劉相公明正典刑。賜無雙藥酒自盡。可憐千般嬌媚。今日總成空。三載漂零。一朝成永別。玉骨冰肌。猛被瓊漿澆散。惹心蝶意。都教鴉羽摧殘。香魂杳杳。應投舊日深宮。月魄悠悠。怎覓故園歸路。不知精爽落何處。疑是行雲秋水中。老公公憐他衣冠女子。可惜少年無辜。縱然不得附葬先塋。爭忍見他橫尸道路。因此上着小人買口棺木。把無雙葬在山邊。冥中快樂。只疑他侍從諸帝神遊。泉路淒涼。敢怕也感戴貴人恩德。此間是長街市上。不知那一家有棺木。遠遠望見一個老兒來也。待俺問他一聲。

〔水底魚兒〕〔小生上〕計巧謀奇。除非鬼神知。卑詞厚幣贖取尸首歸。〔見介末〕老人家忙忙投那里去。〔小生〕老漢要投周公公府里去。〔末〕老丈。俺便是周公公府中院子。你要見公公怎的。〔小生〕老漢有事相求。煩你引進則個。〔末〕你有話說與俺知道。替你用心。〔小生哭介〕

不瞞大哥說。老漢姓張。從小兒在劉尚書府中做祇候。近日不幸老相公伏法。只有女孩兒無雙小姐。又飲藥酒死了。老漢一者思量老相公恩德。二者哀憐小姐無辜。要與老公公求取尸首安葬。又沒甚道路。只有祖上遺下明珠一顆。其價十萬。只得將來贖取尸首。盡我老漢一點犬馬報主之心。院公。怎生可憐見。與我引進。自當重謝。〔末〕元來如此。虧殺你老人家有緣有分。來得恰好。老公公正要小人買棺安葬。你既到來。無有不允。只一件。〔小生〕怎的。〔末〕俺老公公怕見間雜人。你且在府門少待。我自己去稟覆他。〔小生〕如此多謝。〔末虛下叫介〕院子稟事。門外有個老兒。是無雙親故。將明珠一顆。贖取尸首。請老公公鈞旨。〔內應〕珠兒不收。尸首着人抬出。好生安葬。〔末〕且喜老公公着人抬出尸首來。明珠不受你的。〔小生〕感承大哥照顧。何以爲報。

〔前腔〕〔淨丑抬旦上〕花樣嬌姿。無辜眞可悲。今朝收葬。有緣得遇伊。〔淨丑〕老兒。我兩個轎夫。扛抬一口死豬婆與你。回去炒來吃時。你也與我一塊兒吃。〔末〕又道是人肉腥膠爭。堪吃。〔淨丑〕你原來是知味君子。〔小生向末介〕多謝厚恩。這顆明珠就將來送與你。〔末〕老公公既不受。小人怎敢。你老人家將去。變賣些衣衾之類。與無雙送終。〔小生〕怎的。老漢大膽收了。〔末

向淨丑介 你兩個好好地送尸首到太公家去。〔小生〕老漢自有轎夫在半路相等。不勞遠送。

〔好姐姐〕〔末〕念君是有義男兒。心腸好不忘舊主。我與你完成勝事。何須受厚儀。〔合〕屍贖取。好覓佳城埋玉樹。紅粉休教汚土泥。

〔前腔〕〔小生〕念吾貧窮下俚。一心要報酌恩惠。荷蒙指引。冥中也感謝伊。〔合前〕

〔前腔〕〔淨丑〕念他少年美姿。苦遭了命中不濟。含冤橫死。旁人也垂淚。〔合前〕  
年少佳人罹橫禍。不忍見他屍暴露。

得君贖取好安埋。一似彭王遇纒布。

### 第二十七齣 授計

〔罵玉郎〕〔生上哭介〕心上人兒掌上金。翻做波間月。海底針。紅顏皓齒暗消沉。沒回音。怨悠悠。血染羅襟。怕香骨怎禁。怕香骨怎禁。怎禁雨打霜侵。怕芳魂怎尋。怕芳魂怎尋。度不得萬水千岑。猛判棄此身同燭。早落得一處。早落得一處。

化爲雙蝶。並宿花陰。自甘心也。強如獨眠孤枕。斷腸處。盼不到蕊宮椒寢。傷春

未已。復悲秋。欲採蘋花不自由。人面祇今何處在。不勝清怨下高樓。古押衙前日與我借去探蘋塞鴻明珠。前往使計。一月有餘。並無音信回來。昨日入城打聽。朝廷把劉尚書夫妻害了。差高品內官。往皇陵上。藥鴆其女。天天想俺小姐一命難留。古押衙空勞使計。小子也枉用癡心。真個痛殺人也。

〔前腔〕憶昔嬉遊翰墨林。暗裏拋紅豆。打翠禽。雙雙拍手遶花陰。墜銀簪。有時節避暑溪潯。對明月撫琴。對明月撫琴。有時節玩雪微吟。看紅顏翠襟。看紅顏翠襟。真個是一對兒美玉金精。畫堂中往來無禁。你爹憐母惜。你爹憐母惜。當時許下偕老鴛鴦。到如今。用盡了百計千心。只落得淚珠兒羅衫溼浸。

〔北中呂粉蝶兒〕〔小生上〕虎窟龍潭。早歸來。不將身陷。把嬌娥偷下林嵐。〔生見介〕恰正無聊。猛相看愁心頓減。〔小生〕管教伊愁上添歡。〔搖手介〕悄低低怕有人窺瞰。〔生〕老丈。且喜回來了。無雙的事如何。〔小生〕好交你歡喜。無雙小姐已被俺偷出來了。

〔生〕老丈休哄我。小生昨日聞得劉尚書與夫人受害。無雙藥死在皇陵上。你那里取得他來。

〔醉春風〕〔小生〕你聽我道。則爲你藍橋夜燈月盟。漢宮秋雲雨擔。小心兒荒山迢遞來尋俺。引動咱鐵石心腸。改抹卻英雄氣概。都做了偷香俏膽。〔生〕是累及老丈了。卻怎的用計。

〔迎仙客〕〔小生〕打聽的神仙客。在茅巖買靈丹。探幽嶮。把香醪相和染。〔生〕

買下仙丹如何。〔小生〕又寫下鳳詔鸞緘。把筆尖兒弄出刀頭險。〔生〕假詔書已成。着那個送到皇陵上去。

〔石榴花〕〔小生〕風流擔子倩誰擔。把如花少女假裝男。〔生〕採蘋去粧內臣。〔小生〕說尙書夫婦的並斬。賜佳人寬典。藥酒身殲。猛拚生向陵官贖取屍骸殮。〔生〕怎的取得尸首出來。〔小生〕仗蘇張一味言甜。把明珠美玉同時賺。則俺這瞞天大謊有誰參。〔生〕尸首贖出來了。怎的救他活。〔小生〕三日後便還魂也。

〔上小樓〕輕開瓠犀牙頰。略把青羊乳點管。取氣轉丹田。魂返泥丸。喚醒花酣。〔生〕如今小姐在那里。怎的不送來。〔小生〕待日落山銜。人到茅菴。請君看驗。舊龐兒

可曾清減。銷注了婚姻簿。填平了相思坎。重勻粉面。重掃眉尖。重效鸚鵡。你看  
今夜里呵。捲疎簾。月纖纖。江梅冉冉。則兀的三春佳景。一宵兒都占。〔生〕俺夫  
婦同住在此不妨麼。

〔小梁州〕〔小生〕你真個色膽如天。意態憨。出語腌臢。危機只在眼下。未曾諳。休  
貪濫。形跡早藏潛。〔生〕小生也要去。只怕行裝未備。〔小生〕老夫今朝替你行裝。斂  
明日裏早上征驂。莫留淹。須果敢。偷生逃命。遇人處。凡事要包含。〔生〕此去打從  
潼關過。須要文憑看。〔小生〕文憑我已做下了。你收着。〔與文憑介〕

〔朝天子〕這文憑一函。由他對勘。千人百眼遮教暗。機心用盡。方自斂。深恩已  
報無拖欠。了卻冤牽。今宵放胆。睡夢兒也息了心念。拂青衫。掉虬髯。從今去不  
受塵埃纜。〔小生欲下。生扯住介〕老丈。你撇了我。待投那里去。〔小生〕秀才。我雲海閒人。豈戀戀于  
此山中者。特以秀才深恩未報。不忍舍去。今日大事已畢。吾願足矣。只此告辭。〔生〕老丈去意已決。  
小生不敢曲留。且少坐片時。有話拜稟。〔小生坐。生跪介〕小生忝儷乖離。此生無復相見之理。得老

丈萬死一生。成就好事。使德言之破鏡復合。都護之桃花再開。粉骨碎身。何可報答。小生有明珠一顆。昔日老丈借去贖尸之物。今日聊奉左右。以表犬馬之私。〔小生〕秀才是何言也。老夫雖一介武夫。棄世利如浮雲。嗜信義如飢渴。所以爲郎君出死力者。感知己之恩。少酬其萬一。今受此物。乃輕生圖利。市井之不若矣。決不敢受。〔生〕老丈豈不聞聶政不辭仲子之壽。荆軻不卻燕丹之金。古人雖不爲利。其交以道。亦所不辭。況今日之事。乃以德報德。何利之有。〔小生〕秀才誤矣。昔漂母哀王孫而進食。尙惡厚報之言。漁父念子胥而引渡。猶伏酬恩之劍。老夫何爲而反不若二人乎。所重者郎君一點敬心。所愛者平生得遇知己。區區夜光之珠。何足道哉。〔生〕老丈固非謀利之人。在小子可乏報恩之禮。果若不受。豈能自安。尙念久交之義。姑受此珠。以慰寸心。何如。〔小生〕拔劍自刎。介生抱住介。老丈何故如此。驚死我也。〔小生〕老夫自傷衰朽。不能使交遊明吾此心。不如死之爲愈。〔生〕小生一時感激之言。有犯義士。望乞恕罪。

〔煞尾〕〔小生〕當日在茅山。仙子親留俺。無奈他塵緣掇賺。冷落了雲巖。回頭猿鶴也羞慚。爲君受了多磨劓。尋師去覓丹方好。戀世空勞白髮添。此去心無

忝一任他春波拍拍烟島尖尖。〔小生下生弔場〕賢哉古押衙。爲小生知己之故。奮不顧身。

取出小姐來。又替我做下文憑。整頓衣裝車馬。擺列門外。着我遠去逃命。這恩德分明是再生父母。贈他明珠。又不肯受。連自家的田宅也棄下。飄然而去。果然一世之高士也。小姐已送在門外。且叫探蘋扶他在裏面去。待我趕上押衙。送他十里再回。正是感恩不覺言詞切。仗義誰如俠士高。〔下〕

### 第三十八齣 聞赦

〔光光乍〕〔淨上〕昨日下午金雞銜出紫泥書。渙汗天恩天下知。特來與故人賀

喜。下官乃大理寺官。昨日聖上郊天大赦。一應有罪人犯。不拘大小。已發覺未發覺。已結正未結正。盡

皆赦除。俺這獄中有尙書劉震。下官一向與他相處。不免去報個喜信。此處是牢門外。待我叫他一聲。劉相公有麼。

〔金蕉葉〕〔外上〕三年受災。這冤耗挂腹撐懷。有一日天恩下來。洗清了業山

苦海。〔見介淨〕相公賀喜賀喜。〔外〕何喜可賀。〔淨〕昨日朝廷郊天赦下。一應有職官員。罪無大小。

咸赦除之。相公已得脫放。着你西川安置。今日到午門前謝恩。下官聞此一信。特來拜賀。就請出獄。



〔外〕元來如此。下官罪惡深重。荷蒙皇上寬恩。實出望外。只是久受大理相公厚恩。不能相捨。〔淨〕你若不捨得我。請在此再住三五年去未遲。〔外〕休笑話。其實無恩可報。〔淨〕我再交你歡喜。昨者聖上放出宮女三百餘人。年紀三十以上者。盡得出宮。你老夫人想是也出來了。若要問信。只在午門外廂尋問。〔外〕若得如此。幸中得幸。

〔割歎兒〕〔淨〕你爲人忠直神明蓋。神明怎肯把你屈安排。休將別人怪。是你命該。〔合〕天般大災。今朝盡解。不致喪身。虛驚何害。

〔前腔〕〔外〕三年牢獄牽冤債。容顏變得盡語音乖。今日得寬貸。如花再開。〔合前淨〕小子告別了。你快去午門外尋取老夫人。〔外〕多謝相公。〔淨〕不因漁父引。〔外〕怎得見波濤。〔並下〕

### 第三十九齣 回生

〔丑貼扶旦上〕用盡英雄計。尋將窈窕娘。若還得重活。始驗有仙方。小姐尸首已送在此。且把來安頓在牀上。待解元送了古押衙回來。如法救治。道猶未了。解元早來。

〔醉落魄〕〔生上〕姻緣有分休貪早。時來到自然合。轉千般巧。誰信憂愁直到

這回消。探蘋。小姐扶在那里。〔貼〕在床上臥着。〔丑〕告官人。小姐已死三日。敢怕救不活。〔貼〕莫

不真個難救。那押衙因此逃去了。〔生〕你們休疑了。他是義士。怎肯哄人。那仙方明白說吃三日。方

才得活。三日了理合救他。〔貼〕官人。你甚本事救他。〔生〕他已囑付我了。把青羊乳滴入口中。自然

甦醒轉來。〔丑〕事不宜遲。請官人動手。〔生滴乳。且舒手介〕好了。好了。小姐甦醒。

〔集賢賓〕〔旦〕陰陰一去無分曉。香魂豔魄飄飄。驀地雙睛閃開了。是誰扶。〔生〕

小姐。是小生王仙客。〔旦〕是誰相靠。〔貼〕是妾身探蘋。〔丑〕小姐靜坐着。〔旦〕又是誰來廝

叫。〔丑〕是小人寒鴻。〔旦〕你們怎的都到這里。莫不是夢魂顛倒事湊巧。親骨肉一齊都

到。

〔前腔〕〔生扶旦坐介〕金樽玉酒催人老。我只道當時玉碎花銷。重臨陽世真

難料。敢則是仙方相療。宮闈深杳。甚計策脫身出來了。〔生笑介〕是插翅飛出來的。

〔旦搖手介〕低聲告我耳邊。廂怎禁聒噪。

〔鶯啼序〕〔生〕小姐請坐。待我仔細告訴。驛中錦字說根苗。〔旦〕曾尋得古押衙麼。〔生〕押衙隱在荒郊。改衣裝與塞鴻同造。輸心做盡卑小。〔旦〕見他曾告訴來。〔生〕經一年交結知心。到近日方談分曉。〔旦〕他肯也不肯。〔生〕他聽說了。只低頭暗中計較。

〔旦〕他用甚計策。

〔前腔〕〔貼〕他去茅山買得續命膠。他又假傳聖旨一道。〔旦〕那個替他送去。〔貼〕把採蘋粧做官僚。當時交妾身齋奉聖旨。到皇陵上開讀。道尙書已行誅剿。〔旦〕元來詔書是假的。那齋詔的正是你。〔貼〕賜多嬌藥酒一樽。把玉山等閒推倒。〔旦〕既然藥死了。怎的取得尸首出來。〔貼〕那古押衙呵。果是豪強手段。他又粧村老。把明珠贖尸首。擡離陵廟。〔旦〕難得。難得。只聞古押衙之名。果然有這般好計。他如今在那里。解元。我和你不可忘了。此人待我將息一會。就去拜謝他。〔生〕只恨他不在此了。〔旦〕爲何不在此。〔丑〕聽小人說。

〔琥珀貓兒墜〕英雄義士施恩不求報。他又具下行裝與金寶。教伊夫婦去他鄉好。〔旦〕解元曾送東西謝他麼。〔生〕曾把明珠送他。〔丑〕不要。一時裏別卻東人。採藥求

道。

〔前腔〕〔生旦〕我和你姻緣斷絕。今生永無靠。得他巧計奇謀成就了。恩如山海將何報。〔合〕堪笑自古來好事多磨。到底諧老。

〔畫眉不盡〕〔合〕不枉濟時豪。萬死忘身報故交。到頭不受財和寶。轉見山林手段高。

烈士真堪託死生。

殺身無可報深恩。

輕將換日偷天手。

成就孤眠獨宿人。

### 第四十齣 會內

〔二剪梅〕〔外上〕孤身何幸脫樊籠。兩鬢飛蓬。半世漂蓬。聞知鳳侶別深宮。今日難逢。何處相逢。聞知退出宮女。多在午門外朝房下等親戚。不免向那里問一回。

〔前腔〕〔老旦上〕殿前辭別感恩濃。身出宮中。心在家中。出門尋訪沒人逢。骨肉無蹤。故苑迷蹤。老身一向宮中閒住。孩兒又差出了。好生寂寞。今日幸遇新天子卽位。宮女三十

歲以上者。盡都放出。老身蒙恩得脫。爭奈丈夫監禁。家業漂零。沒有安身之處。怎生是好。呀。那來的。好似我相公。〔外見介〕呀。你正是我夫人。

〔黃鶯尾〕三載苦飄蓬。又誰知此地逢。莫非神物來相送。對面無言淚雨紅。夫人且喜得脫。〔老旦〕相公爲何也得疎放。〔外〕下官遇天恩大赦。放出牢中。一應財產。仍前給還。着俺成都府安置。聞知夫人出來。特來尋訪。〔老旦〕相公一向在牢中。怎生度日。〔外〕夫人聽訴。

〔大聖樂〕孤身日暮途窮。鎖長愁一命終。幸刑官念我含冤痛。朝夕裏好看供。餘生得脫君恩重。結髮誰知此地逢。〔合〕重歡共。淒涼骨肉相對如夢。〔外〕夫人一向宮中怎生過活。

〔前腔〕〔老旦〕昭陽寂寞春風鎖。眉尖恨萬重。正衰年難受朝參寵。只落得山枕上淚痕濃。羞將白髮金篦攏。悶把菱花照病容。〔合前老旦〕姪兒王仙客不知在何處。相公會知道麼。〔外〕下官也不知道。

〔八聲甘州〕風流俊種。自當日遭亂。杳沒回蹤。江湖流落。不審存亡行動。衣裝

齋去投何處。發策還來獻九重。〔合〕想應他孤苦。有信難通。〔外〕夫人。女孩兒怎生不見。〔老旦〕相公還不知哩。女孩兒差出多時了。〔外〕差往那里去了。

〔前腔〕〔老旦〕又提起交人心痛。念嬌癡少女。久別深宮。九重差去。遠作皇陵供奉。別來三見春風柳。盼斷千行上苑鴻。〔合前外〕元來女孩兒差在皇陵上去了。苦不

知怎麼樣兒。夫人。下官已備行李。與夫人同下西川。就此登程。〔老旦〕相公請行。

自傷夫婦久飄零。

此日相逢聚舊盟。

但願平安下三蜀。

春風依舊錦官城。

## 第四十一齣 珠圓

〔薄倖〕〔生上〕脂粉魔消。烟花債了。謝東風爲我扯開愁網。覩玉人如畫。神魂飛蕩。〔旦上〕初相向。悄低首。背燈無語。渾未脫漢宮嬌樣。〔清平樂〕〔生〕漢宮眉小。

一別三秋杳。〔旦〕握手相看偷眼笑。說盡相思苦惱。〔合〕可憐百樣艱難。方諧一對姻緣。不是靈橋

烏鵲。如何得見嬋娟。〔生〕小姐。我和你兩點芳心。百年歡約。指望陽臺會雲雨。誰料平地起風波。椒

房寂寞。冷繁臂之紅綃。芸館淒涼。閒書眉之妙手。〔旦〕解元。我和你惜好花之無主。歎明月之各天。不如上林蜂蝶。猶解雙飛。一似絕塞鴈鴻。自傷孤影。〔生〕驛亭空撥琵琶絃。鸞膠未續。藍橋便是神仙宅。瓊液難嘗。悵紅葉之空題。望鸞車而永泣。自謂今生緣已斷。豈料夙世再相逢。斯豈人爲。若有神助。〔旦〕義士施偷天之計。郎君秉介石之心。紅綃託磨勒以得脫。誰言鐵壁銅牆。執排因衛公而□□□□龍興雲萃。苦盡回甘。章臺之柳未折。死中得活。崔氏之桃再開。〔生〕從今重整侯宅之綺羅。乍改內家之粧束。草草杯盤。敢辭野合。匆匆花燭。便話山盟。〔旦〕假饒蟾遮桂擁。等閒飛出廣寒宮。只恐燕妬鶯猜。好覓一枝深穩宿。〔合〕正是欲諧一對百年好。怎怕千山萬水行。

〔江頭金桂〕〔生〕想那日綺窗偷望。翻做深宮兩下狂。那更驛庭留恨。香車傳想。好姻緣。惡磨障。不磨障。怎見心腸。死生難放。好似藍橋玉杵。搗盡玄霜。玄霜搗成願始償。試向燈前細看。向燈前細看。雲英形狀轉風光。真個巧笑如花面。嫦娥宮樣粧。

〔前腔〕〔旦〕我和你是鴈行兩兩。又結下于飛效鳳凰。猛被揭天風浪。打散鴛

鴛苦相思。怎相傍。受多少春怨秋傷。綠悽紅恨。好似西廂月下。目斷東牆。東牆月滿。始見郎。你把裙腰拭扣。裙腰試扣。也不似舊時模樣。減容光。真個病入裙腰小。愁隨繡帶長。

〔前腔〕〔生〕我只道烟迷霧漲。又誰知雲開月再朗。我有雲愁雨怨。萬種思量。待相逢。盡說向。相逢了一笑都忘。兩情搖蕩。好似倩娘香魄。夜逐輕航。恍惚猶疑春夢忙。慚相偎話舊。相偎話舊。真成歡賞。謝仙方。始信續命多靈藥。還魂有妙香。

〔前腔〕〔旦〕可憐我椿萱凋喪。那更故園桑梓荒。留下柔枝嫩蕊。兩處飄颻。喜今朝。花再芳。解元。只恐漏洩春光。鶯猜蝶攘。〔生〕小姐不須憂慮。押衙已分付我。與你逃入他鄉便了。〔旦〕便做楊家紅拂。改換衣裝。密跡潛蹤。出帝鄉。向山林深處。山林深處。避些波浪。永成雙。莫負神明力。難將義士忘。〔生〕小姐。你且說咱們今日相逢。

是誰的氣力。〔旦〕適來說起。都是古押衙的機謀。〔生〕這個不必說。還有一個。〔旦〕敢是探蘋。他曾



冒死齋詔。不可謂無功。〔生〕不是。〔旦〕敢是寒鴻。他曾跟探蘋。也是用力之人。〔生〕也不是。〔旦〕其外更沒有誰。〔生〕小姐。我和你遭此大禍。小生監押行裝。小姐羈留京國。若非明珠表意。怎能勾兩下相思。後來在驛路相逢。小生目斷東牆。小姐獨眠孤館。若非明珠寄恨。怎能勾兩下斷見。更兼買求義士。贖取香軀。皆明珠之功。不可忘也。〔旦〕正說得是。我前日臨別與你的珠兒何在。〔生〕取珠介。在此巾上。你留下那一顆珠兒安在。〔旦〕在此囊中。〔兩人各出珠看介。〕咳。仔細看來。事豈偶然。莫非前定。非關明珠成就之功。皆是神明護持之力。

〔羅鼓令〕〔生〕小姐。你看輕盈夜光。長在佳人掌。分飛兩行。又逐人漂蕩。只道洛浦音沈。塵埃無望。謝穹蒼。人珠兩下都相傍。今宵不負團圓相。光輝依舊照華堂。〔合〕姻緣不斷。天教再雙。堅心廝守。永無散場。從教醫卻相思瘡。明珠端的。是良方。

〔前腔〕〔旦〕寄恨傳情。引得人魂颺。結尾收梢。成就人歡賞。誰料寸珠。功勞千樣。共仙郎。今宵重得同鴛帳。〔生〕千金一刻。休輕漾。莫教花影轉迴廊。小姐夜深。

了。請睡了罷。〔旦〕含羞無語。背卻燭光。芳心無主。笑入洞房。從今勾卻相思帳。  
明珠端的賽紅娘。〔生〕誤入蓬萊喜欲狂。〔旦〕羞將嬌體付檀郎。〔合〕始知仙客真仙子。合喚無  
雙作有雙。〔生攜燈旦吹滅下貼上張介〕

〔解袍歌〕沒來由擔萬死爲他尋訪。卻把俺美前程一日都搶。俺這里忍酸含苦忙  
偷眼。他那里悄低頭把訕臉兒沒處遮藏。一個強鬆羅帶。一個軟貼綉軀。一個  
眉頭半皺。一個心性忒荒。只聽得枕邊掉下金釵響。流蘇戰鳳枕忙。斜舒玉臂  
抱檀郎。奴把今宵樂權讓了前世娘。明朝依舊上奴牀。〔下〕

〔前腔〕〔丑上〕我雖是個驢前廝養。論風月也滿臆思量。爲甚麼擔驚受怕相  
依傍。只圖個好時節拖帶風光。官人呵。你卻吃一看兩。我便食不下腸。你卻綉  
幃香暖。我便凍得半僵。思量情理忒無狀。衾兒薄。夜又長。怎生捱得這淒涼。俺  
猶自可他怎當。可憐熬殺小梅香。〔生執旦手旦穿衣上生〕兩邊心事未全降。〔旦〕萬種相

思此夜償。〔合〕最是五更留不住。向人頭上著衣裳。〔貼上〕你兩個只好這般了。〔丑〕街鼓發掃了

也。請官人小姐早行。〔旦〕我和你投那里去好。〔生〕有兩條路。一頭是鄧州故鄉。那里面有幾家故舊。最好藏躲。一頭是西川成都府。那里面有幾個親戚。也好安身。寒鴻卻。卻是投那里去好。〔丑〕告官人。襄陽是大路。官員往來。被人識破。不可去。成都府是水路。船上去隱僻些。更兼京城寫遠。官司追究不到。那里最好去。〔貼〕只一件。此去須打從潼關過。要文憑看驗。方才得去。〔生〕不礙。古押衙已替俺做下也。〔旦〕事不宜遲。隨即便行。

〔玉山頰〕〔生〕東方未朗。趁人稀。離卻草堂。料天邊只有殘月。知心想山中猿鶴也。悒悒。〔丑〕山花風蕩。柳梢頭露沾羅幌。〔合〕只怕人來往。自心慌。驟聞啼鳥也。彷徨。

〔前腔〕〔旦〕梳粧。鹵莽。避人時少。貼花黃。度垂楊。怕有鶯猜。掩芳林。不容花放。〔貼〕把蛾眉重障。巧做出村莊模樣。〔合〕雲雨初歡賞。又風霜。桃花洞口也笑人忙。

〔十二時〕〔合〕錦江萬里風濤壯。爲恩愛要尋個扁舟重上。但願四口兒平安。

免禍殃

改換衣裝出帝都

管教瞞過把關徒

這回好向臨邛去

尋取文君舊酒壚

### 第四十二齣 江會

〔六么令〕〔外老旦上〕夫妻完聚。荷天恩安置巴西。只愁年老怯崎嶇。禁不得惡滋味。何時安妥全家會。何時安妥全家會。〔外〕夫人。此處潼關。須要盤問。〔老旦〕關上有人來也。〔淨丑上〕金城圍日月。玉壘壓函秦。你兩個是甚麼人。〔外〕下官原任京官。蒙恩差往四川安置。〔淨〕將文憑來看。〔外遞文憑介淨〕敢是假的麼。怎沒有脚力人夫。〔外〕下官是有罪人犯。不該有。〔丑〕過關錢在那里。〔外〕一時不曾准備。〔淨〕兄弟。他做官的。休要他錢。〔丑〕哥哥。他是做官的。最會詐錢。今日老爺也詐他幾文。〔淨〕休胡說。放他過去。當權若不行方便。如入寶山空手回。〔淨丑下〕

〔前腔〕〔外老旦合〕前臨渭水。歎前途蜀道艱危。杜鵑處處向人啼。念骨肉。動鄉

思夢魂日夜京華裏。夢魂日夜京華裏。

〔前腔〕〔生旦貼丑上〕偷天巧計與完成一對夫妻。潛蹤密跡到關西。關法緊。怎

瞞伊。萬般只靠蒼天庇。萬般只靠蒼天庇。〔生〕塞鴻。此處是潼關了。有把關軍士。怎生瞞

得過。〔旦貼〕只說村莊夫婦下鄉種田的。〔丑〕但放心。小人自會答應。〔淨丑上〕重關千里固。一日

萬人過。你四個男女。慌慌忙忙。投那里去。敢是拐帶良家女子。〔生旦貼慌介丑〕告壯士。我夫妻四

口兒。長安人氏。有幾畝荒田。在潼關外。春天到來。下鄉插蒔。〔淨〕胡說。不像個莊家模樣。〔丑〕哥哥。

不要管他。只討文憑看便了。〔生遞文憑介淨〕這文憑有官府印信。果是真的。放他過去。〔丑〕留下

一個好女子。與咱們做過關錢。〔丑〕休取笑。過關錢一百文在此。〔淨丑取錢介〕快走快走。得放手

時須放手。得饒人處且饒人。〔淨丑下生〕小姐。險些兒被他看破了。〔旦貼〕且喜沒事。〔丑〕覆官人。

過了潼關。前面便是渭水。覓個船兒。渡入川江去。〔旦〕你快叫船。

〔前腔〕〔合〕函關脫離。又何須狗盜雞啼。饒伊盤問。怎生知。參不透這禪機。安

流逕往巴江去。安流逕往巴江去。〔淨扮船家上〕小人喚做張稍。使船快似潑風刀。也會隨

風倒舵。也曾急水留篙。昨日忒不小心。飛渡川江大潮。一翻翻了船兒。直跌下水晶宮裏遊。龍王留我吃酒。百般海味烹庖。臨別差鼈相公送。贈我一領龍袍。小子再三不受。〔丑〕怎的不受。〔淨〕我道你且留在下遭。〔丑〕你那船家姓甚麼。〔淨〕小人叫做張稍。〔丑〕張稍。我四個人要過川江去。僱你的船。〔淨〕你出多少錢。〔丑〕與你五十貫。〔淨〕川江裏白浪掀天。我把性命博你五十貫。不去。〔丑〕再添你五十貫。〔淨〕怎的搬下行李來。〔丑〕官人。請下船。

〔長拍〕〔生旦貼〕早離卻潼關渭堤。又來到錦江春水。看傷心景色。傷心景色。萬里波濤。腸斷深閨。三峽啼猿。淚濕羅衣。〔合〕從今去各保安居。無口舌免災危。  
〔淨作搖船並下〕

〔前腔〕〔外老旦上〕正衰年寸步怕移。怎奈何跋跣路歧。歎人生可悲。人生可悲。回首鄉關。霧靄低迷。痛憶親人。拆散東西。〔外〕此處是渭水了。須覓隻船渡入川江去。〔老旦〕前面渡船來了。〔末扮船上〕小人喚做李航。撐船真個高強。不用逢橋貓纜。順風吹過長江。昨夜溜到天河那畔。正見織女當牕。他喜歡小子標致。攜手共入蘭房。便請脫下簑衣箬笠。務死共

效鸞鳳。小子再四不肯。〔外〕怎的不肯。〔末〕我怕那牽牛郎要爭光。〔外〕船家你姓甚麼。〔末〕相公。小人是李航。〔外〕我兩個要渡川江。你肯去麼。〔末〕你出二百貫錢載去。〔外〕與你六十貫。〔末〕不濟事。一千里路好一搖哩。不去。不去。〔外〕添你四十貫。〔末〕怎的請相公夫人下船。〔末作搖船外

老旦合〕從今去各保安居。無口舌。免災危。〔並下淨撐船生旦貼丑上〕

〔前腔〕心頭事怕人得知。眉頭恨今日暫舒。與佳人共攜。佳人共攜。覓得扁舟。載取西施。賣酒臨邛。學取相如。〔合前末搖船外老旦上〕

〔前腔〕渡關河風霜慘悽。望巴蜀烟樹參差。孤身萬死餘。孤身萬死餘。留得殘年。感謝神祇。便受辛勤。怎敢嗟咨。〔合前淨末做撞船介末〕阿也。不好了。撞壞我的船了。

〔淨〕南無平心佛。自家的沒事由他歇。〔末扯淨介〕你那里去。賠我船來。〔淨〕你這斷要惹老爹。和你打個番江滾到底沉。〔相打介外〕不要動手。我的船真個滿了。〔老旦〕那船上救人。〔生旦〕救了

那兩個老人家。〔外老旦跳過船介生〕那兩個不是我劉舅舅舅母麼。〔外老旦〕你兩個元來正是

仙客無雙。

〔山羊尾〕〔衆抱哭介〕幾年間東飄西徙。今日裏天教重會。大海船頭。果有相撞時。〔外〕賢甥。我一日繁華遇亂離。三年骨肉各分飛。奸謀陷入天牢內。遇赦差來錦水西。〔老旦〕孩兒。垂老深宮別嬌女。獨宿孤房淚如雨。自憐青鏡舞鸞空。誰料金雞銜赦喜。〔生〕舅姑。虧他金吾哀念。同宗人。贈妾求官感厚恩。夜深古驛千行淚。日落危橋兩斷魂。〔旦〕爹媽。我玉顏甘作皇陵土。忽傳藥酒催人苦。押衙假詔贖奴尸。又得重生遇夫主。〔貼〕夫人。我匆匆逃命在王家。奉事才郎度歲華。曾粧內使探虎穴。等閒偷出上林花。〔丑〕老爺。我販繒重上長安道。長念主人恩德好。〔合〕今日相逢非偶然。萬恨千愁□□了。

〔鴈過沙〕三年苦分離。兩邊心牽繫。自□相見黃泉裏。誰指望生□會。皇都□□逢妻室。〔合〕又向巴江得逢兒婿。得逢兒婿。

〔前腔〕〔老旦〕深宮□□垂。全家知何地。只愁玉向皇陵碎。喜合浦珠還媚。藍田種璧雙雙美。〔合前〕

〔前腔〕〔生〕身將薄宦羈。心懸浮雲際。渭陽舊愛難拋棄。謝神力重提起。到頭



終作東牀婿。〔合〕又向巴江二親重會。二親重會。

〔前腔〕〔旦〕憔悴玉顏摧。淒涼花宮閉。此身得脫真天意。縱然是諧連理。還把  
萱花椿樹紀。〔合前〕

〔淘沙犯〕〔貼〕莫道丫鬢心膽微。也曾探虎口時。偷把上林春色寄。身投新主  
知。心思故主義。〔丑〕遭亂也。報恩遲。喜相逢。再隨給使。試看梁燕歸來意。還向  
舊家飛。〔外〕豪華都逐水向西。恨望斷荒涼地。添慘悽。〔老旦〕相逢處已解愁  
眉。莫歎故園非。故園有路也難歸。

〔一撮棹〕〔生〕面相覷。心中自疑。各天涯□□□相隨。〔旦〕恍然似夢中。相  
對如癡。〔外老旦〕銀燈下。中宵不成寐。萬種心中事。欲言還自止。只落得感舊淚  
沾衣。

〔意不盡〕〔合〕同舟去。鼓棹回。向錦城暫時棲止。何日安流返帝畿。

零落殘魂倍黯然。

客中相見客中憐。

此情可待成追憶。

血淚染成紅杜鵑。

### 第四十二齣

#### 榮封

〔荷葉鋪水面〕〔末衆隨上〕承聖旨到蜀中。蜀中花柳春正融。萬紫千紅看遊人。夾道逢錦江水通。畫船似龍繡閣珠簾。十里香風太平時。樂事濃。下官王遂中是也。姪兒王仙客。去年尋取古押衙。偷得無雙出宮。更兼劉尚書蒙恩赦罪。老夫人年老放出。夫妻子母一家完聚。其實難得。況古押衙之忠義。亦不可不表。下官特草一道表章。奏達天顏。且喜朝廷降下詔書。着下官親齋往四川開讀。加官進職。此處是成都府了。左右的。我要玩賞錦城佳景。慢慢的行。〔衆〕領鈞旨。〔小生上〕塵心□□緣在。十里下山空月明。小道古押衙的是也。前者替王仙客成了這樁事。跟隨師父入茅山隱居。近日且喜朝廷降下詔書加封。上面也帶小道名字。因此稟知師父。下山走一遭。來的便是王將軍也。待我撞入節中。看他認得我麼。〔撞介衆拿住介〕稟老爺。一個道士犯了節鉞。〔末〕拿過來。〔小生前介末〕咄。你那道士何處人。

〔北南宮煞〕〔小生〕道人何處來。家住青山側。乘風辭上界。跨鶴下塵埃。〔末〕

你怎的不見俺的節鉞。〔小生〕從來兩眼空滄海。慣看王母神仙仗。那見你凡夫使節來。〔末〕怎的不跪。〔小生〕念教咱跪拜。我那一雙兒鐵膝。曾踏金堦。〔末〕你會踏金堦。想也會做官。你正是何人。有些而善。一時思想不起。〔小生〕小道古洪的便是。〔末拜介〕元來正是古押衙。別來數載。不想這般高致。王仙客的事。朝廷已知道了。差下官褒封他一家。〔小生〕荷蒙金吾提挈。與他成就好事。〔末〕古押衙。朝廷賜你一道號。你肯受麼。〔小生〕天子所賜。小道怎敢不受。既如此。左右的。去請劉尙書一家到此聽宣讀。〔衆應介〕傳他天使命。去請故官來。

〔聲聲慢〕〔外老旦上〕他鄉聚首。故國牽情。終宵夢入京都。〔生旦上〕畫眉窗下。忽聞天使傳呼。〔貼丑上〕聞說皇恩遠降。想大家重沐恩波。〔合〕湔舊怨。把愁懷再展。再展雙蛾。〔見介〕〔玉樓春〕〔外拜介〕幾年含怨三巴路。〔末拜介〕今日相逢千載遇。〔小生稽

首介〕羨君伉儷復諧時。〔生旦拜介〕此是英雄提挈處。〔貼〕只愁年少川中過。〔丑〕誰料春風天  
外度。〔合〕從今骨肉再團圓。更整行裝返鄉故。〔末〕下官奏聞皇上。見有玉音傳降。〔衆俯伏介末〕  
聖旨已到。跪聽宣讀。皇帝詔曰。朕惟明如日月。薄蝕尙侵。信若四時。多暑或爽。況天下之大。豈能無

冤民。惟在上之人。當速爲洗雪。邇者金吾大將軍王遂中奏稱。前戶部尙書祖庸使劉震。言必指佞。難不忘君。屈原乃過于忠。治長實非其罰。朕之不察。卿乎何尤。其妻崔氏。相夫有先見之明。流光彤史。入宮無不舉之職。作則椒房。其婿王仙客。家學不忝鳳毛。居官綽有鴻績。初居畿輔。效戴星之勞。繼隱林泉。存韜光之節。其女劉氏。淑慎爾儀。清白其操。有司近糾其逃義。朕心實憐其無辜。茲四人者。雖經解網之餘。未獲回光之照。今特赦前罪。劉震可復原任。特進金紫光祿大夫上柱國。崔氏加封一品夫人。王仙客仍任富平縣尹。劉氏赦免所犯。給夫完聚。押衙古洪。不從奸相之謀。見機而作。力圖知己之報。出奇無窮。蓋有古烈士之風。不愧隱君子之操。賜號通靈玄妙先生。丞相盧杞。狂謀召亂。巧飾誣忠。實爲心膂之奸。豈搗股肱之寄。削奪官爵。貶爲遠州司馬。嗚呼。斯人既有殊能。在朕可無曲赦。諒黜陟之惟允。見照臨之無私。服此休嘉。以圖後款。謝恩〔衆〕萬歲萬歲萬萬歲。

〔山花子〕〔外〕微臣自分歸黃土。誰知重沐恩波。恨衰羸難登宦途。餘生甘老江湖。〔合〕歎全家同掛網羅。飄零幾處身世孤。今朝衣錦還舊都。總是神明暗裏相扶。

〔前腔〕〔老旦〕金釵墜地辭天府。回頭故苑荒蕪。論繁華烟消水枯。歸來雪鬢蕭疎。〔合前〕

〔前腔〕〔生〕書生小可。色膽如天大。偷香情狀高磨。喜金雞銜出鳳書。不驚燕侶鶯雛。〔合前〕

〔前腔〕〔旦〕潛形蜀都。暫且逃危禍。含羞掩面當墟。荷君展清波。把枯魚喚甦。恩山義海難磨。〔合前〕

〔大和佛〕〔貼〕自別朱樓五載多。纖腰舞態疎。舊家絃管。只有鳥聲歌。對主自啼呼。〔丑〕前程今日方結果。看龍章鳳帔。辛苦換來磨。〔外老旦〕早知今日受榮華。爭似我當初免受千般挫。〔丑〕須知道好事從來要多磨。要多磨。

〔舞霓裳〕〔小生〕爲人忙處受風波。受風波。不如歸臥碧山阿。碧山阿。世事多看破。〔末〕恢恢天網難逃躲。問昔日奸臣。今日存無。〔合〕萬事平心做。順天理到底終須脫危。□。

〔紅綉鞋〕〔合〕錦城花柳婆娑。婆娑。蜀江春水烟波。烟波。整歸棹。返皇都。朝玉殿。訪雲蘿。親骨肉。永歡娛。

〔意不盡〕〔合〕東吳才子多風度。撮俏拈芳入豔歌。錦片也似麗情□萬古。

金谷銅駝非故鄉。

歸心日夜憶咸陽。

三年奔走荒山道。

一旦悲歡見孟光。

遊說尙憑三寸舌。

江流曲似九迴腸。

相逢盡道休官去。

不逐東風上下狂。

明珠記

一四四一開明書店

玉

竹  
鞞  
目





目錄

第一齣 標目

第二齣 命試

第三齣 南侵

第四齣 遇難

第五齣 投庵

第六齣 假宿

第七齣 依親

第八齣 譚經

第九齣 會友

第十齣 手談

第十一齣 鬧會

第十二齣 下第

第十三齣 求配

第十四齣 幽情

第十五齣 破虜

第十六齣 寄弄

第十七齣 耽思

第十八齣 叱謝

第十九齣 詞媾

第二十齣 詭媒

第二十一齣 姑團

第二十二齣 促試

第二十三齣 追別

第二十四齣 占兒

第二十五齣 奏策

第二十六齣 相寬

第二十七齣 擢第

第二十八齣 設計

第二十九齣 誑告

第三十齣 情見

第三十一齣 回觀

第三十二齣 重效

第三十三齣 合慶

玉符記目錄

西一開明書店

# 玉簪記

明高濂箸

## 第一齣 標目

〔沁園春〕〔末上〕陳女姘容。潘生俊雅。姻親指腹。奈兵戈驚散。子母天涯。女娘指引。寄跡煙霞。張公借宿。詞調空誇。王郎鬧會惹嗟呀。潘生投觀。天遣會嬌娃。堪佳美女才華。暗寫情詞。怨出家。豈知才郎邂逅。詞章入手。相思情逗。到難遮。鳳鸞方就。姑慈會猜。秋江逼試。淚如麻。榮歸處。夫妻子母。重喜會蒹葭。

## 第二齣 命試

〔二剪梅〕〔外上〕白髮蕭蕭今已老。歸閒堪守林臯。夢回青瑣戀王朝。秋報圖勞。且教子勤勞。〔鷓鴣天〕解組歸來十有年。黃花白柳思蕭然。燈前殘卷堪遺訓。花下新詩近

滿編。追往事。淚空懸。姻親曾結射屏緣。如今眼底天涯闊。安得魚鴻遠寄箋。老夫潘夙。昔舉明經。官叨府尹。荆妻吳氏。景入桑榆。孩兒必正。時稱瑚璉。學業雖勤。尚愧升堂入室。姻親有約。應慚倚樹攀。

蘿。今聞上國徵賢。不免請夫人商議。叫孩兒去赴試。有何不可。夫人有請。

〔前腔〕

〔老旦上〕

繡窗風雨促殘年。鶯花又遍春園。青衿朝暮喜承歡。志在齋

鹽。樂在斑斕。三月鶯花轉綺林。隔牆紅杏得先春。玉鉤未許驚飛燕。靜院人閒白晝深。〔相見科

外〕夫人。孩兒功名之事。每掛于懷。家室之宜。常存念想。我自開封府與同僚陳老先生十分契合。

指腹結姻。他女我男。曾以玉簪鴛鴦爲聘。今經一十六載。別來歲久。未得諧姻。一向杳無音問。不知親家晚景如何。兒媳閨訓如何。使我時常憂念。〔老旦〕老身每每在心。無如奈何。數年前陳旺會來問候。我們一向無人遣答。深慚報稱。〔外〕夫人。如今春選徵賢。且把婚姻之事。不要說起。只索打發孩兒赴京應試如何。〔老旦〕甚好甚好。孩兒那里。

〔菊花新〕

〔生上〕

絳桃春暖魚龍變。向芸牕志絕韋編。功名一字總由天。誰羨

乘軒服冕。

春風桃李遍柴荆。花館琴書不絕吟。家訓喜存詩禮在。晨昏問學早趨庭。〔相見科外〕

孩兒你雖登鸚薦。未躍龍門。卽今春來會舉。你可早向長安訪學朋儕。因而入試。奪取功名書香步。武那時替你迎娶家室。以遂于飛。有何不可。〔生〕爹爹在上。若論功名之事。當遵台命婚姻成否。

何必掛懷。〔外〕既然如此。進安那里。〔丑進安上〕抱琴聽月露。洗墨惹煙雲。受得燈窗苦。方成館閣人。裏上老爺奶奶。有何分付。〔外〕進安。你可急去收拾琴劍書箱。跟隨大相公長安赴試。休得遲誤。〔丑〕知道了。腰懸三尺劍。箱捲五車書。〔下外〕孩兒。今日黃道良辰。可就此拜別前去。〔園林好〕〔生〕念咫尺驕驄遠遊。奈蕭瑟庭幃景幽。此去雲山迤逗。搵不住淚雙流。按不下苦心頭。

〔江兒水〕〔老旦〕習學時方就。功名志欲酬。我那兒。上林試展攀花手。未行先問歸時候。〔外〕休因離別重回首。快着絲鞭馳驟。豹尾螭頭。佩玉爭先左右。〔五供養〕〔生〕胸中自剖。論所學孰先孰後。詞傾三峽水。氣吐五湖秋。我那親行景入夕陽衰柳。關河空有夢。離恨倩誰收。腸斷雲霞。淚沾紅袖。

〔玉交枝〕〔丑挑行李上〕行囊簇就。相公。門兒外蘭棹待舟。征帆早渡潮時候。休因離別綢繆。〔老旦〕進安。大相公呵。樟亭風露不慣遊。河橋車馬當先後。〔生〕望白雲頻瞻故丘。〔外〕上青雲名揚鄉舊。



〔川撥棹〕〔老旦〕難消受夢初回風雨稠。〔外〕但得你身占熬頭。但得你身占

熬頭。繼簪纓佐袞旒。〔挽生科〕且登臨莫強留。〔老旦〕我那兒把音書頻寄修。

〔尾〕〔衆〕淚痕別處迤紅豆。客路不堪回首。〔老旦〕我兒。莫把閒心在歸處留。

離別相看淚兩眸。  
飛花啼鳥恨悠悠。

出門幾摺風帆起。  
人在眼前天盡頭。

### 第二齣 南侵

〔新水令〕〔淨兀朮上〕一聲長笑海天秋。擁旌旄龍爭虎鬪。鑿門占旺相。據地阻

咽喉。百萬貔貅。看帝業歸吾手。〔西江月〕兩眼星吞炯炯。一身虎賁昂昂。殺聲直欲暗天光。

那管銀河翻浪。直欲中原無主。更教四海驚慌。旌旗電閃下長江。那個爭先攔擋。自家兀朮四太子

是也。自與宋家南北分途。志猶未滿。直欲一統中原。方遂吾意。時下風高馬壯。不免叫把都兒們整

頓弓馬。擄掠南朝。得些金珠子。女糧餉貨物。獻與我主。有何不可。今日乃黃道吉日。衆把都兒們。就

此起程。

〔北普天樂〕〔淨〕錦雲聯繁華境。看花柳開相映。鶯啼處鶯啼處。畫閣朱扇。淡悠悠水遠共山橫。〔合〕呀。看旌旗掩映。刀鎗耀日明。聽馬前哈喇千里千里血染猩猩。

〔北朝天子〕〔衆〕鴈南飛入雲。兔深藏茂林。聽轟雷喊吶齊爭勝。翻天倒浪。鬧嚷嚷哈吡。急睜睜如狼狠。吹喇喇幾聲。打羯鼓幾聲。好撒贏撒贏撒撒贏。撲紅妝曉來未醒。打辣酥堪消悶。

〔北普天樂〕〔淨〕奪山河爲吾境。拚殺得天花淨。長江上萬馬萬馬爭鳴。嚇死人陣陣也金兵。〔合前〕

〔北朝天子〕〔衆〕見山城幾墩。見樓臺幾村。那塵埃滾滾人逃奔。天昏地黑。哭哀哀喊聲。我這裏笑哈哈把弓刀整。擺霜蹄幾程。列戰舸幾程。密密密密密密。鼓兒打咚咚的緊。怕甚麼人不順。〔淨〕把都兒們。傳下號令。天色已晚。就此安營。明早殺上前去。

衰草白連天。

村村絕火烟。

從教南渡馬。

盡化作啼鶉。

第四齣 遇難

〔念奴嬌〕〔淨陳夫人旦嬌蓮上〕〔淨〕繁華過眼。似夢中喚醒。世隔當今。休說朱門

排檠戟。如今庭樹蕭森。人逐仙遊。家遭歲歉。積苦盈方寸。〔旦〕眉愁黛鎖。有恨

向誰評論。〔千秋歲引〕〔淨〕我兒。你看春去閒階。風乍軟。花飛無力。一望處。田園荒廢。門庭蕭

瑟。堤擁當年車馬隘。如今誰問。消息。想吾生富貴等浮雲。今方識。〔旦〕鸚鵡洲。鳳凰闕。烟波外。

愁恨疊。看高處。雙丸催殘朝夕。纔了些。興亡驕魏晉。又早見。爭戰仇吳越。到如今。萬事屬何人。空悲

切。〔淨〕老身錢氏。嫁自陳門。夫君曾拜開封府丞。黃泉早逝。老身雖封淑品。白首甘貧。夫君在日。

曾與同僚府尹潘公十分交好。彼此指腹結親。玉簪爲聘。如今天涯分散。我想男女俱各長成。杳無

人至。必定這一節事已付東流去了。教我做娘的。每每掛懷。〔旦〕母親。自古道。一富一貧。乃見交

情。一貴一賤。交情乃見。于今父喪家寒。況經年遠。此事不必提起。只索苦守便了。

〔花落寒窗〕〔淨〕盼庭柯幾度憂煎。走蕭蕭敗葉翩躚。你看含香春信。望斷隴頭人遠。想寥落白頭增嘆。此言夢惹魂牽。使人腸斷心剗。

〔前腔〕〔旦〕嘆人生萬事由天。又何須苦苦埋冤。此身飄泊。一似湛露浮烟。那些個翠遮紅掩。赧言淚漬愁添。只憂春老庭萱。

〔不是路〕〔末院公上〕急報堂前。驟擁貔貅萬騎烟。你看連天暗。轟雷殺氣怎遮攔。〔淨旦悲科〕淚漣漣。難中霜雪重重見。教我母子孤單去向難。〔末〕休嗟嘆。眼前生生死死須臾險。急忙逃竄。急忙逃竄。〔衆作走科〕

〔皂角兒〕〔淨〕我兒。我年已老了。拚一命先歸九泉。只愁你孤身誰看。行不動去國艱難。你嬌怯怯幾曾經慣。〔內喊鼓科末〕你看你看。聽奔雷。驚飛電。馬和旗。鎗和劍。浪滾風翻。孤身遭變。便死又難。念娘兒怎生割捨。地北天南。〔衆上驚散科〕

〔清江荷葉〕你看那人荒竄。奔如波走。誰敢來爭鬪。弓刀齊擺開。鎗劍分先後。把都兒們。你看錦繡江山咱統守。海海滴滴溜溜。姐姐哈喇喇。錦繡江山咱統守。〔下〕

〔皂角兒〕〔淨末〕哭啼啼淚眼枯乾。叫嬌兒在何方追趕。〔淨叫科〕嬌蓮。嬌蓮。叫

不應。愁恨沖天。死和生教我怎生打探。嬌蓮。嬌蓮。莫不是生投人。死投鬼。逃得

過今朝難。野樹深山。孤身遭變。便死又難。念娘兒怎生割捨。地北天南。〔內作喊

聲科下〕

〔前腔〕〔旦〕亂紛紛地滾天翻。軟怯怯孤身羞面。雁聲孤月露江烟。鶯啼怯風

愁雨怨。〔叫娘科〕到如今誰投奔。水程長。山程遠。地冷雲寒。兒遭分散。娘歸那

邊。繡鞋兒不禁嬌顫。塞北江南。〔內作鑼鼓喊聲旦悲科〕母親既叫不應。生長閨門。那知

途路。如今天色已晚。不免向深林中躲過今宵。再作區處。

深林暫躲虎狼侵。

香閣那知困此身。

自古怕逢離亂世。

天教魔殺不平人。

### 第五齣 投庵

〔縷縷金〕〔丑女人上〕天到子兩分開。大家逃難走。命難捱。偷生并就死。不慚不

賤天那。長途草滑溼弓鞋。越將我耽待。〔作跌倒叫痛科〕

〔前腔〕〔旦上〕行不上路途艱。前村無去所。況孤單。沒奈何。路上老娘帶我一帶。〔作

跌科丑〕方纔我起得來。你又跌了。罷罷。起來起來。我與你同走一程。你往何方去。休教落

難。〔內鳴鑼科丑〕快走快走。身遭離亂死生間。反爲你牽絆。〔丑〕吓。自古人生面不熟。

你是何人我是誰。〔下旦跌倒哭科〕

〔宜春令〕遭兵火。值亂離。似絮隨風身無所歸。路途未慣。脚跟兒先遭狼狽。烏衣巷燕落香泥。紅亭路鶯愁花雨。悲啼。遇難如今有誰堪寄。

〔前腔〕〔貼上〕聽哀怨。聲慘悽。前面是好一位姑娘。爲何在此啼哭。不免上前問他則個。

姑娘家在何方住居。〔旦悲科貼〕看他愁緒。有萬千憂在眉間住。姑娘果從何來。

〔旦〕奴家是宦家之女。因遭兵火。子母分散。自幼不出閨門。那知途路。前後無投。在此欲尋個自盡。

〔貼〕卻原來是家破無依。那些個人來投主。姑娘。奴家欲留你在家安置。因有兒夫。內外不便。今見姑娘如此苦楚。況且干戈未息。也難前進。不免往此村中。有一女貞觀。皆是女姑出家。

我引你進菴暫住。意下如何。〔旦〕若得如此。就是重生父母。再養爹娘。敢問大娘高姓排行。〔貼〕奴家就是觀鄰張氏二娘。尋思你且向空門暫時投寄。〔旦〕女貞觀在何處。〔貼〕就在前面。轉過小溪流水外。朱門低掩綠楊西。此間就是。有人在麼。

〔前腔〕〔老旦觀主上〕香三炷。理六時。聽人聲。又早堂前報知。張二娘稽首。此位娘

子何來。〔貼〕他是宦家子女。因遭兵火。子母拆散。迷失路途。奴家偶然相見。特引投師掛塔。〔旦〕

奴家願拜爲弟子。〔老旦〕做我弟子。不打緊。只是一件。空門滋味。捱黃齋。苦守着閒時

序。〔旦〕師父在上。奴家情願皈依身畔。還有金鳳釵一雙。鸞墜一對。奉上老師。聊作薪水之費。〔老

旦〕娘子說那里話。但願你受着五戒三皈。說什麼琛縵金翠。須知這都是千里

有緣能會。〔貼〕既然如此。老師父請上。待他參拜。〔老旦〕先拜了三寶。然後拜我。我且問你家

中姓甚名誰。〔旦〕奴家姓陳。小字嬌蓮。潭州人氏。年方一十六歲。未曾適人。〔老旦〕既然如此。

我替你取個法名。叫做妙常。你可跪下。先拜了佛。〔旦拜跪科〕

〔金字經〕〔旦〕皈依佛。願洗着清淨心。九品蓮臺度化身。身也應身。慈航共法

雲。親見祇園佛世尊。〔老旦〕你可皈依了法。

〔前腔〕〔旦〕皈依法。願悟着頑空與色空。淨住迦維教闡弘。弘也麼弘。心生萬法中。願心滅無生法亦空。〔老旦〕你皈依了僧。

〔前腔〕〔旦〕皈依僧。普度着三千及大千。了義三乘共四禪。禪也麼禪。淳修建法筵。願拜着三世能修大聖賢。〔貼〕妙常拜了師父。〔旦〕師父。請受弟子一拜。

〔貓兒墜〕〔老旦〕看他儀容脩潔。舉止大人家。粉褪紅銷兩淚麻。從今休戀舊繁華。〔旦〕嗟呀。我到好了。我母親不知他生死天涯。張二娘請上。奴家從此願拜爲姐妹。〔前腔〕〔旦〕重生骨肉。恩德竟無涯。奔走髡鉗幸有家。〔貼〕妙常。黃臺休怨抱無瓜。瀟灑。且向空門中暫度年華。

〔旦〕梗跡萍蹤賴有依。

〔貼〕願君從此證菩提。

〔老〕不是三年曾有約。

誰教今日會蓮池。

## 第六齣 假宿



〔末上〕雨歇雲頭點。蟬多枝上聲。江關逢溽暑。無地避炎蒸。自家乃張知府院子王安是也。俺老爺因赴任金陵。恐城中炎熱。着我先在城外尋個僧房道院。洗澡乘涼。叫我不說。出官府。假說是個相公。行到此間。前面有個寺院。上寫勅建女真觀。且是清幽。不免徑入。有人在此麼。〔淨香公上〕地遠紅塵飛不到。松關鶴唳有人來。客官稽首。〔末〕老人家拜揖。〔淨〕何處到此。〔末〕有位河南相公。到此遊學。欲借上方乘涼洗澡。安歇數宵。少避炎熱。自當酬謝。〔淨〕既是遠來相公。待我通報觀主。你去請來。

〔金瓏璫〕〔老旦上〕洪爐誰大冶。煑乾坤。烈火難遮。松影下。避炎熱。對南薰。方

打疊。且高臥南柯蟻穴。誰到此。又傳接。〔長相思〕晝垂簾。夜垂簾。三炷清香佛座烟。心閒

身亦閒。晝幽然。夜幽然。竹下清風琴上絃。龍團身自煎。何人到此。〔淨〕有事稟上河南一位相公。

欲借閒房。安宿數宵。房金重謝。不知容否。〔老旦〕我們出家的。當以慈悲爲念。方便爲門。有何不

容。來時通報。〔淨〕知道了。

〔清平樂〕〔外于湖上〕炎輝飛鞞。汗溼征衣重。靜院風迴松影動。星槎互入仙宮。

花徑陰陰長綠苔。朱扉隱隱竹門開。仙家亭館無人到。應問漁郎何處來。〔末〕此處就是。〔外〕快通報。〔老旦〕相公稽首。〔外〕觀主拜揖。〔外背云〕王安。這觀主半老佳人。瓊姿玉立。好一似雨過櫻桃。隔年老酒。意味自佳。快到寓取香絹來送觀主。〔末〕理會得。香焚金篆火。絹翦白霞綃。〔下老旦〕女童辦茶來供佳客。〔小旦上〕竹密茶烟溼。松多客座清。茶在此。〔奉茶科老旦〕敢問相公仙鄉何處。尊姓大名。

〔鎖南枝〕〔外〕河南郡是故園。王通姓名曾選元。〔老旦〕失敬失敬。原來是位秋元。〔外〕遊學泛吳船。尋閒到禪院。蒙下榻有緣。更欲借蓮池濯凡念。敢問觀主出家幾年。經歷春秋多少。

〔前腔〕〔老旦〕離家舍今有年。五旬虛度塵世間。〔外〕高姓祖居。〔老旦〕法成家姓潘。和州歷陽縣。〔外〕這觀是何年蓋造的。〔老旦〕唐高祖創善緣。久崩頽是我重建。

〔前腔〕〔旦上〕穿蘿徑進鶴軒。我把秋波偷轉屏後邊。何處客臨軒。斂衽且相

見。相公稽首。〔外〕仙姑拜揖。〔旦〕師父稽首。此間相公何來。〔老旦〕此位是河南秋元王相公。他放棹入桃源。投棲過庭院。〔旦〕相公請坐。〔外〕好一位仙姑。也在此出家。〔旦〕念蒲柳甘棄捐。媿荒涼何因款劉阮。〔淨上〕陳師父。悟真菴王師兄。送貼佛金來。立候相見。特通報。〔旦〕相公。小房有客。不得奉陪。纔逐飛花來別院。又隨芳草下閒庭。〔下外〕適見姑。敢是一個神仙。

〔前腔〕〔老旦〕他是人間種。休猜做天上仙。〔外〕敢問他高姓法名。青春多少。〔老旦〕妙常姓陳。方幼年。〔外〕敢是高徒。〔老旦〕是我愚徒。他瀟灑出塵凡。〔外〕敢是同房。

〔老旦〕禪居在別院。他是金莖露玉井蓮。不是照凌波夢中見。天色已晚。請過清芬軒。少獻晚齋。〔淨〕湯已燒下。請相公洗澡。〔外〕避暑到仙家。香烹丹竈茶。〔老旦〕坐深松樹下。日影已西斜。香公小心伏事相公。〔下外〕多謝多謝。〔外弔場〕香公。你多少年紀了。〔淨作髯科外〕多少年紀。〔淨〕我八十三歲。〔外〕在此幾年。〔淨〕在此三十餘年。〔外〕身上衣服誰管。〔淨〕但得茶飯不缺足矣。那討衣服。〔外〕王安那里。〔末〕小人伺候。〔外〕快

取兩疋布來。送香公做衣服穿。〔末〕知道了。布在此。〔外〕香公收下。王安迴避。〔淨〕多謝相公。〔外〕我問你。適纔小道姑。他出家幾年了。〔淨〕多承布施。如今說起話長。你定要問出子眼。不要管他。請去洗澡。〔外〕你說與我知道。還有好處。〔淨〕這等千個好處。到不如一個見領笑留。這道姑叫做陳妙常。年方一十七歲。他父在日。官拜開封府丞。靖康兵亂。母子逃難分離。以此投巷出家。〔外〕他房在那里。〔淨〕直在西首盡頭白雲堂下。就是請相公洗澡安宿。

〔外〕溪溜合松聲。

殘霞弄晚晴。

〔淨〕要知今日話。

難盡此時情。

### 第七齣 依親

〔定風波〕〔外上〕日染嬌紅雲染綠。溫泉晚試新妝束。〔老旦上〕朶朶誰教香

剪玉。輕盈瀟灑。怕逐風飄泊。〔外〕夫人。你看孩兒方去。時序易遷。涼亭池上。荷花又早開成

雲錦。可喜可愛。〔老旦〕妾身夜來分付丫嬛辦酒。與相公賞花。未知完否。〔外〕既有酒。將過來。

〔老旦〕丫嬛那里。〔丑上〕來了。亭覆琅玕綠。盃傾菡萏紅。酒在此間。〔外〕夫人。你看紅蕖紫萼

生芳浦。醉扶落日。嬌顛楊家女。額點胭脂心帶苦。西風豈是憐香主。〔老旦〕怕聽夜半池塘雨。漂  
泊紅妝知幾許。曉看風送木蘭舟。愁斷柔腸惜遊子。

〔園林好〕〔外〕看天機錦雲暗。喜玉宇風搖豔妝。照水輕盈嬌樣。似越女出  
瀟湘。似神女赴高唐。

〔江兒水〕〔老旦〕月墜胭脂冷。風搖翡翠狂。人歸何處菱歌唱。銀塘暮雨空凝  
望。兒郎貌比花相像。隔絕白雲青。把酒樽前不覺玉淚臨風惆悵。

〔步步嬌〕〔淨末上〕離人去國愁孤往。長途倦足行不上。〔淨〕陳旺。潘親家家中到

也未。蒹葭倚傍在何方。〔末〕前村就是他門巷。〔淨〕拭淚整殘妝。不知他們  
肯認我窮形狀。老身陳母是也。因遭兵火。與女孩兒拆散。無處棲身。只得同院子遠奔潘親家  
家中相依院子。他家在何處。〔末〕迤邐行來。想是在這個村坊。男女數年不來。一時忘了。待我問

一聲村上大哥。潘老爹家在哪里。〔內應科〕前面大門樓就是。〔末〕多謝了。

〔不是路〕〔淨〕你試問行藏。先進他家要酌量。你去和他講。孤窮姻戚來相傍。

〔末〕知道了。到華堂。慇懃頓首來投上。〔外〕起來。你是誰人到此。〔末〕欲說交頤  
淚兩行。小人是陳家陳旺。〔老旦〕正是陳親家的旺官。親母安否如何。〔末〕言之不盡。他  
們親自到門牆。〔老旦〕爲何到此。莫非謊說。〔末〕敢爲虛誑。敢爲虛誑。

〔前腔〕〔外老旦〕急走趨踰。迎候尊親入草堂。深深拜。匆匆相接愧愴惶。〔淨〕  
淚汪汪。故園兵火遭蜂虻。膝下嬌兒失雁行。孤身無倚。遠投玉樹憐飄蕩。敢叨  
恩養。敢叨恩養。〔老旦〕親母請坐。且自定息。細說一番。

〔別銀燈〕〔淨〕驟然起兵戈擾攘。捲塵飛東奔西撞。嬌兒拆散知何往。待尋取  
那知去向。〔合〕思量。孤身女娘。平白地分開虎狼。

〔前腔〕〔外老旦作悲科〕我媳婦孤身在那方。痛殺我夢勞魂。想變中幸得親無  
恙。權且柴門村巷。〔合前淨〕令郎公子爲何不見。

〔老旦〕堂前遊子赴春闈。

兩月音書未見歸。

〔外〕今夜燈前添喜恨。

〔淨〕思兒念女淚雙垂。

第八齣 譚經

〔臨江仙〕〔旦上〕松風驚枕簟。琴牕人坐壺天。〔淨丑小旦扮道姑上〕書長日赤

苦煩煎。看荷來水殿。追燕入湘簾。〔旦〕鐘磬草堂深。解籟森森笳竹林。〔淨丑小旦〕燕子雙

飛來復去。難禁。滿腔心事對誰云。〔衆〕陳姑稽首。〔旦〕衆師兄到來請坐。〔丑〕陳姑。晝長人

靜。重門難守。錢財竟沒來方。酒食何曾入口。夜間番來覆去思量。我也管不得出乖露醜。〔旦〕師

兄。你說那里話。我與你苦守清規。謹遵教指。終成正果。今日無事。羣集在此。不免請師父出來。談經

說法。洗濯塵心。有何不可。〔小旦〕正是正是。去請。〔淨阻科〕不要去請。我沒工夫聽經。適纔報

恩寺桂公約我施主人家看經。回來牀上一話。我自要去了事。〔旦〕休得閒說。快請師父來。〔小

旦〕衆徒弟請師父出來講經則箇。〔老旦〕來了。

〔好事近〕〔老旦〕花影上簾櫳。畢竟非色非空。閉關方自坐園中。又請談經說

頌。〔衆〕師父稽首。〔老旦〕徒弟們到來。今日請老身出來。要講何經。〔旦〕衆徒弟閒暇。欲聽法

華旨要。以此洗心焚香伺候。〔老旦〕善哉善哉。此經非同別典。乃我西方祖師洪開方便。普度含

靈分品二十八門。解救百千萬劫。真個是字字慈航。行行彼岸。故云假饒造罪如山重。不須妙法兩  
三行。你們聽我講說。

〔梁州序〕禪機玄妙。法流淨土。一似蓮開朵朵。天空雲淨。真如月印秋波。二十  
八門妙品。普度羣迷。五蘊三支苦。行行開孽鏡。你須把孽根磨。早辦慈航出愛  
河。〔合衆合掌科〕蒙指點。當參悟。免沈淪萬劫千迴墮。齊合掌念彌陀。

〔前腔〕〔旦〕芳心冰潔。翠鈿塵鎖。怪胭脂把人耽誤。蜂喧蝶嚷。春愁不上眉窩。  
〔作背科〕暗想分中恩愛。下姻緣。不知曾了相思簿。身如黃葉舞。逐流波。老  
去流年竟若何。〔合前〕

〔前腔〕〔淨丑〕嘆浮生盡着塵疴。逐飛丸朝朝暮暮。看鏡中消息。素改婆婆。我  
把芳年虛度。老大蹉跎。衣食渾無措。空門來托鉢。做尼姑。也只是當年沒奈何。  
〔合前〕

〔前腔〕〔小旦〕笑狂生直恁奔波。這妙法眼前因果。悟無明無着。夢想全無。你



偏戀那火宅煎熬。幻海淪胥。忘卻來生路。是非鐘磬外。白雲孤。一卷經銷香一爐。〔合前老旦〕衆徒弟們。在此把這講過經卷。細玩佛意。不可虛度。我去打坐片時。〔衆〕請師父

自使。〔老旦〕

坐深人境寂。鐘鼓又黃昏。香公燒佛前晚香。琉璃內添上油。不可忘了。〔內應科〕曉

得。〔下旦〕列位師兄。聽了半日。身體疲倦。我們松棚下閒玩一番。多少是好。〔衆〕使得使得。〔旦〕

你看一輪明月。斜掛松梢。萬籟無聲。花陰滿砌。可愛人也。〔淨〕真個可愛可愛。只少四個丈夫。同

賞新篁池閣。〔衆〕休得取笑。〔淨〕尼姑尼姑。原有丈夫。只要趁些錢財。來帶這頂毗盧。

〔節節高〕〔旦〕冰輪映碧蘿。晚涼多。一聲鐘磬禪堂暮。松陰坐。展素羅。藤牀臥。

天街幾點流螢度。〔淨小旦〕久聞陳姑彈得好琴。求聽一曲。女童取琴過來。〔旦理琴科〕試

操玉露。汗耳汗耳。欲聽瑤琴月下彈。彩雲暗逐飛瓊度。〔外〕玉鑑銀光散不收。紅亭花

老似含羞。風來借得些兒便。一曲琴聲何處幽。小生步月閒吟。忽聽琴聲清婉。儼若白鶴冲霄。青鸞

逸駕之韻。不免上前再聽一番呀。此處角門半開。挨身進去。〔做看科〕原來松棚之下。陳姑與衆

姑彈琴可愛可愛。〔衆〕方纔彈得絕妙。再彈一曲如何。〔旦〕使得。

〔前腔〕〔衆〕天風蕩玉珂。瀉銀河。涼生玉指聲淒楚。哀如訴。惹恨多。牽愁大。玉盤倒影穿簾幕。〔外作聽科旦〕爲何琴絃急絕。敢是有人盜聽。〔衆〕這裏那得人來。〔旦〕空門雖是隔紅塵。怕花陰深處人藏躲。〔淨丑小旦〕夜深了。我等告回罷。〔旦〕如此多慢了。〔淨小旦〕避暑過南軒。人歸月滿天。〔旦〕莫教春樹烏。驚起日高眠。〔下外〕美哉樂哉。天下有此絕色。豈不是仙人掌上飛來。玉真宮中謫下。可惜投入空門。不免乘月題詩粉牆上。聊寄離情。仙姑明日經過。必然看見。王安那里。〔末〕纔做故鄉夢。又聽主人聲有何分付。〔外〕快取文房四寶過來。〔末〕知道了。〔取科外寫科〕一曲霓裳香霧薄。夜深偷向月中看。分明人坐天香窟。何事空門虛合歡。〔放筆科〕

〔尾〕新詩怎得人酬和。天大樣相思害我。詩詩。千萬做一個媒兒勾引他。

閒亭吟罷露華濃。

相見渾如一夢中。

玉漏敲殘花外月。

金徽聽徹柳邊風。

## 第九齣 會友

〔滿庭芳〕〔生上〕身倚寒窗。時逢春暮。滿目殘紅。初褪桃花浪裏。飛鯨反困風雲。回首雲泥江樹。那堪魂斷清明。且扶持。條條病翮。應自惜。蓮城。東風故拍遊人面。柳絲似綰離人慣。歌管春回處處聲。鳳凰山隱黃金殿。人望故園天漸遠。欲寄音書無個便。尋春且唱踏莎行。蝸名休掛些兒念。小生潘楷。向因會試開科。辭親赴選。兩場已進。頗自得意。不想病染離亭。難終策問。正是鐘鼎山林俱合命。人間寵辱不須驚。幸得安身。不免到西湖上遊玩一回。多少是好。

〔一翦梅〕〔外末上〕捐駒幾度建康城。堪厭風塵。還逐風塵。〔淨上〕飛花點點怯殘春。羞對遊人。還逐遊人。〔外〕帝城宮闕五雲間。萬國冠裳集禁班。〔淨〕春暖千門喧鼓

吹。天開十里好湖山。〔相見科外末〕我等在此會試。未得揭曉。好難排遣。特作小柬。敢請二兄同往湖上一遊如何。〔外〕使得使得。前面那人。好似吾輩朋友。不免上前相見。〔生〕三位高姓大名。〔外〕小子姓孫名桂。〔末〕小子姓胡名士元。〔淨〕小子姓元名伯通。俱領鄉薦。今來會試。先生高姓大名。〔生〕潘必正。和州人也。在此赴試。〔淨〕既是同袍。況對此佳景。同遊樂一回如

何〔生〕多謝。

〔甘州歌〕〔淨〕圖畫天然。看鬱蔥佳氣。鳳舞龍蟠。丹崖翠壁。掩映浪花雲片。千尋金碧。山間寺。幾曲笙歌。水上船。香塵滾。紫陌遠。避秦人。住在桃源。穿花外。出柳邊。六橋紅雨。襯金韉。

〔前腔〕〔外〕松濤路逕旋。看雲深霧鎖。上方宮殿。爭馳車馬。香風暗送紅衫。僧房雲惹。茶煙起。村店風搖。酒旆懸。花爭笑。人競喧。繡幃珠珞。恍疑仙。山如舊。景自妍。春風吹鬢。入流年。

〔前腔〕〔生〕山深路渺漫。更扳蘿捫壁。直上層巒。雲霞鏡淨。乘空便欲驂鸞。湖煙乍起。風色冷。山樹涼生。日影偏。煙光外。樹杪間。棲鴉時帶夕陽還。村渡柳岸船。一簑風月老漁竿。

〔前腔〕〔末〕天開玉鏡寬。又何嫌風雨。雪月花殘。四時堪賞。有多少古今傷感。遊魂暗擲芳塵去。好夢還留花鳥邊。休回首。憶故園。汴州誰肯復留連。山含暝。

燈火懸天涯聚散各依然。〔生〕天色已晚。明日竭誠拜謝。〔淨〕明日就是學生東道。敢請

衆兄仍續舊遊。

〔生〕湖上山光半有無。

〔外〕水雲高下影模糊。

〔末〕到城燈火家家夜。

〔淨〕明月還將醉客扶。

### 第十齣 手談

〔番卜算〕〔外上〕鷓鴣方托枝。駟駿嘶歸路。咫尺巫山路轉迷。應愧題紅句。松

關風動炎光薄。人坐清閒。清閒腸斷花間與夢間。昨宵拾得人間恨。空自熬煎。熬煎拴鎖離情上下。絃下官張于湖是也。因赴任建康。船到中山地方。天道炎熱。借宿僧房。恐人知我是地方官長。故假說姓王。在此暫住。昨夜乘月閒吟。忽聽仙姑彈琴。令人整整想了一夜。聞得他住西房。不免探望一回。多少是好。苔深令路滑。花密礙人行。白雲深鎖處。雞犬杳無聲。有人在此麼。

〔前腔〕〔旦上〕花影轉疎楞。鳥語驚幽夢。忽聞窗外有人聲。還自慙迎送。相公

稽首。〔外〕仙姑少禮。〔旦〕有失迎候。罪過萬千。〔外〕輕謁禪堂。無任慚懼。〔旦〕不敢請坐。

告茶。〔外〕仙姑。瑤琴一曲邀殘月。松梢露滴聲悲切。歸去洞房更漏永。巫山有夢和誰說。〔旦〕相公。我意絮沾泥心鍊鐵。從來不愛閒風月。莫把楊枝作柳枝。多情還向章臺折。〔外〕小生戲談。無煩介意。〔看科〕卓間棋枰甚精。敢是仙姑能棋。〔旦〕略知一二。〔外〕請教一局。〔旦〕香公那里。〔淨上〕纔燒佛座香。卻掃堂前地。忽聞花外呼。荒忙又來至。師父有何分付。〔旦〕看棋枰過來。我與王相公下棋。一面看茶來喫。〔淨是〕〔掇卓笑科〕你兩個不要不分皂白。〔旦〕咄。快去看茶。相公請先。〔外〕學生僂了。

〔黃鶯兒〕〔外〕花院手閒敲。戰楸枰兩下交。爭先布擺裝圈套。雙關那着。〔旦〕我輸了這一子了。〔外〕單敲這着。〔外作思科旦〕相公用心。〔外〕聲遲思入風雲巧。笑山樵。從他爛柯。不識我根苗。〔旦〕相公輸了。〔外〕果然輸了。還饒一着。

〔前腔〕〔旦〕換局更難饒。你熱心機我冷眼瞧。其間有路應難到。〔外〕待我點眼。

〔旦〕我推開那着。點破你這着。雙關那怕你能單弔。笑鳴蜩。縱橫羽甲。千局總徒勞。〔外〕又是學生輸了。〔旦〕相公故意相讓。〔淨〕江心烹玉液。山頂采雲衣。茶在此間。

請問相公輸贏若何。〔外〕仙姑連勝二局。〔淨〕出奇。我說你敵他不過。〔外〕香公迴避。〔淨〕

且貪閒處睡。不管是和非。〔下外〕仙姑手中佳扇。爲何無人題寫。〔旦〕欲求足下濡染。未敢輕

瀆。〔外寫科〕碧玉簪冠金縷衣。玉如肌。從今休去說西施。怎如伊。香膩桃腮不傅粉。最偏宜。好對

眉兒共眼兒。覷人癡。〔旦接看科〕詞章雖妙。只是言語太狂。我這裏清淨堂中不捲簾。景幽然。閒

花野草漫連天。莫狂言。〔外〕獨坐洞房誰是伴。〔旦〕一爐烟。閒來窗下理琴絃。小神仙。相公

〔貓兒墜〕〔旦〕新詞豔逸。望報始投繯。爭奈禪心愛寂寥。鸞臺久已棄殘膏。相

告。休錯認蓮池。比做藍橋。

〔前腔〕〔外〕芳心玉潔。羽服翦霞綃。可惜姮容空自老。〔外背科〕蜂媒羞訂鳳

鸞交。〔外掛科〕輕造。望恕卻風流少年才調。

〔尾〕〔外〕是非偶爾空談笑。〔旦〕好收拾作家腔調。這等沒擔兒相思你去別

處挑。〔外〕小生就此告辭了。〔旦〕冒犯。恕罪恕罪。

〔旦〕金焦落日映紗窗。

一局棋消夏日長。

〔外〕明日驕驄卜歸路。

夢魂猶自惜餘香。

〔外〕王安那里。〔末應科〕王安。我在此不便。可作速打牌到建康。報說二十三日到任。快去。〔末〕知道了。〔外下末云〕我老爹在此數日。想是與那道姑無緣。只得去了。正是巫山隔渺茫。空作襄王夢。

### 第十一齣 鬧會

〔新水令〕〔老旦上〕風揚幡影似龍飛。焚寶篆瑞煙初起。敲鐘驚幻夢。說偈警

沈迷。三寶皈依。三寶皈依。請大眾齊臨會。殿隱黃金相。雲開寶月容。分經來白馬。洗鉢起

黃龍。志心三寶在。回首萬緣空。接引菩提路。龍華起梵宮。自家觀主是也。爲因今日九天雷神降生。

不免喚出衆徒弟們做些功果。仰答十方。倘有施主們來燒香酬願。也好迎接。徒弟們那里。〔淨丑

扮道姑上〕纔離蒲團座。忙趨竹徑來。鳥啼春去也。花落滿蒼苔。老師父稽首。〔老旦〕衆徒弟到

來。今日是九天降辰。喚你們出來做些功果。倘有施主們來燒香酬願。也好迎接。〔衆〕知道了。香

公。一邊敲鐘。一邊擊鼓。大啓佛會。〔小旦歌小姐末門公小丑梅香上〕



〔探春令〕〔小旦〕日映朱門。松影裏香霧霏。瑤池鏡臺。初月畫娥眉。羞步怯。軟腰圍。松幾株。柳幾株。紅白蓮花香滿池。離巢燕學飛。這邊低。那邊低。花刺茸茸扯住衣。向前還自遲。進興通報。〔末〕知道了。老師父拜揖。耿衙小姐來還香願。〔老旦〕快請快請。小姐請坐。〔小旦〕爲因上年曾許花簾燈燭。特備白銀十兩。伏乞領納通神。以酬心愿。〔老旦〕小姐請坐。待我寫疏正名。〔大淨王公子引衆家人上〕

〔縷縷金〕乘駿馬。走花街。好尋開處哄鬧中來。此是女貞觀。車闐馬隘。人人簇擁拜蓮臺。且停驂。看佛會。小使。這觀內許多人擁。想是做什麼道場。你通報溧陽縣中第一

有名撒漫使錢的王公子來看佛會。〔相見科老旦〕公子失迎。多罪多罪。請在鶴軒少坐。待耿小姐還了願心。請過燒香。〔淨〕不妨。你自去了你家的事。不要管我。〔老旦〕疏已寫完。請小姐燒香。

〔步步嬌〕〔小旦〕鼎爇沈檀。深深拜。瞻禮曇花蓋。〔老旦掛旛科〕好旛好旛。旛幢五色裁。絲絲繡出真堪愛。〔小旦〕合掌叩如來。願增福壽如山海。〔老旦〕請過清

芬軒告茶。〔下淨引衆家人上〕

〔折桂令〕〔淨〕好一似玉天仙何處飛來。髻綰螭髻，鬢髻鴛釵。愛殺俺蝶引蜂猜。花枝般嬌顫。燕子的形骸。好一似紫鸞簫吹出鳳臺。卻便似白羽扇飛下瑤階。打動我的情懷。牽惹我的情懷。如醉如呆。紫遊韁誤入誤入天台。〔下老旦〕佛殿上無人。同小姐去看今日陳設道場一回。〔小旦〕這是觀音佛。

〔江兒水〕〔老旦〕紫竹觀音坐。白鸚哥時往來。〔小旦〕這是什麼佛像。〔老旦〕這是釋迦。極樂西方界。〔小旦〕這壁廂是什麼神像。〔老旦〕這是十八尊羅漢歸南海。

〔小旦〕這壁廂是什麼菩薩。〔老旦〕這是五十二參形容改。〔小旦〕這些景像。好怕人來。爲何也有披袈帶鎖。在地下受苦的。爲何也有幢旛寶蓋。迎過橋的。〔老旦〕那幢旛寶蓋迎送的。卻是在世爲善的。那披枷帶鎖受苦的。卻是在世爲惡的。這是地獄天堂刑械。早發慈悲。免受輪迴孽債。〔小旦〕那壁廂又有人來了。〔老旦〕請過白雲樓下看荷花。就喫些素齋。〔小旦〕使得。〔下淨引衆上〕

〔雁兒落帶得勝令〕〔淨〕我爲他動春心難擺劃。我爲他賒下了相思債。你看

他笑盈盈花外來。哄得我鬧嚷嚷。魂不在。赤緊的害張生消瘦些。這一會病相如渴不解。恨只恨隔幾重離恨天。苦只苦扯不攏的合歡帶。疑猜。莫不是凌波襪在巫山外。若得個和也麼諧。小使。我把他做活觀音常跪拜。他又在那壁廡去

了。我們再趕過去。〔下老旦〕鶴軒花開茂盛。去看一回。

〔僥僥令〕〔老旦〕看鶴軒花滿臺。〔小旦〕那花外有人來。忙把輕羅遮羞態。怕人瞧頭懶擡到不如歸去來。

〔收江南〕〔淨引衆上〕呀彩雲飛。腸斷呵害殺我好難捱。我爲他魂靈兒飛上楚陽臺。那姮娥全然不采。他待要去來。我怎留他轉來。沒情趣的冤家心忒歹。

〔下小旦〕攪擾多時。就此告別。

〔園林好〕〔老旦〕喜今日軒車遠來。〔小旦〕蒙款曲清香寶齋。〔小旦〕厚德不勝感戴。重稽首拜如來。重回首別蓮臺。〔淨引衆上小旦〕多謝了。〔老旦〕多簡慢了。待

老身遠送。〔小旦〕殿上有客。〔老旦〕不妨。〔回頭別公子科〕相公暫別。不得奉陪了。〔下淨〕

罷了罷了。

〔沽美酒〕〔淨〕那冤家歸去來。俏多情今還在。只見些花落東風點綠苔。珮環聲歸仙宅。單相思今空害。丟下了一天丰采。並沒有半分恩愛。我呵拾得個美哉快哉。〔衆〕爹又添些苦哉。〔淨〕小使們。怎麼苦哉。〔衆〕小的們替爹割捨不得。〔淨〕不割捨什麼東西。〔衆〕呀空撇下這許多風流搖擺。〔淨〕咄。這相思定害殺我也。〔下〕

### 第十一齣 下第

〔菊花新〕〔生上〕兩度長安空淚灑。無棲燕傍誰家。夢魂化蝶入桐花。飄蓬人在天涯。毘陵城下水悠悠。不洗古今愁。這裏蓬窗人靜。誰家玉笛橫秋。意如中酒。情如傷劍。葉落誰收。欲傍夜歸未得。更於何處藏羞。必正偶因下第。羞慚滿面。難以回家。久居武林。不是長策。我有姑娘。幼年出家金陵女貞觀。如今迢遞到此相投。客跡半年。那時節再作區處。迤邐行來。此處正是女貞觀。不免徑入。則個有人在此麼。

〔太平令〕〔老旦上〕山徑幽棲。誰過松關驚犬吠。經堂掩卷忙來至。呀。是必正姪兒。

乍一見忽驚疑。我兒爲何到此。

〔前腔〕〔生〕有話難題。骨肉相看兩淚垂。困龍失水難歸去。因此上遠投棲。〔老

旦〕我兒坐下。〔丑〕進安磕頭。

〔前腔〕〔旦上〕心下猜疑。爲甚堂前人語沸。忙來庭下探消息。爲甚事動悲啼。這一位相公何來。〔老旦〕是我的姪兒。因下第羞歸。遠投觀中。骨肉相看。不勝淒慘。姪兒。你把下第的事情。一一與姑娘說知。〔生〕姑娘請坐。聽姪兒拜稟。

〔桂枝香〕滄溟飛電。魚龍驚變。馬頭芳草長驅。浪裏風雲爭戰。兩場已進。誰想第三場忽然一病。似枯魚病鶴。似枯魚病鶴。空懷霄漢。挨着寒雞茅店。到禪關。借樹棲凡鳥。分燈習蠹編。

〔前腔〕〔老旦〕一自風塵分面。常對雲山增歎。汝父母雖隔。今日見我姪兒來啊。喜天涯爪葛相逢儼千里。連枝重見。〔生哭科老旦〕不須淚漣。不須淚漣。有日眉揚額點。且自雕蟲刻篆。我這裏儘清閒。有竹堪留客。無魚可當餐。

〔前腔〕〔旦〕相公。看你眸含星電。氣吞霜劍。逐驕陽汗溼征衫。且依聖水洗乾塵面。聽池中雨聲。聽池中雨聲。有日雲泓霧捲。龍蟠虎變。且停驂。盡醉三更月。休瞻萬里天。

〔前腔〕〔丑〕松庭竹院。銀塘玉檻。綠依依柳色輕柔。紅拂拂荷香嬌軟。看清幽滿簷。看清幽滿簷。湘雲遮簷。熏風吹面。這炎天。寄榻權消暑。行囊暫息肩。〔老旦〕我兒且在此住下。攻習詩書。待下科再去赴選。〔生〕多謝姑娘盛心。〔老旦〕香公那里。〔淨上〕閒念一聲佛。不墮衆惡門。觀主有何分付。〔老旦〕這相公是我姪兒。因下第到此。暫借雲房。攻習詩書。以待下科上京赴選。你可收拾東首碧雲樓上。與相公安息。

鶴軒西畔轉清幽。

萬竹涼生月滿樓。

且看好山消旅況。

莫教花落惹新愁。

### 第十三齣 求配

〔梨花兒〕〔淨上〕風流子弟身飄蕩。飄蕩身才風流樣。自從見了那紅妝。碟上

牀直想到大天亮。夜夜春風醉碧桃。夢魂長戀紫鸞簫。朝來又備金鞍馬。騎傍銀箠看阿嬌。自家王公子是也。自從見了女貞觀那燒香小姐。每夜思量。終朝作念。想與他乘鸞跨鳳。羞殺我逕路無媒。要思量竊玉偷香。恨殺那侯門似海。不免叫小使出來。與他商議一番。多少是好。小使們那里。

〔丑末上〕聽得爹爹叫萬事無成到萬事無成見爹。〔淨〕吓罷了罷了。我待要你幹事。你到說萬

事無成。我一事也成不得了。討板子過來。〔丑末〕爹聽我說。小的姓草頭萬。名事。小的姓口天吳。

名成。豈敢譏誚着爹。〔淨〕既是你的姓名也罷了。〔內作叫罵科〕是誰在外邊高聲大嚷。〔淨

作慌滿場跪科〕不好了。娘來了。娘來了。是我分付小使們莊上討租。不敢胡嚷。〔丑末〕娘進去

許多時了。爹起來罷。你也忒怕得緊。〔淨〕我何嘗怕着誰。我是天不怕來地不怕。漂陽縣中惟我

大。上山打虎如打牛。入水騎龍如騎馬。官司隊裏我爲尊。跌打場中有聲價。〔丑末〕娘又來了。〔淨

作跪怕科〕若還聽得說娘來了。驚得渾身骨頭榨。〔丑末〕好個不怕的。〔淨〕啞。我只怕這些

兒。此處娘要來。不好說話。我有一事。與你商議。你跟隨我到後花園假山上。且尋芳草路。細說落

花風。我兒。前日女貞觀見了那一個燒香小姐。好不想殺了我。你兩個怎生得一個計策。成就得

此事我重重賞你。〔丑〕爹這不打緊些須小事。何勞費心。小的今晚就成得。〔淨〕好兒好兒你怎麼這等會幹。〔丑〕爹爹幹得我快活。我也要幹得爹爹快活。〔淨〕你且說來。〔丑〕我們叫上一二十人。明火執杖。爹爹裝做大王。趕到耿家。拿住小姐。爹爹與他成事。小的們搶擄些家財。可不是一舉兩得。〔淨〕啐。做出事來。〔丑〕爹爹自去頂缸。〔末〕爹不要費心。那個小姐嫁了王尚書家去了。到是那女貞觀中。有一個年幼道姑。其實標致。天下無比。〔淨〕如何那日我不見他。〔末〕他有病。懶出見客。小的們知道他久了。爹。你聽我道。那道姑呵。芙蓉印額。菡萏籠腮。兩眉兒簇簇春山。一臉兒溶溶夜月。櫻桃半顆摘得下。對人未語朱唇。瓠子初開擺得齊。欲笑含羞象齒。凝脂十指。春纖驚雨筍抽芽。嬌顛雙尖。香跡印泥蓮落瓣。穿一領白羅鶴氅。儼似雲駕來。月殿姮娥。戴一頂碧玉霞冠。真個像水托出湘波仙子。若教他待月西廂。活描出個崔鶯鶯影身。假使他和親北塞。認不出王昭君姊妹。秋波一轉。鐵世尊也要留情。笑口半開。木羅漢從教惹病。妖妖嬈嬈。天生成風和楊柳舞千條。嬈嬈停停。人世上春暖桃花開萬朵。齊齊整整。要裝做個色相烟霞。輕輕盈盈。自脫不得風塵脂粉。有人勾引動春心。不數他那誤入天台。若個好逑成鳳侶。真勝似那當年金谷。果然



標致不是虛傳。〔淨作跌倒科丑〕爹爲何跌倒了。〔淨〕說得我酥了。你兩個就替我去叫他來。

〔丑末〕說不得這個自在話。成不得。爹要成此事。可尋凝春菴王師姑。與他相好。爹爹央他去做媒。事方可諧。〔淨〕既然如此。我們就到凝春菴去。

〔水底魚兒〕芳草萋萋。凝春菴在那裏。行行不見。轉教雲樹迷。

〔前腔〕〔丑末〕轉過長堤。臨溪又過西。白雲堆裏。紅日掩朱扉。此處就是了。〔淨〕

你快去通報。〔丑末〕有人在此麼。

〔字字雙〕〔小淨尼姑上〕自家生來最嫵娜。〔丑〕真個。〔小淨〕終朝喫素念彌陀。

〔丑〕難過。〔小淨〕和尚道人都要我。〔丑〕好貨。〔小淨〕門前那個又來拖。〔丑〕

是我。〔小淨〕原來是一位相公。相公何來。〔淨〕我是溧陽王公子。特地到此。一事相煩。休得推

阻。女貞觀道姑陳妙常。十分美貌。我欲求他爲婚。特浼姑姑作伐。〔小淨〕阿彌陀佛。他是出家人。

怎麼說得這一句落地獄的話。我不管這閒事。〔欲下淨作扯科〕你來你來。你若成得此事。白銀

五十兩。拿在此間謝你。〔小淨〕拿來我看。不要哄我。〔淨〕你既不肯。我去作成別人。〔淨欲下

小淨作扯科。休得取笑。你有何分付。我明日就去說。

〔四邊靜〕〔淨〕人間牛女天河隔。望君寄消息。卽欲駕星橋。鸞臺早妝飾。〔合〕黃金白璧。芳姿豔質。成就好姻緣。何須論相值。

〔前腔〕〔小淨〕武陵有路雲遮隔。乘鸞事難必。抱布結盟言。鳳卜在朝夕。〔合前丑〕婚姻事豈是偶然。〔淨〕須要用心說來。〔末〕媒妁口必定會言。〔小淨〕下聘禮只要五百。謝媒錢到要一千。〔丑〕怎要得這許多。〔淨〕也不少。準準還你一千。

### 第十四齣 幽情

〔菊花新〕〔生上〕白雲紅樹隔鄉關。鴈字南飛枕簟寒。好夢又驚還。翦西風敗葉珊珊。夢裏修書話別離。故園應自望歸期。天涯塵染舊征衣。衰柳幾株遮恨少。白雲一片帶愁飛。纔見薔薇又紫薇。小生潘必正。下第羞歸。暫投女貞觀中安息。偶見仙姑修容。光彩豔麗奪人。此心羈絆。不忍輕去。鄉土之思。每懷縷縷。正是迷花綠爲看花至。戀卻彩雲忘白雲。〔淨上〕纔出白雲堂。又到清幽處。不見讀書聲。只聽長吁氣。潘相公稽首。〔生〕香公到來。有何話說。〔淨〕陳姑

煮茗焚香。特請相公清話片時。望乞不拒。〔生〕我就此同行。

〔出隊子〕方添離恨。方添離恨。忽聽花前傳好音。緩尋芳。逕過閒庭。又聽金鈴犬吠迎。一陣香來窗前桂陰。〔淨〕陳師父。潘相公請到了。

〔前腔〕〔旦上〕急趨迎進。出簾迎進。草率相扳辱過存。相公稽首。〔生〕仙姑少禮。

何勞過招。〔旦〕竹間禪舍草簷深。惟有清香共苦茗。白鶴雙雙松下白鳴。自從

相公到小菴。未及從容奉款。茲具一茶。伏乞矜許。〔生〕多謝。〔旦〕徒弟道寧道成那里。〔丑道

姑上〕天生眼睛。又兼折腳。不會念經。只好捧盒。〔小旦道姑捧茶上〕纔烹蟹眼。又煮雲頭。琥珀

浮香。清風數甌。相公請茶。〔丑〕相公。前日有一位相公。比你略老些兒。也來與我師父請話。想是

調戲我的師父。乞我師父夾臉。噴了八百八十八口唾氣。抹乾十七八碗殘唾去了。你休得又蹈前

轍。你若惹我。我到不打緊。隨即奉承。〔旦〕休得胡說。快進去。〔丑〕我真個肯。不是取笑。若說謊

生疔瘡。〔下生〕好一個所在。敢是仙姑自建造的。〔旦〕不敢。

〔二郎神〕〔旦〕我這裏芳院靜。滿地松陰絕點塵。惟話露的蟬聲。葉底頻。湘簾

花影一樹紫薇紅暈。竹塢煙消陽羨春。分磁鉢可消煩紊。〔生〕仙姑是自幼出家長大出家的。〔旦〕別家園。自幼年寄入空門。

〔集賢賓〕〔生〕博山雲裊雞舌焚。聽深樹啼鶯。獨守長門枕自溫。那消息有誰曾問。你看紅新綠嫩。可惜老嬌香膩粉。蜂衙蝶陣。鬧嚷嚷也都只爲着傷春。

〔黃鶯兒〕〔旦〕芳草掩重門。住仙山欲避秦。門前怕有漁郎問。清閒此身。林泉片雲。瑣窗不管春愁恨。相公。你莫怪我說。免勞魂。巫山路遠。空費夢中心。

〔貓兒墜〕〔生〕水雲聚散。簾外倚斜曛。無限相思隔暮雲。〔背唱〕從教病害客邊人。衾枕儘今宵淚漬啼痕。

〔尾〕〔淨上〕青鸞遠報陽臺信。相公。那壁廂傳言立請。觀主着我來請相公。立等立等。〔生〕回首桃源雲霧深。家姑呼喚。就此告別。多擾了。〔旦〕多簡慢了。

〔旦〕一炷清香一盞茶。  
〔生〕可憐今夜淒涼月。  
塵心原不染仙家。  
偏向離人窗外斜。

第十五齣 破虜

〔點絳脣〕〔外上〕星掛旄頭。將衰天運誰能救。爲國耽憂。須早辦親爭鬪。裂土

分茅一郡間。君恩民命兩相關。從來爲國心如血。早把胡鈎日下按。自家建康太守張子湖是也。近

聞兀朮這厮。分兵南擾緊要地方。倘一時兵到。難以抵敵。昨已分付各所官兵。約定今日下操。不知

可曾完備否。左右那里。〔末小生扮二所官上〕腰下雪噴劍。馬前雲繞旗。百年承祖蔭。敢不報明

時所官見。〔外〕近聞兀朮侵襲地方。昨日分付整頓兵革。今日演操。可曾完備否。〔末云〕俱已

完備。請老爺下操。〔衆軍士上見科外〕汝等聽我分付。

〔解三醒〕〔外〕操時節人人要精鍊。鬪時節個個要爭先。國家重難軍□□□。

只爲保疆原。騰騰火發心上炎。赤眼吞胡星斗寒。〔合〕親征戰。親征戰。不降胡

誓不生還。

〔前腔〕〔所官〕論吾儕世隆爵顯。又豈敢自愛餘年。旌旗滾滾雲霞閃。看劍戟

雪霜寒。假饒他犯境來胡馬。我這裏□□爭先雪大冤。〔合前扮探子上〕報報。〔外〕

報甚事的。〔探子〕報達虜南侵事。〔外〕你說上來。

〔番鼓兒〕〔探子〕喧金鼓。喧金鼓。烈火滿空燒。胡虜南來。勢傾不小。〔外〕有多  
少人馬。〔探子〕萬馬奔雷。那分多少。〔外〕衆將官。就此起營。奮勇當先。把腥羶迅

掃。〔外衆下淨引衆上〕

〔前腔〕轟雷陣。轟雷陣。旗鼓震山嶽。浪滾長江。血淹芳草。前面是什麼地方。〔衆〕老  
鶴河了。老鶴河邊。金陵將到。整頓弓刀。安排牙爪。〔外領衆上〕奮勇當先。把腥

羶迅掃。〔末〕來將何人。〔淨〕我是兀朮四太子。親自領兵。你是何人。敢來對敵。〔末〕建康太

守張爺親自領兵。〔作對陣科淨衆敗下〕

〔清江引〕〔外〕胡奴萬馬齊奔走。兵卒休追後。我疆并我原。四境還吾守。喜孜孜凱唱膚功奏。

胡馬犯天闕。

聞風心膽寒。

一鞭爭勝處。

飛捷報平安。

第十六齣 寄弄

〔懶畫眉〕〔生上〕月明雲淡露華濃。欹枕愁聽四壁蛩。傷秋宋玉賦西風。落葉驚殘夢。閒步芳塵。數落紅。小生看此溶溶夜月。悄悄閒庭。背井離鄉。孤衾獨枕。好生煩悶。只

得在此閒玩片時。不免到白雲樓下。散步一番。多少是好。〔下〕

〔前腔〕〔旦上〕粉牆花影自重重。簾捲殘荷水殿風。抱琴彈向月明中。香嬈金猊動。人在蓬萊第幾宮。妙常連日茸茸俗事。未曾整備琴絃。今夜月明風靜。水殿生涼。不免彈瀟湘水雲一曲。少寄幽情。有何不可。〔作彈科。生上聽琴科〕

〔前腔〕步虛聲度許飛瓊。乍聽還疑別院風。悽悽楚楚那聲中。誰家夜月琴三弄。細數離情曲未終。此是陳姑彈琴。不免到他堂中。細聽一番。多少是好。

〔前腔〕〔旦〕朱絃聲杳恨溶溶。長嘆空隨幾陣風。〔生〕仙姑彈得好琴。〔旦驚科〕仙郎何處入簾櫳。早是人驚恐。〔生〕小生得罪了。〔旦〕莫不是爲聽雲水聲寒一曲

中。〔生〕小生孤枕無眠。閒吟步月。忽聽花下琴聲。嘹唳。清響絕倫。不覺步入到此。〔旦〕小道亦見

月明如洗。夜色新涼。故爾操弄絲桐。少寄岑寂。欲乘此興。請教一曲如何。〔生〕小生略記一二。弄斧班門。休笑休笑。〔生作彈吟曰〕雉朝雊兮清霜。慘孤飛兮無雙。念寡陰兮少陽。怨鰥居兮徬徨。〔旦〕此曲乃雉朝飛也。君方盛年。何故彈此無妻之曲。〔生〕小生實未曾有妻。〔旦〕也不干我事。〔生〕敢求仙姑。面教一曲如何。〔旦〕既聽佳音。已清俗耳。何必初學。又亂芳聲。〔生〕休得太謙。〔旦〕汙耳汙耳。〔作彈吟曰〕烟淡淡兮輕雲。香靄靄兮桂陰。喜長宵兮孤冷。抱玉兔兮自溫。〔生〕此廣寒遊也。正是仙姑所彈。爭奈終朝孤冷。難消遣些兒。〔旦〕相公。你聽我道。

〔朝元歌〕長清短清。那管人離恨。雲心水心。有甚閒愁悶。一度春來。一番花褪。怎生上我眉痕。雲掩柴門。鐘兒磬兒枕上聽。柏子坐中焚。梅花帳絕塵。果然是冰清玉潤。長長短短。有誰評論。怕誰評論。

〔前腔〕〔生〕更深漏深。獨坐誰相問。琴聲怨聲。兩下無憑準。翡翠衾閒。芙蓉月印。二星照人如有心。露冷霜凝。衾兒枕兒誰共溫。〔旦怒科〕先生出言太狂。屢屢譏訕。莫非春心飄蕩。塵念頓起。我就對你姑娘說來。看你如何分解。〔作背立科生〕小生信口相嘲。言



出顛倒。伏乞海涵。〔作跪旦扶起科生〕巫峽恨雲深。桃原羞自尋。你是慈悲方寸。望

恕卻少年心性。少年心性。小生就此告辭。肯把心腸鐵樣堅。〔旦作背語科〕豈無春意戀

塵凡。〔生〕今朝兩下輕離別。一夜相思枕上看。〔生作下科旦〕潘相公。花陰深處。仔細行走。〔生

回科〕借一燈行如何。〔旦急關門科生〕陳姑十分有情。不免躲在此間。聽他裏面說些什麼。便

知分曉。〔旦〕潘郎潘郎。

〔前腔〕你是個天生後生。曾占風流性。無情有情。只看你笑臉兒來相問。我也  
心裏聰明。臉兒假狠。口兒裏裝做硬。待要應承。這羞慚怎應他那一聲。我見了  
他假惺惺。別了他常掛心。我看這些花陰月影。淒淒冷冷。照他孤另。照奴孤另。  
夜深人靜。不免抱琴進去安宿。則個此情空滿懷。未許人知道。明月照孤幃。淚落知多少。〔下生〕小  
生在此聽了半晌。雖是不甚明白。

〔前腔〕我想他一聲兩聲。句句含愁恨。我看他人情道情。多是塵凡性。妙常。你  
一曲琴聲。淒清風韻。怎教你斷送青春。那更玉軟香溫。情兒意兒。那些兒不動

人他獨自理瑤琴。我獨立得蒼苔冷。分明是西廂行徑。老天老天。〔作揖科〕早成就少年秦晉。少年秦晉。

閒庭看明月。

有話和誰說。

榴花解相思。

瓣瓣飛紅血。

### 第十七齣 耽思

〔謁金門〕〔生病丑扶上〕愁滋味。風雨暮秋天氣。一枕相思頭徹尾。如何消遣些。鐘磬驚回枕上眠。客鄉風雨恨人天。許多心事共誰言。〔丑〕病裏偏教人易老。秋來轉覺恨常添。只因些個事相牽。〔生〕進安。自從別了家鄉至此。旅館蕭條。染成這病。怎生是好。〔丑〕官人。且耐心將息。我昨日到街市上起課來。說你這病是那陰人身上起的。不要跌了。且自消遣則箇。門外有人言語。待我去看來。是那一個。

〔一剪梅〕〔老旦同上〕病中孤館自嗟呀。纔說離家。便恨離家。〔旦〕閒庭開遍紫薇花。人在天涯。病害天涯。〔老旦〕我姪兒染病書齋。要去看他。徒弟。我與你同走一遭。

〔旦〕師父先請。徒弟隨後。〔老旦〕轉過荷香徑。又來丹桂陰。〔生嘆科老旦〕忽聞長嘆語。使我便關心。必正兒。連日病症如何。〔生〕越加沈重。〔老旦〕我兒。句容有一個方先生。在此課命。到有些意思。不免請他來課算禳解。〔生〕使得進安。你替我去請來。眼底便教分禍福。暗裏誰云無鬼神。方先生在家麼。〔淨〕那個。

〔水底魚兒〕〔淨上〕算命通神。書符最有靈。人家來問我。開口要禳星。什麼人

在此。〔丑〕小人是女貞觀中來的。請先生課命。〔淨〕就去就去。纔過溪橋。此間便是。〔丑〕方

先生到了。〔相見科老旦〕舍姪潘楮。偶因下第。寄住在此。忽染病症。特請先生課算禳解。〔淨〕曾

買下三牲麼。〔旦〕先生未曾課算。怎麼先要三牲。〔淨〕小子法術最高。四海聞名。那得一時間

空。今日有一二千人。坐在我店中算命。聞得觀主呼喚。只得到此。〔丑〕我來接你。並無一人。〔淨〕

忘了忘了。是昨日。是昨日。這等樣。你把潘相公八字說來。〔生〕甲子年。乙亥月。甲子日。乙亥時。

〔淨〕好八字。好八字。兩干不雜。地局和同。凡觀人命。先看提綱。身旺坐強。必登廊廟。身衰坐弱。終處貧窮。推此八字。木生冬令。雖未及時。謂之將來者進。兼得亥子水源培植。此乃大富大貴之造也。爭

奈目下紅鸞天喜星照命。又兼日犯歲君。災殃必重。須得禳解方好。〔老旦〕我請個法師禳解如何。  
〔淨〕你差了我算命之外。又會行法。張天師門下第一個高徒是我。快辦紙馬香燭過來。我替你禳解。  
〔丑辦香案科淨念〕上香。上香。奉請家堂。山神土地。司命竈王。今日祝獻。伏爲潘郎病不脫體。着枕狼當。身上發冷發熱。口裏要茶要湯。自從今日禳解。叫他早脫災殃。神道。你若肯依我說。家家主薦。殺豬殺羊。你若不聽我說。我叫你廟中無燭無香。只看今朝以後。若強便強。算來不得就好。也須打點些棺裳。一時魂不附體。大家哭得恹惶。〔丑〕吓。先生着了鬼了。〔淨〕不是先生着鬼。找到老實與你商量。你若要他這個病好。先請遣開傍邊催命大王。〔老旦〕休得胡說。些須薄禮奉酬。請回罷。〔淨〕多謝多謝。全憑一張嘴。賺盡四方財。〔下老旦〕我兒。你把病症從頭說與我做姑娘的知道。

〔山坡羊〕〔生〕呀。這病兒何曾經害。這病兒好難耽待。這病兒好似風前敗葉。這病兒好似雨後花羞態。我難擺開。心頭去復來。黃昏夢斷。夢斷天涯外。心事難提淚滿腮。傷懷。〔老旦〕這病敢是風寒上來的。〔生〕不爲風寒眼倦開。堪哀。〔老旦〕

莫不是憂愁上來的。〔生〕不爲憂愁頭懶擡。

〔前腔〕 〔老旦〕莫不是害了些王仲宣登樓的無奈。莫不是染了些楚三閩江潭流派。莫不是渴中山病兒轉深。莫不是賦高唐愁孽債。心暗猜。莫不是揚子雲閣上災。非關病酒。也只爲耽詩害。人在他鄉須把愁腸解。堪哀。待思鄉怎生歸去來。傷懷。爲瓜葛空教淚滿腮。

〔前腔〕 〔旦〕你像是念故園夢魂常在。你像是恨旅館風塵難捱。你本是養驪珠時潛在淵。你本是夢棲梧暫託荆榛外。〔生〕我好恨。〔旦〕休恨來。愁腸須擺劃。月圓月缺。月也有盈虧。害豈可人無一日災。襟懷。你把那段心兒且放開。書齋好聽春雷天上來。〔老旦〕本當在此看你。殿上有人。我略去再來。〔旦〕相公。你可請醫調

治。我明日再來看你。〔生〕心病還須心上醫。〔老旦〕休將開口惹閒非。〔老同下生作睡科丑背云〕啐。只因開口生心病。但願你冤家早脫離。我東人做出這等模樣如何。

〔前腔〕 〔丑〕我東人不慳不慳。到此處多愁多害。只爲那三四更花晨月夕。惹

下了十二時的孤眠獨捩。官人喫藥。〔生〕我不要藥喫。〔丑〕心暗猜。病從根上來。思量到此。也只爲欠了冤家債。怎能設成全雙鳳釵。癡呆抄手無言難打孩。哀哉。書劍飄零甚日回。東人睡了。待我哄他一哄。東人那仙姑在亭子上。接你說話。〔生〕我就來了。〔作病起科丑〕我來扶你。〔生〕進安。你只在此間。不可來。〔生作行不動科丑〕還是我扶你了。〔生〕不要來。〔生作跌科丑〕沒有人叫。還是我來扶你進去罷。〔下〕

## 第十八齣 叱謝

〔卜算子〕〔旦上〕朝來聞鳥啼。啼處驚人睡。展轉不成眠。反側啼紅淚。春來秋去幾經過。不似今秋愁奈何。心事暗流銀燭淚。恨隨漂泊葉聲多。妙常苦守清規。已經數載。無奈塵心未盡。俗念頓生。對景添愁。強制不定。可恨人也。

〔桂枝香〕奴似風掀黃葉。雲遮殘月。猛可的如醉如癡。獨自個誰溫誰熱。把牀兒打疊。把牀兒打疊。方纔夢枕兒上蝶。又驚回窗兒外鐵。好難說。愁如鴈字天邊陣。淚似鶻花枝上血。

〔前腔〕雲堂松舍。清燈長夜。聽鐘兒敲斷黃昏。擁被兒臥看明月。心中自思。心中自思。猛可的身如火熱。值恁的睡不寧貼。好難說。嚙不下心頭火。轉添些長嘆。筆墨在此不免將我心事描寫一詞。聊寄幽情。消遣則個。〔詞曰〕松舍清燈閃閃。雲堂鐘鼓

沈沈。黃昏獨自展孤衾。欲睡先愁不穩。一念淨中思動。徧身慾火難禁。強將津吐嚙凡心。爭奈凡心轉盛。〔淨王尼姑上〕

〔不是路〕〔淨〕徑遠長蛇。要見的人兒何處也。把簾遮。落花滿地空臺榭。未許紅塵略近些。開門開門。〔旦〕是誰的吠犬迎來花外客。〔作藏詞科〕我把冷眼兒窗前偷看者。〔淨〕休躲撇。爲因閒暇來松舍。〔旦〕向前迎接。向前迎接。遠辱到

此有何話說。〔淨〕久失相親。特來聽講。〔旦〕你平日不好經典。如何要聽講。〔淨〕我近日比前不同。前夜月下。我親見觀音菩薩說道。你平日念佛功德將滿。只少得一百多聲。祥雲就來接你上天去。〔旦〕你何不做一會兒功夫。念完了上天去。〔淨〕人頭上有些私債。未曾討得。養下些狗羊雞犬。未曾賣得。有幾個相識和尚。捨他不得。因此上故意不念完了。〔旦〕你休得取笑。有何

話說〔淨〕涇陽縣中有個王公子。人物標致。潑天富貴。他慕你儀容。欲求婚配。未知你意下若何。

〔旦〕阿彌陀佛。我與你是出家人。怎麼說這等落地獄的話。〔淨〕夫妻之情。誰人不愛。享榮華富貴。強似在此清貧苦奈。〔旦〕休得多言。聽我道。

〔長拍〕門外遊蜂。門外遊蜂。花間浪蝶。隔芳塵簾箔長遮。雲寒月冷。這是自甘孤潔。〔淨〕你好硬心腸。〔旦〕心硬如鐵。又何勞嚷強來饒舌。清閒分同松柏老。豈肯做凡花牆外折。〔淨〕他家十分豪富。〔旦〕從教富貴更豪奢。怎如我清貧守道。自有決烈。

〔短拍〕〔淨〕鬢鞦輕雲。鬢鞦輕雲。眉彎新月。更可人海棠雙頰。休把性兒撇。看鴛鴦帳煖。那春生鳳凰衾熱。他指望連枝比翼。那知急煎煎鏡破簪折。

〔尾〕〔旦〕從今斷絕休來說。你上覆那王公子呵。不須用這般鍬掘。月殿花枝你休想去折。〔下淨〕他送也不送我。就進去了。敢是怪我也。

雲霧鎖天台。

媒紅空自來。



心難常皎潔。

有日惹塵埃。

第十九齣 詞媾

〔清平樂〕〔旦上〕西風別院。黃菊都開遍。鷓鴣不知人意懶。對對飛來池畔。雲

淡水痕收。人傍淒涼立暮秋。蛩吟無斷頭。心事淚中流。懶把黃花插滿頭。見人還自羞。自與潘郎見後。不覺心神恍惚。情思飄蕩。對此困人天氣。好生傷感也。

〔繡帶兒〕難提起。把十二個時辰付慘悽。沈沈病染相思。恨無眠。殘月窗西。更難聽孤雁嘹唳。堆積幾番長嘆。空自悲。怕春去。留不住。少年顏色。奴家身體困倦。

不免穩睡半晌則個。〔睡介〕

〔宜春令〕〔生上〕雲房靜。竹徑斜。小生病起無聊。好生煩悶。不免往白雲樓下。閒步一回。多

少是好。欲求仙恨着天台路迷。問津何處。傍青松掩着花千樹。悄悄地行來。乃是陳姑臥房。正值他獨睡在此。〔作番書介〕這是他看誦的經典。裏面爲何有字一幅。卻是陳姑詩稿。

詞云。松舍清燈閃閃。雲堂鐘鼓沈沈。黃昏獨自展孤衾。欲睡先愁不穩。一念靜中思動。遍身慾火難

禁強將津唾嚙凡心。爭奈凡心轉盛。細觀此詞。陳姑芳心盡露。敢是天就我的姻緣。把此詞做個公案。件殘經香渺。金猊題紅句。情含綠綺。心知此詞入手呵。天付姻緣。送來佳會。待我揭帳戲他。看他如何回我。陳姑。陳姑。〔旦作驚起介〕

〔降黃龍〕驚疑閃得我魄散魂飛。倦體輕盈。倩誰扶起。〔生〕小生在此相扶。〔作抱

旦旦怒介〕你是書生班輩。好個書生班輩。錯認仙姑。比做神女。〔生〕差不多兒。文君幸見相如。兩下情同魚水。〔旦〕休題。文君佳趣。這其間相如料難是你。〔生〕多分是小生無疑。〔旦〕潘郎好生無禮。我對你姑娘說來。〔生〕說我何事。〔旦〕秀才們偷香竊

玉。意亂心迷。

〔醉太平〕〔生〕非癡。我青燈愁緒。聽黃昏鐘磬。夜半寒雞。孤衾獨抱。未曾睡先。愁不寐。相思靜中一念有誰知。慾火炎遍身難制。把凡心自嚙。只少個蕭郎同並。彩鳳同騎。

〔浣溪沙〕〔旦〕你臉兒涎。情兒媚。話蹉蹊。心自猜疑。〔生〕不必猜疑。〔旦尋詞介〕

小生拾得在此。〔旦〕好好還我的詞來。若不還我。把你做賊論。〔生〕儉書不爲賊。〔旦〕這場冤債訴憑誰。當初出口應難悔。罷罷。一點靈犀托付伊。〔背介〕幾番羞解羅襦。

〔生拜介〕

〔滴溜子〕合拜跪。此情有誰堪比。慢追思。此德何年報取。誰承望。今宵牛女。銀河咫尺間。巧一似穿針會。兩下裏。青春濃桃豔李。

〔鮑老催〕〔旦〕輸情輸意。鴛鴦已入牢籠計。恩情怕逐楊花起。一首詞。兩下緣。三生謎。相看又恐相拋棄。等閒忘卻情容易。也不管人憔悴。〔生〕妙常。你道小生

忘了此情。〔跪介〕老天在上。必正若忘了妙常今日之情。天誅地滅。

〔貓兒墜〕皇天在上。照證兩心知。誓海盟山永不移。〔旦〕從今孽債染緇衣。歡娛看雙雙。一似鳳求鸞配。

〔尾〕天長地久君須記。此日裏恩情不暫離。從此後情詞莫再題。今夜燈前見。還疑夢裏來。〔下丑上〕我東人在此。吟風弄月。夜去明來。終久喫他刮上了。

〔清江引〕堪愛堪愛真堪愛。鸞鳳情深如海。携手上陽臺。了卻相思債。他怎知有個人在窗兒外。

〔身角兒〕〔生旦同上〕兩情濃同下藍橋。戰兢兢歡婢較少。成就了鳳友鸞交。休忘卻天長地老。爲你病懨懨只自耽。瘦怯怯難自保。爲着今朝。相偎相抱。力怯體嬌。你休把私情漏泄。兩下裏供狀難招。

〔前腔〕奴本是柔枝嫩條。休比做牆花路草。顧不得鸞雛燕嬌。你恣意兒鸞顛鳳倒。須記得或是忙或是閒。或是遲或是早。夜夜朝朝。何曾知道。這些關竅。春風一度。教我力怯魂消。

〔尾〕從今淡把蛾眉掃。妝一個內家腔調。把往日相思一擔兒拋。〔丑〕不好了。不好了。觀主知道。去叫地方拿你們兩個送官。怎麼是好。〔旦〕如何是好。〔丑〕不妨。我哄你兩個。適纔我替你遮瞞過了。我只要捉個頭兒。〔生〕我在此。你休得這等胡說。〔丑〕既然相公在此。你只叫我一聲。〔旦〕教我叫你什麼。〔丑〕隨你。〔旦〕進安哥。〔丑〕不好。除下哥字。添上相

公二字。〔旦〕難道是進安相公。〔丑〕正是。正是。〔旦作難介丑〕我就叫將起來。〔旦〕也罷。我便叫他一聲。進安相公。〔丑笑介〕出菴奶奶。〔生〕怎麼叫做出菴奶奶。〔丑〕沒有我進安相公安能奶奶出菴。〔生叱下〕

第二十齣 詭媒

〔普賢歌〕〔小淨上〕終朝奔走在街坊。布施虧咱口舌強。化些三齋與糧。討些三燭與香。夜夜偷閒搗和尙。自家凝春庵王師姑是也。前日王公子託我到女貞觀。說陳妙常親事。不想他千不肯萬推辭。花言巧語。馬扁他不動。如何是好。不免回覆公子。教他別尋人去說。迤邐行來。此間便是。有人在此麼。〔丑上〕閒庭落葉階前覆。靜坐何人門外來。我公子親事如何。〔小淨〕不諧。〔丑〕罷了。我公子急等着你完事。今早又着我來叫你。你到說出這句話。〔小淨〕如今怎麼處。〔丑〕我教你一個法兒。哄他一哄。你只說陳妙常已請到在門外。我說你十分標致。他心動就來。你出去接他。不可擡頭。待他進了書房中。又作區處。〔小淨〕使得。使得。你去通報。〔丑〕公子有請。〔大淨上〕

〔前腔〕朝朝夜夜醉紅妝。睡起瞳瞳日上窗。桂花開得香。菊花開得黃。可惜金樽少個人兒賞。何人在此。〔丑〕王師姑請得陳妙常來見爺。在外等候。〔淨〕好好。〔丑〕還

有事稟上爺。王師姑說爺十分標致。說得他心動。就來到此。教爺可低頭迎接他。不可擡頭。進了書房。憑爺處置。〔淨〕好好。會幹事。會幹事。〔兩下作低頭見介淨〕呸。我是開口等酒。那知你將沒作有。教我心上花開。如何接着你這老狗。〔小淨〕怕你臉上帶羞。使你不要擡頭。親事十分不肯。特來回覆你這老牛。〔淨〕他怎麼不肯。只是你不會做媒。〔小淨〕我再三去說。他再四不肯。只是哄他不動。你聽我道來。

〔大趂鼓〕他真心愛出家。自甘守淨。不戀繁華。不容人說閒非話。空費我嘴渣。渣。多謝蜂媒。及早回衙。

〔前腔〕〔淨〕惓惓望着他。鴛幃合疊。花燭籠紗。今朝不見來堂下。空教我眼巴巴。多是蜂媒。不會開衙事。既如此。怎麼處置他纔好。〔小淨〕我有一計策。特來與你商量。〔淨〕有何計策。〔小淨〕你着個能言的盛使到觀中去。不可說出姓王。只說耿衙差人請師父到家。欲

拜爲師。講經說法。先叫下轎夫。等他上轎。擡到家中。憑你處置。有何不可。〔淨〕此計甚妙。

由他人伶俐。

難脫這條計。

若還哄不來。

教我空淘氣。

### 第十一齣 姑阻

〔月雲高〕 〔旦上〕 松梢月上。又早鐘兒響。人約黃昏後。春暖梅花帳。倚定闌干。悄悄的將他望。猛可的花影動。我便覺心兒癢。吓。元來又不是他。那聲音兒是風。憂簾鉤聲韻長。那影子兒是鶴步空庭立那廂。等了這一會。還不見他來。我且回房中。再作區處。倦立庭前看月色。且回鴛帳坐香消。〔下〕

〔前腔〕 〔生上〕 夢回羅帳。睡起魂飄蕩。纔見雲窗月。心到陽臺上。靜掩書齋。月

上門偷傍。三春花信曾有約。七夕渡河人又來。〔下老上〕 欲覓閒消息。須教悄地來。夜深人不

見。書館把門開。不知我姪兒那裏去了。不免叫他一聲。必正姪兒那裏。〔生上〕 忽聽得花間語。

把小鹿兒在心頭撞。姑娘拜揖。〔老〕 書到不讀。卻往那裏行走。〔生〕 在亭子上乘涼。爲

愛閒亭風露涼。〔老〕爲何這等慌張。〔生〕失候尊前心意忙。〔老〕我兒。你聽我道來。

〔前腔〕書當勤講。奮志青雲上。坐待春雷動。一躍桃花浪。姓字爭先。不墮前人望。夜半花間月。休去閒飄蕩。好把流螢手自囊。當惜春風又過牆。也罷。你隨我到經堂上去。一邊我打坐。一邊你讀書。待我出定時。方去寢息。不可不依。從來佛教通儒教。要識儒修

卽佛修。〔扯生並下〕

〔石榴花〕〔旦上〕聽殘玉漏。展轉動人愁。思量起竟含羞。我把玉釵敲斷鳳凰頭。傍孤燈暗數更籌。出乖露醜。這事兒落了他人後。想昨宵雨約雲期。到今朝鳳泣鸞愁。

〔前腔〕〔生上〕忙來月下。恨殺那人留。〔對旦揖介旦背介生〕小生來了。爲甚事泪雙流。武陵人抱悶悠悠。夜深沈不餌魚鉤。心中暗愁。〔旦〕愁什麼。把人丟下就是。〔生〕這話兒好教我參不透。只指望楚雨巫雲。怎番做綠慘紅愁。

〔泣顏回〕〔旦〕休說那風流。一霎時忘卻綢繆。教我黃昏獨自。等得月轉西樓。



將人便丟。那些個見你情兒厚。〔生〕小生不是故意來遲。幾乎做將出來。正到半路。乞我那狠心的姑娘。走將來叫我。幸而聽得。只得回轉。不想他帶我到禪堂去。他一邊打坐。教我一邊看書。他出定方放我回寢。以此來遲。〔跪介〕望恕小生之罪。〔旦〕看他愁模樣。堪愛堪憐。定不是將沒作有。

〔前腔〕〔生〕一日隔三秋。鴛鴦結牢鎖心頭。猩紅一瓣。魂靈兒都爲他鉤。何曾下口。更難忘燈下鞋尖兒瘦。我若做浪蝶遊蜂。老天呵。須教是裾馬襟牛。

〔尾〕從今念卻神前呪。今夜情難罷手。怎能穀閨一個更兒相聚久。

花間淚落三更月。

佛座人留兩下情。

話向枕邊說不盡。

隔林雞唱又天明。

## 第二十二齣 促試

〔珠落索〕〔老旦上〕鳳隻與鸞孤。兩下悲離曠。星前暗許。抱衾綢。好教我難遮。

當。本是鸞鳳宿有緣。空門一見兩留連。若教露出當場事。收我從前學坐禪。我想陳妙言與我姪兒。

兩下青春佳麗。意氣相投。每每月下星前。事事東遮西掩。看他鼠竊。使我狐疑。倘若事露人知。敗壞山門。有玷清白。如何是好。早晚問事情。那裏防得他許多。不免叫姪兒出來。逼他赴選。絕了眼前往來。有何不可。姪兒那裏。

〔浣溪沙〕

〔生上〕

夢裏鴛鴦拆散。醒來淚眼未曾乾。窗前又聽得頻呼喚。姑

娘拜揖。

〔老〕

姪兒。我想你父親生你一人。指望功成名就。雖是你身上青雲。未登金殿。還是你身

上一件不了的事情。如今春期將至。正好收拾書囊。前往臨安赴試。休得留戀于此。〔生〕試期尚

早。待明春去猶未遲。只是在此多擾姑娘。

〔老怒介〕我豈爲你在此攪擾。要你去赴試。我與你父

親連枝瓜葛。看你飄蓬。

何面目見你二親。汝強留戀。自甘人下。又何面目見你二親乎。你二親日

後也要埋怨我好痛殺人也。〔作悲介生亦悲介〕

謹依姑娘嚴命。只待作謝各房姑姑就去。〔老〕

不消。待我叫他們出來送你便了。香公那裏請各房姑姑出來。〔內應〕知道了。〔進安同衆姑姑上〕

〔卜算子〕荒徑葉聲乾。閒庭人語沸。〔旦〕不知何事苦相牽。心下常縈繫。〔老〕

今日我姪兒起程赴試。特喚你們相送則個。〔旦〕

爲何平地有此說話。〔作含泪介老〕進安。你

可快收拾行李。〔丑〕平地起風波。暗裏分鸞鳳。〔下老〕姪兒。你聽我道。

〔催拍〕趁西風快着祖鞭。當及時看花上苑。休得留連。休得留連。你是瑚璉虹霓。怎做狐首鴻磐。休戀燕友鶯儔。月下花前。〔合〕從此去獻納爭先。親玉陛謁

金鑾。

〔前腔〕〔生〕嘆驥足驢車久淹。託萍梗風塵自轉。〔背介〕有恨難言。有恨難言。

扯斷紅絲。生剖青鸞。人逐孤鴻。淚染啼鵑。〔合前〕

〔前腔〕〔旦〕夕陽外千山萬山。衰草路風寒水寒。〔背介〕把淚偷彈。把淚偷彈。

千種離情。兩下難言。意惹情牽。腸斷心剜。〔合前〕

〔前腔〕〔衆姑〕你本是鴻才俊。偶暫住衡門考槃。幾摺征帆。幾摺征帆。眼底

天涯。利鎖名牽。一曲離歌。三疊陽關。〔合前〕

〔前腔〕〔丑挑行李上〕打疊起行囊半肩。〔生拜介〕忙拜謝尊姑膝前。〔老〕着意

相看。着意相看。野店寒雞。水宿風餐。〔旦〕進安哥。雨雪長途。休教他食缺衣單。〔合

前

〔二撮棹〕〔生〕馬前路恨殺人山外山。〔旦〕燈前夢要見他難上難。〔生〕睜睜眼。兩下裏恨冲天。〔旦〕又怕人瞧破。待留他怎上前。〔老〕休嗟嘆。及早奪錦衣還。〔衆姑〕春風裏早把好声音傳。

〔尾〕〔生〕尊前拜別空留戀。〔旦背介〕我這裏新愁千萬。〔生作別旦衆姑介〕止不住淚潸潸血染征衫。〔老旦〕徒弟們各自歸房。我送姪兒到江口下船。明日方回。

好把芙蓉匣劍安。

只愁風雪阻江關。

可憐不是輕離別。

兩下相看難上難。

### 第二十三齣 追別

〔水紅花〕〔老旦生丑上〕天空雲淡蓼風寒。透衣單。江聲悽慘。晚潮時帶夕陽還。淚珠彈。離愁千萬。〔生背〕欲待將言遮掩。怎禁他惡狠狠話兒剗。只得赴江關也囉。〔老〕落木靜秋色。殘暉浮暮雲。〔生〕不知人別後。多少事關心。〔丑〕已到關口。梢水看

船〔淨梢水上〕船在此。〔丑〕我相公上京赴試。叫你船到臨安。賞你一兩銀子作船錢。〔淨〕就去就去。〔老〕就此開船。休得轉來。我在閩江樓施主人家看你。明日纔回。〔生〕謹依姑娘嚴命。葉落眼中泪。風催江上船。〔老〕明年春得意。早報錦雲箋。〔生丑下老立高處望〕

〔前腔〕〔旦上〕霎時間雲雨暗巫山。悶無言。不茶不飯滿口兒何處訴愁煩。隔江關。怕他心淡。顧不得脚兒勤趕。〔作驚介〕呀。前面樓上。好似我觀主模樣。又早是我先

看見他。若還撞見好羞慚。且躲在人家竹院也囉。〔下老〕姪兒已去遠。不免回觀去

罷。從今割斷藕絲長。免繫鴟鵂飛不去。〔下旦上哭介〕潘郎潘郎。君去也。我來遲。兩下相思只自

知心呆意似癡。行不動。瘦腰肢。且將心事托舟師。見他強似寄封書。梢水那裏。〔小淨上〕聽得誰

人叫。梢水就來到。到那裏去的。〔旦〕我要買你一隻小船。趕着前面會試的相公。寄封家書到臨

安去。船錢重謝。〔小淨〕風大去不得。〔旦〕不要推辭。趁早開船趕上。寧可多送你些船錢。〔小

淨〕這等下船下船。〔吳歌〕風打船頭雨欲來。滿天雪浪那行教我把船開。白雲陣陣催黃葉。惟

有江上芙蓉獨自開。

〔紅衲襖〕〔旦〕奴好似江上芙蓉獨自開。只落得冷淒淒飄泊輕盈態。恨當初與他曾結鴛鴦帶。到如今怎生分開鸞鳳釵。別時節羞答答怕人瞧頭怎擡。到如今悶昏昏獨自個耽着害。愛殺我一對對鴛鴦波上也。羞殺我哭啼啼今宵獨自捱。〔同下生淨丑上淨吳歌〕滿天風舞葉聲乾。遠浦林疎日影寒。個些江聲是南來北往流

不盡的相思淚。只爲那別時容易見時難。

〔前腔〕〔生〕我只爲別時容易見時難。你看那碧澄澄斷送行人江上晚。昨宵呵醉醺醺歡會知多少。今日裏愁脈脈離情有萬千。莫不是錦堂歡緣分淺。莫不是藍橋滿時運慳。傷心怕向篷窗見也。堆積相思兩岸山。

〔僥僥令〕〔旦小淨上〕忙追趕去人船。見風裏正開帆。〔小淨〕會試的潘相公。會試的

潘相公。〔生〕忽聽得人呼聲聲近。住蘭橈。定眼看。是何人。且上前。〔旦〕是奴家。

〔對哭介〕

〔哭相思〕〔生旦〕半日裏將伊不見。淚珠兒溼染紅衫。〔旦〕事無端。恨無端。平白地

風波拆錦鴛。羞將泪眼對人前。〔生〕那其間。到其間。我那姑娘呵。惡話兒將人緊緊攔。狠心直送我到江關。〔旦〕早辰叫我們送你上京。聽得一聲。好不驚死人也。不知何人走漏消息。敢是你的口兒不謹。以致如此。〔生〕小生肯對着何人說來。平地風波。痛腸難盡。〔旦〕別時節。衆人面前。有話難提。有情難盡。因此上趕來送你。只是我心中千言萬語。一時難盡。〔生〕多謝厚情。感銘肺腑。早辰衆姑姑在前不得一言相別。方抱痛傷。今得見你。如獲珍寶。我與你同行一程如何。〔旦〕甚好。  
〔小桃紅〕秋江一望淚潸潸。怕向那孤篷看也。這別離中生出一種苦難言。自拆散在霎時間。心兒上。眼兒邊。血兒流。把我的香肌減也。恨殺那野水平川。生隔斷銀河水。斷送我春老啼鶻。

〔下山虎〕〔生〕黃昏月下。意惹情牽。纔照得雙鸞鏡。又早買別離船。哭得我兩岸楓林都做了相思淚斑。打疊淒涼今夜眠。喜見我的多情面。花謝重開月再圓。又怕你難留戀。好一似夢裏相逢。教我愁怎言。

〔醉遲歸〕〔旦〕意兒中無別見。忙來不爲貪歡戀。只怕你新舊相看心變。追歡

別院怕不想舊有姻緣。那其間拚個死口含冤。到癸靈廟訴出燈前。和你雙雙發願。〔生〕想着你初相見。心甜意甜。想着你乍別時。山前水前。我怎敢轉眼負盟言。我怎敢忘卻些兒燈邊枕邊。只愁你形單影單。只愁你衾寒枕寒。哭得我哽咽喉乾。一似秋風斷猿。〔旦〕奴別君家。自當離卻空門。洗心待君。君家休得忘了奴。有碧玉鸞簪一枝。原是奴家簪冠之物。送君爲加冠之兆。伏一笑納。聊表別情。〔生〕多謝多謝。我有白玉鴛鴦扇墜一枚。原是我家君所賜。今日贈君。期爲雙鴛之兆。

〔憶多嬌〕兩意堅。月正圓。執手叮嚀苦掛牽。我與你同上臨安如何。〔旦〕我豈不欲恐人嚷鬧是非。反害後邊大事。欲共你同行難上難。早寄鸞箋。早寄鸞箋。免得我心腸挂牽。也罷。就此拜別。

〔哭相思〕夕陽古道催行晚。聽江聲淚染心寒。要知郎眼赤。只在望中看。〔生拜別介下〕重竚望。更盤桓。千愁萬恨別離間。只教我青燈夜冷香消鴨。暮雨

西風泣斷猿。〔下〕



第二十四齣 占兒

〔太常引〕〔淨陳母老旦同上〕長空秋影淡無痕。離恨起寒砧。〔淨〕望眼淚盈盈。故

園腸斷黃昏。〔相見介老〕親在桑榆愁日暮。兒遊霄漢幾時歸。秋容對鏡慚消減。腸斷空憐日九

迴。〔淨〕吹敗葉。滿空飛。痛骨酸心漬滿衣。逐水隨風何處去。幾番長望立斜暉。〔老〕親母。我孩

兒一去。杳無音信。多爲春場不第。以此羞歸。不知寄托何處。今番又是春場到了。〔淨〕親母。不必愁

煩。令郎公子。他是聰明伶俐之人。好歹定有相見之日。只是我女兒流落。不知音信。好不痛殺我也。

〔字字錦〕〔老旦〕青霜入鬢鮮。落日流光短。離情解誤人。惹下西風怨。恨當年。

爲着兩字功名。閃得我兒愁母怨。天天山遙水遠。我那兒。可不念着故園。思量

故園故園何日返。〔合〕恨跌綻了繡鞋尖。恨跌綻了繡鞋尖。望長安天遠。我心

兒裏苦切。我心兒裏苦切。守着個更更點點。淒淒冷冷。隔着個朝朝暮暮。思思

念念。腸斷了愁眉淚眼。

〔前腔〕〔淨〕娘兒各一天。蹤跡如蓬轉。愁聞雨後蟬。怕見天邊雁。恨從前。只爲

狼虎紛爭。閃得我娘孤兒塞。天天嬌鸞打開。天若有心見憐。再得兩下重相見。

〔合前老旦〕親母且自寬解。近開得鄰近有個劉先生。號曰劉如見。此人起課通神。不免去請他來

問卜兒女消息。少解愁煩。意下如何。〔淨〕甚好。〔老旦〕當直的那裏。〔末上見介老旦〕你去

請劉如見先生來。我要問課。〔末〕知道了。劉先生有請。〔丑上〕海內人傳舊有名。都將課命問

先生。若來請我須錢到。自古無錢卦不靈。〔末〕先生。潘老爺家夫人相請起課。就要同去。〔丑〕小

子就行。〔末〕夫人。劉先生到了。〔相見介老旦〕特請先生問卜。〔丑〕既然如此。拿課筒去。與

老夫人禱告。〔老旦禱告介〕

〔不是路〕禱告蒼天。我爲兒取功名去不還。〔淨禱告介〕我爲兒拆散。未知生死

會何年。〔丑〕夫人請坐。待我排卦。卦排員。若論此卦問男兒的。他禹門三躍魚龍變。問女

兒的。鵲駕重逢牛女歡。只在目下。就有應驗。〔老旦〕先生休得差了。〔丑〕我怎麼會差。

這是上好之課。只要老夫人重重謝我。〔老旦〕愁懷頓解。謝天天早與人方便。喜從心

願。當直的謝了先生。〔末〕先生課錢在此。請收下。〔丑〕多謝多謝。能知周易理。會撰鄧通錢。〔下〕

〔雪獅子〕〔老旦〕頻頻去卜金錢。金錢似擲我珠淚懸。天邊雁過聲嘹唳。孤村外。孤村外。流水聲兒喧。夢斷夜如年。你看秋風起也天。春風起也天。春去秋來。秋去春來。形孤影寡。想殺我膝下斑斕。

〔前腔〕〔淨〕魂和夢思和想。都做了泣鳳哀猿。那離巢乳燕誰收管。愁腸斷。愁腸斷。何時再得重相見。似破鏡得團圓。秋風起也天。春風起也天。春去秋來。秋去春來。形孤影寡。想殺我掌上文鴛。

〔尾〕〔淨〕今生只恐難相見。百折柔腸寸寸剋。〔老旦〕自古道人生離別難。庭前紅淚灑飛花。愁倚湘簾日影斜。

高樹莫教啼野鳥。

夢魂驚不到天涯。

## 第二十五齣 奏策

〔點絳脣〕〔末扮黃門上〕光霽庭燎。鸞鈴聲集雞鳴早。簪笏盈朝。聽靜裏樂奏鈞天調。霜滿衣。露滿衣。霜露淒淒鬢已絲。閒處人眠那得知。星影微。月影微。顛倒裳衣恨起遲。忙處人

愁辦事時。下官宋朝一個小黃門是也。出入彤庭。往來紫禁。今日早朝。正當宮裏臨軒策問之日。忙來到此。天色尙早。朝門未開。你看那午門外辦事的。躋躋踏踏。紛紛雜雜。滾將來一派蒼蠅聲。喚起處。三度天雞唱。明明滅滅。千燈隱隱似虹流。往往來來。萬騎繚繚如雨集。冠金珮玉。那分得上下高低。噤口啣枚。認不出燕韓趙魏。鳳闕雲開。曙光浮。燦燦緋袍分映日。龍樓烟散。霞影動。熒熒金弁轉如星。鼓打三通。坎坎闐闐。落殘星。催曉日。滿空中浪捲蛟龍潮欲起。鐘敲百下。湲湲濺濺。肅班寮。開禁掖。纔聽處。關衝虎豹雨初來。那壁廂。箇箇人齊。森森嚴嚴。飛飛拂拂。旌旗閃映。霞鬚動。這壁廂。金吾會集。層層密密。晃晃鑠鑠。刀劍光凝。雪眼開。象隊初分。水晶簾。雲母扇。掩掩映映。朱旗畫戟。玉斧寶刀。奉着個現化身中天王。帝坐紅雲。龍駒駐蹕。雞舌香。鳳膏燭。熒熒燦燦。翠蓋珠屏。豹干虎節。真見那再來世。滿月金仙。臨寶刹。春暖龍門。千千萬萬。紛紛奕奕。擁將來獻策書生。風翻鸚鵡。堂堂楚楚。蹕蹕印印。都是那懷珍國士。一簇簇。一叢叢。齊齊整整。專聽那金闕曉鐘。開萬戶。一隊隊。一班班。雍雍肅肅。都是那玉階仙。仗擁千官。你看那深深沈沈。峨峨翼翼。望着的膽戰心寒。九重開玉鑰。巍巍凜凜。赫赫皇皇。對着的魂飛魄散。六駕擁金輪。忽聽得半空中天樂齊鳴。又早見滿殿裏鴛班畢。

集道猶未了。聖駕早到。〔衆扮金吾內官昭容上生淨外隨上〕

〔出隊子〕〔衆〕鑾輿登殿。鑾輿登殿。三下鳴鞭集萬官。扇分日月列仙班。龍袞

雲霞天上看。丹鳳御書。日下聽宣。〔末〕會舉生員。俯伏候試。〔昭容〕聖駕臨軒策問諸

士。爾士子其恪恭盡對。黃門官頒題分策。

〔駐雲飛〕〔末〕問爾諸賢。堯舜君民何者先。何者匡時亂。何者回天變。嗟。恢復

舊中原。何爲長便。爾士謨謀悉對。彤庭獻。聖主方求忠直言。萬姓方求解倒懸。

〔前腔〕〔生外淨〕臣對愚言。堯舜臨民仁政先。殿陛除讒詔。畿甸輕科斂。嗟。選

將任兵權。堅車致遠。重賞崇恩。士卒同歡。怨恢復中原反。掌問湯武兵威一怒

間。〔內官收卷介昭容〕諸士子卷完。俱出午門外候旨。衆臣退班。〔衆〕卽看萬舞羣臣散。常侍千

年聖主歡。〔衆下生外淨弔場相見介生〕列位老兄得意否。〔淨〕小弟極得意。小弟卷子內直

寫云。殺了秦檜。天下就平。中原就復。〔生外〕語句忒硬了些。〔淨〕我下筆時也思量不要惹他。

後邊寫時節改了一改。〔生外〕改做怎麼樣的。〔淨〕朝政悉委大臣秦老爺掌管。天下就平。〔生

外）忒軟了。〔淨〕硬又不好，軟又不好，教我也難弄。〔生〕老兄就是金陵元伯通先生。〔淨〕正是。〔生笑〕向年湖上同遊，今日得做同年，可喜可喜。〔淨〕不敢。

聚散本無期。

相逢似有私。

明朝花發處。

誰折最高枝。

## 第二十六齣 相寬

〔東坡引〕〔旦上〕君如水上萍，妾似風中燭。盈盈淚落悠悠路，愁眉空自感，愁腸空自續。一雙青眼，望着長安天樣遠，鵲噪燈花，暗卜何時得到家。長吁短嘆，過去幾時曾未慣。錦字新裁，望斷關河雁不來。奴家自別潘郎，經今數月，暮想朝思，懨懨成害。對此淒涼時序，怎生消遣我這淒涼情況也呵。

〔香羅帶〕你看寒燈挑短檠，熏籠自溫。孤鴻怕聽牕外聲，提起我那心頭病也。空自睡不穩，夢還驚。淒涼怎生捱着枕，數盡那更籌也。短嘆長吁千萬聲。〔旦作隱几介貼旦上〕

〔卜算子〕意結兩情濃。自喜心相信。悄地轉松陰。〔作窺窗介〕他近日裏呵。爲甚

常愁悶。奴家觀鄰張二娘。曾與妙常結拜姊妹。他與我兩下心事。勝似同胞。我連日窮冗。未曾來

看他。不知他近日爲何長是病害。你看今日又睡在此間。不免躲閃在此。看他醒來。說些甚麼。〔旦

作驚介〕方纔着枕。又夢見門外有書報說潘郎中了。我驚將醒來。又是南柯一夢。可怪可怪。

〔香羅帶〕蕭郎無信音。懨懨愁悶。多應懷抱一個小情人。〔作嘔吐介〕因此上嘔

病幾曾停也。又見裙帶短。好心驚。羞慚空白搥啼痕。怕有人知也。教我亂掩胡

遮不出門。

〔醉扶歸〕〔貼旦〕悄悄將伊從頭問。〔旦作驚介〕失迎了。幾時到此。〔貼旦〕方纔到此。

你在此說些甚麼。〔旦〕並不會開口。〔貼旦〕何須苦苦假吞聲。我知道你只爲征車

寂寞豫章城。因此上相思冷落臨川郡。你不要瞞我。一句句我都聽得了。你只爲吹

簫聲斷鳳凰音。同衾早協熊羆夢。〔旦〕未曾說出心頭悶。早先恨着意中人。無

端月色與花陰。爲那焦桐勾引我諧秦晉。實不瞞你。我與那潘郎。方好數宵。不意就被觀

主逼他赴試。一向杳無音信。身上又做出這些事來。因此上寫個人邊言字杳無音。只教我目邊點水流難盡。〔貼旦〕你與潘郎別時。曾與你說甚麼來。〔旦〕他許我夫妻之情。

斷不相忘。

〔香柳娘〕〔貼旦〕不須用淚零。不須用淚零。他是書生志誠。一言爲定。且寬心自穩。且寬心自穩。他與你無情。做有情。你何必舊恨添新恨。我有一句話和你說。你只要好看成此身。好看成此身。他與你兒女事關心。料他不把情兒冷。〔旦〕想他無定準。想他無定準。怕他富貴厭奴貧。怕他花柳人勾引。到三更四更。怕三更四更。怕聽孤雁兩三聲。殘月半窗冷。漸漸瘦損。漸漸瘦損。我心兒裏怕人嗔。口兒裏怕人問。此事只好你知我知。千萬不可說出與外人知道。

〔尾聲〕再三囑付相遮隱。此話牢拴方寸。〔貼旦〕我與你是何人。何須分付。你好把愁腸安頓。

〔旦〕兩語相投坐轉深。

梅花分影動黃昏。



〔貼〕魚書不負春來信。

象榻何慚畫掩門。

第二十七齣 擢第

〔掛真兒〕〔生冠帶上〕滿目新紅驚樹杪。鶯啼處夢斷魂消。野店寒雞。草橋殘月。暗把遊人催老。記得離人哭渭城。如今新柳暗。短長亭。杜鵑啼出別離聲。最苦是。千里此時情。

未語淚先零。隨他春夢去。兩三程。漏聲不歇枕邊聽。驚醒處。衾枕擁愁兵。下官潘楷是也。叨蒙聖恩。幸中二甲進士。觀政刑部。未卜歸期。不免修書二封。着進安先回報喜。免得父母與陳姑掛念。進安那里。〔丑上〕京都誇得意。故國恨無聊。稟老爺有何分付。〔生〕看筆硯過來。〔生作寫書介〕

〔五更轉〕自昔年離膝下。今經三載餘。白雲回首。回首應無際。扇枕溫羹。番做個倚門倚閭。不孝兒逆天罪。難饒恕。幸得天池奮跡。奮跡鴈塔題名字。欲慰親堂。聊把別書寄。進安。你把這一封書。往河南太老爹奶奶處投下。說我明春就回了。〔又寫介〕

〔前腔〕生別離秋江上。今經半載餘。彩雲夢斷。夢斷客窗淚。剩雨殘雲。番作孤燈長夜。我志冲霄。氣吐霓。誇得意。當年有約。有約姻緣誓。指日南來。要把玉簪

重會。進安過來。這一封書呵。

〔好姐姐〕你先去女貞觀遞書。說道我皇都得意。若問我歸期呵。桃花將盡。是劉郎來會期。河南去。慈幃書報天涯字。早晚承恩衣錦歸。

〔前腔〕〔丑〕拜別疾忙前去。回首隔江雲春樹。金泥遠報。教他兩處知。他心喜。一邊收拾相思淚。一邊免寄天涯遊子衣。

書去心同去。

魂飛夢亦飛。

故鄉今夜淚。

血染杜鵑枝。

## 第二十八齣 設計

〔風入松〕〔淨上〕終朝獨自坐沈吟。只爲此勞魂。那人何日諧秦晉。空辜負年少青春。親到桃花渡口。他見我定留情。買笑追歡儘費心。千金無處買媒人。今朝親到祆神廟。烈火休教夢裏焚。自家王公子是也。只爲陳妙常冤家。日日掛心。無計可處。昨日那王師姑設計甚妙。不免叫小使備馬。親到觀中去。臨機應變。哄得上轎。可不今夜就成全了此事。不免對老天

許下天大願心。保佑一說就來。〔作跪介〕老天。今日去請陳妙常得來。烏豬白羊拜謝。〔丑暗上云〕我幫一隻鴨。〔淨〕啐。你這小使。專會綽嘴。〔丑〕若得爹爹討了陳道姑。省得終朝插我。〔淨〕多你休得胡說。快跟我到女貞觀去。

〔六么令〕溪橋纔轉。見琳宮隱約松間。那人深臥白雲閒。低聲問。立門邊。漁郎要入桃花院。此間就是他房。小使。你先進去。〔丑〕有人在此麼。

〔前腔〕〔旦上〕柴扃畫掩。是何人來到松關。莫非青鳥寄雲箋。親自去。聽他言。行藏又恐人瞧見。何人到此。〔丑〕小人是耿衙奶奶差來。欲拜足下爲師。請到衙中談經說法。已備轎相迎。〔旦背云〕我知道了。這是那王公子使他來計賺我的。待我哄他一哄。你家奶奶叫你同相公來接我。爲何不見你相公進來。〔丑背云〕賊道賊道。他就知道了。待我去請他來。〔相見作誦介旦〕相公。你聽我道。

〔蠻牌令〕〔旦〕君家聽相告。身已許蓬茅。爲貪鐘磬外。自結水雲交。伴青松身閒意閒。共明月散誕逍遙。〔淨〕久聞清雅。今見絕色。果不虛傳。若是苦守清規。可不辜負了。

你的青春〔旦〕念蒲質自甘棄捐。又何須雅念勤勞。

〔前腔〕〔淨〕粉質似瓊瑤。青鬢翦雲綃。料應天上種。暫且謫塵囂。念佛人何曾上天。住塵世且結鸞交。你若還苦守清規。可不負了藍橋。

〔憶多嬌〕〔旦〕看他村樣喬。心暗慆。人隔星河路轉遙。月印江心空自勞。收拾風騷。收拾風騷。今世裏姻緣且歇這遭。多承枉顧。不及奉陪。好看青鳥入雲去。笑殺山雞空自飛。〔下淨低頭作揖介丑〕進去了。你喫他罵了。〔淨〕他罵我什麼來。〔丑〕他比你做山

雞野鳥。〔淨〕這等可惡。

〔前腔〕他把我嘲。劈面掙。老斷巫山雲霧高。關出劉郎門外敲。此恨難消。此恨難消。管教他平白地風掀浪高。小使臨別關門似有情。〔丑〕爹未見得。〔淨〕羞花玉貌實輕盈。〔丑〕看來只是別尋好。〔淨〕此事多應弄不成。我定要告他。定要告他。〔下〕

### 第二十九齣 誑告

〔七娘子〕〔外上〕守官清似水。寇平萬境同歡。郡守三年久。官居以作家。公庭民訟少。

無事早收衙。左右的。與我拿出放告牌去。

〔園林好〕〔淨上〕你騙我錢財賴婚。〔小淨上〕你強逼我空門議親。甘守清規

本分。怎教我苦追尋。〔淨〕拿你去訴公庭。王仁告狀。〔外〕告什麼狀。〔淨〕老爺這一

個王尼姑。口稱有一年幼道姑。自願還俗。騙小的財禮銀十兩。毀賴婚姻。特告爺臺。望乞垂聽。〔外〕如何你當初輕聽他。

〔玉胞肚〕〔淨〕當時輕信。只指望婚姻事成。誰知他計賺劉郎。空教我費盡錢神。如今教我無瓜抱蔓。蜂愁蝶恨。怯殘春。誰謂有鼠無牙怨未平。〔外〕尼姑怎麼說。〔小淨〕老爺都是虛情。

〔前腔〕村家行徑。強尼姑向空門結姻。只指望報李投桃。那顧他禮佛看經。他雲堂松舍清閒。別有一番春。怎教我抱布街頭強逼人。〔外〕你告那道姑。莫非是那

女貞觀的。〔淨〕正是正是。

〔前腔〕〔外〕他是冰清玉潤。怎便肯隨波逐塵。〔外背介〕記當年邂逅禪房。他

愛清幽獨理瑤琴。他既是道姑。王仁。你也不該強逼他爲婚。你那王尼姑也不該替人主婚作媒。誰知蓮臺人抱水雲心。空學簫吹鸞鳳音。左右各打二十。〔打介〕你二人本該問罪。且饒你趕出去罷。

〔外〕息訟愧茅。

齊民政獨勞。

〔淨〕總教輸廿板。

〔小淨〕贏得一身騷。

### 第二十齣 情見

〔夜遊宮〕〔老旦旦上〕人去天涯幾許。凝望處淚眼愁眉。〔旦〕睡不熟。枕兒移過又移。沒奈何。一番念。一番悲。〔老旦〕風吹雲片片。飛盡桃花瓣。人歸不似堂前燕。燕來腸欲斷。〔旦〕夜深低囑告。人在瑣窗西伴。聽玉笛驚春怨。此際愁腸千萬段。朱顏消一半。師父稽首。〔老旦〕徒弟到來。我那姪兒一去。又見春殘。天涯人遠。悄無音信。奈何奈何。〔旦〕不知他功名若何。好歹定有信音來也。請自消遣則個。

〔六犯清音〕〔老旦〕天涯人別。春風花信。眼前幾度驚心。衡陽鴈杳。不知他曾

上青雲。別館花驚發。離亭柳色新。〔旦背介〕淒淒雨。欲斷魂。夢中芳草是我意中人。〔老旦〕望斷我雲堂。何日開封字。〔旦背〕望斷我錦帳。通宵喜合簪。〔老旦〕莫不是蕭條旅館。莫不是留戀帝京。〔旦背〕好教我常添縈掛。好教我偷將淚零。花飛又早紅成陣。〔老旦〕事關心。把金錢暗卜。又恐涉遊魂。

〔不是路〕〔丑上〕回首江濱。又見門前柳色陰。忙投奔。太奶奶。小奶奶。叩頭。天邊青鳥寄佳音。〔老旦〕怎麼是這等稱呼。敢是相公中了。〔丑〕中了。有書寄上。〔老旦〕意方伸。

望中喜得龍門信。不枉我西風促去程。〔旦〕自沈吟。爲何不問我舊時人。〔丑〕

這一封書單爲着。小奶奶親事的。教我報君聞。劉郎到日桃花盡。他意在重封蠟一痕。〔旦作羞介〕休得胡說。〔丑〕休遮隱。兩家供狀今番定。你且看他書信。你們看書。

小人就要往河南家去。纔到石頭城。又上漢陽路。〔老旦〕再住兩日。〔丑〕不得久羈遲。東人曾囑付。〔下旦作開書介〕

〔一封書〕〔老旦〕尊姑聽楷宣。花向長安馬上看。今一事報言。陳女曾同枕席。

歡。兩下姻緣簪已定。早卜歸期合錦鴛。乞垂憐。望周全。夫婦恩深感百年。〔老

旦〕好好出家人原來如此罷罷。今日之事。也是五百年前宿緣。天涯相會。不知你兩人將何物作證。以成此事。〔旦〕潘官人以鴛鴦爲贈。奴以玉簪答之。〔老旦〕可喜可喜。

〔羅帳裏坐〕鴛鴦玉墜。碧霞玉簪。兩物相贈。天教合歡。紅絲翠幕。事非偶然。只是一件。雖是你兩下夫妻前定。若是在我這裏成親。恐壞我的山門。你可到張二娘家。就托二娘爲媒。待我姪兒回來完娶便了。〔合〕空門恐怕外人嫌。及早去尋個別院。

〔前腔〕〔旦〕春紅滿面。含羞怎言俗緣未斷。把清規相玷。其間就裏是我三生舊緣。〔合前〕

收拾行囊過別船。

從今好去了塵緣。

玉簪重會天涯外。

始信紅絲萬里牽。

### 第三十一齣 回觀

〔霜天曉角〕〔生上〕來時江上。霜樹添惆悵。此日人歸春漲。滿目花飛擾攘。去



年逐雁來。雁字排愁陣。霜月照孤幃。離寂成多恨。今年逐燕來。燕逐飛花盡。着意向前飛。王謝堂應近。必正叨蒙聖恩。除授成都路永康軍恤刑。路出金陵。不免先去就親。往河南。然後赴任。多少是好。左右的。奉勅就此起程。〔衆上〕

〔望吾鄉〕 〔生〕 花映宮袍。春風蕩柳條。嬌紅吹落知多少。杜鵑聲喚人歸早。似爲多情叫。〔合〕 歸心急。去路遙。石頭城望楚天高。松陰下。曲徑遙。朱扉掩映隔雲霄。〔生口〕 已到女貞觀了。快進通報。〔衆〕 有人在此麼。〔老旦上〕

〔卜算子〕 聽得門前人語沸。馬頭簇映朱旗。〔生〕 姑娘請上。待姪兒參拜。

〔刮鼓令〕 當日寄上方。幸得衣沾佛座香。月下姻緣曾有約。得見雲英在異鄉。暗許配裴航。〔生作尋覓介〕 今日爲何不見他聲音影響。又添愁悶淚沾裳。莫不是鵲駕隔參商。

〔前腔〕 〔老旦〕 我兒。書中意已詳。秦晉相逢在一方。月夕花陰同蝶夢。鴛鴦墜鸞簪合雁行。此女當初入觀也。非偶然夫婦。陳姑少年遭兵靖康。母子分散。虧了觀鄰張二。

娘引領來觀焚修。因此上收入在雲房。今日呵。那知道爲你結鸞皇。你兩人雖是夫婦前定。若在此成親。恐怕玷壞我的山門。他原與二娘結拜姊妹。我先打發到他家住下。你可到彼處迎婚就是了。

瀛水喜登仙。

紅絲續舊緣。

要知雙璧合。

曾共種藍田。

### 第二十二齣 重效

〔番卜算〕〔旦上〕重整舊脂膏。爲結新鴛侶。〔貼上〕妝臺又學畫蛾眉。人與花爭媚。〔旦〕多少相思淚。換來人月圓。夢中今夜話。猶恐說當年。〔貼〕休更說從前。新歡續舊歡。可憐今夜別。相見是何年。妹妹。今日潘老爹迎娶你成婚。你可及早整妝則個。

〔園林好〕〔旦〕幾曾去調朱傅鉛。幾曾愛鸞釵鳳鈕。對鏡羞慚嬌面。今日裏別仙班。今日裏謫塵凡。

〔出隊子〕〔衆執燈燭鼓樂上介〕燈輝月朗。燈輝月朗。鵲度星橋會七襄。鸞笙鳳管。

吹悠揚。金榜人歸樂洞房。天上人間。占斷無雙。

〔江兒水〕〔貼〕忽聽得人傳接。門前鼓吹喧。繡襦羅襪新裁翦。雲梳月掠重遮掩。鸞衾鳳枕春無限。收拾空門經卷。且向鸞臺慢學齊眉舉案。〔旦悲介貼旦〕妹妹。如此喜事。爲何墮下淚來。

〔玉胞肚〕〔旦〕我爲別離難見。姐姐。感謝你看承數年。我想指引入觀那時。這恩深結草難酬。況今朝棄撇尊顏。相看青眼淚空懸。要見多應是夢間。〔貼〕妹妹。

請上輿罷。從教一手處。有夢托南柯。〔下衆〕稟夫人起轎。

〔出隊子〕〔衆〕瑤天環珮。瑤天環珮。雲駕香車月下歸。花明酒豔會瑤池。銀燭輝煌滿道遮。錦帳春宵。玉漏慢催。〔淨扮掌禮上〕高折桂枝香。新婚畫錦堂。請出紅娘子。

相見賀新郎。老爺有請。

〔西地錦〕〔生上〕聽得簫聲催跨鳳。似扶我兩翼天風。〔掌禮念介〕郎才女貌實堪

誇。玉蕊金枝護錦霞。只看今夜成親後。明年養出十七八個小呱呱。囉噠哩噠。哩噠囉噠。囉噠哩噠。

囉哩噠。參天地。兩拜。轉身會禮。

〔排歌〕〔衆〕仙犬休驚。花源洞房。天生一對鸞鳳。翠裙搖玉響。琳琅。月度花風。綺閣香。燒銀燭。醉玉觴。新郎原是舊漁郎。芙蓉褥。玳瑁牀。日高春暖睡鴛鴦。

〔前腔〕國士潘安。賢門孟光。芳姿玉立珪璋。當年若不寄雲房。流落如今在那廂。脂粉態。錦繡腸。恩情地久與天長。人生事。信渺茫。萍蹤明日又他鄉。〔生〕左

右的。快討夫馬。前往河南家去。夫人。我與你明早作別。姑娘就行罷了。〔旦〕正是如此。

合鏡相看意頗濃。

佳期重見婿乘龍。

當年不到毗陵驛。

辜負好花空自紅。

### 第二十三齣 合慶

〔憶秦娥〕〔外老旦上〕時光暮。又早見春到梅花。〔淨上〕片片飛來蝴蝶耍。淚痕滾滾隨他。〔外老旦〕枝頭花信暗生香。雪翦梅枝壓粉牆。〔合〕春去秋來容易過。思兒念女淚沾裳。〔淨〕親家大人在上。老身攪擾多時。不見兒女消息。在此自覺惶愧。只索拜辭。以還故里。〔外

老旦 親母說那裏話。瓜葛之親。尚且相依。但莫責我清貧簡褻。在此垂老何妨。〔淨〕多謝。〔老旦〕今日如此大雪。已曾分付安排酒肴。賞雪觀梅。同親母少坐如何。〔淨〕多謝。

〔二犯朝天子〕〔外〕一團輕絮一團花。碎翦雲綃薄。照月華。看他飛來飛去。亂如麻。炫銀花。繡屏金帳繁華。有幾多愛他。梁園詞賦堪誇。況竹爐味佳。

〔前腔〕〔淨〕一陣風來一陣斜。萬里彤雲布。似落花。看他顛狂無主。寄天涯。似飛沙。飄零逐馬隨車。有幾多恨他。□門空自嗟呀。況孤蹤似咱。

〔菊花新〕〔生旦上生〕數載椿萱隔面。如今喜到家園。〔旦〕娘兒生死各移天。要見何年得見。〔生〕夫人且喜寒家已到。和你逕入拜見。〔悲介〕

〔哭相思〕〔衆〕長恨關河隔遠。如今夢裏團圓。〔外〕我兒田園荒廢。父母孤單。爲何久留都下。〔生〕兒因功名羈絆。有違甘旨。萬死何堪。〔老旦〕媳婦嬌容俊雅。矩度從容。真乃吾家

蘋蘩之婦。〔旦〕天涯歸晚。有失承歡。深慚燕爾。〔老旦〕我兒。這是你舊日岳母。你可上前拜見。

〔淨〕賢婿。老身自遭兵火。拆散女孩兒。寄住潭府。深蒙尊君尊堂款留。心實惶愧。今日見你夫婦。想

起我的女兒。好生痛殺我也。〔生〕岳母在上。不必愁煩。合愛雖未知存亡。小生在此。亦可承歡暮年。〔旦背介〕我的母親舊時模樣。與此一位老夫人相像。若還在此。可不雪髮雙垂。也是這般老了。如今一見。好生想殺我也。

〔皂羅袍〕〔淨〕子母經年分散。喜芸窗脫跡。服冕乘軒。〔生〕岳母。爲何雙淚湧流泉。夫人。爲何兩下頻頻看。〔旦〕你的岳母似我萱堂一般。〔淨〕你的尊閨似我孩兒一般。教人兩下重留戀。

〔江兒水〕〔老旦〕我兒。你把夫和婦姻親對我言。如何聚首爲家眷。〔生〕我在姑娘觀中時相見。玉簪鴛墜紅絲綰。月下姻緣天遣。幸得身榮合卺歸來庭院。〔五供養〕〔淨〕事非偶然。賢塔。你把鴛墜借我一看。〔作看介〕這鴛墜分明是我家傳。小夫人。何方來得取。說與我免愁煩。〔旦〕是我那娘親自幼教奴佩綰。提起分離事。教我好埋怨。〔淨〕小夫人高姓。何方人氏。〔旦〕陳姓嬌蓮。與母在潭州分散。〔淨〕既然如此。你就是我的女兒。〔旦〕我的母親。〔跪哭介外〕這玉簪也是我家聘物。可喜可喜。

〔玉交枝〕〔外〕天涯重見。喜兼葭姻緣兩全。〔老旦〕兒榮婦見眞堪羨。相看老景椿萱。〔生〕夫妻薄上眞有緣。娘兒在地下重逢面。恨當初鸞隻鳳單。喜今日夫榮妻顯。

〔川撥棹〕〔衆〕重重怨。頓教人開笑顏。幸吾盟得遂從前。幸吾盟得遂從前。辦明香答謝天。效于飛共百年。

〔餘文〕收場大夢如蓬轉。堪笑才情雅念。慢把新詞作話傳。

京兆府當年指腹。女貞觀重會玉簪。

慢寫出風情月思。畫堂前侑酒承歡。

玉簪記終

紅

拂





目錄

- |      |      |
|------|------|
| 第一齣  | 傳奇大意 |
| 第二齣  | 仗策渡江 |
| 第三齣  | 秋閨談俠 |
| 第四齣  | 天開良佐 |
| 第五齣  | 越府宵遊 |
| 第六齣  | 英豪羈旅 |
| 第七齣  | 張娘心許 |
| 第八齣  | 李郎神馳 |
| 第九齣  | 太原王氣 |
| 第十齣  | 俠女私奔 |
| 第十一齣 | 隱賢依附 |

第十二齣 同調相憐

第十三齣 期訪真人

第十四齣 樂昌懷伴

第十五齣 棋決雌雄

第十六齣 俊傑知時

第十七齣 物色陳姻

第十八齣 擲家圖國

第十九齣 破鏡重符

第二十齣 楊公完偶

第二十一齣 髯客海歸

第二十二齣 教婿覓封

第二十三齣 奸宄覲覲

第二十四齣 明良遭際

第二十五齣 競避兵燹

第二十六齣 奇逢舊侶

第二十七齣 奉征高麗

第二十八齣 寄拂論兵

第二十九齣 拜月同祈

第三十齣 張皇天討

第三十一齣 扶餘換主

第三十二齣 計就擒王

第三十三齣 天涯知己

第三十四齣 華夷一統

紅拂記 目錄

四一 開明書店

# 紅拂記

明 張鳳翼 箸

## 第一齣 傳奇大意

〔青玉案〕〔末上〕人生南北如岐路。世事悠悠等風絮。造化小兒無定據。翻來覆去。倒橫直豎。眼見都如許。時來有志須遭遇。卻笑風流賦枯樹。坎止流行應有數。良辰美景。賞心樂事。一曲飛觴羽。〔問答照常〕

〔鳳凰臺上憶吹簫〕李靖人豪。張姬女俠。相逢似水如魚。喜私奔出境。靈石停車。偶與虬髯相遇。談笑處。意愜情舒。覘眞主。扶王定霸。各自躊躇。須臾。西京兵起。把佳人驚走。野外馳驅。遇樂昌夫婦。合鏡安居。付紅拂徐郎上道。到海上。坐展雄圖。功成日。同歸完聚。列土分符。

打得上情郎紅拂女。

撇得下愛寵楊司空。

讓別人江山虬髯客。

成自己事業李衛公。

## 第二齣 仗策渡江

〔瑞鶴仙〕〔生李靖上〕少小推英勇。論雄才大略。韓彭伯仲。干戈正洶湧。奈將星未耀。妖氛猶重。幾回看劍。掃秋雲半生如夢。且渡江西去。朱門寄跡。待時而動。

〔鷓鴣天〕投筆由來羨虎頭。須教談笑覓封侯。囊中黃石包玄妙。腰下青萍射斗牛。調羹鼎。濟川舟。雲龍風虎豈難投。功名未到英雄手。且與時人笑敝裘。李靖字藥師。京兆三原人也。姿貌魁秀。氣概雄奇。與聞韜略。忝韓柱國宅相之親。受業河汾。叨文中子宮牆之末。正是世本將家。元有種。才堪王佐。更無雙。連年獻策皇都。苦爲當權擯棄。淪落江左。十有餘載。近來聞得越公楊素留守西京。招納豪傑。欲待仗策往見。以圖尺寸。只得渡江。取路前去。

〔錦纏頭〕本待學鶴凌霄。鵬搏遠空。歎息未遭逢。到如今教人淚灑西風。我自  
有屠龍劍。釣鰲鉤。射鵬寶弓。又何須弄毛錐角技。冰蟲猛可裏氣沖沖。這鞭梢  
兒肯隨人調弄。待功名鑄鼎鐘。方顯得奇才大用。任區區肉眼笑英雄。迤邐行來。

又到這大江邊也。怎得個船兒渡過去。呀好了。遠遠有個漁船來了。〔末扮漁人上〕家臨九江水。來

往九江側。同是長干人。何事不相識。〔生〕漁翁渡我過江去。我多與你錢。〔末〕漢子你差了。我在此釣魚。尚且意不在魚。就渡你一渡。何須論錢。上來上來。仔細。

〔普天樂〕〔生〕謝漁翁相欽重。暫許我仙舟共。汀蘆畔。汀蘆畔驚起栖鴻。波心裏隱見游龍。似憑虛御風。〔末〕漢子看江上芙蓉花都開了。〔生〕最堪憐是秋江上寂寞芙蓉。

〔古輪臺〕〔末〕幸相同。片帆江上掛秋風。可堪驚眼風波動。南飛烏鵲。遶樹無枝。分明是擇木難容。〔生〕俛首沈思。轉添惆悵。自慚蹤跡久飄蓬。〔末〕看你儀容俊雅。笑談間氣展霓虹。多管是吹簫伍相。刺船陳孺。題橋司馬。惜別太匆匆。君今去。不知何日再相逢。漢子你姓甚名誰。如今要往那里去。〔生〕小生姓李名靖。因獻策未

遂。流落多年。如今將投楊越公去。請問漁翁姓名。下次好相謝。〔末〕我那里是漁人。我本姓劉名文靜。字肇仁。世居京兆武功。因父死難。襲封官職。今見天子營仁壽宮。人民苦役。每每思亂。故棄職避地在此。近聞太原州將子李世民。英雄蓋世。折節延攬。我不久就投他去。你到越公處。倘不得意也。



到太原來如何。〔生〕謹領盛意。就此分手。

〔尾聲〕風塵奔走徒虛哄。頃刻勞君舟楫功。〔末〕有日還乘破浪風。

〔生〕江畔逢君路不迷。

〔末〕卽今相見卻成悲。

〔合〕何時一舉風波靜。

江漢翻爲雁鷺池。

### 第三齣 秋閨談俠

〔二剪春〕〔旦〕紅拂貼樂昌公主上。〔旦〕庭院涼生枕簟秋。月上妝樓。風滿歌樓。〔貼〕

梧桐葉落雨初收。新恨眉頭舊事心頭。〔更漏子〕〔旦〕玉爐香。紅蠟淚。偏照畫堂秋思。眉

翠薄。鬢雲殘。夜長衾枕寒。〔貼〕梧桐樹。三更雨。不道離情苦。一葉葉。一聲聲。空階滴到明。〔旦〕奴家

姓張。行一。世居東吳。避兵西來。因住越府廊下。不幸父親亡過。就養育在越公府內。纔得長成。便教

歌舞。插金披綺。好不富貴。只是奴家情耽書史。性好兵符。每聞喚聲。好不耐煩也。〔貼〕奴家乃亡

陳公主。號曰樂昌。自兵入建康。與夫主徐德言分別。蒙上將奴賜與越公。逗遛在此。不覺又一年也。

〔旦〕姐姐。你我終日選伎徵歌。隨行逐隊。如何是好。

〔駐雲飛〕繡幄瓊樓。選伎徵歌第一流。扇底眉頻皺。舞處低紅袖。休。脈脈歎淹留。年光拖逗。空有煉石奇材。誤落裙釵後。魂斷西風不自由。心事縈牽別樣愁。

〔前腔〕〔貼〕雨散雲收。漂泊渾如不繫舟。愁殢新豐酒。黛鎖隋堤柳。休。密約幾時酬。誰知消瘦。天上人間。別恨難禁受。爭怕芙蓉不耐秋。一任珠簾不上鉤。姐

姐。你手中拿那紅拂子。卻是爲何。〔旦〕你聽我道來。

〔駐馬聽〕玉笋金鞵。揮塵風前亂攪愁。欲待拂除烟霧。拭卻塵埃。打滅蜉蝣。春絲未許障紅樓。簾櫳淨掃。窺星斗。〔背科〕若問緣由。誰能解得。就中機殼。姐姐。你常時懷那半面破鏡。卻是爲何。

〔前腔〕〔貼〕鳳去秦樓。一段相思半面羞。只爲青鸞罷舞。金鵲驚飛。缺月含愁。妝臺懶整玉搔頭。水晶簾舊約空回首。〔背科〕若問緣由。不知何日重諧佳偶。

〔旦〕眞成薄命久尋思。〔貼〕夢見君王覺後疑。

〔合〕火照西園知夜飲。分明複道奉恩時。

## 第四齣 天開良佐

〔末扮西岳大王上〕善哉善哉。人間私語。天聞若雷。暗室虧心。神目如電。自家奉玉皇救命。鎮守西方。配位四嶽。今日有一異人李靖到此。不免曉諭他一番。多少是好。小鬼判官何在。〔丑淨扮鬼判上立介〕

〔西地錦〕〔生〕歷盡長堤險渡。自憐多少奔波。殘陽古廟無烟火。空山惟有啼鳥。一路行來。再無人家。只遇得這所古廟。不免進去歇息一回。再作區處。呀。元來是西岳大王之廟。我想如今行藏未決。不免向大王面前拜謁一番。討個端的。卻不是好。〔拜介〕靖聞大王肅爽凝威。嵯峨擅德。是以立像清廟。作鎮金方。遐觀歷代哲王。莫不順時禮祀。興雲致雨。天寶肯從。轉孽爲祥。何不有賴。李靖吐肝膽于階下。拜求一卦。倘三問不對。亦何神之有靈。我便當斬大王頭。焚其廟。惟神裁之。大王聽我道。

〔玉芙蓉〕我堂堂一丈夫。落落多艱阻。十年來一身進退維谷。失林飛鳥無投處。涸轍窮魚轉困苦。〔合〕時不遇。向誰行控訴。倘神靈有知。須早啟迷途。你看

如此世界呵。

〔前腔〕奸雄方競逐。社稷將傾覆。待橫行須臾。電掣風馳。掃除氛祲。清寰宇。斬戮鯨鯢。萬姓蘇。〔合前卜卦科〕大王。我李靖若果有天子之分。乞明賜一卦。呀。如何卦不好。我既

無天子之分。終不然天生李靖何用。只得再求一卦。擇一賢主。輔之立功何如。

〔前腔〕天心倘有屬。大寶應難據。終不然坐看社稷丘墟。待捧忠竭節。從明主。仗劍除殘。早濟時。〔合前卜卦科〕呀。此卦卻好了。拜禱已畢。不覺神思困倦。且就廊下略睡片時。

多少是好。〔睡介神起說介〕李將軍。你擡起頭來聽我道。〔西江月〕南國休嗟流落。西方自得奇逢。紅絲繫足有人同。月府一時跨鳳。去處須尋金卯。奔時莫易長弓。一盤棋局識真龍。好把堯天日捧。李將軍。天色漸明。可起身罷。

〔前腔〕〔生〕朦朧一夢裏。恍聽神人語。分明是說一個去向端的。大王。多承你指點我呵。不須買卜君平宅。免使楊朱泣路岐。時不遇。向誰行控訴。謝神靈應聲。如響指長途。方纔朦朧睡着。分明是大王叮囑我一番。言語中間。雖有難解處。且待將來。必有應驗。

夢中言語記來真。

莫道無神卻有神。

須信行藏都是命。

也知富貴不由人。〔下〕

〔末〕李靖去了。判官小鬼。你與我一路護送他去。正是

大底乾坤都一照。

免教人在暗中行。

### 第五齣 越府宵遊

〔未院子上〕生年不滿百。常懷千歲憂。晝短苦夜長。何不秉燭遊。自家不是別人。卻是楊越公府中一個院子的便是。若論我老爺。果然是整頓乾坤手。扶持日月功。腰間三尺劍。掌上萬人雄。怎見得你看他志平吳楚。功蓋華夷。揮戈處。赤日車迴。煉石來。青天缺補。說他將令的嚴明。使三軍股慄。看他摧鋒的氣概。是一陣雷霆。因風縱火。智慧喪膽。遁逃。汎海薄營。國慶棄州奔走。既有偌大功勞。可知許多受用。花封繡戶。貯嬌姿。不數他鄴都銅雀。劍擁玉人充舞隊。多半是帝冑金枝。吹銀笙。鼓瑤瑟。分明世外鈞天。開錦帳。啓瓊筵。疑是壺中福地。明霜畫戟。侯門將士千員。嘶夜紫驄。夾道垂楊幾樹。我老爺是天上明明上將星。遣來人世布威靈。麒麟閣上應圖畫。烏鼠山前好勒銘。早間蒙老爺

分付鋪設筵席賞月。天色漸晚。收拾已完。不免去稟覆老爺則個。呀。道猶未了。老爺早到。

〔齊天樂〕〔外〕掃清江漢功無上。雙手拍開霄壤。斧鉞威權。珥貂尊貴。番覺此身勞攘。自知重望。好坐撫人民。臥守封疆。警罷銅魚。光分玉兔。且徜徉。金魚玉帶。應三台。將相還須蓋世才。我本無心求富貴。誰知富貴逼人來。楊素身爲名將。職任元戎。討無不平。戰無不克。我常臨戰。令一二百人赴敵陷陣。不能陷而還者。悉斬之。又令一二百人復進。還如何法。士知進生退死。所向無前。及至論功。雖微必錄。故士雖畏我。亦願從我。人知我成功之易。不知我皆以賞罰中得士力也。今天子幸江都。加我司空之職。卽命留守西京。日來兵政肅清。衙門無事。早上分付院子設宴花園中看月。院子那裏。〔末〕院子磕頭。〔外〕筵席可曾完備否。〔末〕稟老爺。筵席完備多時了。請老爺賞月。〔外〕旣如此。可喚女樂每出來承應。〔末〕女樂每走動。

〔生查子〕〔旦貼齊上〕睡起洗殘妝。粉褪香腮上。報道欲持觴。一派笙歌響。〔旦貼

拜科外〕取酒過來。

〔香柳娘〕〔外〕向明月舉觴。向明月舉觴。璇臺虛敞。青天碧海開秋爽。〔外指旦

〔介〕你把那新打的曲兒唱個。〔旦〕試新聲奏高。試新聲奏商。雜管更調簧珠喉轉。嘹亮。〔合〕看澄波夜光。看澄波夜光。獨照華堂偏宜清賞。〔旦進酒介〕

〔前腔〕〔外〕任嬌娥進觴。任嬌娥進觴。天香飄灑。桂枝疑在青雲上。〔指貼介〕你

試舞一回。〔貼舞介〕舞纖腰楚妝。舞纖腰楚妝。踏月展霓裳。分輝動羅幌。〔合前旦

貼〕風露寒冷。老爺請白保重。

〔前腔〕〔外〕任吹風墜霜。任吹風墜霜。我爲將十年呵。身披草莽。寒關夜渡渾無

恙。況秋宵正長。況秋宵正長。暫醉白雲鄉。須教洗塵況。〔合前外作醉介〕

〔前腔〕〔貼背唱〕見明月暗傷。見明月暗傷。舊遊虛爽。誰懸明鏡青天上。〔旦〕你

不須斷腸。你不須斷腸。圓缺謾平章。終須脫塵網。〔外醉旦貼扶介合前外〕我已醉了。

收拾進去罷。

〔外〕歌殘舞罷已三更。可愛秋空氣轉清。

〔旦〕須信露從今夜白。〔貼〕偏憐月是故鄉明。

## 第六齣 英豪羈旅

〔夜遊湖〕〔生上〕匹馬長途愁日暮。時未遇自歎馳驅。趙璧山中。隋珠海底。求售可憐無主。一雁西飛。烟樹秋。關河搖落。使人愁。無人寄語。司空道。莫遣明珠暗裏投。自家涉遠到此。欲投越公。只得賃間房兒住下。明日清晨往候。卻不是好。且喜正遇個客店。不免問聲。店主人那里。〔丑〕來了。相留燕趙齊梁客。借寓東西南北人。是誰。〔生〕小生要賃房的。〔丑〕要幾間。〔生〕要兩間。須是僻靜的纔好。〔丑〕敢是官人要看書麼。〔生〕不是。要候見越公。〔丑〕若官人往月宮裏去。千萬帶了我去。作成我看。看桺羅樹與那搗藥的兔子。〔生〕不是。我自要見楊司空老爺。你不須絮煩。只與我房兒便了。〔丑〕此處來。鍋竈也有。可要做飯麼。〔生〕前面店中喫了。你自方便。〔丑下生〕客館蕭條。行蹤未定。教我如何睡得着。

〔集賢賓〕寒燈欹枕聽夜雨。堪憐彈鋏無魚。懷刺侯門。誰是主。抱奇才未遇明時。沈吟自許。須有日風雲際會。雖逆旅。論囊底不愁資斧。夜已深了。不免去強睡一回。

江鄉回首隔風烟。

夜雨柴門思黯然。



正是雁飛不到處。

果然人被利名牽。

### 第七齣 張娘心許

〔似娘兒〕〔外引旦貼上〕數載握兵權。居重地。士戢民安。〔旦拂劍科〕爲公拂拭芙

蓉劍。〔貼〕看氣奪霜威。光欺星燦。曾斬樓蘭。〔外〕戰袍猶帶血痕腥。十載高懸海內名。前

隊貔貅衝曉色。後車鶯燕雜春聲。我自在此鎮守。門客甚多。近來真覺懶于應接。去者頗衆。雖然如

此。倘有豪傑。我自識他。正是跛足元堪笑。重瞳我自明。昨日送門簿來。有個秀才李靖求見。我曾聞

此人。有文武全才。今日若再來。當接見他一番。看他談論如何。分付直門將官。今日李秀才若來。可

與通報。

〔菊花新〕〔生〕朱門先達笑彈冠。丞相無私斷掃門。作客又經年。賦無衣。有誰

憐念。小生昨日候見司空。門上將官辭以宴飲。不得接見。今日只得又來。不知得相見否。只怕又是

飲宴。正是但知北海客。不問北海魚。早到司空府門首了。將官勞一通報。〔丑扮將官進報生見長

揖云〕司空拜揖。〔外作坐受科生〕天下方亂。英雄競起。公爲帝室重臣。須以收羅豪傑爲心。不宜

倨見賓客。〔外〕起謝介。老夫有罪了。請問先生。今天下紛紛。定而復亂。先生遠來。何以教我。〔生〕司空請坐。待小生拜稟。〔外〕先生請坐講。〔旦目生科〕

〔啄木兒〕〔生〕蒙尊命。敢浪言。論四海干戈未息肩。只爲着土木疲民。況邊庭  
黷武連年。繁刑重斂。誰不怨。山林嘯聚。爭思亂。爲今之計。除是罷役休兵。漸撫安。  
〔前腔〕〔外〕逢佳士。得讜言。我當初佐文皇定天下呵。河北江南已奠安。自當年駕  
幸江都。致中原萬姓騷然。我此身重荷朝廷眷。扶危定亂。眞吾願。還要細與賢  
良計萬全。〔生〕小生告退。再當候見。〔外〕倘先生有暇。時常來一講論。老夫不得遠送了。〔生外貼

下旦弔場云〕院子。老爺着你問李秀才寓所何處。〔內應云〕在西明巷口第一家便是。〔旦〕知道了。待我自復老爺去了。

〔簇御林〕看他言慷慨。貌偉然。信翩翩。美少年。私心願與諧姻眷。只是無媒怎  
得通繾綣。我有計在此了。且俄延。須教月下。成就這良緣。此事本當與陳美人說知。恐有  
漏泄。不當穩便。且到其間。再作理會。

乍見風前連理枝。

須教燈下有佳期。

一腔心事無人識。

惟有清風明月知。

### 第八齣 李郎神馳

〔步步嬌〕〔生上〕朝來獻策侯門去。見座右嬌娥侍。風流絕代姿。卻訝秋波幾

番偷覷。眇眇獨愁予。司空見慣渾閒事。方纔候見司空。見一侍女。手持紅拂。頗有顧盼之

意。未知何故。

〔江兒水〕天上碧桃樹。日邊紅杏枝。笑水中看月做風中絮。無端一笑成何濟。料目成心許也非容易。把意馬心猿拴住。打疊情悰。收拾起迷魂春思。〔內作鵲

噪介〕

〔川撥棹〕鵲聲沸。更燈花何太喜。看簾鉤雙挂蛛絲。看簾鉤雙挂蛛絲。算窮途有何信息。且向孤幃。枕漫支。漸聞雞。起舞時。

〔尾聲〕漁郎誤入仙源去。回首桃花路已迷。再莫向風前有所思。

本謁侯門冀托名

紅顏顧盼笑顏生

東邊日出西邊雨

道是無情卻有情

## 第九齣 太原王氣

〔喜遷鶯〕〔外〕虬髯淨道士上。殘霞斂岫。正舉目江山。滿天星斗。〔淨〕日出分行。晚  
歸相守。事機各在心頭。〔合〕風斷數聲殘漏。雁排一帶深秋。登高處。占星望氣。  
半晌凝眸。〔外〕茫茫宇宙。落落堪輿。〔淨〕共探驪龍。誰得其珠。〔外〕自家姓張名仲堅。生長東魯。以  
殺人避仇。卜居西京。我素有大志。見天下將亂。昔廣蓄貲財。規造繻券。或龍戰二三十載。意欲建少  
功業。又喜得我道兄徐洪客海上遠來相從。似石投水。言無不合。眼見得這事有幾分也。〔淨〕張兄。  
夜色漸清。你我正好望氣了。且喜此間有個高岡。與你同上一望。卻不是好。〔外〕道兄同請。〔淨〕張  
兄。你看那妖星犯牛女。紫微垣失光。天下事可知矣。〔回望介〕呀。好怪好怪。你看參井之分。紫氣騰  
躍。太原乃參井分野。恐其中必有異人。張兄你見否。〔外〕我豈不見。

〔鎖南枝〕看那重雲護。瑞氣浮。分明五城十二樓。咳道兄。我生事在吳鉤。機關

已成就。倘有勍敵起。做項與劉。這紛爭。怕黏手。

〔前腔〕〔淨〕徘徊望。展轉愁。眼前是非方未休。張兄。你看江都分野已見。隋家不濟事了。他王氣黯然收。縱橫未分割。倘真人起。正可憂。與他做頭敵。恐掣肘。張兄。這也不難。我只待天明。先往太原去。你可回家備些口糧。隨後便來。約定在汾陽橋相候。到得那里。少住十日半月。好歹便知端的。〔外〕如此甚好。道兄請先行。我隨後即便來也。

〔淨〕休論王相與孤虛。

世亂誰當任掃除。

〔外〕渾濁不分鱧共鯉。

水清方見兩般魚。

### 第十齣 俠女私奔

〔旦紫衣紗帽上〕自憐聰慧早知音。瞥見英豪意已深。俠氣自能通劍術。春情非是動琴心。奴家自從見那秀才之後。不覺神魂飛動。我想起來。塵埋在此。分明是燕山劍老。滄海珠沈。怎得個出頭日子。若得絲羅附喬木。日後夫妻貴。也不枉了我這雙識英雄的俊眼兒。如今夜闌人靜。打扮做打差官員的妝束。私奔他去。早已被我賺出這門來也呵。

〔北〕犯江兒水。重門朱戶恰離了。重門朱戶深闌空。自鎖正瓊樓。罷舞綺席停歌。改新妝。尋鴛侶。西日不揮戈。三星又起途。鸞馭偷過。鵲駕臨河。握兵符怕誰行來問取。魏姬竊符。分明是魏姬竊符。雞鳴潛度。討的個雞鳴潛度。聽更籌。戍樓中漏下玉壺。〔衆更夫上擋路介〕此是何人。這般時候。往那裏去。

〔前腔〕〔旦〕公門將佐。我是個公門將佐。休猜做亡國虜。正懷揣着令旨。手執銅符。戴烏紗。衣挂紫。〔衆〕如今老爺睡也未。〔旦〕寄語主更夫。何須竟夜呼。〔衆〕老爺

呵。自有絃上醍醐。燈下氍毹。這時節向陽臺行雲雨。如此說。大人自去。我們就睡也。不妨了。正是各人自掃門前雪。莫管他家瓦上霜。〔衆下旦〕你看這一夥人。被我兩三句話。都哄過了。

〔前腔〕女中丈夫。不枉了女中丈夫。人中龍虎。正好配人中龍虎。說話間不覺的喜孜孜來到草廬。乘着這月色。又到了西明巷了。此是第一家。不免敲門則個。〔敲門介〕開門。

開門。

〔懶畫眉〕〔生〕夜深誰個扣柴扉。只得顛倒衣裳試觀渠。〔開門看介〕呀。元來是紫衣年少俊龐兒。戴星何事匆匆至。莫不是月下初回擲果車。

〔前腔〕〔旦〕郎君何事大驚疑。〔脫衣帽介〕那里是紗帽籠頭着紫衣。〔生〕元來是個女子。〔旦出紅拂介〕我本是華堂執拂女孩兒。〔生〕你緣何到此。〔旦〕憐君狀貌多奇異。願托終身效唱隨。

〔前腔〕〔生〕驟然驚見喜難持。百歲良緣頃刻時。侯門如海障重圍。君家閨閣非容易。怎出得羊腸免得駟馬追。

〔前腔〕〔旦〕楊公自是莽男兒。怎會得紅粉叢中拔異姿。奴今逸出未忙追。我與你呵。正好從容定計他州去。一笑風前別故知。〔生〕我有個故人劉文靜。乃是智謀之士。見今在太原。我明日與你扮做村中進香的夫婦。同往太原投他。再作區處。正是

籠裏籠前整羽衣。

誰知相見卽相隨。

今宵久旱逢甘雨。

來日他鄉遇故知。

第十一齣 隱賢依附

〔杏花天〕〔末上〕山深木落猿啼。走天涯雲隨馬飛。識不破終童棄繻。擺不開殷郎枯樹。雖投定遠軍。未坐將軍樹。早知行路難。悔不理章句。我劉文靜千山萬水。到得太原。要投李公子。此間正是他私宅門首。不免喚聲。有人麼。〔丑應〕是誰。〔末〕是要見李公子的。〔丑〕待我通報。

〔生查子〕〔小生〕乘醉斬蛇回。劍吐虹霓氣。何日掃秦灰。夢想風雲會。〔丑稟介

小生〕道有請。〔相見拜介末〕久慕英名。每勞夢寐。喜瞻奇表。誠慰下情。〔小生〕情篤神交。禮隆傾蓋。義合倒屣。罪切據牀。先生請坐。先生上姓。何來。〔末〕小生劉文靜。從江南來。特謁公子。〔小生〕久慕大名。幸得遠顧。必有教我。〔末〕文靜知公子將有事於天下。待攀龍附鳳。垂名竹帛耳。〔小生〕願丑回避介〕先生渡江以來。延攬必多。如先生者。果有幾人。〔末〕小生不足數。渡江以來。只得一人。名曰李靖。真奇才也。〔小生〕他人品如何。願聞其概。

〔別銀燈〕〔末〕他命世姿非凡志氣。王佐略出人頭地。扁舟江上同時濟。兩情



歡如魚得水。〔小生〕他如今往那里去了。〔末合〕如今尙無枝可栖。往西京未知怎的。

〔前腔〕〔小生〕我求賢嘗勞夢寐。況冰鑑如君無比。果然覓得英雄輩。共圖王

掃清何慮。〔合前小生〕先生不須回下處去了。就在此住罷。

〔末〕不識陽關路。新從定遠侯。

〔小〕何須負鼎俎。氣味已相投。

### 第十二齣 同調相憐

〔一江風〕〔生旦上〕路迢迢。霜逕迷荒草。險似王陽道。近前村曙色將開。又聽金

雞報。盤山渡板橋。盤山渡板橋。宵征不憚勞。〔旦〕官人。我和你行了這一程。恰好前面是

店家。正好梳洗了。穿林早是人家到。〔生〕此是靈石地方了。店主人有麼。〔丑應上〕門面多瀟

灑。鋪陳色色新。廣招天下客。安歇四方人。是誰。〔生〕我們夫妻是還香願的。來此買早飯喫。可先與

我些湯水。〔丑〕有有。請坐着。〔丑下生〕你自梳頭。待我去喂馬來。〔生下〕

〔前腔〕〔旦作梳頭介〕翠雲撩。一半塵埋了。膏沐香猶繞。斂修蛾不倩郎描。不貼

花鈿小。不將脂粉調。不將脂粉調。村妝別樣嬌。還怕光輝易惹人猜料。

〔哭相思〕〔外虬髯上〕走馬鬪雞拋夙好。衝風策蹇咸陽道。店主人與我看了驢兒。待

我歇息一回。起來喫飯。〔內應介外作看旦介〕

〔一江風〕那多嬌。窈地香雲繞。一室容光耀。〔生上怒介旦作搖手介向前見外〕官人萬

福。官人上姓。〔外〕我姓張。〔旦〕妾也姓張。合是兄妹。〔外背介〕意優閒禮度從容。似得閨

中教。何緣到草茅。何緣到草茅。你丈夫在何處。〔旦〕此間就是。〔外〕試語良人道。〔旦招

生相見介外〕足下上姓。〔生〕小生姓李名靖。〔外〕原來是李藥師。〔生〕足下上姓。〔外〕我姓張名

仲堅。〔生〕莫非是虬髯公否。〔外〕正是。〔合〕相逢何必曾相好。〔外〕煮的是甚麼肉。〔生〕是羊

肉。〔外〕我已飢了。可取些酒與胡餅來喫。

〔梁州序〕〔生取酒送介〕衝風度夜披星乘曉。取酒烹羔自勞。何期相遇。片言契

結同袍。〔外指旦介〕李郎貧士。何以致此異人。〔生〕我自向驪龍領下。猛虎穴中。透得個

機關巧。〔外〕看他也不似個村莊裏人。〔生〕他在侯門花月隊。鬪丰標。金屋曾經貯阿

嬌〔外問旦介〕你緣何隨了李郎。〔旦合〕相盼處憐同調。鵲橋偷度偕歡好。今避地肯

辭勞。〔外〕你既不相瞞。可對我說。果是誰家女子。〔旦〕妾本楊越公家侍兒。因見李郎眉宇不凡。願

托終身。故不以自薦爲醜。乘夜私奔。〔生〕小生從江南到此。不想遇他。也是有緣千里能相會也。

〔前腔〕〔外指生介〕看你胸襟灑落。〔指旦介〕儀容窈窕。自合雙飛雙宿。姻緣分定。

相逢千里非遙。多應你好逯君子。擇婿佳人。一見相傾倒。我看你每呵。好似秦樓

乘鳳。去弄璫簫。那銅雀焉能鎖二喬。〔合前外〕我也有些下酒之物。取出來下酒如何。〔生〕

甚好甚好。〔外取出人頭并心肝介〕此是何人。張兄爲何斬取其首。

〔前腔〕〔外〕這是負心人行短才喬。轉眼處把人嘲誚。更爛翻寸舌。易起波濤。

果是腹中懷劍。笑裏藏刀。對面情難料。十年今始得。肯相饒。斷首刳心絕獍梟。

〔合〕相邂逅憐同調。聊當下酒供談笑。君莫惜醉村醪。

〔前腔〕〔生〕羨君家氣概雄豪。少年場如君絕少。更報讎雪恥。義比山高。〔旦〕

分明是置鉛擊筑。魚腹藏刀。狙擊沙中巧。〔生〕太山輕一擲。等鴻毛。願結今生

刎頸交。〔合前外〕李郎如今投那里去。〔生〕將投太原去。〔外〕我聞望氣者道太原有奇氣。你可曉得此處有異人否。〔生〕我只聞有一人。乃州將子李世民。其他皆將帥材耳。張兄爲何垂問及此。

〔節節高〕〔外〕風塵暗四郊。奮英豪。斬蛇逐鹿誰能料。且是那太原呵。祥光繞紫氣。昭分星耀。個中定有連城寶。青雲有路。怕人先到。〔合〕多管塵埃有真人。須教物色知分曉。

〔前腔〕〔生〕我聞得那李公子呵。侯門一俊髦。挺英標。龍韜豹略曾探討。年方少。氣正豪。心猶小。招賢下士人爭道。芳名那更流傳早。〔合前外〕李郎何以使我見他一面。

〔生〕我有一友劉文靜。與他交厚。明日到太原。便可尋他引見。〔外〕既如此。李郎可在汾陽橋等我。〔尾聲〕〔旦〕奇蹤祕跡人難料。〔生〕草草相逢訂久要。〔外〕明日汾陽會不遙。

客舍相逢意氣深。

來朝重會定佳音。

但願到時還得見。

須知勝似岳陽金。

## 第十三齣 期訪真人

〔雙勸酒〕〔淨上〕飄飄此身。燕齊秦晉。角巾布紳。資糧無甚。龍爭虎鬪。正紛紛。是誰能早定乾坤。自家徐洪客的便是。雲水到西京。得遇張兄。與他周旋。情投意合。所謀之事。十就七八。不想近日太原王氣大盛。此中倘有真主起乎。我那張兄豈不可憂。他與我相約。到此尋訪。我已先到。爲何還不見他來。

〔西地錦〕〔外〕風色彫殘綠鬢。絲鞭翻惹緇塵。汾陽橋畔朝烟冷。誰當圯下期人。呀。道兄早已到此了。〔淨〕相候已久。路上來可曾得甚消息否。

〔風入松〕〔外〕昨朝靈石暫棲身。向酒家瞥見佳人。〔淨〕他是何處來的。〔外〕他是侯門侍女私投奔。〔淨〕既如此。你說他怎的。〔外〕能鑑別追隨豪俊。〔淨〕婦人家尙識豪俊。

你難道到不識他。〔外〕其時被我看他梳頭。要識他丈夫。誰想到被他看破。即時與我結爲兄妹。就令他丈夫與我相見。對酒間與他盤桓數巡。傾蓋處便情親。〔淨〕他丈夫姓甚名誰。何等樣人。〔外〕他丈夫是李靖。〔淨〕我亦聞得此人。不知果是如何。

〔前腔〕〔外〕雙眸炯炯貫星辰。更談兵說劍如神。〔淨〕自古道好漢識好漢。你既見他

如此。可曾問起太原的消息麼。〔外〕他也道太原年少眞英俊。已約定同來詢問。我和你正要認李公子。恰好他的故人劉文靜在李公子處。只等他來。去尋劉文靜一面。就見李公子。卻不是好。待他來同尋故人。須一見好辨虛眞。

〔前腔〕〔生旦上〕朝來霜色太侵人。早連鑣來到河濱。呀。張兄早已在此了。〔外〕路上

辛苦。〔生旦〕驅馳道路何須問。〔生〕此間師父是何人。〔外〕是我的至友。卽向日所言望氣

者便是。〔生〕他形奇古非同凡品。如今好同去尋劉兄。只是賤累在此。無處可依。〔外〕我已借下寡婦人家。我同李郎送一妹到他家暫住何如。〔旦〕既有下處。行李奴家自當照管。張兄師父自與我官人前去便了。〔生〕如此甚好。我如今同尋故人。待一見好辨虛眞。

滿目悲生事。 因人作遠遊。

西征問消息。 心折此淹留。

### 第十四齣 樂昌懷伴

〔霜天曉角〕〔貼樂昌上〕小窗知曉。幽夢縈懷抱。天外音書難報。鏡中眉黛誰描。

〔點絳脣〕高柳蟬嘶。採菱歌斷秋風起。輕雲如髻。雲外山橫翠。簾捲西樓。過雨涼生袂。天如水。畫闌十二。少個人同倚。奴家自陳亡後。沒入在此。喜得張美人爲伴。笑談閒耍。少遣悶懷。不想他近日看上那李郎。悄私自奔去了。女伴中只我與他最厚。如何此去。竟不通我知道。如今獨坐無聊。好悶人也呵。

〔綿搭絮〕時憐花貌。孤枕度良宵。曉起尋歡。女伴潛蹤轉寂寥。憶花朝。拾翠相邀。何事戀着年少。一旦輕拋。想是難禁春心。不耐冰絃月下挑。

〔前腔〕釵行分散。獨坐更無聊。似我鳳去臺空。枉自傷心折大刀。想鸞交音問寥寥。只合藍橋水斷。祆廟延燒。怎比得奔月姮娥。悵望天香雲外飄。我知道了。若還他此去。老爺差人追尋。便知老爺不是輕賢重色之人。我的心事就好對他實說了。正是

去住寧無意。

淹留強自親。

要知山下路。

且看過來人。

第十五齣 棋決雌雄

〔高陽臺引〕〔生上〕遍地干戈極天烽火正羣雄競起時節〔外上〕事有關心  
終宵魂夢顛越。〔淨上〕無端滿眼狐疑事漫勞人搔首難決。〔合〕向他行雌雄  
一見片時分別。〔減字木蘭花〕〔生〕連年奔走咸陽雲樹空回首。〔外〕滿目風波爭奈龍蛇未判  
何。〔淨〕成吳霸越笑談自有壺中訣。〔合〕梁甫長吟應是觀濤難稱心說話中間不覺又到李衙門  
首想劉兄在此不免尋問則個。〔作問介丑上應介〕是誰。〔生〕我是劉先生故人李靖特來尋訪。

〔丑報介〕

〔卜算子〕〔小生〕棋局正闌時門外停車轍。〔末〕聞道相尋有故人倒屣歡迎

接。〔作相見介生云〕劉兄別來無恙。〔末〕李兄托庇粗安此二位何人。〔生〕此道兄善相故特與俱來

尋兄就謁見公子。〔淨〕適間公子與劉兄在此何幹。〔末〕在此弈棋。〔淨〕豈不聞陶侃有言諸君國

器何以此爲。〔末〕弈雖小伎其義頗大故支公以爲手談王生謂之坐隱班固造弈旨之論馬融有

圍棋之賦費禕笑談而退魏敵謝安賭墅而破秦軍先生不棄就與公子少試國手如何。〔淨〕願請

教只怕公子見笑。〔小生〕取棋過來。〔丑持棋上〕聞庭一任三時去長日惟消一局棋棋在此。〔淨



小生下棋介

〔高陽臺〕〔小生〕黑白分行。縱橫異道。須教四裔圍合。先着誰知。個中另有神訣。〔淨〕機設運奇。點眼爭國手。看指尖誰強誰怯。奮玄籌。乘虛競勢。細求約截。〔前腔〕〔末〕征着。彎掌南麾。馳情北壘。分明霧捲星列。雲起龍翻。須臾勢貌分別。〔淨作大叫介〕這局全輸了。起背唱介。支髮茂弘。局上劫更急。下場頭問誰分說。爲東君熱心一片。化爲冰雪。

〔前腔〕〔外〕摧折。侵地無方。攻城記屈。遑回轉覺難發。功墮垂成。怎能勾衝擊唐突。〔生〕休說。應危尋變無救路。古人有言。當斷不斷。還爲所謀。恐狐疑反爲擒滅。莫勞神。漫營邊鄙。再求角活。局上已見輸贏。我每且告退。不日再來求見。〔小生〕三君何所聞而來。何所見而去。〔淨〕聞所聞而來。見所見而去。

〔小生〕眼前一局決雄雌。

〔末〕世事紛紛似弈棋。

〔生〕雪隱鶯鶯飛始見。

〔外〕柳藏鸚鵡語方知。

第十六齣 俊傑知時

〔出隊子〕〔淨上〕瞥然一見鳳表龍姿自出羣。雌雄勝負隱然分。十載經營枉用心。大抵功名是天生勝人。

〔前腔〕〔外〕魂搖心死。一曲殘棋了半生。空餘長劍氣凌雲。尺蠖神龍有屈伸。從此休誇謀事在人。

〔前腔〕〔生〕相逢如故。魚水相投契自深。蒼天不負濟時身。我與張君同尋劉兄。想金卯弓長之夢。應在今日了。夢裏分明有鬼神。有日從龍順天應人。〔外〕方纔別了李公子。不覺又到下處門首了。不免喚一妹開門。

〔前腔〕〔旦上〕孤嫠相守。寂寂雲林閉遠村。〔生〕開門開門。〔旦〕喚聲知是阮郎歸。欲問榮枯待入門。〔外淨嘆介旦〕觀着容顏便知淺深。〔相見介旦〕此去所見如何。

〔紅衫兒〕〔生〕他不裘不履自是非常品。滿座風生。那更神清朗。果然是異人。

〔旦〕既如此。你們何不就連袂相從。和他草萊中締盟。待風雲同濟昌時。不使

青萍負您。

〔前腔〕〔外〕眼前顛倒渾難定。愁憤交并。黍熟勞薪水。分明爲那人。〔淨〕誰知做駕海成橋。枉勞工費心。我如今向世外逃名。有甚爭謀競勇。〔生〕呀。道兄差矣。豈不聞見物不取。失之千里。既遇明主。何必遠去。〔淨〕我本道家。偶然到此。今所志不就。豈能學范增王猛。坐視無成。況瓊臺瑤島。尙未荒蕪。李郎勉就功業。我就此別去也。〔外〕既如此。李郎與一妹先回。一到京中。可往武陵坊曲。尋板門小宅。須教我渾家與一妹相見。萬勿見卻。我送道兄一程。卽歸奉候。〔生旦〕我每就此拜別。〔作拜介〕

〔生〕君今東去我西征。

〔旦〕客裏囊空乏餞行。

〔淨〕正是將軍不下馬。

〔外〕果然各自奔前程。〔生旦下外〕道兄。

你如今別我往那里去。〔淨〕事到其間。不得不說了。我一向與你相從。指望共成大業。我自向海中尋個退步。誰想連你的事也不成了。如今只得把我的退步讓與你做個進步罷。〔外〕道兄。你果是有心人。只不知你所說是何處。〔淨〕海中有一國。名曰扶餘。其主昏亂。民心久離。我一向留意在此。

故其山川土俗訪問頗悉。我別你後。先投那邊去。覓得個機會。倘或你來。好做內應。你若肯下氣從那李公子。也自由你。〔外〕我與你相從幾年。你豈不識我。大丈夫寧爲雞口。毋爲牛後。你先到那海上。我隨後便來也。乘機取便。到那里再作埋會。〔淨〕張兄若如此。雖無大成。亦有小就。

〔醉太平〕〔外〕追省勞形弊跡。歎蠶絲燕壘。多少經營。似求仙煉藥。空教人指望丹成。難平。不如子晉學吹笙。九天遙已知捷徑。低頭自忖。一腔豪氣塞滿乾坤。

〔前腔〕〔淨〕閒評人謀天命。看茫茫宇宙。得失難憑。尋谿問徑。那知道進退無成。須聽桃源還自有通津。向漁郎好去尋問。〔外作墮淚介淨〕漫縈方寸。無端故作楚囚悲憤。張兄請回罷。〔外〕作如此遠別。豈忍分手。必須再送一程。

〔淨〕十載心期一黯然。

那堪悽愴別江潭。

〔外〕不如意事常八九。

可與人言無二三。

## 第十七齣 物色陳姻

〔番卜算〕〔外上〕堤上柳含春。庭際花明夜。嬌鶯飛去向誰家。無奈輕拋捨。春心忽憶章臺柳。舊日青青今在否。縱使長條依舊垂。也應扳折他人手。自從李靖參見我後。我那張美人無故而去。我想此女識見不凡。志氣頗遠。多是看上他才調。私奔他去了。我要追他。亦有何難。只是人道我輕賢重色。不近人情。故此放他去了。我早知如此。悔不把這妮子贈與李靖。也得他些氣力。如今連李靖也去了。豈不可惜。今日閒居無事。不免喚陳美人出來。試問他亡陳故事。多少是好。女使每與我喚陳美人出來。

〔西地錦〕〔貼〕舞鏡鸞衾翠減。啼珠鳳蠟紅斜。重門不鎖相思夢。隨人飛繞天涯。老爺喚出奴家。有何使令。〔外〕今日閒居無事。你試把兵入石頭的事。細說一番與我聽着。

〔獅子序〕〔貼〕聽說罷。淚似麻。望江南天各一涯。自兵連禍結。社稷丘墟。〔外〕

你哥哥爲何就至敗亡。〔貼〕若提起亡家國緣故。祇教人羞結綺。痛臨春。嗟望仙心傷桃渡。斷腸聲隔江。惟聽玉樹商歌。〔外〕你當初夫妻完聚的風景。可想得起麼。

〔東甌令〕〔貼〕我巢金屋。他住錦窠。只道地久天長無坎坷。爭言天塹難飛渡。

全憑地險關逾固。那些個山似洛陽多。平地起風波。〔外〕你如今還想丈夫也不想。

〔貼〕若他人問。奴家尙好掩飾。老爺問時。豈敢隱瞞。

〔賞宮花〕〔貼〕你跟前怎假。我如何不念他。痛惜分連理。應自歎兼葭。一入侯門深似海。至今顧影愧菱花。〔外〕我常時見你懷着半面破鏡。我也不曾問你。如今你自言自語。又說個顧影愧菱花。莫不這個破鏡是你丈夫與你的。〔貼〕奴家有事在心。一向畏懼老爺。不敢明言。近來每見老爺義士之度。仁人之心。我這一腔春恨。就對老爺說。想也不妨。〔外〕你實對我說。不要疑心。

〔降黃龍〕〔貼〕堪嗟自那日波查。死別蒼茫。可憐割捨。那時以分鏡爲記。指望情緣

未斷。尙有相見之日。因此上包羞忍恥。任漁陽羯鼓三搥。〔外〕如今你丈夫在那里。〔貼〕

兵亂之後。奴家一身尙不能顧。豈知他的存亡。〔外〕你既不知他存亡。又想他怎麼。〔貼〕休訝。

沒奈何消遣。料他每萍歸大海難摸。〔外〕你還指望那鏡兒重合麼。〔貼〕奴聞破鏡難重照。

落花不上枝。那些個破鏡重圓。落花再發。〔外〕你既知道完聚不成。何不把那破鏡撇下。

了罷。

〔大聖樂〕〔貼〕想當時鳳協鸞和。不料如今成話靶。縱不能拚死成名。也怎忍

教便拋捨。〔外〕你如今莫不惹着我麼。〔貼〕須知道紅顏自古多薄命。只落得莫怨東

風當自嗟。〔貼哭介〕重提猛省。怎禁那梧桐夜雨。和淚珠飄灑。〔外〕你既不忘丈夫。也

是你的好處。你只把當初相約事情。細說與我。我好差人尋他來。與你相會一面。〔貼〕多感老爺。只

怕無此理。〔外〕我一言既出。豈肯改意。你但實說。〔貼〕奴家當初與他相約。國亡之後。必沒入侯門。

卽使人將此破鏡在街坊市賣。他便好來相尋。奴家一向奉老爺法度。不敢私賣此鏡。今日老爺問

起。不得不說了。〔外〕既如此。可將鏡與我。你自進去。我有理會。〔貼〕整日悲籠鳥。終宵嘆檻猿。〔外〕

要知心腹事。但聽口中言。〔貼下外〕院子何在。可與我喚個能幹的老蒼頭出來。〔院子上喚介丑

上〕堂上聞呼喚。階前聽使令。稟老爺。有何分付。〔外〕你與我將這半面破鏡。在街上去賣。若有買

的人。你須問他討那半面來配。若湊得着時。你便好好與他同來。你說到府中來自有好處。又不要

放他。又不要驚他。〔丑〕這破鏡有誰要。若將去做交易。只怕這買賣不照。〔外〕這斷那曉得。你只去

賣。自有緣故。〔丑〕如此小人就去。

〔外〕世間寶鏡辨雄雌。

〔丑〕就去尋蹤不敢遲。

〔合〕莫道斷絃無續處。

須教缺月有圓時。

## 第十八齣 擲家圖國

〔謁金門〕〔生同旦上生〕情脈脈。回首晉陽天碧。烟樹幾家渾未識。小門何處覓。

〔旦〕弱體朝行無力。不耐冰霜經歷。〔合〕京國風烟如往昔。幽尋應咫尺。〔生〕

馬蹄歸處踏神京。〔旦〕纔過長亭又短亭。〔合〕正是小橋松徑密。須知山遠路難憑。〔旦〕官人。看着

與你私出西京。不道今日又同到此。司空既不追尋。我今日就與你同行也不妨了。

〔沈醉東風〕〔生〕想當初同出帝畿。正慌忙向他鄉逃避。你那司空不見你我呵。只道我似司馬相如。道我似司馬相如。把文君竊去。應猜做琴臺風致。〔合〕爲郎才女姿。非是雲邀雨期。這情踪傍人怎知。

〔前腔〕〔旦〕自那日把新妝改易。悄出門偷從君子。司空不見了我呵。只道我似



賈女私窺。道我似賈女私窺。忍捐恩負主。應猜做偷香情緒。〔合前生〕說話中間。不

覺到武陵坊了。你看那曲巷短牆。板門小宅。多分是張兄家裏。不免試問一聲。〔作問介丑上應〕可

是李郎一娘子麼。〔生〕你爲何知道我來。〔丑〕我主人差我在此相待良久。二位請進來。少待通報。

〔丑下丑看介〕如何外面小門裏。面到有如此好房子。〔生〕張兄舉止異常。他潛蹤于此。必有緣故。

〔生查子〕〔外貼扮虬髯夫婦上〕深樹隱門閭。正是談心處。門外有嘉賓。斂袂歡迎

入。〔外〕李郎一妹。爲何來遲。〔生旦〕因路逕不熟。尋問而來。故此到遲。〔生旦外貼合拜介〕

〔園林好〕〔生〕乍相逢歡同故知。許相邀不失故期。深自愧資身無計。空兩手

造華居。乏執贄效芹私。

〔江兒水〕〔外〕一片男兒氣。相投似有期。相逢肯使空歸去。我這些少家貲。都讓與

你。願持子之贈。以佐明主。你看這蘭堂貴室堪居住。耕奴織婢堪驅使。〔丑末持箱上外〕

資斧千箱完具。盡付君家好佐那人行事。〔生〕小生受之無名。斷然不敢。

〔五供養〕〔旦對生介〕我和你驟然來至。他便傾家都付與伊。中間應有意。何必

苦推辭。〔旦轉身對外介〕張兄。你何不同事。使嫂嫂與我同居共處。謀王同力。助定霸兩心齊。談笑功名。斷金之利。

〔玉交枝〕〔貼對旦介〕勞卿勸取。他素心我也未知。如今知事應難濟。方纔說與我端的。他擒兔月中謀已就。怕從龍人下心難死。又未知他改圖甚的。這其間也隨他意見。

〔川撥棹〕〔外指貼介〕休聒絮。李郎一妹。我明言須記取。如今向海角天涯。如今向海角天涯。十年間須當建立。定因風寄與伊。定因風寄與伊。李郎。我一一交付與你。我夫婦止帶一奴隨行。就此拜別出門了。〔生旦〕兄嫂何忍就去。

〔尾聲〕〔外貼〕行蹤已決留難住。〔生旦〕何事別離容易。〔合〕地北天南教人起夢思。

〔外〕贈君居宅與金資。

〔貼〕要建功名好及時。

〔生〕忽漫相逢又成別。

〔旦〕只今回首是天涯。

### 第十九齣 破鏡重符

〔金蕉葉〕〔小生徐德言上〕千思萬思。我渾家知他怎的。打不破愁城恨圍。磨不了山盟海誓。〔青衫溼〕南朝千古傷心地。還唱後庭花。舊時王謝堂前燕子。飛入人家。夢中空遇。仙姿瑩雪。宮鬢堆雅。不知遊子貂裘敝盡。流落天涯。自家乃前朝駙馬徐德言便是。自故國喪亂。與公主分別。約以元宵賣鏡爲記。希圖後會。今日及期。出來問個消息。又遇這般大雪。正是憐卿謾道爲卿苦。愛他風雪耐他寒。

〔山坡羊〕白茫茫六花飛墜。亂紛紛如風飛絮。我虛飄飄浮蹤似伊。雪花。我既相似你。也合相憐我。如何偏打在我面上來。你看冷颼颼撲面無情緒。我那公主。我展轉思此情訴與誰。近來聞得他沒入在侯門楊越公府中了。他侯門一入深無底。陌路蕭郎。一絲空繫。緘書。關河鴻雁稀。魂迷。陽臺雲雨疑。〔丑上〕賣鏡賣鏡。受人之托。必當終人之事。

老爺差我出來賣此破鏡。中間必有緣故。前面有人。不免再教幾聲。賣鏡賣鏡。〔小生上問介〕老人家。你的鏡兒值得幾文。不等個晴暖天色出來。卻在這風雪中賣。〔丑〕秀才。你那裏知道。我這鏡非

同小可。一向無人識他。恐怕埋沒了這段清光。因此不辭風雪。爲他求個售主。〔小生〕你借與我看。

〔丑遞鏡小生看哭介〕

〔前腔〕眼睜睜瓊簪敲碎。苦哀哀銀瓶剛墜。痛煞煞當時鏡分。哭啼啼各自湮紅淚。老人家。我且問你。這鏡兒。誰將付與伊。〔丑〕你要買就買。不是來歷不明的。〔小生〕分明說與咱詳細。〔丑〕這等看起來。你敢有一半對着我的麼。〔小生出鏡介〕這鏡兒在懷中。那人兒何處。〔丑〕我實對你說罷。這鏡在楊越公府中出來的。你只隨我去。自有好處。〔小生〕多謝你。只是越公府中不是耍處。我如何敢進去。〔丑〕你只隨我去。管取不妨。〔小生〕我待相隨。還愁惹是非。待不隨。如何得信息。〔丑〕來至此間。是府前了。你且住在此。我與你打個消息。來回你。眼望旌旗捷。耳聽好消息。〔丑下〕

〔前腔〕〔小生〕急忙忙隨他來至。他慌張張將咱留住。戰兢兢未知死生。眼巴巴怎望得他來至。我不道這兩半面鏡兒。也有湊着的時節。這鏡兒。還有會合時。我如今空手沒巴臂。半日倉皇。一天憔悴。鏡子。我若照你時呵。須知羞看鬢有絲。他若照

你時呵。須知羞看減玉肌。此間官府往來。怕有認得我的。不當穩便。不免在耳房內少避一迴。待他回報。

鏡與人俱去。

鏡歸人未歸。

無復姮娥影。

空留明月輝。

## 第二十齣 楊公完偶

〔繞地遊〕〔外楊素貼樂昌上〕〔外〕終朝凝望。爲爾添惆悵。待人回必知的當。〔貼〕眠思夢想。觸目成悽愴。知他每有誰依仗。〔丑上〕踏破鐵鞋無覓處。得來全不費工夫。老

爺磕頭。〔外〕你回來了。鏡兒可有人買麼。〔貼〕稟老爺。小人正在街上賣。偶遇個秀才。聞說賣鏡。就

討去看。一見了。就哭將起來。小人問他端的。他身邊果有半面。湊來不差。如今小人賺得他來。在府門首了。〔外〕莫不他去了。〔貼〕他的半面鏡子。被小人拿來了。他一定不去。〔外〕接鏡與貼看。貼悲

介。是了。奴家也知道他一定不去。〔外〕你如何就知他不去。〔貼〕他既知奴家在此。要圖一面。縱

令萬死。豈肯迴避。〔外〕既在門首。可喚進來。〔貼〕他原是文士。求老爺禮貌他些。〔丑〕秀才有請。

〔金瓊璫〕〔小生〕偷身尋去向。窺人不敢聲揚。聞召命轉徬徨。路當險處難迴避。

事到頭來不自由。〔丑〕老爺在此。過來相見。〔小生拜介外〕扶起。〔回指貼介〕此是何人。你可認得

他麼。〔小生貼各背哭介外〕取酒過來。你二人都坐了。〔小生〕司空在上。豈敢坐。〔外〕你雖亡國勳

戚。乃是江左名士。但坐何妨。〔小生貼坐外把盞遞小生貼介〕徐生。你一向斷雁孤鴻。可曾尋偶否。

〔二郎神〕〔小生〕漫悒悒。歎一雁西飛路渺茫。正鍛羽垂頭無倚仗。浪書空咄

咄。迤逗柔腸。那里有心情來妄想。〔外〕你如此青年。怎禁受得這般冷落。〔小生〕任冷落

梅花孤帳。〔背介合〕空相望。似隔河牛女。對面參商。

〔前腔〕〔貼〕堪傷。秦樓鳳去。簫聲絕响。把花草吳宮成夢想。〔外〕你們初諧伉儷。記

得年紀多少。〔貼〕記盈盈十五。妝成始嫁王昌。歎回首珠簾塵結網。把伉儷一

時撇漾。〔背介合前〕

〔轉林鶯〕〔外〕看他垂垂偷墮。淚兩行。使人驀地心傷。他經年寂寞芙蓉帳。分

明我拆散鸞凰。把他青春虛曠。埋沒了畫眉張敞。〔合〕漫思量。忍見這低頭輾

轉廻腸。

〔前腔〕〔小生背介〕聽他言詞多慷慨。想他不甚隄防。只是檻猿籠鳥難親傍。料別來消減容光。愁心勞攘。怕眼下風波翻掌。〔背指貼介合前外指貼介〕你平日長於詩賦。何不把眼前的事情。賦成一詩。誦與我聽。

〔啄木鷗〕〔貼〕聞嚴教。自忖量。〔背哭介〕侍尊前強把愁眉放。若教人棄舊憐新。怎下得義負恩忘。盈盈泪閣秋波泱。重重恨鎖春山上。論兒郎。羅敷空有漫效野鴛鴦。稟老爺。詩成了。〔外〕誦與我聽。〔貼誦詩〕今日何銓次。新官與舊官。笑啼俱不敢。方信做人難。〔外〕好詩好詩。聞之使人酸鼻。

〔前腔〕〔外〕新詩句。倍慘傷。想啼笑俱難非是謊。算咱每風月襟懷。肯教人雲雨分張。你當初鏡破鸞孤往。管今朝重合妝臺上。謝伊郎。使君有婦。肯效野鴛鴦。徐生。你聽我說。我終不然戀他的姿色。斷你的恩情。我如今把你的渾家依舊配還你。只是你作客

十年如張儉。想家徒四壁類相如。我就將陳公主的妝奩。爲徐舍人的行李。你也不消推辭。〔小生〕

小生亡國之士。墮落泥中。相公時雨之恩。出於望外。本當執御以侍晏嬰。非敢泛舟而希范蠡。只是漂流已久。豈無風木之思。伉儷重諧。乃有室家之戀。今欲暫歸祭掃。後當圖效涓埃。不知相公肯見許否。〔外〕我賓主當有相留之情。你夫婦已決同歸之志。固應聽允。何必強從。我分外有白金二錠。關文一通。與你前去。〔貼〕奴家既蒙不殺之恩。又荷重諾之賜。啣環無地。結草何年。〔小生〕我們就此拜別前去。

〔黃鶯兒〕〔小生〕幾載歷冰霜。喜春回連理芳。債緣勾卻三生帳。新愁頓忘舊約頓償。一朝提挈青雲上。〔合貼禱告天介〕告蒼蒼。願他籌添海屋。福利似川長。〔前腔〕〔貼〕公相度汪洋。續冰絃賴主張。妝樓打疊秋波望。鏡重圓轉光。花重發轉香。這般恩德如天樣。〔合禱介合前外〕近日打報子來。盜賊生發。你夫婦回去。路上須要仔細。〔小生貼拜辭介〕多謝相公。

〔外〕全恩割愛許相親。

〔貼〕破鏡重圓謝主人。

〔小生〕惟有感恩并積恨。

萬年千載不成塵。



## 第二十一齣 髯客海歸

〔外同貼上〕枉自勞心十載餘。功名到手卻成虛。如今且作任公子。青海灘頭學釣魚。自家一天好事。漸漸成來。不道太原有一真主。難與爭衡。娘子豈不聞古人有言。識時務者在乎俊傑。我如今把這些行徑。都付與李郎。成就得他。也不枉了我這一片心了。我和你與他分別。不覺又行了數程。你看好風景也呵。好悶人也呵。

〔北新水令〕一鞭殘角斗橫斜。猛回頭壯心猶熱。帝星明復隱。王氣見還滅。漫自評隲。打疊起經綸手霸王業。

〔南步步嬌〕〔貼〕透迤山徑墮黃葉。雁外流霜月。迢迢去路賒。地北天南。夢魂難越。無端車馬嘆馳驅。從征又與家鄉別。

〔北折桂令〕〔外〕坐談間早辨龍蛇。把袖裏乾坤做夢裏蝴蝶。狠的人海沸山裂。不禁支髮空跌雙靴。祇因爲自認做豐沛豪傑。因此上小覷了韓彭功烈。我想起那李公子呵。所事撐達。與他爭甚麼鳳食鸞棲。我自向碧梧中別尋支節。

〔南江兒水〕〔貼〕搖搖長途裏。西風分外冽。秦娥夢斷秦樓月。樂遊原上清秋節。咸陽古道音塵絕。柳色年年傷別。西望長安。那裏是雲中宮闕。

〔北雁兒落帶得勝令〕〔外〕空打熬的計團圓。把我機關設。空磨礪的事完成。把我心腸竭。我當初的意見。好不狠也。誰知道遇敵劫。把利名韁收不迭。怎肯造赤眉業。怎肯蹈烏江轍。〔貼〕勝負兵家不可期。你爲何就要丟手。〔外〕休說。早覷了上場頭。一盤兒拆興滅。咱若是不識時。幾送了也。

〔南僥僥令〕〔貼〕裙釵應有恨。豪傑漫咨嗟。偌大江山都拋捨。又何必絮叨叨多話說。

〔北收江南〕〔外〕呀。到頭來未免受顛蹶。算不如早明決。早知拿雲握霧手。嘆摧折。待學東陵種瓜瓞。卻教人垂頭無語自悲咽。

〔南園林好〕〔貼〕車盤桓雙輪似遮。馬屯遼雕鞍污沙。成都市空勞占卦。愁心緒亂如麻。堆雅鬢點霜華。

〔北沽美酒帶太平令〕〔外〕行過處鬼門涉。巴前路九疑遮。你看大海將近了也。隱  
隱波濤似捲雪。望洋心空切。我想起這大海。知道他磨過了多少英雄也呵。變桑田幾多  
歲月。祖龍橋舊基磨滅。可惜這片無窮的大水也。淘不淨我心性薄弱。洗不清我面  
皮紅熱。傷嗟痛嗟。若不自寧貼。呀。那紛爭幾時休歇。

〔南尾聲〕〔貼〕層層蜃市成宮闕。仔細看來都幻也。空使心機催鬢雪。

〔外〕十年俠劍漫勞神。

〔貼〕千里風烟自苦辛。

〔合〕畫虎未成君莫笑。

安排牙爪始驚人。

## 第二十二齣 教婿覓封

〔二枝花〕〔生上〕千金輸一諾。傾蓋成知己。別後望雲山幾千里。回雁峯高。那  
得音書至。〔旦〕闌干閒徙倚。怕花發新枝。笑我玉貌把人留住。〔南鄉子〕〔生〕惜別

獨驚魂。小院沈沈書掩門。事業蹉跎空嘆息。難言。一縷春絲絆客轡。〔旦〕何事繫心猿。時不重來仔

細論。睡手封侯非遠別。飛鴛。莫學村家底樣恩。官人。你終日安居在此。功名一字。再不掛懷。是何道

理〔生〕小生豈無進取之心。只是放你不下。〔旦〕呀。官人差了。你讀詩書。豈不聞懷嬴勸晉公子之事乎。你既有如此才藝。又遇這般時節。況且張兄所贈貲財。足充館穀。豈可坐以待老。

〔桂枝香〕你看四方鼎沸。羣雄蜂起。若還不出展經綸。恐怕你置身無地。況有張兄呵。把家財贈伊。家財贈伊。資身有具。何須縈繫。漫遲疑。試看龍虎紛爭日。豈是鴛鴦穩睡時。

〔前腔〕〔生〕平生意氣。須教遭際。終不然爲枳棘鸞栖。肯誤卻雲霄鵬翅。古人有言。良臣擇主而事。好鳥擇木而棲。況那李公子呵。是英雄可依。英雄可依。奇勛可致。不免暫時拋棄。肯遲疑。從今大笑出門去。不斬秦關誓不歸。娘子。你與我收拾行李起來。卜一吉日。就別你前去。〔旦〕官人豈不聞不疑何卜。行李已完備了。我今日就送你登程。〔生〕也說得是。我就此拜別罷。〔旦〕我還要送你一程。有幾句話兒叮囑你。〔生〕娘子請先行。

〔長拍〕〔旦〕滾滾征塵。滾滾征塵。重重離思。迢迢的去程無際。〔生〕娘子。你有甚言語叮囑我。〔旦〕我欲言還止。轉教人心折臨岐。無奈燕西飛。更生憎影熒熒。

伯勞東去。只怕蕭條虛繡戶。禁不得門掩梨花夜雨時。縱不然化做了望夫石。也難免瘦了腰肢。

〔短拍〕〔生〕淚染冰綃。淚染冰綃。愁濃綠蟻。爲功名難免別離。自笑處囊錐。解不開這些愁緒。怎理得亂繩千縷。早圖個分茅列土。趲歸路促高車。

〔尾聲〕修書須把平安寄。〔旦〕織得迴文付與誰。只索夢趁飛花逐馬蹄。

〔旦〕郎今別去路漫漫。

〔生〕千里雲山阻笑歡。

〔合〕東去伯勞西去燕。

馬行十步九回看。

### 第二十三齣 奸宄覬覦

〔北點絳脣〕〔淨薛仁杲上〕世業秦興。兵鋒楚勁。邊豪猛奮。起金城。頃刻嶠函定。

自家薛仁杲的便是。我足追駿馬。力敵萬人。自我舉兵以來。不知擒獲了多少人。被我斷舌剝鼻埋足。捶背殺了多少。我一向頗有窺西京之意。叵耐楊素那老兒威名甚重。智勇兼全。故此掩甲休兵。未遂所願。近日聞得楊素已死。正是我得志之秋。不免出號申令。稱兵前去。將官宗羅喉等何在。

〔衆應上〕先鋒衣染血。騎突劍吹毛。路失羊腸險。雲橫雉尾高。覆元帥。有何使令。〔淨〕我卽日要起兵。咸陽去。你衆將每聽我道。

〔清江引〕邊庭豪傑推雄猛。恣殺掠人奔命。怒發震雷霆。志決圖吞併。〔合〕長驅直入咸陽境。

〔前腔〕〔衆〕長戈銳戟誰能競。聽我主申軍令。發號疾如風。賞罰明如鏡。〔合前〕

赤土流星劍。

烏號明月弓。

朔風吹塞北。

殺氣滿秦中。

## 第二十四齣 明良遭際

〔神仗兒〕〔外唐王同公子文靜領兵上〕揚旗耀幟。揚旗耀幟。揮干整羽。喜先發難制。汾晉俱來從義。平燕趙。定梁齊。城幽冀。下青徐。

〔滴溜子〕〔生上〕忙奔走。忙奔走。山馳水驅。空驚眼。空驚眼。塞雲關樹。望塵頭。漫漫無際。想唐王舉義師。如雲如雨。且候牙門。向前拜趨。〔外小生末升帳生進見介

外]你是何方人氏。有何技能。到此投軍。〔生〕李靖是京兆三原人。少年隨侍母舅韓擒虎。頗習兵法。聞明公起義兵。願從書記之列。〔小生〕孩兒前年曾識此人。可留大用。〔外〕你既曉兵法。我卽日要發兵安輯蕭銑。你意見如何。〔生〕靖聞用兵如治病。急則治其標。今鄧世洛聚兵數萬。屯於金州。討之不克。倘擊蕭銑。急則與世洛連兵。愈爲難下。今日之計。只合移兵先平世洛。則唇亡齒寒。蕭銑不攻自破矣。〔外怒介〕我兵已發。誰敢阻當。你敢是與蕭銑作說客。軍令煽惑軍心者斬。左右綁去斬了。〔衆綁生小生末同救止介〕

〔祝英臺〕〔生〕把風塵經歷盡。暗處嘆投珠。早知如此。悔不拋擲楚弓。棄置吳鉤。門外學吹齊竽。到如今呵。須臾聽不得鶴唳華亭。又早狗烹錡釜。恨他鄉這骸骨。倩誰收取。

〔前腔〕〔小生〕須知遠方來仗策追隨。忍使命先徂。遇事敢言。料敵輸謀。多是應變隨機。〔生〕明公欲定天下。奈何殺壯士。〔末〕休棄建奇勳。須仗雄才。豈可把片言輕試。願明公把使過與使功相濟。〔外〕既如此說。且放他起來。就留在二公子帳下聽用。

〔生〕可憐仗劍走風塵。

〔末〕帳下幾乎喪此身。

〔小生〕得放手時須放手。

〔外〕得饒人處且饒人。

## 第二十五齣 競避兵燹

〔水底魚兒〕〔淨領衆上〕十萬貔貅旌旗射斗牛。功名到手。席捲向神州。軍士們。你

看所向無前。勢如破竹。且喜秦州已定。如今分兵經略扶風去。功名到手。席捲向神州。〔下〕

〔前腔〕〔丑貼扮妓女上〕垢面蓬頭。閒花滿地愁。不堪回首。烟霧障紅樓。平生枕席

有情。今日刀鎗沒趣。若遇了這夥殺人的軍兵。不輸似那般使水的子弟。你聽金鼓之聲近來。不免

快走迴避。不堪回首。烟霧障紅樓。〔下〕

〔縷縷金〕〔旦〕玉筋落。翠蛾愁。出門思避難。欲誰投。無奈弓鞋窄。行行落後。悔

教夫婿覓封侯。孤身怎奔走。奴家自別良人。且喜安居無事。不想薛仁呆作亂。打破京城。人民

奔散。只得毀妝。混在衆人之內。奔出鄉去。再作道理。悔教夫婿覓封侯。孤身怎奔走。

〔水底魚兒〕〔淨領衆上〕破邑屠州。長河變血流。星馳雲驟。鬼哭與神愁。軍士們。已



到扶風了。可打點攻城。凡遇男子。精壯的。便用他從軍。老弱的。竟自殺了。凡女子。美貌少年的。送到我帳下來。老弱醜的。也竟殺了。〔衆應〕星馳雲驟。鬼哭與神愁。〔下〕

〔前腔〕〔小淨末扮僧道上〕寺觀清幽。奈強梁作寇仇。神通佛咒。到此一齊休。可奈

這般兵勢。趕得實難存濟。別人不見老婆。偏我們沒了徒弟。卻好了。你看前面兩個婦人。只待拿來出氣。姐姐。我和你同伴兒走。〔僧道妓打笑譚介〕神通佛咒。到此一齊休。〔下〕

〔縷縷金〕〔旦〕心驚恐。淚交流。岐路從誰問。半含羞。恐被朱顏誤。遭他毒手。水

流花落鳥聲愁。咸陽怎回首。奴家奔走這一程。且喜金鼓之聲漸漸遠了。只是途路難行。不知往那裏去好。只得向樹林叢中尋個小路。漫漫行去。水流花落鳥聲愁。咸陽怎回首。〔下〕

### 第二十六齣 奇逢舊侶

〔鶻仙橋〕〔小生上〕桐音重協。蕙幃還共。轉覺那人恩重。〔貼〕青鸞飛入合歡宮。

想往事恍如春夢。〔清平樂〕〔小生〕春風依舊。着意隋堤柳。搓得鶻兒黃欲就。天氣清明時候。

〔貼〕去年繡戶朱門。今宵雨魄雲魂。追憶相思況味。不知幾個黃昏。官人。我和你今日再得完聚。雖

則荒村茅舍。可不勝似瓊樓玉宇。〔小生〕似我衝寒冒雪。訪問消息的時節。誰想有今日。

〔解二醒〕〔小生〕想那日琴調瑟弄。嘆中途付與東風。只道今生已作鴛鴦冢。誰承望再覩乘龍。幾回賸把銀缸照。猶恐相逢似夢中。〔合〕恩山重。把斷絃再續。勝似鸞封。

〔前腔〕〔貼〕恨當時強移恩寵。爲相思淚染鵲紅。只道高唐永隔行雲夢。誰知道重上巫峯。延津寶劍看重會。合浦明珠喜再逢。〔合前〕

〔不是路〕〔旦上〕避難匆匆。改換衣妝毀玉容。心驚恐。未知何處可潛蹤。來到這村中。看一灣流水三山拱。五柳當門半畝宮。看這宅院。且是清幽。不免扣門則個。開門

開門。〔小生應介〕是誰。〔旦〕相借重。到門不敢來題鳳。莫嫌驚動。莫嫌驚動。〔小生〕

是婦人聲音。娘子。你可出去開門。〔貼〕是。如此開門。〔驚見介〕呀。好似張美人。〔旦〕呀。陳美人何故在此。

〔前腔〕〔貼〕勞想仙蹤。似一片花飛故苑空。今匆穴。緣何飄泊到簾櫳。〔旦〕我自

那日見了李郎。看他是個豪傑。要去從他。又恐泄漏。因此上不會告別姐姐。竟相從。他出門投主我無人共。誰料咸陽起賊烽。心洶洶。不期到此叨陪奉。莫嫌驚動。莫嫌驚動。

〔貼〕姐姐。我丈夫也在此。請裏面相見。官人。元來是舊日結義姊妹張美人。〔小生見介旦〕不知徐官人緣何得與我姐姐重合。

〔太師引〕〔小生〕嘆飄蓬。匣鏡塵埃重。似孤猿別鶴。和斷鴻。恨劍擁玉人西去。漫尋消問息難通。不道因賣鏡之故。得見司空。那時被我渾家將新詩五言來打動。因此上放出雕籠。〔旦〕緣何來到這裏。〔小生〕我怕聽得景陽曉鐘。故尋個深山深處絕蹤。每常聞得我渾家道張姨工容賢德。說已從了李郎去矣。不知緣何也到此。

〔前腔〕〔旦〕霎時相見。諧鸞鳳。向荒村與俠士偶逢。〔小生〕那俠士是誰。〔旦〕那俠士姓張名仲堅。他呵憐取相如四壁。把家貲罄竭相供。我李郎因此上懷金仗策圖建立。我孤身自守房櫳。誰知道強賊恣凶。滿京城家逃戶走難容。

〔前腔〕〔貼〕你倉忙避寇。誰趨捧。況烽烟隔絕故宮。你若是尋夫遠道。怎禁得

宿水餐風。當時旣叨同畫閣。又何妨茅宇相共。終不然教你西我東。今日須暫留魚乘從容。姐姐倘以良人在此。不便起居。便當分爲兩院。奴家親自陪侍。未審尊意如何。〔旦〕

多謝姐姐厚意。只是奴家也有一言要對姐姐說。〔貼〕有何見諭。〔旦〕你徐官人才貌兩全。況聲名素著。當此立功之秋。若不出去圖些事業。可不枉了這般人品。〔小生〕張姨之言。極是有理。只是我

渾家久別方敘。又無女伴陪他。故此遲疑。今得張姨在此同住。小生便出去尋些功名。心上也放得下了。〔旦〕徐官人旣肯納愚言。奴家丈夫見在唐王府中。倘若起兵。他必爲將。奴家修書與徐官人去。他那裏必有用你處。不知意下如何。〔小生〕如此甚好。只怕軍門嚴急。如何通得書信。〔旦〕出拂介。奴家有計在此了。奴家相從丈夫之時。曾扮爲男子模樣。相見時他正驚疑。出此紅拂。方知我是楊司空家侍女。如今卽將此拂與徐官人帶去。到那裏覷個機會。與他看時。自有分曉。〔付拂介小生〕謹領。

〔三學士〕〔旦〕看你才華真出衆。更兼眉宇豐隆。若還不展鵬鵬翅。可不負了生平錦繡胸。〔合〕但願功成金印重。天山定早掛弓。

〔前腔〕〔小生〕數載飄零似轉蓬。爲恩情多少磨礪。今朝暫捨吹簫侶。來日還圖夾日功。〔合前〕

〔前腔〕〔貼〕亂後分離喜再逢。把歡蹤又作離蹤。只拍你蹉跎歲月征鞍上。我消歇容華破鏡中。〔合前〕

〔小生〕靡蕪綠處是殘春。

草色和烟拂馬塵。

〔旦〕惟有西河堤畔柳。

〔貼〕安排青眼送行人。

## 第二十七齣 奉征高麗

〔似娘兒〕〔生領衆軍士上〕二卵棄干城。救張蒼幸藉王陵。自誇才略誰應並。看奇謀六出。戰功百勝。還須萬里專征。我自從獻策。觸犯軍令。幾至殺身。幸得恩主與故人救取。此後屢立戰功。官拜行臺兵部尙書。早間主上召我議事。問我分合爲變。奇正安在。我答曰。善用兵者無不正。無不奇。使敵莫測。故正亦勝。奇亦勝。三軍之士。止知其勝。莫知所以勝。非變而能通。何以至此。主上大悅稱善。因問我討高麗一節。我請以五萬師往擒之。少間待劉兄來議。此事必有

端的。

〔步蟾宮〕〔末捧劍上〕虎帳談兵懸廟勝。請長纓連籌先定。長風萬里好橫行。指日勒山銘鼎。〔相見介末〕早間主上傳下旨意來。命吾兄領精兵五萬。下海征高麗國。這劍與你軍中行事。有犯法者。先斬後奏。這空頭告身。許你選用人才。竟拜官職。然後奏聞。〔謝恩介生〕我想當初若無主上與恩兄救取。此時已成枯骨。豈料今日也能與朝廷當得一面。

〔江頭金桂〕想昔日身投陷穽。幸蒙恩救此生。誰道陳謀屢中。遭際明聖。把腹心牢訂盟。因此上論戰爲兵。要竭忠盡喜拜專征。新命西海橫行。感恩那知身重輕。把偏箱鹿角。把偏箱鹿角。依稀八陣寄邊庭。好教淨洗單于頸。只待臨期係漢纓。

〔前腔〕〔末〕憑着你變奇爲正。神機妙夙成。好似孫吳對壘。頗牧臨陣。況師徒教閱精。待你向蜃海攻城。鯨波交刃。管取不勞而定。馳奏承明。飛鏡入雲歌凱聲。穩功酬推轂。穩功酬推轂。威彰分閫佇勳名。高標銅柱黃沙塞。圖畫雲臺白。

玉京請問李兄何日起行。〔生〕靖聞兵貴神速。且明日支干大利。就起兵前去。〔末〕兵行之際。不得餞送奈何。〔生〕此別不久。何勞垂餞。

〔生〕叩首欽承君命。

〔末〕爵賞人人歡慶。

〔生〕朝中天子三宣。

〔末〕闔外將軍一令。

## 第二十八齣 寄拂論兵

〔月雲高〕〔小生上〕山花無限離愁怎消遣。沒奈何分恩愛。忍教拆散。一寸柔腸。兩下裏相縈絆。舉步天涯近。回首雲山遠。何事關情一樹烟。惱殺行人啼杜鵑。  
自與公主分手。不覺又是月餘。張娥雖與我書物。正不知他丈夫肯用我否。

〔前腔〕只怕轅門深遠。孤身怎求見。慢提起金張貴。已是人離鄉賤。若話不投機。可不枉了身勞倦。出處皆前定。空自閒嗟嘆。方信道人生行路難。怎怕得平湖北到天。行了這半日。身子便覺困倦了。不免把紅拂藏好腰間。向草叢中少睡片時。多少是好。

〔作睡介〕

〔小桃紅〕〔生領衆軍上〕軍容整肅陣勢森嚴鐵騎分前後也兩翼齊驅下首尾似循環看雲屯更風旋怕甚麼莽蚩尤狡匈奴能負險也這葦爾高麗何足辦指點鴨綠江邊那降旗隱隱城闐〔軍人拿德言介〕稟元帥有細作在此〔生〕拿來待我自

審問這斷何故閃在草叢中〔小生〕小生聞李元帥出征高麗願投幕下因疲倦暫睡在此不想冒犯虎威〔生〕你仔細說來果是何方人氏有何韜略敢來投我〔小生〕元帥聽稟

〔下山虎〕鮪生徐姓名喚德言爲有你平安報因此敢候轅門〔生〕你莫不是奸細麼〔小生〕豈是反間儉夫也非偷營細人〔生〕一向西京擾亂連我家室也未知如何你

緣何帶得我家信來此〔小生〕我荆婦與你夫人有姊妹緣曾同作侯門眷亂後

相逢在遠村特致青鸞信不憚艱難〔生〕你莫不是打聽了我家中事情故把假書來哄我

〔小生出拂介〕試看紅拂殷勤豈偶然〔生〕呀紅拂是我夫人的如此定是真的我亦素聞你才名如今幸得相會不惟得了家書且得賢士可喜可喜請坐了有言望見教

〔蠻牌令〕思家喜書傳爲國得英賢資爾謀猷能破敵管教我勒燕然〔小生〕多



承元帥不棄。只是小生亡國之臣。不可圖存。敗軍之將。難以語勇。〔生〕歎包胥無依。誰念痛左車有策。難言喜今日相逢馬前。幸分明指與平川。久聞大名。未得相會。如今要征高麗。先生必有妙計。乞明以教我。〔小生〕元帥雄略蓋世。豈藉餘謀。只是藟藟之言。聖人所擇。既蒙垂問。敢不吐露。竊聞高麗有鴨綠之險。負固不服。今新羅扶餘諸國。環處其外。習知其情。倘元帥發咫尺之書。令彼移兵合擊。是以夷狄攻夷狄。爲力既易。成功必速。不審尊意如何。〔生〕甚妙甚妙。明日便當依計行事。軍士每取參軍服色過來。〔拿冠服與小生介生〕下官蒙聖旨得專封拜。今日就承制拜先生爲參軍。〔小生〕小生無功。豈敢受職。〔生〕范雎入秦。卽拜亞卿。韓信過漢。便爲大將。豈必拘拘汗馬之功。顧言論何如耳。〔小生〕如此小生從命了。明早就好發書各國去罷。

〔尾聲〕〔合〕檄書速發如飛翰。乘機夾擊莫遲延。管取功成青海邊。

王命師中促遠征。

滿船殺氣動麾旌。

洗兵魚海雲迎陣。

秣馬龍沙月照營。

第二十九齣 拜月同祈

〔天下樂〕〔旦上〕簾幙垂垂春雨微。鞦韆院靜落花飛。〔貼〕碧雲望斷音塵杳。

莫怪年年顰翠眉。〔菩薩蠻〕〔旦〕南園滿地堆輕絮。愁聞一霎清明雨。雨後卻斜陽。隔簾花草香。

〔貼〕無言勻睡臉。枕上屏山掩。時節欲黃昏。無聊獨閉門。〔旦〕姐姐。我想起你官人出去。不覺又經年了。你看春色將闌。好傷感人也。〔貼〕我和你空房獨守。也索自禁受。只不知他每功名如何。

〔征胡兵〕〔旦〕芳郊春老紅英墜。行人那些沒來由。爲着功名。忍使向天涯。空自灑思君淚。儘教人極目望魚書。魚書不至。

〔前腔〕〔貼〕想長楊風掉青驄尾。長途怎支。悵空閨漸老韶光。闌干共倚時。曲曲傷心處。儘教人極目盼歸期。歸期不至。〔貼〕曾分付梅香。擺下香案。如今天色已晚。請

姐姐同去拜月祈禱則個。〔旦〕請了。〔作焚香拜月介〕

〔香遍滿〕〔旦〕幾多心事。拈香拜天都訴與。海月空驚人兩處。知他在那里。榮枯是怎的。告蒼蒼須鑒知。好把人周濟。

〔前腔〕〔貼〕良人別去。春來冷落愁幾許。姐姐似你和我呵。還有故人秉燭西窗

語。知他在那裏。吉凶是怎的。願蒼蒼默護持。早成他歸計。〔旦〕禱告已畢。同向幽徑

中少步一回如何。〔貼〕是。如此姐姐請行。

〔琥珀貓兒墜〕〔旦〕殘紅零落。苔徑點胭脂。流水飄香不待時。多情空詠斷腸詩。〔合〕腰肢擔不起一腔春恨。萬縷春絲。

〔前腔〕〔貼〕沈沈庭院。愁絕夜何其。被冷香銷月上時。雲遮未放滿朱扉。〔合〕蛾眉鎖不住綠肥紅瘦。柳籠花迷。

〔尾聲〕〔合〕無端燕子啣春去。柳絮因風滿院飛。今夜還應攪夢思。

共聽樓頭鼓二更。  
香階攜手且閒行。

相思相見知何日。  
此時此夜難爲情。

### 第三十齣 張皇天討

〔番卜算〕〔生小生領軍上生〕赤膽佐唐堯。笑把邊塵掃。〔小生〕幕中借筴展龍韜。座上歡同好。〔生〕鐵騎橫行鐵嶺頭。西看遼沙笑覓候。〔小生〕青海只今將飲馬。黃河不用更

防秋。〔生〕軍士每依着陣勢。趨行前去。〔衆應介〕得令。

〔四邊靜〕〔生〕雄兵數萬稱天討。揚帆定邊徼。授鉞自王朝。揮戈下窮島。〔合〕  
任龍山峻高。熊津險要。指日破高麗。威風播遐邇。

〔前腔〕〔小生〕懷中草就平胡表。從軍視征勦。兔窟莫深藏。鯨波豈難搗。〔合前並下〕

〔前腔〕〔淨扮高麗王領衆上〕箕封已卜千年調。通江繞山嶠。可怪大唐朝。稱兵觀  
吾小。紫雲氣高。白衣拱抱。負固是高麗。徒勞肆征討。〔生小生領衆上戰淨衆敗下介〕  
〔前腔〕〔生小生〕你看紛紛鼠竄如風掃。長河勢傾倒。追逐趁波濤。須教四圍繞。  
〔合〕龍山已超。熊津已到。連戰破高麗。威風播遐邇。〔生〕天色已晚。暫且收兵。明日  
必要追擒國王。方可班師。正是

挽弓須挽強。

用箭須用長。

射人須射馬。

擒賊須擒王。

## 第三十一齣 扶餘換主

〔破陣子〕〔外扮扶餘國王領衆上〕莫笑江山換主。須知天地無私。新年正朔從誰是。故里風烟係我思。羞看景物奇。舉目蠻烟和毒霧。天涯舊恨知無數。故鄉回首作他鄉。一曲琵琶一斷腸。我張仲堅素有圖王之志。因見中原有主。故潛入扶餘。與道兄徐洪客約會。用一奇計。使其內亂交作。國主出亡。國人見我從中安集。遂推我爲主。事成之後。道兄竟泛舟投弱水去了。他留下詩一首道。誰是聰明誰是癡。任他強弱與雄雌。人生枉做千年調。世事還如一局棋。至今誦之。使人嘆息。以後聞得中國果是李世民爲天子。又早是我見機。不然這時節那討我處。近日遣大將李靖征討高麗國。打過檄文來。約我各國合兵夾擊。那李靖正是我的故人。我一向在此想他。莫若就這機會。立此功勞。與他會一面。卻不兩便。昨日已差軍士打探消息。想必就回也。〔小旦作探子上〕我是扶餘國王手下一個探子是也。蒙我大王差我打探李將軍與高麗征戰消息。不免回覆咱大王走一遭。

〔越調鬪鶴鶉〕走的我汗似湯澆。渾身上下水洗。恰離了亂攢的軍營。我急煎

煎盼不到大王的這寨里。只我這兩隻脚飛騰，一字兒喘息，看亡家，觀敗國人，着箭浪搶身歪。馬中鎗驚急裏脚失，大王探子回來了也。〔外〕他兩下裏如何廝殺，怎的見手。喘息定了，慢慢說來。

〔紫花兒序〕〔小旦〕焰騰騰火燒了寨柵，浪滔滔的水滄營壘，撲刺刺馬踏碎城池，英雄猛將世上無敵端的一個個貫甲披袍落可也的氣勢。耀武揚威，搦鼓篩鑼，吶喊搖旗。

〔柳營曲〕鼓振的那山岳摧，喊聲也似鬼神悲，蕩征塵番滾滾天日晦，領雄兵迎敵廝殺相持。出馬來則聽得高叫一聲似春雷。〔外〕他兩下怎生披掛，使甚器械，你喘息定，慢慢再說。

〔么篇〕〔小旦〕垓心裏耀武揚威，陣面上搥鼓奪旗，李將軍他冠簪着金獬豸，甲掛着錦唐猊，坐下馬勝似赤狻猊，高麗國那將軍又不曾言名諱，不使甚別兵器，他使一條方天畫戟，身穿白袍，白甲頭戴着素銀盔，猛見了則是個西方。

神下世。這一個合扇刀望着腦蓋上劈。那一個拿方天戟不離了輓脇裏刺。這一個恨不得扯碎了黃旗。那一個恨不得挖支支頓斷了金錢豹尾。〔外〕他兩下畢竟誰弱誰強。誰輸誰贏。

〔小沙門〕〔小旦〕兩員將高施武藝。兩員將比並高低。他兩個棋逢着對手難迴避。兩員將用心機端的蹺蹊。

〔聖藥王〕高麗將命運低。李將軍福分又催。只他這英雄猛烈世間稀。這一個明晃晃的刀去劈。那一個忽辣辣的箭發疾。咕叮噹相對在半空裏。高麗將被李將軍一刀分爲兩段。卒律律迸一萬道的火光飛。〔外〕高麗國王可曾被她拿住了不曾。

〔尾聲〕〔小旦〕只這高麗王逃奔他邦去。顧不得金珠寶貝。十萬錦江山。管中朝穩坐盤龍的金椅。〔外〕賞他一斗酒。一肩肉。免他一個月打差。〔小旦謝下外〕將官每聽令。如今高麗王逃走。不往女直。定往新羅。你一人與我扮做樵夫。一人與我扮做漁父。在水陸兩路駐扎。

待他來時。唱歌爲號。即時便要接應擒獲。不可泄了兵機。如違斬首。〔衆應〕得令。

扮成漁父與樵夫。

水陸須當備不虞。

計就月中擒玉兔。

謀成日裏捉金烏。

### 第三十二齣 計就擒王

〔步蟾宮〕〔淨奔上〕神龍失勢忙奔走。竄身好似喪家狗。金城百雉等閒收。英雄恨落他人彀。英雄失志受人欺。白刃無光戰馬疲。得意狐狸強似虎。敗翎鸚鵡不如雞。自家高麗王便是。連日與李靖這廝苦戰。被他殺得個片甲不回。如今要投女直去請兵。不免問路前去。

〔錦上花〕〔丑扮樵夫上〕伐木四山幽。揮斧風颼。丁丁响處鬼哭猿愁。一時休。一時休。出不得樵夫手。

〔前腔〕〔末扮漁父上〕放下釣魚鉤。心在竿頭。鰲魚怎得擺尾搖頭。一時休。一時休。出不得漁人手。〔淨〕樵夫。我要到女直去。從那條路可去。〔丑〕須要渡水去。那邊有個漁船。我

喚他過來渡將軍。〔喚船打照會介末〕將軍來。我兩人扶你上船。〔作綁介淨〕呀。不好了。你是甚麼樣人。敢縛我。〔末丑〕我兩人也非漁父。也非樵夫。奉扶餘國王軍令。差來拿你。如今走那裏去。快去



見大王。

〔前腔〕〔合〕小國恣凶謀。戰敗何投。軍機緊急。怎敢淹留。一時休。一時休。脫不得屠龍手。

樵斧聲中花木枯。

漁歌一曲起菰蒲。

不施萬丈深潭計。

怎得驪龍領下珠。

### 第二十三齣 天涯知己

〔賀聖朝〕〔生上〕驅兵破陣如風雨。早堅城墜壘。赫赫王靈。明明將令。堂堂師旅。〔小生〕班固參軍。陳琳草檄。慚愧同遭遇。喜主帥功高。誰數貳師。漫誇都護。

〔生〕我每連戰數十陣。高麗雖已蕩平。只是國王逃竄。尙未擒獲。昨已發書各路。嚴加緝捕。不知如何。〔小生〕元帥神謀妙策。周悉無遺。此虜雖逃。終是燕巢飛幟之上。魚遊沸釜之中。不久也必授首。不須懸念。

〔駐雲飛〕〔生〕耀武邊陲。樂浪臨屯。盡掃除。早驗征西計。勝置安東尉。嗟。百戰

謝天威。無勞折矢。平定安集。敢負師中寄。只待擒王奏凱歸。

〔前腔〕〔小生〕上將宣威。萬里功成一指揮。昔日揚波地。今作桑田矣。嗟。韜略任施爲。戰無不利。到處資糧。何用千金費。只待擒王上捷書。

〔海棠花〕〔外領衆解高麗王上〕三載霸西隅。一舉成奇蹟。呀。門官可與我通報。道扶餘國

王擒得高麗僞主。到帳下報功。〔生〕既是歸順國主。況有大功。禮合迎接。〔生小生接見介生作驚疑介〕呀。元來卻是張兄。

〔玉交枝〕〔生〕乍驚還喜。在他鄉得逢故知。想當時靈石成交誼。十餘年遠隔天涯。無端越鳥驚北飛。誰知胡馬在西風裏。論君才須當遇時。但未知致身甚術。

〔前腔〕〔外〕當時別去。向西方悄悄投事機。見扶餘國亂無明主。因此上用計圖之。鷓鴣不從鵬遠飛。魴魚暫適鮫人住。羨君家終能致主。任專征提兵萬里。

〔玉胞肚〕〔小生〕雄才俠氣。久聞君每勞夢思。逢季布不羨千金。識荊州萬戶。

何伎〔合〕明朝連轡。卿雲繞路耀旌旗。共謁明光飲至歸。

〔前腔〕〔生〕功成萬里。取元兇仗君虎威。想前日發檄飛書。俱是我參軍奇計。

〔合前生〕參軍。你夫人與我寒荆所居。是何地名。〔小生〕喚做青山村。我每班師入京。亦是便道。

〔生〕既如此。參軍可領前隊人馬。先駐札村口。參軍自到村中。與他說知。省得大軍齊到。驚動他每。我隨後同張兄領大軍便來也。〔小生〕元帥何不先寄一書。與我帶去。〔生出拂介〕我歸期已近。不必寫書。只將此拂寄還寒荆便了。〔小生〕元帥與張王一路同行。甚好話舊也。

〔生〕歸程喜與故人同。〔小生〕指日銘勳共鼎鐘。

〔外〕一葉浮萍歸大海。〔合〕人生何處不相逢。

### 第三十四齣 華夷一統

〔畫堂春〕〔旦上〕東風吹柳日初長。雨餘芳草斜陽。杏花零落燕泥香。睡損紅

妝。〔貼〕香篆暗消鸞鳳。畫屏縈遶瀟湘。峭寒輕透薄羅裳。無恨思量。〔長相思〕

〔旦〕紅滿枝。綠滿枝。宿雨慳慳睡起遲。閒庭花影移。〔貼〕憶歸期。數歸期。夢見雖多相見稀。相逢知

幾時。

〔二犯傍妝臺〕〔旦〕粉褪玉肌香。無邊春事掛垂楊。恨落紅銷砌穩。聽杜宇喚  
愁忙。平蕪盡處春山小。花壓闌干春晝長。〔合〕一般情況。幾回斷腸。只落得盈  
盈秋水淚汪汪。

〔前腔〕〔貼〕閨夢繞遼陽。怪來空帳冷牙牀。任從他銷蝶粉。聽不得奏鶯簧。寫  
愁無奈裁詩苦。織錦頻添繡線長。〔合前〕

〔不是路〕〔小生上〕金勒絲韁。柳外垂鞭拂短牆。停驂望。依然流水遶村莊。此間  
是了。不免扣門則個。開門開門。〔旦貼合〕是誰行。敢是鄰家女伴來相訪。〔開門介旦〕呀。

徐官人回來了。此去如何。〔小生〕且請從容聽話長。解行囊。〔出拂介〕當年紅拂渾  
無恙。〔旦驚介〕呀。為何又帶了回來。〔小生〕漫勞惆悵。漫勞惆悵。〔旦〕徐官人。你此去莫非不  
曾見我丈夫麼。〔小生〕張姨。你試猜一猜。

〔紅衲襖〕〔旦〕他莫不是未遭逢漂流轉異鄉。〔小生〕他官拜尙書。職任元帥。統五萬之

衆。西討高麗。也不當漂流了。〔旦〕莫不是享榮華把舊恩情渾撇漾。〔小生冷笑介旦〕待教我白頭寫恨空勞攘。因此紅拂傳情竟渺茫。〔小生〕張姨多心了。請再參詳。〔旦〕這話兒教人怎詳。〔貼〕姐姐且放心。〔旦〕這心兒教人怎放。爲甚的舊物空歸也。只落得萬縷千絲攪寸腸。

〔前腔〕〔貼〕官人你莫不是路迢迢風塵中到不得遼海傍。〔小生〕我既到不得那裏。

爲何知他的消息。〔貼〕你既到那裏。卻緣何無回音。莫不是密鏘鏘劍戟把你相攔當。

〔小生〕我曾面送張姨的家書。蒙他拜我爲參軍。誰敢攔當。〔貼〕莫不是萬軍中痛青年送

戰場。因此上一封書把紅拂空回往。〔小生〕他百戰百勝。已成擒王大功。安得有此。〔貼〕

莫不是改調他方。〔小生〕不是。〔貼〕莫不是路阻無梁。〔小生〕我來得。他也來得。有甚麼

路阻。〔貼〕如此說。我這遭猜着了。多應是將到天台也。先遣劉郎候阮郎。〔小生〕是了

是了。李元帥與我一同班師回來。特令我在前隊通報。他隨後就來也。〔旦〕如此謝天謝地。〔衆人

上〕報參軍爺知道。元帥爺下馬了。

〔生查子〕〔生外上〕百戰定邊疆。不枉身勞攘。旄頭已矢光。凱奏金鐃响。〔生〕轉過杏花村。便是桃源路。〔外〕我也要見一妹一面。只是陳公主在內。恐不穩便。〔生〕徐參軍也是異姓兄弟。便見他渾家何妨。〔軍〕又報小生出迎。〔旦〕呀。果是官人回來了。〔合拜介生〕已作經年別。〔旦〕相逢似夢中。〔外〕好將過往事。訴與落花風。〔旦〕張兄。別去已久。何緣也同到此。〔外〕一妹還認得我。〔旦〕官人。你將別後蹤跡。略說與我知道。

〔刮鼓令〕〔生〕當時赴戰場。冒軍法險受殃。賴聖主仁兄相救。屢立奇功擒虎狼。天子命我討高麗時節。路上遇徐郎。開緘喜聞陳姨相傍。且賴他籌策破金湯。不想張兄已爲扶餘國王。爲徵發因得會名王。

〔前腔〕〔小生〕辭別去香茫。歎孤身滯海邦。歷盡了風波勞頓。久從軍駕海航。自爲利名韁。歸心大刀終宵怏怏。幸今日返旆雲水鄉。喜依然雙燕在雕梁。

〔前腔〕〔旦對生貼對小生同唱〕離別久暗傷。減腰圍褪粉光。禁不得靡蕪春望。恨王孫戍遠方。寂寞度年芳。今朝喜聞功成平壤。看男兒衣錦早還鄉。免教人買

卜問行藏。

〔前腔〕〔外〕歎築室道傍。猛回頭淚兩行。爲只爲雄心難下。把他鄉作故鄉。歸興已茫茫。今朝喜與故人相向。把微功漫錄在封章。再休題四海一空囊。〔生〕

張兄。我當初渡江時。曾拜禱西岳之廟。朦朧中因得一夢。到如今想來。都已應着了。〔念前西江月詞〕他說紅絲繫足。月府跨鳳。正應我寒荆出自越公之府。手持紅拂。一時相遇。豈非奇逢。說金卯正應劉兄。說長弓已應張兄。堯天日捧。正要我盡忠大唐。豈非一定之數。鬼神所司。我昨日進表章時。已帶一款在上。請將所得高麗府庫銀三百兩。修葺西岳廟宇。只待聖旨到來。便知分曉。

〔粉蝶兒〕〔末賚詔上〕奉侍明光。幸覩龍顏歡暢。喜班師遣郊迎勞賞。捧絲綸。持玉帛。榮光駘蕩。〔合〕荷皇恩天高地厚難量。故人相別久。今日喜成功。寄與衙門吏。丹書

下九重。自家劉文靜。蒙聖恩差我賚詔到李靖軍中。聞他大軍駐扎在此。不免着人通報則個。〔相見讀詔介〕詔書已到。跪聽宣讀。皇帝詔曰。朕惟創業惟艱。賢良是藉。茲爾李靖。南平吳楚。北破突

厥。西定吐谷渾。今又平高麗。功高愈下。宜成無毀。遷尙書左僕射。加封衛國公。扶餘國王張仲堅。平

縛大醜。歸順中國。特賜節鉞。加封海道大總管。參軍徐德言。累建奇計。肅清海宇。授丹陽刺史。靖妻張氏。封衛國夫人。德言妻陳氏。封丹陽郡夫人。各賜服二襲。靖所請重修西岳廟。聽支軍前銀兩。專遣幕官一員督修。仍勅賜靈感扁額。謝恩。〔衆拜謝介〕

〔山花子〕〔生〕和風獻捷蓬萊上。喜清時際遇明良。聽歌謳歡騰萬方。天階拜祝霞觴。〔合〕息邊烽蒼生阜康。閭閻擊壤樂未央。虞庭管取儀鳳凰。惟願天心永祐皇唐。

〔前腔〕〔小生〕孤身失國無依仗。歎頑砧自愧圭璋。喜參謀功高定襄。今朝分得餘光。〔合前〕

〔前腔〕〔外〕中原一別成虛想。半生來客寄遐荒。慘雲霞隔絕故鄉。豈期功奏擒王。〔合前〕

〔撲燈蛾〕〔旦〕雲生五色光。彩結三芝上。當此太平日。夫婦共遭恩眷也。共歡呼瞻望。任教賀燕繞華堂。〔合〕好花枝時來須放。笑塵埃誰解識賢良。



〔前腔〕〔貼〕花生銀燭光。春滿珠簾上。今朝共歡會。佳辰永諧繾綣也。看春光  
醞釀。喜孜孜和氣毓蘭房。〔合前〕

〔尾聲〕〔合〕休論聚散如翻掌。還與天工做主張。留取千年作話揚。

今日絲綸煥薜蘿。

來朝闕下聽鳴珂。

花迎喜氣皆知笑。

鳥識歡心亦解歌。